

est. 1974 C. 316
No. _____



PURCHASED FROM THE INCOME OF THE
JOSIAH H. BENTON FUND

344

On Magic, Dreams, Alchemy, and Astrology

150. PEREIRA, BENITO. DE MAGIA, DE OBSERVATIONE SOMNIORVM, ET DE DIVINATIONE ASTROLOGICA. (Coloniae Agrippinae: Apud Ioannem Gymnicum, 1598) 6 1/4 x 4 1/4". 1 p.l., [3], 236, [6] pp. 19th c. marbled calf boards with polished calf spine, raised bands, gilt titling and decoration on spine. Woodcut device on title, historiated woodcut initials. Two early owners' signatures on title. Caillet 8518 (earlier edition); Gardner 939 ff (other editions); STC German, p. 682.

Joints, spine ends, and raised bands a bit rubbed, but the binding otherwise in fine condition. Title and final leaf somewhat soiled and with neat remargining (no loss), final leaf mounted on a stub, the text generally a little browned and limp because of inferior paper, but still quite an agreeable copy internally, without any serious defects. \$750

This work on magic (including alchemy), the interpretation of dreams, and astrological divination is the most important of the many works published by the Valencian Jesuit theologian and philosopher Pereira (1535-1610). Among other things, the book, which first appeared in 1591, suggests that magic, at least what Pereira calls natural magic, can be seen as the highest development of science, but because virtually nobody can attain such virtuosity simply from study and intelligence, the author believes that most magic must have been learned from demons. On the usefulness of dreams, Pereira maintains that valuable information about physical and mental conditions of the dreamer can be understood when a dream is properly interpreted. Although he has not made up his mind about alchemy, the author condemns astrology as without validity and as anti-Christian (as a Jesuit, he would no doubt have been influenced in his thinking on this subject by the papal bull of 1586 against astrology). This is a rare book in any of its early printings (NUC lists one earlier edition and one 17th c. printing).

BF 1600. P4

(34)



Biblioteca S. megadis sententia


DE

MAGIA,
DE OBSERVATIONE
TIONE SOMNIORVM,
ET DE DIVINATIONE
Astrologica,
LIBRI TRES.

ADVERSVS FALLACES, ET
SUPERSTITIOSAS ARTES.

AUCTORE
BENEDICTO PERERIO
VALENTINO SOCIETATIS IESV.

ACCESSIONT INDICES DVO,
Primus est Capitum, & Disputationum. Alter
Rerum Verborumque copiosus.



15

93.

COLONIAE AGRIPPINAE,
Apud Ioannem Gymnicum sub Monocerote,
Cum gratia & Privilio Cæs. Maiest.

IN/X 188

Acc 95-507

40900

**CAMILLO
CAETANO PA-
TRIARCHAE ALEX-
ANDRINO.**

**BENEDICTVS
PERERIVS**

S. D.

RIAS VNT GENERA RE
rum, CAMILLE Patriarcha illu-
striſſime, in quarum ſtudio & obſer-
uatione mortalium animi veſana
quadam libidine vel potius rabię no-
ſcendi qua futura ſunt; fœdis & noxijs illaduntur
fallacijſ atque impijs errorib⁹ illigantur: Somnia,
& natalitia Astrologorū Prædicta, atque Artes Ma-
gicae. Neque verò earum rerum peſtilens viſ, priua-
tos tantum aut ſingulos homines, verum etiam Prin-
cipes ac Reges ipſasq; ciuitates & reſpublicas inuafit,
infecit, ac perdidit. Ac licet has generis humani pe-
ſtes omnibus ferè ſeculis tum ſapientes viri firmiſſi-
mis rationibus proſtagare, tum prudentes Rerum pu-
blicarum rectores ac principes ſeuerifimis dama-
tas edictis & atrocifimis pœnis addictas, è ſocietate

A 2 ho-

EPISTOLA


hominum exterminare sicut grantissime cupuerunt, ob
 nixa ergo contulerunt: perparum tamen adhuc pro-
 fectum est. Aded enim malum hoc in animis homi-
 num heret infixum, ut penitus extrahiri vix queat, nec
 eius sanandi potens atque efficiax illius iam remedi-
 um inueniri posse credatur. Itaque huius vniuersitatis, quod
 Tacitus histriarum lib. 1.
 de mathematibus sive è puidam vere quae dixit: Genus
 hominum, inquit, potentibus infirmum, sp̄rantibus
 fallax: quod in ciuitate nostra & verabiiur semper,
 & retinebitur. Sed non longius tamen mihi quidem
 valde utiliter ac salutariter facti esse videntur, qui do-
 cētis aduersus eas artes editis libris, vanam & falla-
 cem ac perniciem & superstitionem earum rerum
 obseruationem aperte demonstrarunt. Quorum ego
 prudens consilium, piumq; studiū; atque uilem co-
 natum amulatus, tres aduersus eas artes libros con-
 feci, unum de Magia; alterum de Obseruatione som-
 niorum; tertium de Divinatione astrologica. Ac pri-
 mus quidem liber planè nouus est fœtus, nunc primum
 lucem aspiciens: quæ reliquis autem duobus libris di-
 sputatur, ea ferè sunt in commentarijs nostris partim
 in Danielē, partim in Genesim explicata. Sed quia
 non pauci eos Commentarios non legent, aut quod eos
 propter studiorum diuersitatem non iuuat legere, aut
 quia non vacat propter occupationes, suta uime per-
 gratum plurimi facturum, si quo latius horum libro-
 rum patet ueritas, separatim eas disputationes, at-
 que unum in volumen, id quæ modicum inclusas, typis
 excudendas curarem: ratiu scilicet fore, ut eas ipsas
 disputationes, tum propter exquisitam multisquæ op-
 erataam

DEDICATORIA.

Etiam eiusmodi rerum cognitionem, tum etiam propter paruitatem commoditatemque voluminis, & plures, & audius atque utilius legant. Has ego lucubratiunculas apparere volui sub tuo nomine CAMILLE Prasul ornatisime: quem omnes qui norunt, non possunt non amare p. opter singularem ingenij ac morum suavitatem; & quod vera animi bona cum amplissimis naturae ac fortunae bonis adaequasti, admirari & obseruare coguntur. Video sanè perexiguum esse munus, nec dignum tua nobilitatis ac dignitatu amplitudine: sed est tamen amor & obseruantia plenissimum; & quanti ego te faciam, quantumque Caeteram familiam colat societas nostra certissimum testimonium.

A 3

BENE-



BENEDICTI
PERERII LI-
BER PRIMVS
qui est
D E M A G I A.



V P L I C E M esse Magiam hic
liber ostendit; alteram quidē Na-
turalem & veram, ex occultis re-
rum naturis & virtutibus profe-
ctam, intimamque ac præstantif-
simam Philosophiæ partem, & ad-
mirandorum effectricem operum, ab omniq; ali-
enam superstitione, & à Dæmonum artificio ac
malèficio puram; sed paucissimos tamen mortali-
um exploratè perceptam: Alteram verò (quæ vul-
go iactatur & celebratur) ab omni ratione ac ve-
ritate vacuam, fallacem item & noxiā, Dæmo-
numque fraudibus & maleficijs implicatam, ob
idque meritò infamem & abominabilem, & è so-
cietate hominum exterminandam. Hinc præterea
cognoscet lector quatenus vtraque Magia progre-
di, & qualia quantavè opera possit facere, & an
mira quæ videtur facere posterior Magia, verè ta-
lia sint, qualia spectantibus videntur, an verò pre-
stricta oculorum acie, spectantium fallant existi-
mationem, nec veram habeant earum rerum quas
repræ-

repræsentant vim & naturam, sed nudas tantū atq;
inanis earum rerum similitudines & imagines fe-
rant: Deniq; quæ videtur & vulgò creduntur Ma-
gorū miracula, quibus rebus differat à veris mira-
culis, quibus ué notis & signis facile diiudicari &
inter nosci queát. Libuit autem ante ipsum operis
vestibulū, velut in conspectu lectoris ponere ge-
nerales sententias & capita disputationum quæ
tractantur, quò scilicet cupidiūs ille, huius libri
lectionem adeat, & ex ipsa lectione eam capiat v-
tilitatem, cuius ei afferendæ vtilitatis flagrās desiderium,
nec dubia spes, ad huius nos volumnis
scriptionem impulit.

INDEX CAPITVM ET DISPV TATIONVM

L I B R I P R I M I , Q V I


est de Magia.

P R I M A .

- I.** *N*omnia quæ feruntur à Magis facta, sint, vel ab illis,
vel ab alijs conficta.
- II.** *A*n omnes effectus Magie reuera tales sint, quales vi-
dentur.
- III.** *A*n sit aliqua Magia naturalis, & que aut qualis ea sit
& vnde eam homines discant.
- IV.** *A*n sit aliqua Magia nō naturalis, & Dæmonum ma-
gisterio atque artificio hominibus tradita.
- V.** *A*n spiritus illi, quorum magisterio & auxilio mira-
faciunt Magi, sint boni an mali.
- VI.** *Q*uae opera admiranda possint Dæmones, aut per se-
iplos, aut per Magos facere.

- VII. Quas res Daemon nec per se, nec per Magos posset efficere.
- VIII. An opera Magorum sint verè miracula, & quemadmodum à veris miraculis differant & inter nosci queant.
- IX. Quotuplex sit Magia, & primo de Magia Astronomica.
- X. De arte Cabalistica.
- XI. De Necromantica, id est, Mortuorum ex Inferis ad viuorum conspectum & colloquia euocatione.
- XII. An per artem magicam posset verum aurum fieri ab Alchimistis.
- XIII. De origine Magie, & his qui in ea clari ac nobiles fuerunt.
- XIV. An Magiae studium & usus sit licitus.
- XV. De Magis Pharaonis, quorum mentio fit in libro Exodi: & qui nominatim fuerunt illi qui restituerunt Moysi.
- XVI. An prodigia quae Magi Pharonis fecerunt, reuerentur talia, qualia videbantur, nec ne.
- XVII. Quaratione & artificio, prodigia illa fuerint à Magis facta.

CAPVT



DE MAGIA
CAPVT PRIMVM.

AN QVAE A MAGIS FACTA ESSE
Vel sermonibus vulgo feruntur, vel à scriptoribus mā-
data sunt litteris, omnia sint fabulosa, facta &
falsa; an verò aliquid fuerint, ut narrā-
tur, verè ab illis gesta.

NON EST DUBIVM QVIN E-
orum quæ de Magis aut dicūtur au-
scribuntur, quam plurima sint facta
& falsa: nam pleriq; hominum ni-
mis sunt creduli & superstiosi, &
rebus admirandis facile capiuntur; cum etiam dō-
ctri viri Philosophi, vt inquit Aristoteles, quoni-
am fabula continet aliquid nouum & mirabile, fa-
bulis oblectentur. Quis enim non videt, quæ O-
uidius narrat in libris Metamorphoseos, omnia
facta esse a Poëtis, sicut illa de Circe & Medea; &
de socijs Diomedis in aues conuersis quæ longo
post tempore circa templum Diomedis volitabant;
de socijs Vlyssis, quos Circe mutauit in bestias; de
Arcadibus qui traiecto quodam stagno verteban-
tur in lupos; de socero Medæ quem illa à sene-
citate ad iuuentutem renocauit; de draconibus, qui
bus simul iunctis Medea volauit per aëra, & de a-
lijs id genus fabulis, quas Poëtæ cum ad oblecta-
tionem legentium, tum ad mysticam hominum e-
ruditionē adinuenerunt? Negari tam non potest
multa miratu dignissima verè à Magis esse facta.
Nam scriptura in Exodo cōmemorat opera Mago-
rū Pharaonis, & i. Reg. cap. 28. scribitur de Phitto-
nissa quæ suscitauit Samuelē, & Psal. 57 de venifice
Exod. 7.
incan-

LIBER PRIMVS.

incantante sapienter aspidē, ob id obturantem au-
res suas: & Matth. 24. *Surgent, inquit Dominus, pseudo
prophetæ, & dabunt signa & prodigia* non vtique alia
arte quām magica. Ex historijs Ecclesiasticis notū
est, quæ opera admiranda Simon Magus ediderit
magicis incantationibus: quamobrem (vt fertur)
à Romanis publicam statuam meruit hac in scri-
ptione SIMONI D E O S A N C T O : vt nar-
rat Iustinus martyr in Apologetico, Irenæus li-
bro primo contra Valentimum, Tertullianus in A-
pologitico, Eusebius libro secundo historiæ Ec-
clesiasticæ. Propter quæ prodigia idem Simon tan-
ta in admiratione fuit apud Samaritas, vt quemad-
modum Lucas scribit in actis Apostolorum capite
octauo, de illo diceretur: *Hæc est virtus Dei quæ vo-
catur magna.* Narrat beatus Hieronymus in vita Hi-
larionis, cum quidam iuuenis virginem D E O
sacram ad turpes amores illicere nulla ratione
potuisset; eum ad magicas artes conuersum, quas
apud Memphim AEgypti didicerat, adeò illis pro-
fecisse, vt virgo insano illius iuuenis amore fure-
ret. Porrò quæ de Strygibus vulgò circumferun-
tur, non sunt in totum falsa, sed multa illis admi-
randa accidere, qui ea compererunt, viri fide dig-
ni, sicut Syluester in opere suo de Strygibus, & Al-
phonſus de Castro in eo quod scripsit de Puniti-
one hæreticorum, non ille quidem tanquam du-
bia & incerta, sed tanquam sibi notissima & ex-
ploratissima tradiderunt.

Iustinus mar-
tyr.
Irenæus,
Tertullian.
Eusebius.

Mira opera
Magorum ex
Philostrato.

MIR A sunt quæ Philostratus in libris De vita
Apollonij memorat vel Brachmanas Indorum,
vel Gymnosophytas AEthiopum, vel ipsum A-
pollonium gessisse. Tale est illud quod is narrat
libro

libro tertio & capite tertio, vidisse Apollonium apud Indos gemina dolia, vnum imbrium, alterū ventorum; illud, cùm-nimia siccitate India premebatur, apertum nebulas emittebat vniuersam illam terram humectantes: nimios autem imbres occclusum cohibebat: alterum adapertum efflabat ventos regionem perflantes, quò salubrius esset cœlum. Tale etiam est illud quod ab eodem proditur libro tertio, capite octauo, cùm Apollonius cum Iarcha & alijs Brachmanis mensæ accubuisse, tripodes lapideos sua sponte fuisse motos, & ab æreis pincernis calices in gyrum circumlatos esse, certa mensura vinum & aquam miscentes & cyathos proferentes. Nec fileri debet quod Philostratus libro quarto, capite decimo sexto scribit de puella quæ tanquam mortua portabatur ad sepulchrum: cuius funeri occurens in via Apollonius, tanquam secretò quædam illi admurmurans & iususurrans, ad vitam & integrum valetudinē reuocauit. Nec minus mirabile est quod idem auctor narrat libro sexto, capite tertio de statua Ménonis, quam cùm radius solis circa eius exortum attingebat, & ad os eius perueniebat, statua more hominum loquebatur. His adde quod ab eodem memoratur eiusdem libri sexti capite quinto, ius-
su Vespasionis, qui princeps erat gymnosophistarū, apud AEthiopes, vleimū quandam voce quidé clara & distincta, sed tenui admodum & quasi foeminea salutasse Apollonium. Sed illud miratu dignissimū, quod Philostratus tradit capite secundo, libri octaui, Apollonium cùm esset in prætorio Domitiani Imperatoris, vt putabatur, ab eo condemnatus, repente ex omnium oculis evanuisse.

Quam-

*Eusebius in
libro contra
Hieroclem.*

Quamobrem tanto in honore fuit Apollonius apud posteros, vt eum Hierocles cum CHRISTO Domino nostro cōferre ausus fuerit. Sed eius audaciam fregit, insaniamque coarguit Eusebius Cæsariensis: Alexander autem Mammeas Imperator Romanorum in suo Larario imagines CHRISTI, Abrahæ & Apollonij habebat, quod hos tres maximè omnium miraretur & coleret.

VERVM, sicut à principio dixi, eorum quæ Magi fecisse dicuntur, quamplurima falsa sunt vel ab ipsis vel ab alijs conficta, & superstitionis nimiumque credulis hominibus persuasa. Quis enim vera concedat quæ Magia illa apud Virgilium libro quarto Aeneidos promisisse dicitur:

*Hac se carminibus promisit soluere mentes
Quas velit; ast alijs duras immittere curas,
Sistere aquam fluuys, & vertere sidera retro,
Nocturnasq; ciet manes, mugire videbis
Sub pedibus terram, & descendere motibus ornos.*

*Plinio nulla
est Magia.*

Quocirca Plinius nullam esse putauit Magiæ vim atque potestatem, & quæ de Magis feruntur, omnia esse vana falsaque: totamque Magiam reiçit & damnat. Nam libro 30. capite 2. Immensum, inquit, & indubitatum exemplum est falsæ artis quæ dereliquit Nero. Non enim ad eam descendam Neroni defuit vel ingenium, vel diligētiā, vel quælibet facultas, nec studium, cum eius descendæ audiissimus esset: quin etiam ad eam docendam Tyridates Armeniorum rex noblissimos Magos secum ducens venit ad eum, cænisque magicis eum inuitauit: sed is regnum quidē à Neronne accepit; Magiam autem quæ nulla est, docere

cum

eum non potuit. Prōinde ita persuasum sit, intēstabilem, irritam, inanem esse, habentem tamen quasdam veritatis vmbras, sed in his veneficas artes pellere, non magicas. Hæc Plinius. Cui vt cōcedo plurima Magorum esse vana & falsa; ita esse talia omnia nō assentior. Esse autem plerique Magorum promissa non solum inanis & falsa, sed etiam incredibilia & ridicula demonstrat Plinius lib. 26. cap. 4. his exēplis; Magi aiunt AEhiopide herba amnes ac stagna siccarī: cōiectū, tactū, clauſa omnia aperiri: Alchimenide cōiecta in aciē hostium, trepidare agmina, ac terga vertere: Latacem dari solitam à Persarum rege Legatis, ut quocumque venissent, omnium rerum copia abundarent. Apud Democritum inuenitur comp̄ositio medicamenti, quo pulchri, boni que & fortunati gignantur liberi. Et lib. 25. cap. 9. Circa herbam, inquit, quam nostri Verbenacam vocant, Magi miri insaniunt: hac per unctos impetrare quæ velint, febres abigere, amicitias conciliare, nullique non morbo mederi. Lege apud Aul. Gellium lib. 10. cap. 12. & apud Plinium lib. 23. cap. 1. quæ fabulantur Magi de Chamaleonte tradita à Democrito magicæ artis principe, qui, quo tempore Hippocrates medicinā, eodem magicas artes in Grēcia celebrait, hoc est, circa bellum Peloponnesiacum, anno post Romam conditam trecentesimo:

vt auctor est Plinius lib.

30. cap. I.

Figmenta Magorum Plinio.

*Aul. Gellius
Plinius.*

CAPUT II.

AN OMNES EFFECTVS MAGIAE
sint simulati & tantum apparentes, hoc est, non tales reuera quales videntur; an vero sint aliqui eius effectus etiam veri & naturales, nempe tales reuera quales videntur.

NON NULLOS effectus Magorum naturales & veros esse, tum ex sacris literis, tum ex alijs probatis historijs compertum est. Nam opera Magorum Pharaonis vera fuisse, satis indicat scriptura cap. 7. Exodi; itaque sentiunt Origines & Augustinus. Id quoque declarat Samuel à Phitonissa susciatus; quem fuisse verum Samuelem, licet nonnulli in dubium verterint; tamen auctor libri Ecclesiastici cap. 46 nos dubitare non finit. Ad hæc Dominus noster ait venturos pseudoprophetas tempore Antichristi, qui faciant prodigia & Portenta magna: quæ S. Paulus vocat inedacia, non quod omnia per se & sua natura falsa; sed quod fient ad persuadendum falsum, & ad decipiendos homines, & quod putabuntur esse vera miracula, hoc est, supernaturalia opera, cum non sint talia. Nonne Deus Deuteronom. 13. denuntiat venturos pseudoprophetas prædicentes futurum aliquod portentum, quod ita veniet, ut ab illis fuerat prædictum? Dæmones item naturali solertia, quæ summa illis est, & scientia cunctarum rerum naturalium quam propter peccatum non amiserunt; denique longissimi temporis experientia qua pollent, occultas & admirandas rerum facultates.

Matth. 24.

2. Thess. 2.

cultates & virtutis, ipsarumque rerum inter se vel sympathiam vel antipathiam, & quemadmodum inuicem applicari & temperari debeant, quò mirabiles & inusitatos effectus producant, optimè norunt, & per Magos ministros suos præstare posseunt. Atque hæc est doctrina B. Augustini in lib. 3. de Trinitate, cap. 7. & 8. in libro Octoginta trium quæstionum, quæst. 79. & in quæstione 22. in Exodum, à Christianis Philosophis iuxta & Scholasticis Theologis recepta. Neque possumus negare (sunt enim multis Romanæ historiæ scriptoribus prodita) duarum Romanarum mulierum duo facta per quam memorabilia. Cum enim mater deorum ex Pessinûte Phrygiæ, naui adueheretur Romanam; ita dicitur hæsiſſe in Tiberi, ut non hominem, nō boum vi moueri loco posset. Q. Claudiæ vestalis quò suam castitatem probaret, discinxit se, zonamque naui alligans, eam quo volebat, deduxit. Thucia quoque vestalis quò suam etiā probaret pudicitiam, aquam Tiberi haustam cribro tulit vsq; ad capitolium, anno vrbis conditæ sexcentesimonono, vt tradit Plinius lib. 28. cap. 2. Nec possumus inficiari opera Magorum, homines féminali inflammarī ad libidines, & ad amores ante exosos: cuius rei exemplum affert S. Hieronymus in vita Hilarionis à nobis supra commemoratum. Quanquam duo illa quæ virgines illas vestales egisse diximus, putat S. Thomas in Quæstionibus de potentia, quæst. 6. art. 5. etiam ministerio bonorum Angelorum Deo sic volente, carentia B. Thomæ virtutem & præstantiam commendare & ma-
probare hominibus, fieri potuisse.

CAETERVM plurima Magorum opera esse
simu-

simulata, fallentia oculos spectantium, nudamque tantum eorum quæ repræsentant imaginem, non autem veram naturam habentia, multi tradiderunt atque compererunt; & ego facilè credo. Tales fuerunt (si tamen fuerunt) admirandæ metamorphoses, quas à Varrone proditas comemorat B. Augustinus lib. 15. de Ciuitate Dei, cap. 17. & 18. de socijs Vlyssis à Circe mutatis in varias bestias, de socijs Diomèdis in aues conuersis, de Arcadibus trajecto quodam stagno transformatis in Lupos, de stabularijs quibusdam mulieribus, quas narrat B. Augustinus suo tépore in Italia viatores quibus caseum dabant beneficijs imbustum, mutare solitas in iumenta, eorumq; opera ad portanda onera aliquandiu vsas, rursus in pristinas hominum figuras reformatas.

Tale quoque fuit quod Philostratus lib. 4. capite 5. tradit accidisse Apollonio: erat enim quædam lamia quæ speciem gerens pulchræ mulieris, simulabat se captam amore cuiusdam Menippi iuuenis formosi, ei velle nubere. Die igitur nuptijs dicato mulier illa conuiuum apparauit lautissimum, maxima auri, argenti, ornamentorum, omnis generis vini & dapum copia instruictissimum, quo cum ingressus esset Apollonius, ad eos qui aderant conuersus, inquit: Tantali hortos videtis, qui, sicut Homerus scribit, apparebat esse aliquid, cum nihil tamen essent: tale enim esse hunc omnē apparatus existimare debetis: neque enim quæ appetat materia, vlla subest, sed materiae duntaxat simulachrum est & imago. Hæc autem sponsa, vna est è numero lamiarū, quas aliqui laruas aliqui lemures appellant. Sunt autem ad amorem & vene-

manas carnes vehementer expetunt, venereorum cupidine allicientes eos quos cupiunt postea deuorare. Atque his dictis totus ille apparatus ex oculis omnium euanuit: & illa mulier sese Lamiam esse confessa est, & voluisse Menippum voluptatibus explorare, ut eius postea corpus deuoraret: consueuisse enim pluchrorū iunenū corporibus vesici, vbi ad summiā sanguinis abundantiam peruenissent. Non sunt admodum dissimilia quæ 26. quæst.

cap. 5. Episcopi, de nonnullis strygibus narrantur, quas dæmones delusa earum imaginatione credere faciebat, longa terrarū spatia per aëra equitando conficere, & cum Diana & Herodiade in amoenissimis locis iucundissimè epulari & ludere; cum neque verè transferrentur, neque personis, quibus credebant, adessent, sed tantum imaginatum ludificatione.

Hoc etiam euidentissimis rationibus probari potest. Magi enim promittunt se ex lapidibus vel lignis leones vel lupos subito producere posse; & nonnunquam in spectaculis ex terra faciunt subito existere leones vel lupos: constat autem eiusmodi animalia perfecta citra supernaturalem Dei potentiam nulla ratione gigni posse nisi ex semine; nec ad iustam magnitudinem, nisi statis temporū interuallis peruenire posse. Dicuntur etiam mortui à Magis reuocati ad vitam, sicut traditum est de puella illa quam Appollonius reuiuscere fecit, & de Alcesti quondam ab Hercule ad vitam restituta. Plinius etiā lib. 7. c. 37. narrat Asclepiadē celeberrimum tempore Pompeij Magni medicum, quendam hominem mortuum è funere retulisse & seruasse. Non posse autem Magos verè mortuos ad vitam reuocare, ita concluditur: Si animus hominis est mortalis, non

Nulla vi &
arte magica
posse mortuos
reuiuiscere.

potest semel extictus idem numero reuiuiscere, si autem est, ut verè est, immortalis, non potest ullis hominum vel demonum artificijs, vel ullis naturalium agétium viribus rursus ad corpus suum animandum viuificantimque reuocari: nam cù sit immaterialis & incorporeus, est supra omnis naturæ corporeæ facultates; nec nullus rei creatæ potestati subiacet. Necesse est igitur, resurrectiones mortuorum quæ à magis factæ narrantur, vel esse fabulosas, vel fuisse simulatas, & tantum in speciem factas.

CAPVT III.

AN SIT ALIQUA MAGIA NATURALIS.

LICET iam usus obtinuerit ut nomen Magiae ferè in malam partem accipiatur, pro ea nimis miru arte quæ opera & adminiculo demonum res mirabiles vel facit vel facere simulat; & Magi vulgo dicantur qui ex commercio quod habent cum demonibus, res stupendas efficiant veluti sunt præstigiaatores, incantatores, Necromantici, & alij malefici homines: Attamen nec nomen Magiae absolute & præcisè sumptum hoc significat, nec à principio sic fuit usurpatum, sed vniuersè pro quadam facultate, per quam homines efficiebant res inusitatas & admirandas ratione quadam occulta, & alijs hominibus incognita. Sic generaliter sumpta Magia dupliciter diuidi potest: altera enim est naturalis, altera non naturalis. Naturalē voco, quæ cognitione & applicatione quadrundam singularium virtutum, quæ sunt in rebus naturalibus, quæque latent ferè mortales, agentia

& patientia suo loco & tempore, & sicut opus est inuicem componendo & temperando, effectus quosdam inusitatos & admirandos, & quorum ratio videtur incomprehensibilis, moliuntur, Magia autem non naturalis dicitur, quæ etiam mira efficit, verumtamen non vtens viribus agentium naturalium, sed sola dæmonum opera & ope. Naturalis autem Magia rursum triplex tradi potest: alia enī dici potest humana, quia humano studio & diligentia comparatur; altera Diuina, quæ per reuelationem vel à D E O , vel ab Angelis bonis percipitur: Tertia, Dæmoniaca quam dæmones trādunt ijs hominibus, qui se illis impia societate & fœdere deuinixerunt.

Esse autem Magiam quandam naturalem, quæ *esse naturale* est secretiorquædam & abstrusior sapientiæ pars, *quandam Magiam*. & quæ occulta quadam cognitione & vñi quarū- dam rerum naturalium mira perficit, nullo modo viris doctis dubitandum est. Quis enim vel tinctus dūtaxat literis Philosophicis, nescit esse multas virtutes rerum naturalium occultas, mirabilem rerum effectrices, quas si quis benè nosset, & ad usum accōmodare sciret, haud dubiè mira posset efficere. Multa sunt naturæ miracula incomptæ adhuc rationis, &, (vt Plinij verbis utar) in naturæ maiestate penitus abdita. Hæc, si quis hominum illis rebus naturalibus occultè vtens, faceret, Magus vulgo diceretur, & non nisi auxilio dæmonum talia facere crederetur; cum tamē opera illa essent naturalia, & naturaliter à causis naturalibus profecta. De miraculis naturæ integrum librum scripsit Aristoteles, qui inscribitur *De Admirādis auditionibus*, quanquā eum nonnulli adscribunt Theophrasto. Plinius cum alijs libris

DE MAGIA

multz, tum plurima secundo libro Naturalis his-
torię prodidit, & Proclus in libro De Sacrificio &
Magia & beatus Augustinus libro 21. De Ciuitate
Dei cap. 4. & 5. Albertus Magnus lib. 2. Mineraliū,
Tractatu 2. cap. 1. 11 & 12. & Fracastorius in lib. De
Sympathia, & Ficinus libro 4. Theologiæ Plato-
ni, cap. 1. multaque eius generis sparsa leguntur
in libris Cardani de subtilitate & varietate rerum
quorum hic nonnulla ex Plinio recensebo lib. 2.

annacula ad-
verso.
cap. 96. Iuxta Harpasa oppidum Asiac, cautes stat
horrenda uno digito mobilis, eadem, si toto cor-
pore impellatur, resistens. Duo sunt montes iuxta
flumen Indum, alteri natura est, vt ferrum omne
trahat, alteri, vt respuat; Itaque si fint clavi in cal-
ciamento, in altero auelli non posse, in altero si-
sti. Et cap. 105. Hæc est natura Naphæ circa Baby-
loniam profluens bituminis liquidi modo, vt in
eam vnde cunq; visam protinus transfiliat ignis. Ita
ferunt à Medea pellicem crematam, postquam fa-
cificatura ad aras accesserat, corona igne raptæ, &
cap. 107. In Nymphæo exit è perta flama quæ plu-
uijs accenditur, & cap. 103. In Dodone Iouis fons
cum sit gelidus, & immersas faces extinguat; si ex-
tinguitæ admoueātur, accedit. In Illyrijs supra fon-
tem frigidum expansæ vestes accenduntur. Idem
Plinius libro vltimo, cap. 4. Adamas (sic Gærce
dictus, quod nec ferro, nec igne dometur)
hircino tamen rumpitur sanguine: & cum
magnete lapide in tantum dissidet, vt iuxta posi-
tus ferrum non patiatur abstrahi; aut si admotus
magnes apprehenderit, rapiat atque auferat. Ve-
rū nihil esset mirabilius magnete, si vis eius no-
adeò nobis esset nota & explorata. Nam rationen-
tur ferrum ad se trahat, & acum nauticam sua vi-
tadam

tactam etenus agitet, quoad illa directo septen-
 triones spectet, quis nobilium philosophorū non
 diligentissimè inuestigauit? quis autem adhuc cō-
 perit aut satis explicauit? Sed omnia excedit mira-
 cula Echneis pīsciculis quem Latine vocant Re-
 moram, cuius meminit Aristoteles lib. 2. De Histo-
 ria animalium cap. 14. sed Plinius libro 32. cap. 11.
 non solum ab antiquis de eo prodita, sed etiam si-
 bi suique tēporis hominibus planè cognita & ex-
 plorata tradens, ait eum semipedalem esse, limaci
 magnæ similem, adhārentemque nauigijs, licet ea
 sint ingentia cursuq; incitatissimo ferantur, eorū
 tamen ita frenare impetum, vt stare cogat, non la-
 bore vlo, nec renitendo, nec aliter quam adhā-
 rendo. Fertur Actiaco bello tenuisse prætoriam
 nauim Antonij properantis circumire, & exhōr-
 tari suos, donec iret in aliā. Ideoq; cæsariana clas-
 sis impetu maiore protinus venit. Tenuit etiā eius
 memoria Caij principis ab Astura Antium remi-
 gantis quinquiremem quadringētorum remigum
 viribus propulsam, eiusque adhārens gubernacu-
 lo: feruntq; Cæsarem peculiariter miratum quo-
 modo adhārens tenuisset, nec idē polleret in na-
 uigium receptus. Hactenus ex Plinio. Nec modò
 quę ratione carent, sed etiam homines mira edere
 & non cernētibus incredibilia cùm alij testificati
 sunt, tum haud dubiū reliquit S. Augustinus mul-
 tis certisq; eius rei positis exemplis. Nouimus, in-
 quid, lib. 14 de ciuitate D E I, cap. 23. hominum quo-
 rundam naturas multum cæteris dispare, & ipsa
 raritate mirabiles, quædam vt volunt de corpore
 suo facientiū, quæ alij nullo modo possunt; & au-
 ditæ vix credunt. Sunt enim qui aures moueāt, vel
 singulas vel ambas simul. Sunt qui totam cæsarię,

Rerum pīsciculā

capite immoto quantum capilli occupant, deponunt ad frontem, reuocantq; cùm volunt. Sunt qui eorum quæ deuorauerunt, incredibiliter plurima & varia, paululum præcordijs contrectatis, quod placuerit, integerrimum proferunt. Non nulli ab imo sine pudore vlo, ita numerosos pro arbitrio sonitus edunt, vt ex illa etiam parte cantare videantur. Ipse sum expertus sudare hominē solere cum vellet, notum est quosdam flere cùm volunt, atque vbertim lachrymas fundere. Presbyter fuit quidam nōmine Restitutus in parœcia Calamensis Ecclesiæ, qui quibuscumque volebat, ita se auferebat à sensibus & iacebat simillimus mortuo, vt non solum vellicantes & pungentes minimè sentiret, sed aliquādo etiam igne vreretur ad moto, sine vlo doloris sensu: nec in eo ullus inueniebatur anhelitus. Hæc ibi Augustinus.

Sphæra Archimedis.

I AM verò Sphæram illam quam tradit Cicero primo libro Tusculanarum disputationum, & secundo libro de Natura Deorum ab Archimedē primū, & deinde à Possidonio factam, omnes cœlestium orbium conuersiones suis motibus clarissimè perfectissimeque representantem, quis humanum ac non potius diuinum aut dæmoniacum inuentum & opus credidisset? Huc etiam referri potest quod Albertus capite tertio libri sui De moribus Animalium commemorat, duos in Germania natos esse pueros, quorum altero iuxta domorum ostia incedente, omnia ostia versus latus finistrum illius aperiebantur, tametsi clausa essent: idemq; cōtingebat alteri puerο illius fratri, versus latus eius dextrum; & hoc dicit vidisse multos, negetq; id referri posse aliò, quām in proprietatem occultam quæ vtriique in eorum ortu indita est à coelo:

celo : quanquam ego vereor ne illud nō fuerit verum : aut si fuit, non puto id naturaliter sine interuentu & opera demonum fieri potuisse.

Si igitur tam mira sunt naturæ opera ; cur non sapiens reconditioni naturalium rerū cognitione *Quales Magi vñsqꝫ p̄diti similia facere posset? Atqꝫ hæc est Persarum.* Magia naturalis. Tales erant apud Persas Magi (ait Philo in libro, *Quod omnis probus sit liber*) naturæ scrutatores, p̄ veritatis cognoscendæ studio, qui per otium diuinæ virtutes contemplantur clarius, & alios ijsdem initiant mysterijs. Et in libro *De specialibus legibus.* Veram, inquit, Magiam, hoc est, Perspectiua scientiam, per quam Naturæ opera cernuntur clarius, vt honestam experendumqꝫ, non plebeij solum testantur, sed etiam Reges regum maximi, p̄sertim Persici, tam curiosi harum artium, vt regnare non liceat nisi familiariter cum Magis veriato. B. Hieronymus exponens secundum Danielis caput : Magi, inquit, sunt, qui de singulis philosophantur, nec malefici sunt, sed Philosophi Chaldæorum, & ad artis huius scientiam reges quoque & principes eiusdem gentis omnia faciunt. Vnde & Magi in Saluatoris nostri nativitate, primi ortum eius intellexerunt. Huius *Matth. 2.* artis excellenti peritia, censet Philostratus Apolloniu*Iustini mart.* Tyaneum mira quæ de eo narrantur, effeciisse, idéque sensit de illo Iustinus martyr in *Quæstionibus ad Orthodoxos,* quæstione vigesima quarta ita scribens: Apollonius, vt vir naturalium *de Magia Apollonij* potentiarum & dissensionum atque consencionū carum peritus, ex hac scientia mira faciebat, non auctoritate diuina. Hanc ob rem in omnibus indiguit assumptione idonearum materiarum, quæ eam adiuuarent ad id perficiendum quod efficieba-

tur. Et Apollonij quidem opera quoniā facta sunt ex scientia rerum naturalium ad corporalium actionem hominum, non euertit D E V S. Sic ibi Iustinus, Huius Magiæ naturalis fiducia ausus est Archimedes admirādum illud theorema ponere.

Q V A N T U M L I B E T onus quibuslibet viribus mouere: nec posuit modo, sed & apertissime demonstrauit: & quia id regi Hieroni incredibile videbatur, speculationē illam ad praxim traduxit, ingentem nauem onerariam quam ingens hominum turba, vix maximo labore mouere poterat, hominibus multis ponderibusq; impositis, procul ascidens, quieta impellens manu, vi quadam multifidæ machinæ, tranquillo quasi mari prolaberetur, ad se adduxit. Cumque Marcellus maximo exercitu terrā mariq; Syracusas obſideret, Archimedes ad urbis propugnationem, mirabiles terribilesq; omnis generis machinas telaq; huius Magiæ naturalis scientia adiunxit, quibus tantas hostium strages passim edebat, ut Romani incredibili admiratione terroreq; perculti, dicerent se nō contra homines, sed cōtra deos pugnare. Quid dicam de stupēdo illo Architæ Pythagorici commento? à quo plerique nobilitum Græcorum trādunt, & apud Aul, Gellium lib, 10. cap. 12. Phaourinus Philosphus pro certo confirmat, simulachrum columbæ è ligno ratione quadam mechanica factū, volasse; ita erat scilicet libramentis suspensum, & aura spiritus inclusa atque occulta concitum. Hac etiam arte ferunt Albertum Magnum, caput æneum, quod maxima spectantium admiratiōne loquēretur, fabricasse. Seuerinum etiam Boëtium, in epistola quādam siue à Cassiodoro, siue à Theodorico ad eum scripta, dicitur, huius artis

*Archimedis
scientiæ po-
tentia.*

*Plutarchus in
Marcello.*

*Columba lignea
volans.*

*Caput æneum
loquens.*

*Miraculæ
Boëtij.*

miracula fecisse, hoc est, ut metalla mugirent,
eneus anguis sibilaret, aues simulatae dulcissimae
canerent, homines ærei in aëre buccinarentur. Ve-
rum de his satis, illudque ratum & indubitatum sit, esse
quandam Magiam naturalem, quā qui tenet (pau-
cissimi autem bene tenent) possunt mira facere,
qua rude vulgus putat opera & auxilio dæmonū
fieri: Tum quia opera illa sunt inusitata; Tū quod
secreta quadam ratione & alijs occulta fiant. Quā
obrem plerique putant eiusmodi homines habe-
re consortium cum dæmonibus, & non nisi eorum
ope illa præstare. Talem de se fuisse hominum o-
pinionem, quodam loco scribit Galenus, Boetius
libro primo de consolatione, prosa quarta, queri-
tur se, propter reconditionis Philosophiae cogni-
tionem, & quarundam rerum mirabilium effecti-
onem, tanquam magicis & maleficis artibus im-
butum, fuisse accusatum & damnatum,

MAGIA autem naturalis, non humano stu-
dio partæ, sed à DEO vel Angelis bonis acceptæ,
manifestum est argumentum perfectissima rerū
omnium naturalium scientia diuinitus infusa Sa-
lomoni: per quā verisimile est, euni mira effec-
se, aut certè si voluisset facere, potuisset. Iosephus
certè libro octavo de Iudaicis antiquitatibꝫ ait Sa-
lomonē instituisse occulta quædā remedia ad pel-
lendos morbos & fugādos dæmones. Incantatio-
nes, inquit, composuit quibꝫ morbi pelluntur, &
coniurationum modos reliquit scriptos, quibꝫ ita
fugātur dæmones, ut deinceps nunquā reuerti au-
deant: atque id sanationis genus etiam suo tempore
apud Iudeos in usu esse; & se vidisse Eleazarum
Iudeum, præsente Vespasiano alijsque Principibꝫ
multos ad dæmonibꝫ vexatos, hac ratione liberaisse,

Naturalis Ma-
gia Salomo-
ni.

3. Reg. 2.

Modus curationis erat hic: admoto narib' dæmoniæ
aci annulo, sub cui^o sigillo inclusa erat species cu-
iusdā radicis à Salomone indicatæ, ad eius olfactū,
per nasum contrahebatur dæmoniū, & collapso
mox homine, adiurabatur dæmoniū ne amplius
rediret, Salomonis mētione facta, & incantationi-
bus ei^o recitatis. Discessus autē dæmonis ab homi-
ne, illud erat indicium, quod iussu Eleazari egre-
diens, vas plenum aqua ibi positum, inuisibiliter
euertebatur. Hæc ex Iosepho. Sed profectò illa ra-
tio ejiciendi dæmonem, nō ex Magia naturali, sed
ex superstitione & Diaboli artificio cōposita pro-
ficiiscebatur; nec eam credibile est institutam esse.

3. Reg. ii. à Salomone, nisi forte postquam is D E I gratiam
perdidit, in cultū idololatriæ prolapsus. Iuuenis
etiam Tobias, mirabilem vim eius piscis quem in
Tigri ceperat Angelo Raphæle docēte, cognouit
nam sic Tobiae dixit Raphæl (vt legitur cap. 7. il-
lius libri) *cordis eius particulam si super cibones ponas,*
fumus eius extricat omne genus dæmoniorum, siue à viro,
siue à muliere, ita vt vtrum non accedat ad eos: *fel autē eius,*
*valet ad vngendos oculos, in quibus fuerit Hugo & san-
buntur.* Simili remedio piscis, Gregorius Turonē-
sis Episcopus, cum puer esset, diuinitus admoni-
tus, patrem suum à grauissimo morbo liberauit.

NON VNUQVA etiam Magiam naturalem
discunt homines à dæmonibus. Sic enim Magos
Pharaonis eam didicisse, certum est. Imo ferè, qui
hanc Magiam tenent, cum sint homines minimè
probi, & philosophiæ aliarumque liberalium do-
ctrinarum rudes & imperiti, non dubium est, quin
vel ipsi eam artem à dæmonibus didicerunt, vel ab
his quibus eam dæmones tradiderunt. Vix enim
vlli mortalium, aut certè paucissimis, nec nisi ijs
qui

qui acerrimo fuerint ingenio, & longinqui temporis diligentibus obseruatione vbi, talis Magia naturalis contingere potest.

CAPVT IIII.

AN SIT ALIQUA MAGIA NON
naturali, hoc est, que non ad naturam, sed ad
demones necessariò referri de-
bet.

MULTA faciunt Magi, quæ nullo modo effici possunt per causas naturales, sed ea necessariò referri debent ad aliquas substantias incorporeas, quæ occultè cum ipsis Magis & per ipsas operantur. Magi enim nonnunquam faciunt statuas è ligno vel alia materia factas, nullo extrinsecus impellente, moueri ex se motu progressio & humano, quin etiam loqui & respondere ad quæstiones de varijs rebus propositas: si id fieret naturaliter, cum natura nunquam datur operationem aliquam, nisi dando formam, ex qua illa operatio procedit, supradictæ verò actiones, sint tantummodo animaliū perfectorum, & quædā propriæ hominis, oportet in illa statua produciant fuisse animam sentientem perfectam, & animam rationalem. At nec huiusmodi animæ possunt esse subiectuè in tali materia, qualem habent illæ statuæ, quippe quæ carent vita & sensu, nec animalia perfecta possunt generari nisi ex semine à sui similibus; nec potest natura simul & generare animal perfectum, & perfectam illi magnitudinem dare: Necesse igitur est, prædictas operationes statuarum, non à natura, sed ab aliquo dæmoni, qui intra illam statuam latet, proficiisci.

Dein-

Deinde, Magi quædam manifestant occultissimam & quæ ratione humana nota eis esse nō potuerat, veluti furtæ clā facta, thesauros alicubi recōditos, res quæ in remotissimis regionibus geruntur, quæ quisque olim vel dixit vel fecit, denique prædicūs quædam futura; hæc autem opera sunt mentis, & quidem sublimioris atque præstantioris, quām est humana. Præterea Magi cùm volunt mira illa facere, certis quibusdam vestibus induuntur, ducunt quasdam lineas, describunt figuræ, pingunt characteres, & alia quædam adhibent, quæ per se nesciim habent naturalem producendi illos effectus, nec præparandi materiam ad illos producendos, aut accipiendos: non igitur Magi opera illa faciunt per causas naturales.

AD H A E C, supra omnis naturæ corporeæ potestatem est illud quod nonnunquam faciunt Magi; ut ad eorum præsentiam, & fores & alia loca quæ clausa sunt, repente patefiant; interdum etiam se vel alios repente ex hominum conspectu subducūt, quod de Apollonio Tyaneo memorię proditum est: is enim cum sisteretur in prætorio ante Domitianum Imperatorem, repete ex oculis omnium euaniisse dicitur. His accedit quod Magi nō faciunt hæc, nisi pronunciando certas quasdam voces & verba, in quibus totam illi, vel maximam vim artis magice ponunt; voces autem & verba, cùm ex se non habeant aliam vim quām significandi, vel quodammodo afficiendi auditum, non possunt esse causa vt aliquid fiat, nisi duplicitur, vel ratione rerum quæ illis virbis dicuntur, quæ res intellectæ ab audientibus, eos variè afficiunt & mouent præsertim adiuncta decenti conuenientiæ actionis & pronunciationis ratione; & hoc modo

*modo vero
ces possunt es-
se causa effi-
cientes ali-
quando rerū.*

modo oratorum & concionatorū verba, mouēre solent audientes; sed hic modus mouendi, nō nisi ad audientes qui intelligunt, pertinere potest: Vel mouent verba, propter suauitatem modi, quo modulatè & artificiose cum suauitate & dulcedine auditum afficiunt; qua ratione non solem homines, sed etiam animalia vocibus musicis variè affici & permoueri cernimus; neutrum autem horum reperitur in vocibus Magorum, non igitur per illas voces, tanquā per causas naturales, illos suos effectus producunt. Iam verò, cum Magi ad faciendum quod volunt, adhibeant quasdam invocationes, obtestationes, comminationes, sacrificia, postrationes corporum, & alia eiusdem generis; quis nō liquidò cernit hæc nō posse referri ad naturam corpoream, ratione & intelligentia carentem, sed ea naturæ alicui incorporeæ & intelligéti, cuius Magi opem implorant, & sine eius concursu, quod intendunt, efficere non possunt, exhiberi?

Postremò, ne quis vel ambigendi, vel cauillandi reliquo sit locus, illud meo iudico omnem collit dubitationem, quod non solum Magi miranda illa opera per seipso faciunt, sed quasi quedam dictata tradentes alijs, eadem per illos perficiunt: quin etiam vsu venit quasdam planè ignorantes, an illa essent vel à dæmoniæ tradita, vel magicis prauitatibus infecta, fidem tamen habentis illis sibi dictatis, eisque vtentes, mira etiam fecisse; quod apertè demonstrat, facultatem eiusmodi res perficiendi non esse naturalem. Non me fugit, Petrum Apponensum, Cardanum, maxime verò Pomponatiū in libro De incantionibus, eiusmodi opera Magorū, exclusis dæmonib⁹, ad solas causas

naturales conatos esse referre; sed frustra & infelicitate. Verum eorum opinionem infrà explicabimus & refellemus. Sciendum autem est, hanc nostram sententiam quam hic docuimus & confirmavimus, ab omnibus Platonicis fuisse probatam & literis traditam; hoc enim sensit Plotinus, Porphyrius, Iamblicus, Proclus: haec etiam fuit & Pythagoreorum doctrina, immo ante hos omnes idem in Pimandro sensit & docuit Mercurius Trismegistus.

CAP V T . V.

AN SPIRITVS ILLI QVORVM OPERA & auxilio Magi mira faciunt, sunt boni an mali.

E pcc. 19.

SUBSTANTIAS incorporeas quae fauens Magis, eosque iuvant, ad illa opera facienda, quae non fiunt per causas naturales, sed excedunt naturae corporeae potestatem, non esse bonos Angelos, sed malos, quos trito iam vocabulo Demones appellamus, multis sanè firmis manifestisque argumentis ostendi & concludi potest. Primò, eiusmodi spiritus iubent se à Magis adorari tanquam deos, sibiique sacrificia fieri; hoc autem est proprium dæmonum, qui honorem diuinitatis, quem à principio affectantes assequi non potuerunt, decipiēdis hominibus, aliquo modo obtinere cupiunt. Boni autem angelii, eiusmodi honores non solum non optant, sed etiam vehementer auersantur. Vnde legimus in Apocalypsi, Angelum quandam prohibuisse ne Ioānes ipsum adoraret, dixisseque: *Vide ne feceris; conseruus enim tuus sum, &c.* DEVM adora. Deinde Magi sunt ho-

mi

mines agitiosissimi, & artibus magicis abutuntur ad inferendum exitium alijs, hoc est, ad patranda adulteria, furta, homicidia, atque adeo infanticidia: boni autem Angeli, nec maleficiis hominibus fauent, & ab eiusmodi sceleribus abhorret. Posthæc, Magi multa miscent mendacia multasq; fallacias, quibus homines circumueniunt, & decipiunt: ad quod Angeli boni cooperari non possunt. Præterea Magi inuocando eos quorum abutuntur opera, minantur illis quædam impossibilia nisi venerint: & cum veherunt, imperant illis, & cogunt ne inde discedant; hoc autem imperium non possunt habere homines in Angelos bonos: habent autem in Dæmones, vel quia superior dæmon, cum quo Magi habent societatem, & foedus fecerunt, cogit inferiores dæmones parere iussis Magorum; vel simulant dæmones se cogi à Magis, cum tamen id voluntariè faciant, nec ab illis cogi queant, quò facilius decipient homines, tantam vim & auctoritatem Magorum admirantes, & illis fidem adhibentes. Quod autem Dominus *Matth. 12.* noster argumentatur, se non ejcere dæmones po- *Luc. 11.* testate principis dæmonum, quia non potest Satanam Satanas ejcere; alioqui regnum eius diuide- retur, nec diu stare posset, intelligendū est de perfecta eiectione dæmonis ab homine, hoc est, tam ex corpore eius quam ex animo; vel de eiectione quæ proficiscitur ex odio dæmonis, & desiderio evanescendi imperium quod habet in homines. His adde, quia ut benè, inquit Eusebius lib. 5. De præparatione Euangelica cap. 7. vnde potuerunt Magi, discere verba illa & cærimonias quibus dæmones aduocant, eosque vellico, vel annulo, vel vase, vel statuè vel alijs rebus adesse cogunt? Vnde scire

Quomodo Ma-
gi Dæmonibus
imperent.

qui-

quibus sacrificijs, libamentis aut suffimentis dæmones auertantur & fugentur, vel oblectentur & allicantur? & alij quidem dæmones, alijs rebus vnde: inquam homines hæc discere potuissent, nisi ab ipsis dæmonibus?

Quod non est credibile, hominem posse imperare Angelis bonis, eosque vel reluctanter cogere & compellere ad aliquid faciendum; quod tamen Magos facere disertissimis verbis declarauit Prophyrius Philosophus in epistola ad Aeneum AEgyptium, quam Eusebius lib.5. De preparatione Euangelica capite sexto scriptis suis inseruit; ex ea vero nonnulla quæ ad rem præsentem maximè pertinent, hic adscribam. Proponit autem in ea epistola Porphyrius nonnullas dubitationes circa ea quæ Magi faciunt Dæmones inuocando. Prima dubitatio est, Quomodo Magi inuocant & obsecrant dæmones tanquam superiores, & eisdem tamen tanquam inferioribus imperant, & quod volunt, facere eos cogunt. Secunda: Cur Diis Magorum iubent homines esse iustos, ipsi autem à Magis iussi, multa patrant iniqua & flagitiosa. Tertia Nolunt: illi exaudire Magum, qui non multis diebus ante se abstinuerit à Venere ipsi tamen iussu Magorum illiciunt & incitant homines ad turpes & nefandas libidines. Quarta: Volunt Magum inuocaturum ipsos, ante ab esu carnium abstinere; cum ipsi tamen pidore ac sanguine corporum animalium maximè oblectentur. Quinta: ei, qui mortuū tetigit, ad operationes magicas accedere non licet; cum tamen mortuis & caderibus animalium res magicae ferè peragantur. Sexta: Magi minatur Soli & Lunæ & Diis cœlestibus, dicentes se concisuros cœlum & arcana Isidis edicuros;

Dubitaciones
nouem Por-
phyrij de ijs
quæ faciunt
aut dicunt Ma-
gi inuocando
Dæmones.

eturos, & Osiridos membra Typhoni tradituros
 nisi Dij adueniant & respondeant ipsis; absurdum
 tamen videtur, Deos quasi infantes, eiusmodi fi-
 ctis minis & terroribus commoueri. Moueri au-
 tem eos istis minis, Cheremon sacer scriba testa-
 tur, & hec esse illa inquit, quib⁹ Dæmones maxime
 coguntur. Septima: preces autem & orationes,
 quibus vtuntur Magi inuocantes suos Deos, in-
 ones & ridiculæ videntur? sic enim eos compellat:
 Tu, inquiunt, qui è limo emeristi, qui sedes in lo-
 co, qui nauigio nauigas, qui singulis horis formā
 commutas, & in singulis Zodiaci signis commu-
 taris. Atque his precationibus & adiurationibus
 ciunt Deum se hominis visui subiucere. Octaua:
 Quid sibi volunt verba illa barbara, & nihil pla-
 ne significantia, quibus Magi vtuntur ad deos suos
 aduocandos? nam si ad verborum significationem
 Dij respiciunt, quacunque voce eadem res signifi-
 cetur mouebūtur: non enim dij sunt AEgyptij vel
 Scythæ, vel illis linguis vtuntur, aut illas tantum
 norunt. Nona: cum dæmones sint supra ordinem
 rerum sensibilium, quomodo possunt rebus sensi-
 bilibus vel allici, vel etiam cogi? quare aut Mago-
 rum malignitate hæc omnia sunt excogitata, qui
 nostras passiones Deo attribuere ausi sunt; aut a-
 liter homines de Deo cogitant, quā rei veritas
 habeat. Hæc in illa epistola Prophyrius. Iambli-
 cus autem, quem Simplicius & alij ob magnā pe-
 ritiam rerum diuinarum, cum incredibili studio
 & religione coniunctam, diuum prænominare so-
 lent, in libro, quem De Mysterijs AEgyptiorum
 scripsit, ad supradictas omnes Porphyrij dubitati-
 ones respōdere conatur: sed eiusmodi sunt omnia
 eius responsa, ut mihi quidem videantur esse ma-

gis incredibilia & absurdā, maioribusque imp̄-
cata difficultatibus, quām illæ ipsæ, quæ proposi-
tæ sunt dubitationes.

*Notabilis du-
bitatio.*

S E D quæret aliquis, cur Dæmones non nisi sub
certis quibusdam cœli constellationibus, & non
nisi certis quibusdā, vel lapidibus, vel herbis, vel
figuris aut alijs signis adhibitis aduocentur à Ma-
gis, nec aliter opera magica fiant? Respondeo, id
quidem facere dæmones varias ob causas. Primò
vt inducant homines in eum errorem, vt credant
esse aliquod numen & diuinitatem in stellis, eas-
que pro Deo adorent & colant. Deinde, vt simu-
lando per stellas multa maleficia, multaque incō-
moda & detrimenta inferri hominibus, infament
eas, & exosas reddant hominibus. Præterea, quia
dæmones, cum non nisi per causas naturales ope-
rentur, animaduertunt, secundum certas aliquas
constellationes, materiam circa quam operari vo-
lunt, magis affici & præparari ad effectus illos ac-
cipiendos. Hinc fit, vt nonnunquam dæmones se-
cundum incrementa Lunæ, maximè quosdam vex-
ent, qui propterea vocantur Lunatici, quos Domi-
nus sanasse dicitur in Euangelio Matthæi cap. 4. &
13. cum enim cerebrum hominis, auctore Aristotele,
sit omnium corporis partium humidissimū,
ideoque maxime subijciatur potestati Lunæ, quæ
magnam habet potentiam & vim cōmouendi hu-
mores, in cerebro autem perficiantur actiones in-
teriorum sensuum, hinc fit, vt dæmones secundum
incrementa Lunæ, maxime perturbent phantasiam
hominis, quia vident tuūc cerebrum eius ad id
esse magis præparatum. Porrò dæmones, sicut dixit
beatus Augustinus 21. De ciuitate D E I, cap. 6. alli-
ciuntur herbis, lapidibus, animalibus, carminibus
alijs.

alijsque ceremonijs, non tanquam animalia cibis, sed vt spiritus signis, ea ratione, vt hæc illis exhibentur in signum diuini honoris, cuius illi sunt cupidissimi. De hoc vide S. Thomam primam partem, quæst. 115. art. 5.

CAPVT VI.

QVÆ OPERA ADMIRANDA POS-
sint facere Dæmones vel per se ipsos, vel
per Magos.

Duo sunt hic ponenda ex sacris literis satis manifesta, vnum est, Dæmones per se ex uno loco in alium moueri, & quidem maxima celeritate. Legimus enim in libro Iob, Satan *Iob. 1. 2.* Deo interroganti vnde venerit, respondisse: *circului terram* & *perambulaui eam*, & Dominus in Evangelio ait quendam spiritum nequam egressum ab homine quem tenebat, perambulasse per loca arida & inaquosa, & iterum assumptis alijs septem spiritibus nequioribus se, ad eundum illum hominem reuertisse: & Petrus admonet fidèles ut sobrij sint *1. Pet. 5.* & vigilent quoniam aduersarius eorum diabolus, tanquam leo rugiens circuit, querens quem deuoret. Alterum quod hoc loco ponimus est dæmonē non solum posse mouere seipsum, sed etiam alia corpora, ex uno loco in aliū transferendo. Id quoque ex sacris literis certum est: Dæmones enim per peccatum non perdiderunt dona naturalia: sicut igitur Angeli naturali vi mouent orbes coelestes, sic Dæmones possunt mouere alia corpora: & sicut Angelus ille Prophetam Habacuch capitulo 10 capitulis apprehesum, ex Iudea, Babylone in usq; transportauit, indeque reportauit in Iudeam, ita posset dæmon idē facere; quin imò id eum fecisse

DE MAGIA

Mab 4. certum est: legimus enim diabolum, Dominum nostrum tulisse in pinnaculum templi, & in montem excelsum. Nec hoc loco disputandum est, antea virtus motiva dæmonis, sit distincta ab intellectu & voluntate eius: nam distinctam esse eodem arbitror, licet plerique negent. Verum eius questionis tractatio aliena est huic loco. Nec definitio nuna quanta sit virtus motiva dæmonis, vel quot corpora aut quanta mouere queat & nō amplius, id enim incognitum mortalibus puto; existimò tamen in dæmonibus superioribus maiore esse hanc vim motuam, inferioribus vero minorem: sicut enim eorum naturæ sunt vel perfectiores vel imperfectiores, ita quoque eorum potentiae sunt vel fortiores vel imbecilliores. Nam quia Angelus est terminata speciei & definitæ naturæ & perfectionis; ideo nec potest esse ubique locorum, neque potest quantitacunque velocitate quan-

Duplex actio dæmonum transiens. tum libet corpus mouere. Præterea sciendum est, duplēcēm esse dæmonium actionem, quæ à Philosophis vocatur transiens, alteram immediatā quæ immediate proficitur à dæmons, & hæc est motus localis quo mouēt corpora; nam sicut intelligentiae non per aliqua media instrumenta, sed immediatē mouent orbes cœlestes; sic dæmons immediatē possunt mouere corpora secundūm locum. Altera eorum operatio transiens, est media-ta, nempe quæ motionem localem ab ipsis factam consequitur: dæmons enim afferendo ex varijs locis & inuicem applicando causas naturales & agentia inuicem & patientia coponendo, varios producūt effectus; qui effectus immediate quidem existunt ex causis naturalibus, mediatē vero à dæmanibus qui illas causas præsentes fecerunt,

&

& materijs quę ab illis aptę sunt pati accommodarunt. His positis, quænam opera mira dæmones possint facere, demonstremus.

PRINCIPIO, permotum localem multa *Opera que possunt Dæmones facere.* possunt dæmones facere, quæ fidem excedere vi- deantur, quorum nonnulla hic subijciam exempla. Primo possunt ignem ex superiore aëris parte demittere, quo multa consumant & perdant: possunt etiam immittere vehemētes & turbulētos, vētos qui magna diruant ædificia, sicut fecisse legitur aduersus Iob. *Cecidit (inquit scr. pietura) ignis de Iob. 1. cælo & tactas oues puerosque consumpsit: & repente ventus irruit à regione deserti, & concusit quatuor angulos domus, quæ corruiens opresbit liberos suis: & mortui sunt.* Potest dæmon grauissimas tempestates & procellas in mari excitare, vel aquas maris ab imo commouēdo, vel per concitatissimos ventos. Potest terram magnis motibus concutere, vel immittendo vehementem aliquem spiritum in cauernas terræ, vel in illis inclusum vehementissimè agitando. Sic fortasse fieri potuit, quod narrat Philostratus de duobus dolijs, quæ vidit Apollonius apud Indos, quæ aperta, imbres & ventos emittebāt; clausa verò eadem cohibebāt atque compescabant. Secundo potest transferre ex uno loco in alium quantumvis remotum, vel homines, vel animalia, vel quantumvis alia corpora. Sic Diabolus C H R I S T V M tulit in pinnaculum templi & in montem excelsum; & historia Ecclesiastica narrat, Simonē Magum à Dæmonibus per aëra euectum esse in cœlum. In historijs etiam Gentiliū traditum est, nonnunquam visos esse serpentes, dracones & homines per aëra volantes; quin etiam Albertus tradit nonnunquam boues seu vitulos pluisse: quod hac

Math. 4.

ratione factum esse existimandum est. Tertid potest dæmon subitò res præsentes è conspectu hominum subtrahere, atque ita reddere inuisibiles; sicut Apollonius cùm esset in conspectu Domitiani Imperatoris, repente ex oculis omnium excessit, & nisi volumus fabulam fuisse id, quod de Gyge memorat Plato & Cicero, hac etiam ratione dicemus, Gygem cum volebat, potuisse latere oculos præsentium & spectantium, idque fecisse, non vi & potestate eius nulli quem gestabat, ut illi tradunt, sed potius Dæmonum artificio. Quartò potest facere, vt statuæ vel aliæ res inanimatæ ambulent & incedant more hominum, Dæmonem illas mouente, & motum moderante: sic factum est quod ex Philostrato supra commemorauimus, de tripodib^o lapideis, & pincernis æreis, qui apud Iarcham præsente Apollonio, in conuiuio per se mouebantur, & more famulorum ministrantium mensis, & pocula & fercula conuiuis suo loco & tempore præbebāt. Quintò: possunt facere, vt statuæ, arbores, animalia loquantur more humano; quæ ratione fieri potuit, quod narrat Valerius Maximus lib. i. cap. vlt. de simulachro Iunonis Monetæ, quod Romani Veijs Romam transferre religionis ergò cupiebant. Cùm enim quidam militum per iocum interrogaret illud simulachrum an Româ migrare vellet; velle se respondit: qua voce audita, lusus in admiratione & religione versus est. Simulachrum etiā Fortunæ muliebris, à matronis Romanis cum æde sua consecratum, bis locutum esse, idem Valerius auctor est, his verbis; Ritè me matronæ vidistis, ritè me consecrastis. Et Caio Volumnio & Seruio Sulpitio Coss. dicitur, bos humano sermone locutus; bello etiam Punico secundo

*Plato in 2. de
rep.*

*Cic. lib. 3. de
offic.*

*Statuæ per se
incidentes.*

*Statuæ lo-
quentes more
humano.*

undo fertur Gneo Domitio, bouem dixisse: Ca-
 ue tibi Roma. Huc quoque pertinet quod narrat
 Philostratus, cum Apolloni is esset cum Gymno-
 sophistis AEthiopum, quo un princeps erat The-
 specion, eius tacito iussu, arborem vlmum huma-
 na voce Apollonium salutauisse. Nec putandum
 est vel leonis, vel arbores, vel alias res inanimas
 modo hominum loqui posse, sed Dæmonem esse
 qui sermones illos articulatos & humanis similes
 in aëre formet iuxta, vel intra illa corpora: Sic An-
 gelus qui occurrit Balaam ei mortem intentās, fe-
 cit ut eius asina loqueretur: nam etiam videmus
 esse quosdam qui per organa vel alia instrumenta
 musica, tanto artificio modificare ac temperare
 possint flatum quo illa pulsantur & resonant, ut
 voces & cantus hominum æmulari & reddere vi-
 deantur. Sextò: possunt facere ut animalia mira-
 bili quadam ratione se ipsa moueant, & quædam
 agant, quæ sine intelligentia & ratione, nec ea qui-
 dem vulgari, sed admodum solerti & prudēti mi-
 nimè fieri posse videantur: tale est quod narrat
 Valerius lib. 1. cap. 8. quod est de Miraculis, de ser-
 pente illo AEsculapij, quem Romani quasi volen-
 tem & intelligentem, & quædam rationis ac reli-
 gionis, nec non diuinitatis cuiusdam signa dantē,
 Epidauro Romam aduixerunt. huius etiā generis
 est quod narrat Philostratus lib. 5. cap. 15. de leone
 quodam mansuetissimo, qui loro, veluti canis, in
 AEgypto per vrbes ducebatur, cōtrectantib⁹ se, nō
 modò non nocens, sed etiā blandiēs; qui ad genua
 Apollonij modo suplicantium hominū humiliiter
 se abiecit: quem aipiciens Apollonius, ad eos qui
 aderāt, Hic, inquit, leo me rogat ut vos doceā he-
 minis animā illum habere: fuit enim hic quondā

N. M. 22.

Fabula Leo-
nis, Apollo-
nij.

A mafis AEgypti rex, quæ simul atque dixit Apollonius, leo miserabiliter fremens, lachrymabile rugitu edidit, tum dentibus infreddens, cum plorare videretur, vbertim lachrymas fundebat. Hunc, inquit Apollonius Leonem, censeo Leontopolim mittendum, & in templo collocandū: regem enim in regiam belluam conuersum, tanquam, egenum mendicare indignum iudico. Hæc ille, quæ omnia arte magica Apollonij & opera Dæmonum facta sunt, quò facilius error Pythagoricus de transmigratione animarum humanarum in varia bestiarum genera, hominibus persuaderetur. Septimo: quod in historijs Romanorum legitur, & à nobis supra est commemoratum, Claudiā mulierem Vestalem, quò suam pudicitiā probaret, nauim ita hærentem in Tiberi, ut multi eam homines loco mouere non possent, Zona sua quo volebat, nullo labore traxisse: Et Tucciam item Vestalem, aquam Tiberi hæustum, ad Capitolium vsque cribro tulisse: hæc inquam, facta sunt opera Dæmonis, qui & nauim occultè promouebat, & aquā ne per cribrum dilaberetur, suspensam tenebat. Octauo: potest facere, vt subito globus aliquis igneus vel flamma appareat, vel circum aliquem fulgeat; siccat Plinius lib. 2. cap. 107. Seruio Tullio dormienti, ex capite flammam emicuisse; & L. Martio in Hispania interemptis Scipionibus concionanti, & milites ad ultionem exhortanti, arsisse simili modo. Nono: potest aquas flaminum dirimere & eas retro pellere, ita vt flumina retro fluere videtur: quod Plinius suo tempore accidisse scribit lib. 2. cap. 103. his verbis: Amnes retro fluere, & nostra vedit ætas Neronis principis annis supremis, sicut in rebus eius retulimus. Decimo: potest Dæmon

*Amnes retro
fluere. es.*

varia

varia corpora variè formata assumere, eaque mouere, ita ut homo vel Angelus, vel leo, aut aliud quodvis animal videatur; idque facit vel ad exterritos, vel ad decipiendos homines. Legimus enim. B. Antonio dæmones in varijs animaliū formis, & quidem horribilibus ac terrificis, ad eum perterrefaciendum & à sancto proposito remouendum apparuisse. Sic accipiendum est quod scribit Valerius Maximus lib. i. cap. 8. Romanis apud lacum Rheginum pugnantibus cum acie Tusculanorum, Castorem & Pollucem Romanarum partium propugnatores, visos hostiles copias penitus fudisse: & Publ. Vatinio noctu urbem petenti, obuios esse factos duos iuuenes, excellenti forma, albis equis insidentes, nunciates illo ipso die Persam regem à Paulo fuisse captum: quod ita evenisse postea compertum est. Vñcedimo: potest Dæmon representare varias figuræ cuiuslibet rei, vel auri, vel gemmarum, vel dapum, vel hominum. Nā sicut factores sculptrores sive ex materijs sibi subiectis, varias formas & figuræ rerum effingunt, & interdum tales, ut veræ ac naturales videantur, sicut traditur de illis vuis à Zeuxide pictis, adeo *Plinius libro perfectè naturales vuas reddentibus, vt eas ab auctoribus appetitas esse dicatur. Sic Dæmon ex aère condensato vel alia quauis materia, cuiuslibet rei figuram effingere potest: cuius rei supra ex Philostrato exemplum posuimus, lamiæ cuiusdam quæ Menippo quem decipere volebat, maximas opes, pretiosa ornamenta, magnam copiam vini & epularum ostentabat; quæ Appollonius ostendit esse tantum inania simulachra & imagines earum rerum quæ videbantur. Duodecimo: possunt concitare & cōturbare humores, vel spiritus qui sunt*

in corpore humano, disiungere etiam atq; distra-
here partium compages & connexiones, qua re-
grauissimos morbos & acerbissimos cruciatus ef-
ficiunt; sicut in ijs qui à Dæmonib^o torquétur, cer-
nere licet. Decimotertio: possunt etiam spiritus
animales, qui interiorum sensuum functionibus
peragendis inseruiunt, ita mouere & conformare,
vt res quasdam vel præteritas, vel præsentes, vel
futuras repræsentent: possunt etiam eosdem spi-
ritus, in quibus insunt species rerū sensibilium, ex-
trinsecus per sensus exteriores impressæ, vsque ad
ipsos sensus exteriores deuoluere, ita vt etiam qui
vigilant, videantur sibi aliquid videre, audire &
facere quod reuera non est: hoc enim videmus ac-
cidere phreneticis: quod igitur homini vi alicu-
ius morbi contingit, dubitandum non est etiam id
dæmonum artificio in homine effici posse. Deci-
moquarto: possunt dormientiū phantasmatā mo-
uere & conformare ad repræsentandum aliqua fu-
tura quæ dæmones cognoscunt esse futura, vt ita
decipient homines fidem habentes somnijs, & ex
ipsis actiones humanas vel suas, vel aliorum co-
gnoscere & dirigere velint: atque hinc quidē or-
tum duxit diuinatio per somnia, cuius diuinatio-
nis exempla sunt quamplurima apud Valeriu M-
aximum lib. i. & apud Ciceronem in libris de Di-
uinatione. Simili Dæmonum artificio, fidem &
veritatem inuenit apud Gentiles Augurū & Aru-
spiciū disciplina, per volatum vel garritū auium
diuinans, vel per inspectionem extorum animaliū
cæforum, vel per electionem sortium eiusmodi e-
nim rebus Dæmon se ingerit & immiscet, quò mē-
tes hominum superstitionib^o imbuat, & varijs er-
rōribus implicet. Nam quod in Romanis historijs

traditur, in Victimę opimę quam Iulius Cæsar immolauerat, extis non esse inuentum cor, & in alijs vel iecur, vel principem aliā partem corporis nō esse repertam, nō alia ratione quām Dæmonis occulta vi, partes illas ablatas esse credendū est. Decimoquinto: possunt Dæmones sensus exteriores immutare & seducere duplicitē, Primo extrinsecus, obijciendo sensibus varia sensibilia non vera, hoc est, non talia qualia videntur, sed solas eoru imagines & simulachra; vel intrinsecus commouendo spiritus & humores, quorum commotione etiam sensus exteriores variè afficiuntur & turbātur, vt non recte iudicent de suis obiectis; id quod cernimus sensibus exterioribus phreneticorum accidere. Decimosexto: possunt varia passiones vel amoris vel odij, vel timoris vehementer excitare in homine; idq; facere duplicitē, vel obijciendo species rerum, quæ ad tales passiones excitandas plurimum valent; vel interius mouendo phantasma ad similes res presentandas, vel agitando & accendendo humores qui sunt harū passionum materia, nimirum vel sanguinem, vel atram aut flauam bilem. Atque hæc sunt & alia horum similia quæ Dæmones per motū localem facere possunt, & interdum quidem faciunt: neque enim quæcumq; possunt facere, licet eis facere, sed quantum eis per diuinam prouidentiā permisum est. habent enim potentiam à DEO restrictā & quasi ligatam, quam eis interdum laxare solēt Deus vs, vel ad exercendos bonos, vt aduersus Iob; vel ad puniēdos malos vt aduersus Achab & Prophetas eius, Sicut enim Dæmones, permisso DEI, ingressi in porcos, præcipitarunt eos in mare: sic homines in omnia malorū tam culpe quām pœnę gene-

Iob. 1. & 2.
3. Reg. 22. fin
præ 18.

genera deturbarent; si eis D e v s, quantam vel-
lent potentia ac malitia suæ exercendæ potesta-
tem ficeret.

PER alteram porrò actionem Dæmonum, quæ
non est motus localis eorum, sed eum consequi-
tur, hoc est, per actiones causarum naturalium,
quas Dæmones intuitum applicarunt & tempera-
runt, mira quoque Dæmones possunt efficere. Sunt
enim singulares quædam virtutes occultæ & igno-
ræ hominibus, sunt, in quam, in certis quibusdam
aquis, terris, succis, gemmis, lapidibus, herbis, li-
gnis, animalibus, & in ipso hominis corpore mi-
rabilium ac penè incredibilium operum effectri-
ces: quarum rerum exempla, supra tractando ter-
tiam quæstionem, nonnulla posuimus, sed pluri-
ma reperiuntur apud Solinum, Plinium & Alber-
tum in libris de Mineralibus & Animalibus. Ha-
c virtutes quibus in rebus naturalib⁹ insint, ubi lo-
corum lateant, quibus cum rebus componi & mi-
sceri ac temperari debeant, quo tempore tempe-
stiue & opportunè ad operandum adhiberi oport-
eat, notissimum est Dæmonibus; quas etiam un-
decunque & quoceunque voluerint, maxima faci-
litate celeritateque clam homines transferre pos-
sunt. Huiusmodi autem effectus, quatuor ob cau-
sus sunt hominibus, admodū mirabiles. Primo
quia sunt noui & inusitati. Secundo quia modus
quo dæmon illos molitur, est occultus & inuisi-
bilis. Tertio quia sicut homines variè temperan-
do & accommodando res naturales possunt aliquos
effectus producere, quos nonnunquam per se cau-
se naturales produxisserint, sicut patet in arborum
infestationibus, in distillationibus aquarum, in cibo
rum & condimentorum confectionibus & in me-
di-

dicamentorum cōpositionibus; sic Dæmones, effe-
ctus aliquos singulares, per causas naturales pos-
sunt producere, quos ipsæ per se nunquam pro-
duxissent. Quarto quia ut inquit S. Thomas 3. libro
aduersus Gentes, cap. 103. & prima parte, quæst. 110.
art. 2. ad 3. cùm Angeli vel dæmones adhibent cau-
sas naturales ad effectus aliquos procreandos, v-
tuntur eis tanquam instrumentis, non secus quam
medicus vtitur herbis ad sanandum; ex instrumē-
to autem procedit effectus nō tantum virtuti eius
respondens, sed etiam ea superior & præstantior,
nempe respondens virtuti principalis agentis à
quo mouetur ad operandum illud instrumentum;
quemadmodum securis non solum secat, sed etiā
facit lectum vel mensam, vel hominis statuam, ut
est instrumentū hominis ex arte operantis: & ca-
lor naturalis qui est in semine, vel in animali, nō
solum calefacit, rarefacit, aut segregat, sed etiam
generat sanguinem carnes & ossa, in virtute ani-
mæ vel animalis cuius est instrumentum. Sic etiā
causæ naturales interdum producunt effectus præ-
stantiores suis ipsarum virtutibus, ex eo quod sunt
instrumenta Angelorum vel Dæmonum à quibus
mouentur & reguntur, Posset igitur Dæmon plu-
rimos morbos arte medicinæ, quam homines cal-
lent incurabiles, magna, celeritate ac facilitate sa-
nare: tum quia nouit optimè omnes morborum
etiam abstrusorum causas & affectiones; tum quia
scit omnia genera remediorum, & idoneam eo-
rum applicationem; sed non omnes tamen pos-
set sanare, quia sunt morbi aliqui simpliciter in-
curabiles.

DE MAGIA
CAPVT VII.

QVAS RES DAE MON NEG
*per Magos, nec per se ipsum posse
efficere.*

PER motum localem, qui est immediata eius operatio transiens, multa non potest facere Dæmon. Primò enim, ut inquit S. Thomas in Quæstionibus de Potentia, quæst. 16. art. 8. Et 3. libro aduersum Gentes, cap. 108. nō potest destruere aut subuertere ipsum vniuersum; sunt enim Dæmones partes vniuersi, pars autem non habet vim atque potestatem in totum cuius est pars, & ut inquit Paulus ad Hebr. 2. *Non subiecit DEV S Angelū orbem terræ*. Nec possunt peruertere ordinem vniuersi, cum auctore Aristotele, bonum vniuersi sit ordo: Non possunt item perturbare, vel suis locis commouere principes partes mundi, ex quibus eius integritas coalescit. Non possunt sistere cœlum vel motū eius in contrarias partes agere. Non possunt elementum aliquod ex uno loco in aliud transferre. Non possunt facere ut detur vacuum, cum vacuum tollat coniunctionem, connexionem atque subordinationem omnium partium vniuersi, in quo eius conseruatio atque gubernatio cōsistit. Dixi non posse Dæmonem eiusmodi res facere, vel simpliciter, vel secundum potentiam ordinariam eis à DEO concessam, & quam eis concedi poscit æquissima diuinæ prouidentiæ ratio. Et cum Dæmones habeant vim motiuam definitam, alij quidem maiorem alij verò minorem, non possunt quantulibet corpus, quantumlibet volocitate mouere, ne dum in instanti

No

Non possunt facere ut duo corpora sint simul in eodem loco, vel unum corpus in duobus locis simul, vel ut unum penetret dimensiones alterius. Nec potest Dæmon distans à corpore, illud mouere secundum locum, quia mouēs & mobile debent esse simul: alioqui posset mouere per vacuum, & per quantamcunque distantiam. Non potest transferre corpus de extero ad extremum & non per medium.

M V L T A quoque sunt, quæ per alteram actionem Dæmonum quam mediatam diximus, cuiusmodi est naturalis alteratio, corruptio, generatio rerum naturalium, non possunt à Dæmonibus effici. Non enim potest Dæmon immediate producere ullam formam substantialem vel accidentalem; cum enim sit incorporeus, non potest immediate alterare materiam corpoream, unde formæ naturales educuntur. Secundo, non potest aliquid creare ex nihilo, tum quia id requirit infinitā virtutem actiuam, qualem D E V S solus habet; tum quia nec motus localis Dæmonis, nec operatio quam per causas naturales exerceat, in nihilo recipi, aut circa nihil versari possunt. Tertio, non potest ex quolibet facere quodlibet. Quartò, nec per quamlibet causam vel instrumentū potest quemlibet effectum producere: sicut medicus non potest per quamlibet medicinā, quemlibet morbum sanare, nec artifex per quævis instrumenta, quocunq; voluerit opus perficere: atque hoc est quod Augustinus cnp pluribus locis docet, nec Dæmones nec Angelos esse creatores rerum, nec posse transmutare formas rerum, nec materiā corporalē ad nutum illis obedire. Quinto, non possunt Dæmones producere formas substanciales non præijs alte-

alterationibus & præmissis dispositionibus. Sexto, nec possunt eas in instanti aut quantumlibet paruo tempore producere. Septimo, non possunt quamlibet rem naturalem immediate in quamlibet aliam transmutare, etiam adhibendo causas naturales. Octavo, non possunt animalia perfecta sine semine producere; quare si visi sunt vñquā vel ex lapidibus & lignis producere equos vel leones, vel ex nubibus pluere vitulos, non est putandum sic eos fuisse generatos, sed vel aliunde invisibiliter per Dæmones illuc translatos, vel non fuisse vera animalia, sed eorum tantum imagines & simulachra cernētium oculos fallentia. Nono, nec potest animal producere subito secundū perfectam magnitudinem & virtutem eius: denique quod superat vires agentium naturalium, quodq; naturali eorum dispositioni & ordini repugnat, & ad quod virtus agentium naturalium nullo modo se extendit, id fieri à Dæmone nequam potest. Decimo, non potest peruertere atque immutare ordinem qui est inter formas & dispositiones rerum naturalium, vt possit posteriores inducere non inductis prioribus, aut extremas non induci medijs. Undecimo non potest mortuos ad vitam reuocare propter causam supradictam. Duodecimo, non potest impedire nē agens naturale habē omnia requisita ad agendum, non agat. Disputari posset hoc loco an vlla res naturalis habere possit vim in Dæmones, expellendo eos, vel etiam actiones impediendo, propter id quod dicitur in libro Tobia, cap.6.& 8.de iecore cuiusdā pīscis cuius fumo fugabantur Dæmones in perpetuum, & de melodia Dauidis qua expellebatur spiritus malus à Saule. Vide 1. Reg. cap.16.& 4.Regum, cap.3.

Lyranum & Burgensem super primū Regum, cap. 16. & ibidem Tostatum quæst. 40. Vide Iosephum octauo Antiquitatum de radice Salomonis, cuius odoratu Dæmō exibat per nares eius hominis quæ tenebat. Verum hac de re nostrum lector disputationem & sententiam reperiet in alio libro qui hunc proxime sequitur, & in quo eam quæstionē tractamus explanates illa verba quæ sunt in Cantico trium puerorum : *Benedicite cete & omnia que m suenur in aquis, Domino.*

CAPVT VIII.

AN OPERA MAGORVM SINT VERAM miracula, & quomodo à veris miraculis differant ac dignoscantur.

AD MIRANDA Magorum opera non solum Ethnici, sed etiam nostri Theologi interdum vocant miracula, vel quia veroru[m] miraculorum sunt simillima; vel aestimatione hominum, quod ea ipse nec facere, nec quemadmodum facta sint intelligere possunt, non naturæ, sed diuinitatis opera existimantium. Et sanè nonnulla faciunt Magi in speciem non dissimilia eorum quæ faciunt sancti: namque Magi Pharaonis similiter ut Moses, & virgas suas vertérunt in serpentes, & aquam mutarunt in sanguinem; & magnam ranarum vim subito produxerunt. Sanant interdū Magi ægrotos, & Dæmones ex corporibus hominū ejiciunt. Nec tamen hæc operum similitudo facit ut Magorum opera vera sint miracula; alioquin miraculum non esset idoneum declarandæ probādæque Deitatis atque veritatis argumētum; quare ratio fidei & doctrinæ Christianæ quæ miraculis

tanquā veris diuinæ potentiaē sigillis obsignatur,
 & quasi quibusdam fulcris quodammodo sustine-
 tur, omnino periret. Docere igitur conuenit hoc
 loco, cur eiusmodi Magorum facta non sunt mira-
 cula, & quibus rebus differant, quibusue notis at-
 quee insignibus à veris miraculis internoscantur.

*Quid sit mira-
culum.*

Proverb. 8.

TRIPPLICITER igitur potest intelligi ali-
 quid esse miraculū. Primò simpliciter & absolu-
 te, nempe comparatione cuiuslibet naturæ; hac si-
 gnificatione, nullum planè est miraculum : nihil
 enim est, quod diuinæ potentiaē & sapientiaē com-
 paratione, miraculū dici queat. Nā miraculū ali-
 cui dicitur, quod eius & facultatē & intelligentiā
 excedit : De vs autē nihil est quod admirari pos-
 sit, quippe cum & causas omniū quæ sunt, optimè
 nouerit, & ipse princeps causa sit efficiēdi omnia.
 Nam qui per ludum & iocum (vt est in Proverbijs
 Salomonis) ex nihilo mundū condidit, quid ei ma-
 gnum, ne dum miraculum esse queat ? cum vt est
 apud Esaiam cap. 40. & in libro Sapientiæ, cap. 9.
 Omnes gentes totusq; terrarum orbis apud ipsum
 sit tanquā gutta roris antelucani, & quasi puluis,
 & tanquam inane & nihil. Deinde potest appellari
 miraculum respectu hominum, qui, quæ sunt
 ipsis inusitata, & quorum causas ignorant, quoniā
 ea maximè admirantur, dicunt miracula : qua rati-
 one non modò Dēmonum & Magorum, sed etiam
 sapientum hominum inuenta quedam noua, & ar-
 tificiosa opera, qualia fuerunt illa Architē & Arc-
 himedis, quæ suprà commemorauimus, miracula
 nominantur. Sed verè ac propriè miraculum di-
 citur opus, quod ideo verè ac meritò mirandū est,
 quia omnis naturæ crēatæ vim atque potestatem
 excedit. Hoc autem multis modis potest euēnire:

Nam-

Namque excessus naturæ creatæ, vel est in eo quod Tres gradus
 sit, quale nullo modo natura potest facere; cuius- verorum mi-
 nodi est, ut duo corpora simul sint in eodem loco, miraculorum
 & se permeent, vel ut corpus humanum euadat im-
 mortalē, impassibile & gloriōsum: atque hæc te-
 nent primum locum & gradum in miraculis. Vel
 excessus est non in eo quod fit, sed in eo vel ex quo
 vel in quo res fit, potest enim natura producere au-
 rum vel arborem, sed non ex nihilo; potest dare
 uitam, sed non mortuo; potest item facultatem vi-
 lendi largiri, sed non nato cœco & hæc secundum
 ocum in miraculis tenent. Vel excessus nec est in
 eo quod fit, nec in eo ex quo aut in quo fit, sed vel
 in modo: vel in ordine, vel in alia quapiam cir-
 umstantia, alijsfue rebus cum quibus omnib⁹ na-
 turaliter opus illud fit; Exempli causa, potest me-
 licus sanare ægrotū, verum non subito; nec absq;
 medicina: potest Magus vel Dæmon, vel etiam na-
 tura ex ligno producere serpentem, verum non im-
 mediatè: atque hic est insimus miraculorum gra-
 lus & locus. Sed quia hæc breuiter diximus, ve-
 lor ne oblitore dicta sint; quare quò melius intel-
 ligantur, latius explicabuntur. Dæmonum & Ma-
 gorum miracula non vera, differunt à veris mira-
 culis, quæ in scripturis & historijs Ecclesiasticis,
 seruis DEI facta legimus, his quinque modis; Di-
 gnitate virtutis efficientis, Qualitate eorum qui fa-
 ciunt, Diuersitate factorum, Modo faciendi, & Fi-
 ne cuius gratia fiunt vera miracula, cum (vt supra
 diximus) omis naturæ creatæ vim exuperent, soli-
 us DEI potestate possunt effici: nam quamuis per
 Angelos vel seruos DEI fieri videantur; illi tamē
 non agunt virtute sua, sed Dei cuius sunt administri
 & tanquam instrumenta. Magi autem opera sua faciunt,

Quinque dif-
 ferentie ve-
 rorum mira-
 culorum à fal-
 sis & finita-
 tis.

vel virtute quarundam rerum naturalium quibus
vtuntur occulte; vel opera Dæmonum, qui clām
Magis auxiliantur. Vera miracula licet interdum
faciant etiam homines mali; raro tamen, nec nisi
ad confirmationē veritatis, & diuinæ virtutis de-
clarationē: fere autē magi homines sunt flagitosi
& malefici, quos proinde diuinis humanisq; legi-
bus consulere & adire prohibemur. Quæ faciunt
Magi, vel sunt tantum fantastica & simulata, &
ideo nec diurna; vel sunt perniciosa, vel inuti-
lia: vera autē miracula, sunt opera solida & vera,
utilissima hominibus, & nō nisi magna aliqua ne-
cessitate & utilitate facta. Magi, opera sua faci-
unt, vel per causas naturales, vel ope Dæmonum,
utuntur multis præstigijs, mendacijs, ludificatio-
nibus hominum, figuris, characteribus, verbis vel
nihil, vel absurdā significantibus, alijsque super-
stitionis ceremonijs; miscentque sacra profanis:
namque nonnulla verba sacra usurpant, adiunctis
superstitionibus foedant & contaminant. Docent
enim ea dici debere sub certo quodam constella-
tionum situ, certoque loco & tempore, toties si-
gno crucis facto, tot candelis accensis adhibitis;
vel filis, aut velis, aut chartis, quas vel pueri vel
virgines tantum tetigerint: adhibent etiam quæ-
dam, quæ nihil prorsus ad effectum producendum
pertinent, sed ridiculam habent vanitatem. di-
cunt enim oportere tali hora & toties, & tali aqua
lauare faciem, radere capillos; hac, vel illa ueste
indui. Sed, quod impietatis plenissimum est, san-
guinem ex humano corpore mittunt, eoque liba-
mina quædam consecrant, nomina quorundā dæ-
monum usurpant, quibusdam animalibus famili-
ariter utuntur, & cum eis colloquuntur, Dæmoni-
bus

bus sacrificant, nomen & fidem C H R I S T I abiu-
rant, prohibent homines signare se signo crucis,
& alia faciunt partim superstitione, partim ridicu-
la, partim penitus execranda. Nihil tale sancti fa-
ciunt edendis miraculis, sed vel interiore vel etiā
exteriori supplicatione & inuocatione diuinæ
virtutis, vel facto signo crucis, vel aliquibus ver-
bis sacratis recitatis, miracula operantur. Ad extre-
num, cur vel Dæmones vel magi faciant illa sua
miracula, non est obscurum; nimis vel lucri,
vel glorie & honoris cupiditate, sibi diuinum no-
men & cultum aucupantes; vel ut veritatem per-
uertant & falsitatem hominibus persuadeant; vel
ad patranda maleficia, veluti furta, adulteria, ho-
mocidia. Sancti autem faciunt miracula, non suā
causa, cum & diuitias contemnant, & honores fu-
giant; sed ut DE V M honorent, Ecclesiam ædifi-
cent, hominesque non solum corpore, sed multo
etiam magis animo iuuent. Qui igitur sanæ men-
tis est, & studiosus veritatis amatorque virtutis,
non erit ei difficultè vera miracula à falsis discer-
nere: qui autem flagitiosè viuit, & C H R I S T I
doctrinam odit, nec studio veritatis, sed vanæ cu-
iositatis cupiditate miracula quærat; is iusto D E I
udicio permittitur, ut quia veritati consentire &
acquiescere noluit, circumueniatur mendacijs &
falsis miraculis persuasus, peruersam doctrinam
alsaqué dogmata, pijs verisque repudiatis, ample-
tatur. Hoc est enim quod docuit beatus Paulus
in 2. epist. ad Thessal. cap. 2. præmonens ventu-
um Satanam vel antichristum in omni virtute, in
omni seductione iniquitatis; non quidem omni-
bus, sed ijs qui charitatem veritatis non recepe-
unt, ut salvi fierent. his enim mittet D E V S ope-

rationem erroris vt credant mendacio, & iudicentur omnes qui non crediderunt veritati, sed consenserunt iniquitati.

CAPUT IX.

QUOTPLEX SIT MAGIA.

VA R I A S Magiæ species, ne hanc artem it totum vel commendemus, vel damnandum execrandamq; existimemus, & ne hoc institutæ tractationi desit, vel tantum indicare conuenit. Ac primò, quam alij Magiæ varietatam trarint, ostendimus. Plinius lib. 30. cap. 2. complures Magiæ species ab Osthane principe eius arti doctore trāditas esse commemorat. Namqne, ait & ex aqua, & ex sphēris, & ex aēre, & stellis, & lucernis ac pelūibus, securibusq; & multis alijs modis, diuina promittit: præterea umbram, inferorumque colloquia. Hæc ibi Plinius. Sed Iamblicus in libro suo de Mysterijs AEgyptiorum, & Proclus in libro de Sacrificiō & Magia, & Prophyrius in libro de Sacrificijs duplē faciunt Magiam, sicut, etiam ex Prophyrij doctrina refert beatus Augustinus lib. 10. de Ciuitate Dei, cap. 9. Altera vocant Theurgiam, nempe bonam & laudabilem qua certis quibusdam hostijs & sacrificijs, munditia quadam animæ & corporis, alijsq; sacrīs cæremonijs, bonos ac beneficos dæmones inuocant quorum afflātu & auxilio, & occulta manifestant & futura prænunciant, & mira edunt opera, quæ predicti scriptores miris laudib⁹ in cœlum efficerunt. Alteram appellant Goëtiam, & Necromantiam quæ mortuos excitat & consulit, & per eis responsa de rebus occultis vel futuris reddit. Dicitur Goëtia a planctu, quo circa mortuorum se pulchi-

*Variae species
Magia.*

pulchra eorum animæ ex inferis euocatur: Necromânia verò, quia sit diuinatio ex mortuis euocatis petita. Suidas autem distinguit Magiam, quam ait Persarum esse inuentū, in Goëtiam, Magiam proprie dictam, & Pharmatiam. Magia, inquit, est inuocatio Dæmonū, scilicet benificorum ad aliquod bonum conficiendum; cuiusmodi Apollonij Tyanei prædictiones fuerunt. Goëtia fit per coactiōnem & inuocationem mortuorum; sic enim dicta est à planctu qui fit circa sepulchrum. Pharmatia verò fit, cum aliquid porrigitur alicui sumendum ore, quod mortem ei fit allaturum; vel vehementes alias perturbationes & mutationes, aut corporis aut animi in eo fit effecturum, certis incantamentis præparatum. Hæc Suidas.

NOBIS autem omnes Magiæ species hac ratione & ordine distingui posse videntur. Magia, alia est Naturalis, quæ per res naturales singulari quorundam hominum artificio adhibitas mira facit: Altera est non naturalis, quæ Dæmonum inuocatione & ope vtitur ad operandum. Hæc in Theurgiam & Goëtiam & Necromentiam, de quibus paulò ante diximus, rectè diuiditur. Nam si quæ sunt aliæ, ad hæc species commodè reuocantur. Illa, quam naturalē diximus, partim est physica cuius homine medicinam etiā complectimur, quæ circa occultas rerum naturaliū virtutes, rerum mirabilium effectrices, versetur; partim est Mathematica; cuius excellēti peritia, quæ mira fecerint Architas & Archimedes, supra cōmemorauim⁹. Rursus Magia tā naturalis, quæ nō naturalis, bipartitò diuiditur: altera enim habet veros & naturales effectus, alia simulatos tantū, nec tales reuera quales vide-

tur: hanc vno vocabulo Præstigiatricē appellam^o, suis enim præstigijs adeo præstringit & eludit sensus humanos, vt faciat videre quæ non sunt, & nō videre quæ sunt; idque vel interuentu & admiculō Dæmonum, vel operatione naturalium agentium, vel incredibili tractu atque agitatione manuum. Itaque qui edit panem, videtur farinam spuere: qui vinum bibit, per frontem aut iugulum id reijcere; videntur gladij vorari; ingens vis euomi acuum, minorum, & zonularum, quarum rerū circulatores miri sunt artifices. Hęcdiuiditur in Opticam, & Phapticam: illa, manuum, digitorum aliarumque partium corporis incredibili agilitate & motione, defixum in res obtutum spectantium frustratur, hęc collyrijs, suffumigationibus, alligationibus, potionibusque sensus interiores & exteriores ita perturbat, vt seculis quam reuera est, iudicent de sensibilibus exterioribus. Vtitur etiam illa prior laminibus, annulis, imaginibus, speculis vario situ varioqne modo positis & transpositis.

M A G I A E porrò Naturali, quidam duas alias species adiungunt, alteram vocant Astronomicam, alteram Cabalisticam, quæ an sint meretragæ & quorundam hominum commenta, an reuera aliquid solidi habeant & præstent, nunc pau-

Contra Magiam Astronomam: quis certas quasdam imagines & figuræ, annulos, sigilla, statuas & alia quædam horum similia fabricatur, in quibus eius cultores & defensores affirmant, cœlestium corporum virtutes & influxus recipi, receptosq; miros effectus præstare. Sed haec vana sunt, nec modò à christiana veritate, et pietate, sed etiam à philosophica ratione & disciplina longè

Iōgē remota. Virtus enim clestais per se vniuersalis est & indeterminata ad hunc vel aliū quēlibet effectum producendū; determinatur autē per causas naturales particulares: Illę autē imagines & figuræ astronomicæ, non sunt causæ naturales, nec habēt vim, aut efficiendi quippiam, aut præparandi materiam ad hunc vel illum effectum recipiendum. Deinde cœlum naturaliter operatur; illæ autem imagines sunt ingenio & artificio hominū inuentæ, & pro eorum arbitrio adhibitæ; non igitur per illas, virtus coelestis mōdificari aut determinari potest. Postea, lignum quoconque modo figurētur, nō potest in se recipere immediatè formam equi vel leonis; nec vitrum aut aurum formam plantæ: multo igitur minus huiusmōdi materiæ, prōpterea quod ab ipsis Astronomis variè figurentur, idoneæ habilesqüe reddentur ad certas quasdam virtutes siderum recipienda. & ad aliquos mirabiles effectus producendos. Adhac, quæ est naturalis conuenientia illarum Astronomicarum imaginū cum cœlo? neque enim est vel secundum figuram, vel secundū naturam vel motum vel qualitates; quomodo igitur res naturales sine ipsis figuris non sunt idoneæ ad diuinos illos siderum influxus accipiendos, signatæ autem & adornatæ istis imaginibus, statim fiunt idoneæ? His aceedit, quod insignia visu effectuq; sidera, si Mathematicis demonstrationibus credimus, ampliora sunt quam vniuersa terra; quomodo igitur influxus illorum ad vnam imagunculam astronomi- cam restringitur. vt non etiam per alias res quamplurimas tali figura carentes diffundatur? Nullus igitur nouus effectus ab huiusmodi Magia astronomica proficiscitur; & si quis forte cernit alii-

quando, is non earum imaginum aut siderum potentia, sed occulta dæmonum opera, quò eiusmodi fraudibus mortales circumueniant, proficiuntur.

CAPUT X.

DE MAGIA CABALISTICA.

SE D venio ad Cabalisticam, quam philosophi quidam Iudeorum, & de nostris nonnulli vanitatis magis quam veritatis studiosi, & res curiosas atque inauditas quam veras & solidas descendit audiores, affirmant scientiam esse Mosi primùm à DEO in monte Syna traditā; deinde nō quidem literarū monumentis, sed ore tenus à prioribus, per quandam veluti manuum traditionē, & receptionē posteris traditam, adhuc fuisse conservatam: ideoque dictam esse Cabala, quod verbum Hebraicē idē sonat quod Latinē recipio; nimirū eam posteriores à prioribus ore tenus auditione accipiebant, & animo memoriaque custodiebant: qua etiam ratione ferunt veteres, disciplinam Pythagoricam multis sēculis esse conservatam. Complectitur autem hęc Magia Cabalistica vniuersam Philosophiam, diuinam & humanā, nec non & naturalem: omniumq; rerum doctrinam mysticę ac symbolicę continet; non eā more aliarum humanarum disciplinarum, rationibus & argumentis disputationibusq; tractans, sed numeris, figuris, ac Symbolis: itaque in ea singulæ litteræ, figuræ, nomina, elemēta, apices, lineæ, puncta, accentus, spiritus, & si quid aliud est minutius, profundissimam quandam & abditissimam ingentiū rerum significatricem doctrinam habent. Hanc Magiam qui bene teneat, eum nihil non poliere aiunt,

aiūt, emni : scire epræscire, naturæ imperare, cunctasque res ei obedire; hac Mosen prodigia illa fecisse in AEgypto & in deserto ; hac Iosue , Eliam, Eliseum, Isaiam, Danielem, Samuelen tot tantaque fecisse miracula. Dicunt enim, nomina quæ DE vs per Adamum cunctis rebus secundum suæ cuiusque rei proprietates imposuit, fuisse Hebraica, quibus rerum omnium substantiæ, qualites & proprietates exprimantur : quocirca his nominibus naturales res appellanti, confessim res omnes se illi subiiciunt, & eius obsequio se totas addicunt, Huius amentiæ expers non fuit VViclef, qui vt memorat Thomas VValdensis in ope- re suo de Sacramentalibus, dixit, in statu innocentiæ Adam imposuisse nomina animalibus secundum naturales eorum proprietates; quibus nominibus appellata ab homine, statim ei obediriissent, eiusq; omnia iussa fecissent : & huius rei reliquas remanere in exorcistis & incantatoribus, & ad id magnam vim habere voces hebræas. Cuis sententiaz doctam copiosamque refutationem lege apud ipsum VValdensem.

V E R V M adeo est ineruditæ, insulsa & ridicula hæc Cabalistarum opinio, vt nihil æquè mirum sit quam vlli hominum sanæ mentis aliquando eam probari & persuaderi potuisse, sed ita est profecto, sunt ingeniorum similiter vt hominum monstra quædam, & portenta è quibus eiusmodi opinionum commenta & deliramenta proficiuntur . Principio, nonné incredibile est, Solēm & Lunam & cætera astra, elementa item & stirpes cum ratione careant, diuinā illam vim quæ latet in vocibus hebræis sentire, eaque sic affici & permoueri, vt homini pro eius arbitrio pareat?

Sed

Exod. 7.
seq.

Gen. 2.

Refellitur
cabalistis
ars.

Sed esto, nouerint illam vim, vel omnes res naturales, vel certè animantes aut homines; num ideo eiusmodi nominū appellatione eas continuò moueri necesse est? Si quis mihi proponeret nomen, totam meam substantiam omnesque proprietates perfectissimè declarans, num eo nomine appellatus ab illo, cogerer eius imperio obsequi & quæcunque ille vellet, facere? Si reconditissimam illam vim & efficaciam vocum hebræarum quam iactant Cabalistæ, paucissimi hominum intelligunt, nec nisi qui illa eadē ante sunt iniciati, quomodo eam agnoscunt & sentient bruta, cæteraque non ratione modò sed etiam sensu carentia? Cur tribuunt tantam vim vocibus & characteribus hebrææ linguae, quam omnium vetustissimā & primam feruunt, cum certè constet alios esse characteres haibræos qui nunc extant, quam qui olim fuerant ante captiuitatem Babylonicā? quod beatus Hieronymus in prologō galeato affirmit scribit. Certum, inquit, est, Esdras post captam Hierosolymam, & restorationem templi sub Zorababele, alias literas reperisse, quibus nunc utimur, cum ad illud usque tempus ijdem Samaritanorum & Hebræorum characteres fuerunt. Nec verum est, in lingua hebræa reperiri voces quæ omnium rerum naturas, insimasque differentias & proprietates exprimāt; nec in declarandis rebus vberior est aut significantior hebræa lingua quam græca vel latina: nec ullum est nomen in illa lingua, quod simul alicuius rei & substantiam & differentias atque proprietas tam genericas quam specificas atque individuales aperiat: nec in vocibus hebræis per se sumptis, plura maiora velatent mysteria, quam vel in Græcis vel in Latinis. Legimus in

in scriptura, quomodo Moses & Aaron per virgam Ios. 10.
 eis à Deo traditam plurima maximaque fecerint
 prodigia. Legimus Iosue retinuisse cursum Solis
 & Lunæ, cum dixisset: *Sol contra Gabon ne mouearis,*
& luna contra vallem Aialon. Steti, que sol in medio cœlis
 & non festinauit occumbere spatiis unius diei. Nec fuit ar-
 tea & postea tam longa dies, obidente Domino voci homi-
 nis & pugnante pro Israël. Narrantur etiam Samuelis,
 Eliæ, Elisei & Danielis miracula, nec tamen vi-
 quam de istis Cabalisticis mysterijs nulla mentio
 aut verbum fit; si tanta est Cabalisticæ Magiæ vis
 & potestas, ut cœlis imperet, solem sistere aut re-
 trocedere cogat, maria diuidat, flumina siccet, to-
 tamque naturam commutet, & sibi ad nutum obe-
 dire faciat, cur isti sapientes Cabalistæ, eius artis
 pertiissimi, talia nunquam patrarunt, vel etiam
 nunc patrare possunt? Certè Philosophi Iudeorū
 qui sibi hanc sapientiam arrogant, si quid ea pol-
 lerent, ad excutiendum iugum durissimæ seruitu-
 is, quo miseri iam mille & quingentis annis op-
 pressi tenentur, ut debuissent.

CAPVT XI.

DE NECROMANTIA.

DE Necromantia non nihil dicamus, ut qua-
 lis quantæ sit eius vis, vel potius fraus &
 fallacia, ostendamus. Necromantici pro-
 intentur se animas mortuorum euocare posse ex
 ipsique cognoscere multa quæ sunt occultissima,
 vel etiam futura; animas autem mortuorum, præ-
 fertim eorum qui flagitosè vixerunt, aut violen-
 tia morte de vita deturbati sunt, Magis eas inuocâ-
 ibus adesse, respondere, multaque manifestare,
 docer

Prophyrius

*de reuocatio-
ne animalium
ex inferis:*

docet Porphyrius lib. 2. De Abstinentia animalium. nam cum de prauis & fallacibus dæmonibus dixisset, mox subdit hæc de animalibus: Tales, inquit, sunt & animæ mortuorum, quæ vitijs oppletæ è corpore migrarunt; conflicitantur enim etiam tūc, iræ & cōcupiscentiæ perturbationib⁹, & in naturam conuersæ dæmonum, similes illorum reduntur, nōxiæ ac turbulentæ; in varias se vertunt formas, ac modò conspicuas se oculis præbent, modò recōdunt, & ita eludunt aciem tum intuentium, tum etiam cogitantium. Et quodam alio loco: Praua, inquit, anima quæ corpus suum violenter rēliquit, expoliata ad hoc ipsum deinde se admouet, ibique moras trahit. Vnde nonnunquam visæ sunt animæ lamentari: nam animæ carentium sepultura, circa corpora immorantur, quibus malefici sæpius abuntuntur ad ministerium suum explendunt; compellentes animas à positione corporis vel partis cuiusdam assumptione. Quocirca qui vaticinantium animalium insinuari sibi animas optant, præcipua illorum membra deglumentes, veluti ceruorum vel talparum, vel aliorum accipiunt. & ita præsentem sibi faciunt animam, DE I ritu vaticinante: talis enim anima vnâ cum sui corporis integra sumptione, in corpus humanum se penitus ingerit. Hæc Porphyrius.

*An fuerit ve-
rus Samuel
qui per Phy-
tonissam rep-
ræsentatus est
Sauli.*

MAGNAM sanè huic arti fidem facere videtur, quod legitur primi libri Regum, capite vigesimo octavo Pythonissam rogatu regis Saulis, excitasse à mortuis animā Samuelis; fecisseq; vt Sauli de euentu impendentis belli consulenti, quæ mox ei euentura erant prænunciaret. Et quidem beatus Augustinus libro 2. ad quæstiones Simpliciani, respon-

pondens ad tertiam quæstionem, & in libro de o-
cto Dulcitij quæstionibus, quæstione sexta dispu-
tat in utramque partē, an fuerit ille verus Samuel,
an potius Dæmon specie & figura Samuelis; pro-
pensior tamen est ad credendum, illum non fuisse
verum Sāmuelē, sed eius imaginem & simula-
chrum, arte diabolica formatum, & aspectui Sau-
lis præsentatum: appellari autem in scriptura Sa-
muelē, quod illum habitu, specie & authoritate
repræsentaret. Non enim raro tum in communi
hominum loquendi consuetudine, tum in sacrī
literis rerum imagines & simulachra, nōminibus
ipsarum rerum appellantur. Hoc idem citra du-
bitationem ullam traditur in libro secundo de Mi-
rabilibus sacræ scripturæ, cap. 2. & in libro Quæ-
stionum veteris & noui Testamenti quæst. 27. qui
libri, nomine beati Augustini in eius Operebus
numerantur. Tertullianus in libro De Anima,
nō solum hoc probat, sed contrariam sententiam
omnino improbat: nam loquens de Sāmuele, hæc
scribit: Ecce hodie eiusdem Simonis hæreticos
canta præsumptio artis magicæ extollit, vt etiam
Prophetarum animas ab inferis mouere se spon-
deant: & credo, quia mendacio possunt; nec enim
Pythonico tunc spiritui minus licuit animam Sa-
muelis effingere, post DEVM mortuos consuene-
re Saule. Absit autem vt anima cuiusquam sancti,
nendum Prophetæ, à dæmonio credamus extracta,
terti quod ipse Satanas transfiguretur in angelū
facis, nedum in hominem lūcis, etiā Deum se af-
fueratus, signaque portentosiora editurus, ad
euertendos, si fieri possit, electos. Hæc Tertulli-
anus. Quibus verbis alijsque proximè consequen-
tibus aperte docet non fuisse illū verum Sāmuelē.

S. Thomas prima parte quæst. 89. art. 8. & secunda secundæ quæst. 95. art. 5. ad 2. & quæst. 174. artic. 5. ad 4. dubitanter de hoc loquitur, secutus nimirum Augustinum: idemq; fit in Decretis 25. Quæstione 5. cap. Nec mirum. Sed vt Lyrano & Tostato & ni fallor etiā B. Augustino, lib. De cura pro mortuis agenda, cap. 15. Sic etiam mihi probabilius est, immò certum est, fuisse veram animā Samuelis quæ Sauli apparuit, exercente quidem Pythonissa artem suam magicam, sed non eius artis vi & potentia, sed D E i imperio ab inferis excitata, quæ dispensatione diuina Pythonissam & Saulum latēte, ostendit se aspectibus iniqui regis, diuina eum sententia percussura; vt impius rex, quæ post mortem supplicia suæ impietati debita passurus erat, iam tum acerbissimo doloris sensu prægustaret. Nec ad hoc probandum aut persuadendum opus est testimonij vel argumentis, cum id in sacra Scriptura perspicuè traditum sit. Nam in libro Ecclesiastici, cāp. 46. sic est: *Et post hoc dormiuit Samuel, & notum fecit regi, & ostendit illi finem vita suæ, & exaltauit vocem illius de terra in prophetia, delere impiatum genit.* Et sanè B. Augustinus libro illo De cura pro mortuis agenda, & S. Thomas secunda secundæ non obscurè significant, si liber Ecclesiastici tanquam fācer & canonicus recipiatur, nec cessariō sentiendum esse, verum Samuelem apparuisse Sauli. Loquuntur autem illi conditionaliter de auctoritate libri Ecclesiastici, nō quod non eum pro sacro & canonico haberent; sed quia nee Hebræi eum recipiunt & reponunt in libros Canonicos, & quidam Catholicorum olim, de eius auctoritate dubitarunt. Quare nobis vt de eius libri fide & auctoritate, sic nec de vero Samuel

Saul

Sauli post mortem prophetante , dubitare licet.
 Nec obstat huic sententiae , quod ille Samuel dixisse legitur Sauli : *Cras tu & filij tui mecum e. itis;* cum certum sit diuersas esse sedes post mortem , bonorum & impiorum , & in Euangelio legatur Abr - Lxx 14.
 am dixisse illi epuloni , inter se , & ipsum , maximum & intransibile chaos intercedere : hoc inquam , non obstat . Nam illa verba Samuelis , ut bene interpretatur S Augustinus respondens ad tertiam questionem Simpliciani ; non ad æqualitatē fœlicitatis , sed ad similem conditionem mortis referri debent : vt sit sensus ; Cras & non amplius eris inter viuos , sed inter mortuos , inter quos ego sum , quin etiam & tunc , & usque ad C H R I S T I Domini resurrectionem , omnes tam boni quam mali , apud inferos , licet sedibus disclusi , detinebuntur .

SE D redeo ad Necromantiam , quæ olim multis locis & apud multas gentes celebratissima fuit . Osthanes apud Plinium lib 30. cap. 2. huius artis nobilissimus professor , promittebat quorumlibet mortuorum excitationes & colloquia cum viuis : & sanè maioris est admirationis , quod extremo illo capite subdit Plinius : Adole sc̄ntibus nobis , inquit , visus Apion grammaticæ artis , prodit Cynocephaliam herbam , quæ in AEgypto vocatur Osyrites , diuinam non in viuos modò , sed etiam in mortuos habere potentiam , eaq; se euocasse umbras ad percunctandum Homerum qua patria quibusque parentibus genitus esset . Cicus Asculanus in commentarijs quos in sphæram edidit , nominat librum qui olim extabat , & inscribatur S C R I P T U R A C H A M ; opus magicae ac maleficæ impietatis plenū , continens elementa

& praxim Necromantia. Tertullianus lib. De Animis, vbi de inferis & defunctorum euocatione differit: Publica, inquit, iam literatura est, quae animas etiam iusta aetate sopitas, etiam proba morte disiunctas, & prompta humatione dispunctas, euocaturam se ab inferoruin incolatu pollicetur. Fuerunt quondam multa apud varias gentes loca, Necromantiae vsu nobilitata, vbi & a defunctis oracula & responsa perebantur. Homerus lib. II. Odysseæ Cymmericum oraculum ad Auernum Campaniæ lacum celebrat, quo Ulysses concessit, ut Thyresiam de reliquo itinere suo consuleret, cuius etiam meminit Strabo libro quinto Geographia. Tesprotium in Epiro Orpheus celebre fecit, in eo manes cantu permulcendo, & Euridicæ coniugi ad superos redditum impetrasse creditum fuit. Vnde Virgilius libro sexto AEneidos:

*Sipotuit manes accersere coniugis Orpheus,
Treijcia fretus cythara fidusque canoris.*

Apud Lucahum Eridone venefica Thessala mortuum euocat, qui Sex. Pompeio exitum Pharsalicae pugnæ denunciet. Phigaria Arcadiæ ciuitas, habuit huiusmodi. Necromantas, a quibus occultari & futura sciscitari visitatum fuit. B. Augustinus lib. 9. de ciuitate Dei, cap. II. citat Apuleium affirmantem animas hominum dæmones esse; & ex hominib[us] fieri lares, si meriti boni sunt; Lemures autem aut larvas, si mali; qui nullis bonis sedib[us] in terra vagatione puniuntur, inane terricula amentum bonis hominib[us], cætrum noxiun malis. Cum verò incertum est quæ cuique sortitio obuenierit, utrum lar sit an larva, manes deos nominant, & fanis atque ceremonijs vulgo admittuntur, ut oracula reddat, ut in Boeotia Amphiaraus, in Africa Mopsus,

in AEgypto Osiris, alias alibi gentium, AEsculapius vbiq;. Hæc ex Apuleio: quem ibi August. verè grauiterque refellit. Et apud Tertullianū in libro De Anima sic habes; Nosomanas propria oracula, apud parentum sepulchra mansitādo captare, Eraclides scribit. Celtas apud virorum fortium busta, eadem de causa ab nocte, Nicander affirmat.

V E R V M has omnes mortuorum, quæ arte Ne- Confutatio
Necromatia.
romantica fiunt, apparitiones, vanas & fallaces esse, non est dubitandum: plerasque enim ab ipsis Necromantis alijsue fictas esse comperatum est. Si quæ autem reuera contigerunt, in his existimam-
lum est, non animas defunctorum apparuisse vi-
uis, sed ipsos Demones tales se ostendisse Necro-
mantis, vel eos consulentibus, tales, inquā, habi-
tu, specie, etate, voce & affectu, quales fuerant o-
m̄ mortui, cum inter viuos versarentur. Hanc e-
o opinionem ut proculdubio veram putem, rati-
nibus testimonijisque & experimentis adducor.
Itio nec obscura nec sanè infirma sit ea, qua S. Argumenta-
tio beati Tho-
me contra
Necromantia.
hom̄as prima parte quest. 117. 4. art. hoc ipsum co-
rmat. Non potest, inquit, anima separata, natura-
virtute sua, mouere aliquod corpus: cū enim
naturalis forma humani corporis, non habet
im mouendi secundum locum, nisi corpus quod
informat & viuiscat: nam etiā cū est vuita cor-
pori, si sit aliquod membrum mortificatum, non
bedit animæ ad motū localem. Quare animæ de-
functorum, nec assumere corpora, nec cū illis
viuos venire possunt. Deinde, Necromatæ non
habent vim & imperium in animas defunctorum
qui sunt in cœlo, nec quæ sunt in Purgatorio; nō
nim conuenit aut decet animas sanctorū, impijs

Necromantarum artibus subiacere : neque in animas quæ sunt in inferno; nā cum illuc sint à D E O tanquam in carcerem detrusæ, vt æternas scelerū suorum pœnas luant nulla inde vi possunt effterri, nec nisi D E I mandato egredi : non est autem credibile, D E V M id concessurum Necromantis, per quos Dæmon satagit mortales decipere, & à veri D E I cultu auertere : sic enim D E V S artem Necromantiam & per se infamem, & toties à se in sacris literis reprobata m, extremodoque mortis supplicio condemnatam, non solum honoraret, sed etiam fide cultuque apud mortales dignam redde-
ret. Profectò, si cui mortuorum réditus ad viuos concedendus fuit, videbatur concedendus diuini illi, cuius mentio fit apud Lucam cap. 16. qui obnoxie rogabat Abraam, vt de ijs qui simul erant in inferno, aliquem mitteret ad amicos cognatosq; suos monendos, vt benè viuendo, diras, & perpetuas inferni pœnas evaderent; nectamen ei concessum est. Non infior, animas quæ sunt in Purgatorio, nonnunquam apparuisse viuis : id enim B. Gregorius in quarto libro Dialogorum nōnullis & quidem certis probat exemplis. Nec equidem nego, etiam animas beatas vel Martyrum, vel aliorum Sanctorum, descendere in terras hominibus eorum auxilium imploratis, opem & solatium laturas : id enim confirmat B. Augustinus in lib. De cura pro mortuis agenda, cap. 16. exemplo B. Felicis Nolæ Episcopi, quem ciuibus suis Nolanis, cum à Barbaris oppugnarentur, apparuisse & subuenisse, affirmat Augustinus, se non in certis rumoribus, sed certis testib⁹ audiuisse: Hęc, inquam, non nego ; sed aio animas mortuorum, cum apparent viuis, non id facere sua voluntate

& arbitratu, nec naturali potestate, multoque minus vi & potentia artis Necromantice, sed id fieri singulare quodam D E I consilio, voluntate ac potestate. Nec animas defunctorum interessere rebus viuorum, minus est miraculum secundum B. Augustinum loco supra dicto, & secundum B. Thomam prima parte, quæst. 89. art. 3. ad 2. quām vel illuminatio cæci, vel alia quæ in magnis D E I miraculis numerantur. Adscribam hic in hanc sententiam B. Augustini verba ex eo loco quem proxime indicaui : Verum ista, inquit, diuinitus exhibentur, longè aliter quām sepe habet visitatus or- Augustini obseruanda secundo, singulis creaturarū generibus attributus. Non tenia.

enim ideo putandum est viuorum rebus quoslibet interesse posse defunctos, quoniam quibusdam sa-
nandis vel adiuuandis Martyres adsunt : sed ideo
potius intelligendum est per diuinam potentiam
Martyres viuorum rebus interesse, quoniam de-
functi per naturam propriam, viuorum rebus in-
teresse non possunt. Hæc Augustinus.

S E D audiamus Tertullianum qui in libro De Anima, vbi de inferis & animarum euocatione agit, hanc nostram sententiam grauissimis disertis-
simisque verbis comprobauit : Necromantia, in-
quit, secunda est idololatria, in qua se Dæmones
perinde mortuos fingunt, quemadmodum in illa
deos. Quid nisi cum & dij mortui sint? Itaque in-
uocantur quidem defuncti, sed Dæmones operan-
tur sub eorum obtentu. Hanc autem fallaciam Di-
aboli sub personis defunctorum delitescentis (ni
fallor) etiam rebus probamus, cum in exorcismis
nostris, interdum Dæmon aliquem se ex homini-
bus affirmat, interdum gladiatorem vel bestiariū,
sicut alibi Deum, nihil magis curans quām hoc

*Notabilis
Tertulliani
sententia.*

ipsum excludere quod prædicamus, ne credamus animas vniuersas malorum ad nihilum redigi; vt & iudicij & resurrectionis fidem turbent. Et tamen ille Dæmon, postquam circumstantes circumuenire tentauit, instantia diuinæ gratiæ vietus, id quod in vero est, inuitas confitetur: Sic etiam in Necromantia que iam quiescentes animas euellere ab inferis creditur, & conspectui exhibere, non alia fallaciæ vis est, operatio planè, quia & phantasma præstatur, & corpus effingitur, nec magnum illi exteriores oculos circumuenire, cui interiorem mentis aciē excæcare, per facile est. Nulli autem animæ omnino inferos patere, satis Dominus in argumēto illo pauperis re quiescentis & diuitis ingemiscientis, ex persona Abrahæ sanxit, non posse relegari renunciatorem dispositionis infernæ, quod vel tunc licere potuisset & Mosi, & Prophetis crederetur. Sed etsi quasdam reuocauit D e i virtus in documentū iuris sui, non idcirco communicabitur fidei & audaciæ Magorum & fallaciæ somniorum & licentiae poëtarum: nam in hac mortuorum resurrectione qua D e i virtus in corpora animas repræsentat, solidæ & cōrectabili & satiata veritate præiudicatu est hanc esse formam veritatis, vt omnem mortuorum exhibitionem incorporalem, præstigias iudices. Hæc Tertullianus. Simulant igitur Dæmones, animas defunctorum secundum Augustinum & Chrysostomum, quorum testimonia loco supra dicto memorat S. Thomas, quo facilius errores Gentilium animis hominum inserat ad eos decipiendos. Primum enim sic Dæmon facilius homini quicquid vult persuadet: namque homines animabus defunctorum, vel parentum, vel cognac-

Luce. 16.

Cur Dæmones simulant animas de mortuorum.

torum, vel amicorum' fuorum quos diligunt, & à quibus se diligunt non dubitant, libentius & promptius credunt, quam Dæmoni quem naturaliter horrent. Deinde, ita persuadet hominibus, infernum non esse carcerem perpetuum, ex quo non licet aliquando egredi: nec esse adeo graues & perpetuas inferni pœnas, sicut homines putat. Ad hęc sic facit, ut homines putent, animas etiā post mortem habere corpora, vel posse quælibet se in corpora induere, vel in quælibet hominum aut bestiarum corpora migrare: quare concipitur error Pythagoricus de transmigratione animalium, eoque concepto labascit fides & spes christianæ resurrectionis. Præterea, hac ratione faciunt Dæmones, ut viui mortuos vel tanquam terrificos & noctios sibi metuāt, & varijs superstitionibus placare ibiꝝ conciliare studeant; vel tanquam beneficos ibique vel amicitia vel necessitudine deuinctos, nimium superstitionē diligent & colant; vel tanquam animas hominū quorundā apud mortales, atriapiētia, aut fortitudine, aut potentia clarissimum, non humanis modo, sed diuinis. etiam horribus prosequantur atque venerentur.

H V G O sancti Victoris lib. 6. Eruditionis Didacticæ, cap. 5. numerosius & enucleatus: eam de qua disputauimus, Magiæ varietatem enarrans, ad ^{Varia species} Magiæ secundum ^{Magie secundum} dum Hugonē. hunc modum scribit: Magiæ repertor primus creditur Zoroastres, rex Bactrianorum; quem nō nulli asserūt ipsum esse Cham filium Noe, sed nomine mutato, hunc postea Ninus rex Assyriorum bello victum interfecit, eiusque codices artibus maleficiorum plenos igne cremari fecit. Scribit autem Aristoteles de hoc ipso, quod usq; ad bis & vices centū millia versuum eius de arte magica ab

ipso dictata, libri eius usque ad posteritatis memoriam traduxerunt. Hanc artem postea Democritus ampliavit tempore quo Hippocrates in arte Medicinæ insignis habebatur. Magia, in Philosophia non recipitur, sed est extrinsecus falsa, professione, omnis iniquitatis & malitiae magistra, de vero mentiens: & veraciter laedens animos, seducit à religione diuina, culturam Dæmonum suadet, morum corruptionem ingerit, & ad omnes celus ac nefas mentes sequacium impellit. Hæc generaliter accepta, quinque complectitur genera maleficiorum: Manticem, quod sonat diuinationem, & Mathematicam vanam, Sortilegia, Maleficia. Præstigia. Mantice autem quinque continent species sub se; Primam, Necromantiam, quod interpretatur Diuinatio in mortuis. νεκρός enim Græcè, id est, mortuus Latinè; & νεκρὸν cadasuer dicitur; vnde est diuinatio quæ sit per sacrificium sanguinis humani quem Dæmones sitiunt, & in eo delectantur effuso. Secunda, est Geomantia, id est, Diuinatio in terra. Tertia, Hydromantia, id est, Diuinatio in aqua. Quarta, est Aërimantia, id est, Diuinatio in aere. Quinta, est Diuinatio in igne, quæ dicitur Pyromantia. Varro enim quatuor dixit esse, in quibus diuinatio constaret, terram, aquam, aërem, ignem. Prima ergo, id est, Necromantia, ad infernum videtur pertinere; secunda ad terram; tertia ad aquam; quarta ad aërem; quinta ad ignem. Mathematica diuiditur in tres species, in Aruspiciinā, in Auguriū, in Horoscopicā. Haruspices sunt dicti quasi horuspices, id est, horarum inspectores, qui obseruant tēpora in rebus agendis; vel haruspices quasi haras inspicientes; qui in extis & fibris sacrificiorum futura confide-

rare

rant. Augurium vel auspiciū, aliquando ad oculum pertinet: & dicitur auspiciū, quasi auspiciū, quia in motu & volatu auium attēditur: aliquando ad aures pertinet, & tunc dicitur augurium, quasi garitus aurium, quia aure percipitur. Horoscopia, quæ etiam Constellatio dicitur, est, quando in stellis facta hominum quæruntur; sicut Genethliaci faciunt, qui nativitates obseruant, qui olim specialitū Magi nuncupabantur; de quibus in Euangelio legimus Sortilegi sunt, qui sortibus diuinationes quærunt. Malefici sunt, qui per incantationes dæmoniacas siue ligaturas, vel alia execrabilia remediorum genera cooperatione Dæmonum atque instruētu nefanda perficiunt. Præstigia sunt, quando per phantasti cas illusiones circa rerum immutationem sensibus humanis arte dæmoniaca illuditur, Sunt ergo omnes simul vndeclim. Sub Mantice, quinque, id est, Necromantia, Geomantia, Hydromantia, Aërimantia, Pyromantia. Sub Mathematica, tres, Haruspicina, Auspicium, Horoscopia. Postea tres aliae, id est, Sortilegium, Maleficiū, Præstigium, Præstigia dicitur Mercurius primus invenisse: Auguria Phryges inuenierunt: Haruspicina & Sortilegia Tages primus Etruscus tradidit: Hydromantia primū à Persis venit. Hæstenus Hugo.



DE MAGIA
CAPVT XII.

AN PER ARTEM MAGICAM VE-
rum aurum fieri posse ab Alchi-
mista.

Scaliger contra Cardanum exercitat.

527.

Smerdis Magus in usit re-

gnatum Persa. Dominum I E s v M fuisse promissum regem, to-

gnouerunt Magi, qui ad eum adorandū longinquis

e regionibus profecti sunt. E Syrorum libris hæc

descripti simus. Aliunt Magi & transmutatoriæ ar-

tis vires, vias, & fines, esse per quā similes. Opus &

finem Chimistarū, esse corpus in corpus: Opus &

finem Magiæ, esse spiritum in corpore. Magi suas

affectiones, violentias appellant, proptera quod

vires suas supra eas quæ naturæ ordine fieri vidé-

tur, exercent. Chimistæ suum opus nominat For-

titu-

Si verum & perfectum aurum ab Alchimistis potest effici, haud dubiè chymica facultas vna de præcipuis Magiæ partibus censenda est; nimirū tale opus Magiæ, tum propter vim & potentiam artis maximè admirandum esset: tum propter magnitudinem utilitatis, optatissimum atq; gratissimum mortalibus accideret. Audiat lector quid eruditus vir Iulius Scaliger ea de rescriptum reliquerit. Triplex est, inquit, Magia; vna hic infima & nostras, sanè & foeda & sordida cū catiunculis, cadaueribus, & funibus suspendiolorum: quæ si quis atrectare audeat, etiam mereatur. Altera ex astris deducit vires in specula, sigilla, annulos, tabellas: Tertia diuina est. Nomen apud vulgus odiosum fecit colluuios impostorum. At Magus apud Persas, nihil aliud quam sapientē sonat: sed propter Smerdis proditionem & perfidiā, nomen Magorum infensum diu fuit. Hac Magia

Herodotus lib. 3. & Iu-

stinus lib. 1. Matth: 2.

gnouerunt Magi, qui ad eum adorandū longinquis e regionibus profecti sunt. E Syrorum libris hæc descripti simus. Aliunt Magi & transmutatoriæ artis vires, vias, & fines, esse per quā similes. Opus & finem Chimistarū, esse corpus in corpus: Opus & finem Magiæ, esse spiritum in corpore. Magi suas affectiones, violentias appellant, proptera quod vires suas supra eas quæ naturæ ordine fieri videntur, exercent. Chimistæ suum opus nominat Fortitudo.

titudinem : hoc enim significat decantatum illud, Elixir, in cuius fide omnē oppignorant naturā. Sic eo loco Scaliger. Ergo digna cum primis inquisitione ac disputatione res est, utrū nō modo ex solis causis naturalibus, & in solis naturalib⁹ locis, atq; ordine tantū modoq; naturali aurū generari queat, verū etā per artificialē viam ac rationem, quam iactant Chymistæ, perfectum usquequaq; aurum, & tale omnino quale est naturale, possit effici.

D U P L E X circa hanc quæstionem, Philosophorum est sententia: multi negant, quidam vero aiunt. Nos primo loco aliorum sententias enarrabimus ac perpendemus: extremo autem loco etiam quid sentiamus ipsi, & similius vero iudicemus, breuissimè indicabimus.

EXPOSITVR SENTENTIA EO- rum que negant verum aurum posse fieri ab Alchimistis.

AVICENNA in quibusdam suis com-
mantarijs in libros Meteororum, ut refert AEGIDIUS in 3. Quodlibeto, quæst. 8. de Alchimistico auro ita scripsit: sciat artifices Alchimistæ, species metallorū mutari non posse, quamvis similia illis fieri possint; & quamvis Alchimistæ queant tingere ipsum æs colore quo volunt, donec sit multum simile auro, & abstergere imundicias plumbi, ita ut videatur argentum, semper tamen secundum substantiam manebunt æs & plumbum.

AVERROES in Paraphrasi super primum librum de Generatione animalium, explanando primum caput, in eandem sententiam hæc scribit: Similiter etiam si datur aliquid artificiale valde simi-

simile naturali, tanta poterit esse similitudo, quod existimabitur esse idem specie, & si ars Alchimiae habet esse, hoc est, quod potest fieri in ea. Evidenter Auer. declarat sicut se habent mures ex putri materia, ad mures ex semine, inter eos enim est tanta similitudo, ut quamvis reuera inuicem differentia specie, tamen vulgo putentur esse eiusdem speciei, ita etiam aurum alchimisticum se habere ad verum & naturale aurum. Idem sensit Auicenna, cuius verba paulo infra memorabuntur initio capituli proxime sequentis.

B. Thomas. S. Thomas in secunda secundæ conditionaliter loquens de auro alchimico quæst. 77. art 2. ad primum ait: Si aurum quod fit ab Alchimistis, non fit verum & tale, quale fit à natura, eius venditionem pro vero fraudulentam & iniustum esse; si autem fiat verum aurum ab Alchimistis, id licet pro vero auro vendi posse, nihil enim prohibere, artem vtendo causis naturalibus naturales & veros effectus producere. Sed quid ipse simpliciter & absolutè sentiret de auro alchimico, satis perspicue declarauit in 2. sent. dist. 7. quæst. 3. art. 1. ad quintum, ita scribens: Potest quidem ars virtute naturali iū agentium aliquas formas substanciales inducere in materiam; sunt tamen quedam formæ quas nullo modo ars potest efficere, quod propria actiua & passiua earum non potest inuenire atque adhibere, sed bene aliiquid simile illis efficere, sicut Alchimistæ faciunt aliiquid simile auro quantum ad accidentia exteriora, sed tamen non faciunt verum aurum, quod forma substancialis auri non est per calorem ignis quo vtnatur Alchimistæ, sed per calorem solis in loco determinato, vbi viget virtus mineralis; & ideo tale aurum non habet operati-

rationem consequentem speciem; & similiter in alijs, quæ eorum operatione fiunt.

AE G I D I V S in tertio Quodlibeto quæst. 8. *Aegidius.*
affirmat Alchimistas posse quidem facere metal-
lum aliquod quod tantum constet ex permixtione
aliorum simplicium metallorum, cuiusmodi est
electrum, quod dicitur constare ex tribus partibus
auri & una argenti; & quia sèpè in venis metalli-
cis vnum metallum confunditur & permiscetur
cum alio, Alchimista per actionem ignis segregā-
do & separando aurum, quod erat permixtū cum
alio metallo, videbitur de nouo facere aurum; tā-
tum autem abest, vt possit verum aurum facere, vt
ne simile quidem vero auro ita effici queat, vt nō
possit aliquo modo dignosci & discerni. Porrò
existimat AEgidius aurum alchimisticū non posse
sine peccato vendi pro auro naturali; non solùm
quia incertum pro certo & falsum pro vero ven-
ditur, sed etiam quia in medicinis adhibetur au-
rum ad confortandum cor, & morbos quosdam
profligandos; maximum autem periculum esset,
ne aurum alchimisticum propter diuersam ratio-
nem constitutionis, nimium laderet complexio-
nem humani corporis, eiique insigne aliquod de-
trimentum afferret. Quod autem verum aurum
confici nequeat, AEgidius ita probat, vel potius *Aegidius.*
declarat. Cernimus in uno quoque genere entiū, *gat aurum*
quosdam illius generis esse perfecta, alia verò im-
perfecta; perfectorum autem generationem esse
determinatam tam secundum principiū actiū
& secundum materiam, quāni secundum locum in
quo fit: Imperfectorum autem minimè: Exempli
causa, in genere animalium, quæ sunt perfectio-
ra, ita se habent natura, vt equus non generetur
risi

nisi ab equo, & ex sanguine menstruo equo, & intra matricem; at mures possunt generari ex semine & sine semine, intra matricem & extra. Idem perspicitur in plantis; idemque similiter contingit in elementis, nam purus ignis elemētaris, nec generari, nec conseruari potest, nisi in suo loco naturali, id est, in concauo Lunæ; ergo similiter etiam eueniet in metallis; quare cum aurum sit perfectissimum omnium metallorum, habebit determinatum agens & materiam, & locum naturalem, & propriam venam quæ latet intra sinum & ventrē terræ, extra quem locum, aurum nullo modo confici possit. Neque valet illud, quod posset afferri contra hoc quod diximus: nimur si mures qui sunt perfectiores auro, possunt generari extra matrem multo magis aurum effici poterit extra suum locum naturalem; & si serpentes fuerunt arte magica producti à Magis Pharaonis, vt legimus in Exodo, cur non etiam poterit effici verum aurum industria & beneficio artis? Hoc inquam non valet, nā eadē ratione probari posset, cum mus sit perfectior qualibet planta, & mus generari queat sine semine, quālibet etiā plātā posse absq; semine procreari, quod falsū est: nihil ergo prohibet, quod est imperfectius alio simpliciter, esse perfectius illo secundū quid. Quamobrem quod aurum requirat determinatum locum suæ generationis, nō arguit ipsum simpliciter esse perfectius aliquo animali sed tantū secundū quid. Hęc ex AEgidio.

C O N C I L I A T O R in differentia 209. sic ait: Metallum non potest fieri per artem, & in aliud transmutari; cùm ars solū faciat permutationem in accidentibus, non autem in substantiis; vel for-
tasse si possibile est, tamen id est homini ignotum,

vnde

vnde Commentator tertio, De anima ait; Dicitur de multis artificijs, quod videntur esse possibilia, sed sunt causarum ignotarum. vt v. g. Alchimia, et si talis ars constituatur, fortasse hoc erit per accidentem, & inspiratione diuina potius quam artis humanae sapientia. Non enim (inquit Conciliator) ars eo peruenire potest, vt agentia & materialia, cum tempore, modo, & alijs circumstantijs, sciat ita proportionare, vt inde nouum constituantur metallum. Quod si apparentur videatur, id erit, quia ars fallaciam eius humano ingenio nequit detegere. Vnde aurum arte constructum, vim non puto habere confortandi cor, sicut habet aurum a natura productum. Fideles mihi tamen experti, dicitur argenti decoctione per artem fieri verum, non tamen videtur appareretur lucrari, probationibus omnibus quibus vntuntur, exploratum.

Quidam rerum metallicarum peritissimi, de quibus etiam subtiliter & accurate scripsierunt, dixerunt, primum atque summum fundamentum, quo nascitur ac sustentatur ars Alchimiae nullum esse: quo licet intelligere, ipsam artem (si tamen ars dicenda est quae in se nihil veri & certi habet) in anem & fallacem esse. Etenim Alchimistæ putant materiam omnium metallorum esse sulphur & argentum viuum, quamobrem profitentur se ex varia sulphuris & argenti viui inuicem permixtorum temperatione, posse quodlibet metallum efficere: in quo sanè vehementer falluntur. Nam si sulphur & argentum viuum est materia auri & argenti, ergo in venis in quibus generatur aurum & argentum, apparerent aliqua vestigia sulphuris & argenti viui; similiter etiam in venis sulphuris & argenti viui, reperirentur aliqua indica

Nos esse materialia omnia metallorum sulphur & argentum viui.

vel

vel argenti; sed ipsi qui totam pene vitam curiosissimè lustrandis, & considerandis venis, locisq; metallorum consumperunt, nunquā tale aliquid reperire potuerunt. quare falsa est opinio Alchimistarū, & aurum quod ab ipsis fit ex sulphure & argento viuo, non est verum aurum: non enim, ut dictum fuit, talis est materia veri & naturalis auri. Aurū autem quod fit ab Alchimistis, licet simillimum videatur vero auro, falsum tamen esse multis modis cognosci & iudicari potest, nempe vel expondere; vel ex eo, quia non sustinet vim ignis; vel ex eo quia iniectum in vrinam, amittit colorē suum; vel quia non est ductile in tenuissimas laminas; vel denique quia non habet naturalis auri proprietates, quarum in primis illa commendatur, confortandi cor humanum. Hęc illi.

Cardanus.

*Inuenta &
opera omnis
chimice.*

CARDANVS lib. 17. de subtilitate hęc scribit: sunt verò chimica inuenta, vitrum ducere in longissimas lineas, tenax aut prædurum efficere posse. Vidi ego dudum sphäram exiguum ex vitro, quæ omni conatu illis solo lapideo, non cōminuebatur, sed resiliebat ad trabes. Eiusdem facutatis chimicæ est, vitrum albis lineis interstinguere, celare in eo imagines, falsas fabricare gemmas, purgare caphuram, metalla miscere, immutare, aut nobiliora imitari. Exempla verò fallacia Alchimiæ vide apud eundem in 10. lib. De varietate rerum, cap. 51. Quo in loco etiā hęc subiungit. Aurum & argentum facere, seu ex alijs metallis cōficere, aut gemmas factitare, aut viles in nobiliores trāsmutare, nemo nō optare debet ut sciatur at quid horum fieri possit, difficile scitu admodum est; & si hoc etiam sciuerimus, longè difficulter est scire, Quomodo hat. Quæ autem ab Alchimi-

tis fiunt, ea vel ad voluptatem pertinent, vel ad usum; ad voluptatem sunt gemmæ & metalla nobilia; ad usum tincturæ, colores, materiæ vasorum & alia similia. Circa quodlibet autem homum, tria excogitari possunt, vel ut fiant, quod maximum est; vel ut purgentur; vel ut perficiantur. Iorum primum, de metallis, adhuc sub iudice lis sit an fieri possit; secundum & tertium, fermè intentum est ad summam perfectionem. ac licet ars himica non faciat verum aurum, quattuor tamen ræstat magnas vtilitates. Prima est, quia potest num metallum facere simillimū alij, vt ferrum, & æs auro & argento, idque clarius appetet gemmis. Secunda, cum id quod in aliquo potentia continetur, per vim ignis excitat, extrahit, ad perfectionem perducit. Tertia, cum ea quæ superflua sunt, vi sua absumento detegit, vt cum ex calce alumen excipitur, quod non genitum est ignis, sed exceptum; ita quo vocant multiplicacionē, cum ex terra ipsa quæ aliquid cōtinet quod continetur, excipiunt. Quarta, Ars chimica viuis multas facere potest cōpositiones atq; separationes, nō minus ytiles & lucrosas ijs quæ ab Alchimistis tam anxiè quæruntur & ambitiosè proiuntur transmutationibus. Hæc Cardanus, ex quibus verbis perspicitur eum arbitrari chimicū illam auri generationem, vel esse impossibilem, vel propemodū impossibilem.

Vtilitates artis chimice.

ECLARATVR OPINIO EORVM qui defendunt Alchimiam.

ALBERTVS in libro suo 3. de Mineralibus, *Opinio* *an-*
cap. 9. hanc de facultate Alchimiae quæsti-*cenne.*
em pertractans, primum exponit sententiā Aui-

gennæ que fuit hec: sciant (inquit Auicenna) artifices alchimizæ species metallorū permutari non posse, quāvis aliquid illis simile fieri possit; quod enim differentia specifica aliquo tollatur ingenio, non credo possibile; sed expoliatio accidentium non est impossibilis, vel saltē diminutio non enim permutatur species metallorū, nisi prius in primam materiam metallicam reducantur, & sic iuuamine artis deducantur in specie metalli quod voluerit. Atque idem quoque sensisse ait Hastein Philosophum præcipuum in Physicis & in mathematicis, deinde Albertus subiungit ea quæ sequuntur: Oportet nos dicere, Alchimicos peritos non aliter operari quam peritos medicos, qui per medicinas purgatiuas purgant materias corruptas & nocentes sanitati, & postea per remedia confortantia naturā, iuant virtutem naturalium, ut disgerendo, sanitatem induant: quæ sanitas est effectus & naturæ & artis; sed illius effectuè & principaliter, huius autem organicè & instrumentaliter: sic Alchimistæ primo benè purgantes materiam argenti viui & sulphuris insitam omnibus metallis, confortant; deinde deducunt virtutes elementares & cœlestes tali materiæ inhærētes ad proportionem mixtionis metalli quod intendunt inducere; & tunc ipsa natura operatur, & non artifici organice iuando & expoliendo ut diximus; & sic verum aurum & argentum educare, & facere videntur: quod enim virtutes elementares & cœlestes faciunt in vasis naturalibus, hoc etiam faciunt in vasis artificialibus, si artificialia formantur ad modum vasorum naturalium: & quod facit natura calore solis & stellarum, hoc faciet ars calore ignis; dummodo sic contemperetur, ut non

exce

cedat virtutē se mouentem & informantem quā
in metallis : huic enim cō'lestis inest virtus,
& primo commisit eam, & hēc inclinatur ad
e vel ad illud per artis iuuamen. Alahimia igi-
t̄ per hunc modum procedit, id est corrupiens
um, à sua specie remouendo, & cum ipuamine
rum, quā in materia insunt, alterius speciem in-
cēdo. quare omnium operationum alchimica-
m melior est illa, quā procedit ex eisdem, ex
ibus procedit natura ; sicut ex purgatione sul-
uris, per decoctionem & sublimationem & ex-
rgationem argenti viui, horumque bona per-
xitione cum materia metalli, in his enim & ex
tutibus horum, omnis metalli species induci-
tur. Qui autem per alba albificant, & per citrinā
xinant, manente specie prioris metalli in ma-
ria, procul dubio deceptores sunt, & verum au-
rū atque argentum non faciunt ; & hoc modo
omnes vel in toto, vel in parte procedūt, pro-
r̄ quod ego experiri feci aurum alchimicum
ad me delatum est, & postquam sex aut sep-
t̄ ignes sustinuit, tāndem amplius ignitum con-
xitur & perditur & quasi ad fecem reuertitur.
Ic Albertus. Ecce supradictis verbis Albertus,
u solum docet verum aurum posse fieri per Al-
chimiam, sed etiam quis modus eius sic efficiendi
possibilis, & quis impossibilis, manifeste de-
dat.

Q V I D A M Ianus Lacinius, qui de faculta- *quinquerati-*
chimica in transmutādis metallis multa dispu- *tiones pro ab-*
bat, eiusque disputationis summam memorat *chimista.*

Ianus loco supradicto, probat arte chimica
e confici verum aurum, his rationibus. Primo
ulla sunt quadam pura & concocta, ut aurū &

argentum : quædam cocta sed impura, vt æs, ac fer-
rum: quædam cruda & impura vt vtrumque plumbū ; sed impura repurgari, cruda cōcoqui possunt,
igitur ex ære, ferro & plumbo , aurum & argentū
fieri potest. Quod autem talia concoqui possint,
demonstrat ex sententia Aristotelis 4. Meteororū
vbi de cōcōctione agit. De purgatione dubiū non
est, quippe cū proprium sit ignis separando purga-
re . Deinde propinquitas, paruumqüe causarum
discrimē, hoc idem suadet, cum ab ijsdem omnia
fiant. Supponit autem omnia metallū constare sul-
phure & argento viuo ; quæcumque verò similia
sunt, facilè inuicem transmutantur, eoque ma-
gis, quod natura videtur semper perfectissimum
intendere in omni genere, velut aurum ; quæ igi-
tur imperfecta sunt, artis beneficio perfici posse vi-
dentur; tum vt ad finē, tum vt ad motus ipsius per-
fectionē perducantur. Postea, si ars auctore A-
rist. in 2. Phys. & 4. Meteororum est imitatrix na-
turæ, cum natura concoquendo purgandoqüe ex
sulphure & argento viuo, aurum argentumqüe
perficiat, cur non etiam idem simili ratione ope-
rans ars possit efficere ? Adhæc , ea dici debent sec-
cundūm naturæ ordinē copulata & inuicē trans-
mutabilia, quæ non habent omnino diuersas ope-
rationes sed easdē, in eo tantūm differentes, quod
quædam hahent eas imminutas & imperfectas, ve-
luti fœtus , infantis cōparatione , ouum pulli , au-
relia papilionis. At plumbum, æs, ferrum, argen-
tū, nullas habent operationes ab auro distinctas,
sed quas illud habet, vtpote liquefcere, duci, gra-
ue esse, nitere, ignibus resistere; easdē habent hec
sed vitiatas & imminutas ; non enim ita splen-
dent, non sunt adeò grauia , minus resistunt igni-
bus,

bus, non tota liquefunt, nō tām tenuiter ducuntur; igitur hæc dici debent aurum imperfectum, & beneficio artis perduci queunt ad perfectionem auri. Atque hoc putat Cardanus esse maximum argumentum quod pro Alchimistis afferri possit. Postremò, idem astruit exemplo ranarū, quæ statim, ob præparationem materiæ, ex puluere generantur. Sunt autem ranæ perfectiores auro, & ut animalia perfecta, non solùm partium similarium compositione, sed etiam instrumentorum compositione indiguerunt. Auicennam quoque citat dicentem, vitulum in nubibus generatum semiuum excidisse inter imbræ. Generantur etiam ex iuenculo strangulato apes, ex Basilisco scorpiones, ex elixatura Anatis sub dio expositæ bufones, ex Afinis vespæ, ex equis Scarabæi, ex mulis locuste, aqua quibusdā in locis cōuertuntur in lapides: aer concussus inter duriora corpora, repente transit in ignem, fumus metallorum, præcipue plumbi, cogit argentum viuum, cortex mali punici ferrum mutat in chalybem. Si igitur hæc tām admiranda & penè incredibilia fieri possunt, atque adeò quotidie fieri videmus, cur incredibile videatur, posse ab Alchimistis verum aurum confici? Hæc ille disputat pro Alchimistis.

ANTONIUS Miradulanus, Philosophus nostræ memoriæ præstans, & in Aristotelis doctrina excellenter versatus, in illo suo opere quod scripsit de Euersione singularis certaminis lib. 19. sect. 7. hanc de Alchimistis sententiā pronuntiat. Dicimus veram esse Alchimistarū opinioē quod aurū possit fieri, & ab arte & à natura, quia transmutare possunt argentū viuum, & alia quæ ad id requiruntur, ita ut fiat eadē materia: sicut non solùm à na-

iu sed etiam ab arte animalia, vt scorpiones, generari possunt. Verum quia illud aurum fit rarissimum & cum maxima difficultate, multa enim quae ad id concurrunt, facilimè impediri possunt, idcirco non videtur fieri posse; sed rei difficultas non arguit impossibilitatem. Non est autem danda opera illi arti, non quia non sit vera, sed quia tanta est difficultatis, vt sit utilius eam omittere quam exercere: & multi quidem ditissimi ad magnan inopiau sedacti sunt, propterea quod maximis sumptibus impensis, vel nunquam assecuti sunt quod hæc ars pollicetur, vel certè raro & parvita vt iumentus longè sit maior lucro, quæ satius est alijs artibus certioribus operam dare, quæ maiori ex parte operam suam præstant, quam huius quæ rarissimè propter res naturæ absconditas, si nem suum assequitur. Hæc Mirandulanus.

EXPLICATVR BREVIER OPINIONIS auctoris.

Sententia au
toris de auro
alchimistico.

NOBISS autem propositam questionem philosophicè considerantibus atque per dentibus, tria videntur hac de re valde probabili dici & firmari posse; vnum est, nullam esse rationem philosophicam, vel necessariam, vel etiam a modum probabilem, qua demonstretur ratione chimicam efficiendi verum aurum, esse impossibilem. Cur enim putetur impossibilis? An nihil eorum quæ fiunt à natura potest fieri ab arte at hoc in generatione multorum animalium, aliorumque rerum quæ opera & ministerio artis noscens generantur quam à sola natura, falsum est cognoscitur. An quia (vt vo'lebat AEgidius) nihil eorum quæ sunt in genere suo perfectissima, pote

produci nisi vno modo, id est, solū ab agēte suo
 naturali. Verū si Aegidius verisimili aliqua ra-
 tione hoc probaret, aliquantulum fortasse valerez
 ad persuadendum: cùm autem nullam huius rei
 probationē afferat, qua facilitate ab eo id dicitur,
 eādem planē à nobis contemni ac reiici potest. An
 deniq; quia aurum naturale generatur virtute ca-
 loris cœlestis, aurum verò chimicū efficitur à ca-
 lone igneo, qui duo calores cùm multū inter se
 differant, non poterunt eundē effectum p̄f̄stare?
 sed hæc ratio dupliciter peccat. Primū enim fal-
 sum est calorem cœlestē & igneum specie inuicē
 distingui: cùm enim ab eodem contrario, hoc est,
 à frigore similiter corruptantur, cùm ab eadem
 causa interdum producantur nimirūm à lumine,
 cùm se inuicem intendant atque augeant, cùm
 ad productionem ignis & mixtorum simili rati-
 one conducant, fieri non potest, vt ea ratione qua
 calores sunt, specie distinguantur inter se: diffe-
 rent igitur ea re solū, quod calor cœlestis propter
 ordinatum coeli motum, est valde téperatus & ac-
 comodatus ad generationem & conseruationē re-
 rum sublunariū, quam ob causam appellatur salu-
 taris & viuificus: calor autem igneus ex se nō est
 temperatus, sed agit quantum potest agere, & res
 sibi subiectas tandem destruit atque interimit, quo-
 circa vocatur à Philosophis destructivus & corru-
 ptivus rerum. Verū si hic calor aliud corrige-
 tur atque temperetur, nimirūm vel a facultate ani-
 mæ, vt in animalibus contingit, vel ab arte, vt sic
 in multis mixtis & medicamentis quæ à calore ig-
 neo, moderatione artis procreantur; efficitur
 profecto vt calor igneus talis propemodū euadat,
 qualis est cœlestis. Deinde, experientia manifess̄t

calor cœlestis
 ex elemen-
 ris non differ-
 ruat secundum

ostendit quædā animalia similiter generari posse calore igneo atque calore coelesti. Nam apud AEGYPTIOS pulli calore igneo ex ouis exclusi intur atque procreantur. Quam rem IULIUS SCALIGER, vir propter excellentem omnium disciplinarum erutionem admirandus, in ijs quæ scripsit contra

Animalia generari posse solo calore ignis, argumentum Iulij Scaligeri.

Cardanū excercitatione 23. pulchrè describit his verbis; In AEgypto ed Cayrum furnos construūt alij alio multiplici fornice imposito: quorū tholi supremi medio, foramen est, per quod caloris vis, quæ immōdica possit officere, subit atque exhalat: in imo ignem accendunt temperatum: Ouorum multas centurias in fornicum superiore planicie disponunt: statutis diebus erumpit pullorū turba, quos illi non numero sed mēsura vehales habēt: modiolū statuunt sine fundo: quem vt implerūt, tollunt, neque hæc fabula ēst, sed fabulæ ipsi qui negant. Hæc Scaliger. Cæterū posse ex alijs metallis verè aurum effici, probari argumento & experimento posset auripigmenti, ex quo perfectū aurum posse fieri, testis est PLINIUS, qui rem non priscis temporibus sed sua ætate factam testatam-

Ex auripigmento teste Plinio, fieri verum aurum. que commemorans, ita scribit lib. 33. cap. 4. Aurum faciendi est etiam vna ratio ex auripigmento quod in Syria foditur pictoribus, in summa tellure, auri colore, sed fragili lapidum specularium modo, Inuitaueratque spes CAIUM principem audiissimum auri; quamobrem iussit excoqui magnum pondus: & planè fecit aurum excellens, sed ita parui ponderis, vt detrimentum sentiret, illud propter auaritiam expertus, quanquā auripigmenti libræ 14. permutterentur: nec postea tentatum ab ullo est. Sic PLINIUS.

ALTERVM verò, quod eadem de re probabilis.

bilissimè potest asseri , illud est , chimicam rationem efficiendi verum aurum nō quidem physicè , sed moraliter vt aiunt , loquendo vel impossibilem , vel propemodum impossibilem videri ; non propter ullam rationem philosophicam quæ adhuc ab ullo sit allata , sicut ostensum est , sed propter ipsam experientiā quæ in rebus naturalibus , moralibus atque artificialibus summi argumen-
 ti firmissimèque rationis vim debet obtainere . Ete-
 nim cùm plurimi in chimicæ facultatis tractatio-
 ne & exercitatione diu multumque laborauerint ,
 & in veri auri effectiōnē acerrimis studijs atq;
 incredibili cupiditate incubuerint , nemo tamē ad-
 huc fuit præter vnum aut alterum probatis produc-
 tum historijs , quem liquidò constet verum aurum
 & omni ex parte probatum ac pérfectum effecisse ,
 Quod si effectio auri pér artem chimicam est pos-
 sibilis , cur eā , cùm tamdiu & tam multum optata ,
 quæsita , & procuratā fuerit , nondū tamē reper-
 ta & vsitata fuit ? nam quia possibilis est generatio
 animalium , medicamentorum , aliarumque mul-
 tarum rerum non solum pér naturam , sed etiam
 per solertiam & industriam humanam , iampri-
 dem iuuentæ sunt artes , quæ huiusmodi res & ve-
 rē & facilē possunt perficere ; cur igitur idem non
 contingit in auro chimico ? nisi quia vel talis mo-
 dus efficiendi tale aurum simpliciter est impos-
 sibilis , vel si est possibilis , nondū tamen is est hu-
 mano ingenio , & fortasse non potest esse , explo-
 ratè perfecteque cognitus . Atque hoc argumen-
 tum ab experientiā ductum , non solum apud Phi-
 losophum naturalem , qui nunquam à rebus sén-
 satis experientiāq; comprobatis , vel transuersum
 (vt aiunt) digitum discedit , sed etiam apud quem-

*Cur non vide-
atur esse vera
ars Alchimie*

cumque hominem sanx mentis rectique iudicij plurimùm valere debet. Quod si habent isti, vt iacent, veram certamque artem faciendi aurum, cur sibi primùm non faciunt tantum auri, vt nullius egeant, sed bonis omnibus quæ parari auro pos sunt, abundant? At enim videre licet istos, semper egentes & mendicos, quiq; per vana promissa, alienis opibus exhauriendis, suam quoqu modo egestatem subleuare, suamque famē expel re cupiant.

AD extremum, illud non tantum probabilitate dici, sed etiam pro vero certoq; confirmari potest, artem chimicam, licet ea fortassis sit utilis in distillationibus & alijs rebus quas superius ex sententia Cardani memorauimus, tamen in eo quod spectat ad affectionem veri auri quam illa profite tur atque in primis pollicetur vanam esse, noxi am ac perniciosa Reipublicæ. Primò, Quia aut nunquam, aut rarissime præstat quod promittit, ex quo non semel factum est, vt multi ad extremam inopiam atque paupertatem redacti fuerint, vnde recte quidam ait, Alchimistas non efficere aurum sed absumere; non implere curmenas, sed magis deplere & exhauire. Deinde, quia faciunt falsum aurum falsamq; monetā, atque gemmas pro veris passim distrahabunt, atq; diuendunt, ex quo Res publica hominumq; societas magnum caperet detrimentum, Postremò, quia verum aurum non raro adhibetur in medicinis ad exhilarandum & roborandum cor, aurum autem chimicum cùm vel non sit verum aurum, vel certè imperfectius sit auro naturali, vel non utiq; habebit eiusmodi proprietates, aut certè nō ita vitales & salutares humanae corpori, quare non sine discrimine salutis & peri-

cula

*Non esse per
mittendum
in Republica
verum Alchi-
mico.*

culo vitæ, in medicinis adhiberetur. Hæc igitur nobis visa sunt de chimica facultate efficiendi verum aurum probabiliter posse disputari.

CAPUT XIII.

DE ORIGINE MAGIAE ET IIS
qui in ea clar fuerunt.

ORIGINEM Magiae, præsertim eius quæ diximus non esse naturalem, variè tradunt scriptores. Philo libro De specialibus legibus censet ex vera & naturali Magia adulterata & corrupta natam esse fallacē & quæ vulgo propriè dicitur Magia, ita scribens: Ex hac adulterata & de prauata, descendunt quas proprio maxime vocabulo ma'as artes dicimus circulatorum ariolorumq; studia, mulierū, mancipiorumq; nequisimorum expiationes & lustrationes profitentiu, mutationesq; amoris in odium, aut ex aduerso in amorem odij, per quasdā passiones amatorias & incantamenta idonea: atque his dolis circuuerunt homines & ingentium malorum atque ruinarum sunt causæ, nō priuatis modò hominib; aut familijs, sed ciuitatib;, regnis & prouincijs. Quamobrē huiusmodi artes, meritò lege Mosaica, gravissimis propositis poenis prohibetur. Hæc Philo. Vetus tamē opinio est plurimorum scriptorū probata consensu, principem huius Magiae, doctorē & quasi parentē fuisse Zoroastrē, vel Persem, vt Plinius & Diognes Laëtrius vocant; vel Bactrianū, vt Diodorus Siculus & alij nominant. Et Plinius lib. 30. cap. 1. ita de eo scribit: Sine dubio in Oriente orta est Magia, in Perside à Zoroastre, vt inter autores conuenit. Eudoxus Zoroastrem hunc,

Philo de ori-
gine Magiae.

Zoroastres
Magie parentes.

sex millibus annorum ante Platonis mortem fuisse prodidit; sic & Aristoteles; Hermippus, qui de tota ea arte diligentissimè scripsit, & vicies, centum millia versuum à Zoroastre condita, indicibus quoque voluminum eius positis explanauit, præceptorem à quo institutus est Zoroaster, tradidit Azonacem quinque millibus annorū priorem bello Troiano. De quo Zoroastre mira alijs locis scribit Plinius : Vnum enim eum (inquit) mortalium eodem, quo natus est die, risisse, cerebrumque ita ei palpitasse, ut impositam repelleret manum, futuræ præfagio scientiæ, viginti annis in deserto Magiæ vacantem, caseo vixisse ita temperato, ut vetustatem non sentiret. Iustinus quoque historicus libri i initio, inueterat artis Magicæ facit Zoroastrem : idemque sentit B. Augustinus lib. 21. De ciuitate D E I, cap. 14. Solum, inquit, Zoroastrem quando natus est, ferunt risisse, nec ei boni aliquid monstrosus ille risus portendit : nā magicarum artium fuisse perhibetur inuentor, quemquidem illi nec ad præsentis vitæ vanam felicitatem contra suos inimicos prodeesse potuerunt; à Nino quippe Assyriorum rege, cùm esset ipse rex Bactrianorum, bello superatus est. Suidas etiam ait, Magiam inuentum esse Persarum, aquid quos Magi magnam fidem & auctoritatem habuerunt. Auctor Historiæ Scholasticæ enarrans historiā libri Geneseos, cap. 39. Ninus, (inquit) vicit Cham qui adhuc viuebat & regnabat in Bactria, seu in Thracia, ut alij volūt, & vocabatur Zoroaster inuentor artis Magicæ, qui & hanc, & septem liberales artes in quatuordecim colūnis scripsit; septemneis, & septem lateritijs, contra duplex orbis excidium quod timebatur, vnum per aquas, alterum

er ignem. Ninus verò libros eius combusit. hinc
tiam orta sunt idola. Hæc ille. Verùm de antiqui-
tate Zoroastris non cōuenit inter scriptores : nam
Eudoxus & Aristoteles, vt ex Plinio retulimus, vo-
lunt eum antiquorem fuisse Platone, sex milli-
bus annorum Hermippus autē vel (vt citat Laërtius)
Hermodorus Platonicus in libro De discipli-
nis facit eum quinque millibus annorum bello
Troiano vetustiorem; & contrario autem Xantius
ydius, vt refert Laërtius, multo recentiore eum
acit, hoc est, sexcentis duntaxat annis ante Xerxis
transitum in Græciam. Sed illi nimium multis
omputant annos, hic nimium paucos. Constat e-
im Zoroastrem fuisse tempore Nini primi Assy-
iorum regis, quo regnante natus est Abraam : ab
eitu autem Abraæ, usque ad primam Olympiadē
uxerunt anni mille centum septingenti & paulo
implius sexaginta : nam qui plures quam cæteri
nnos manarchiæ Assyriorum & Medeorum usq;
d Cyriū attribuerunt, illi mille trecentos sexa-
ginta. huic trecentos quinquaginta assignarunt.
Coepit autem Cyrus regnare initio quinquagesi-
æ quintæ Olympiadis : Secundūm hanc igitur
axisim computationem, à Nino & Zoroastre
sque ad primam Olympiadem, numerantur anni
mille quadringēti nonaginta quattuor. Bellū por-
tū Troianum septem & quadringentis annis præ-
cessit Olympiades: Xerxist transitus in Græciā, in
excessus Platonis in 108. Olympiadem incur-
it. Ex quo apparet multitudinē illam annorum,
uām Eudoxus, Aristoteles & Hermippus tribuūt
antiquitati Zoroastris, vel esse fabulosam, vel an-
nos illos non quales nostri sunt, sed quales AEgyptij
& Arcades habuerunt, hoc est, trimestres, esse
cen-

*Laërtius in
tio Operis.*

censendos. Nec dissimile fuit eodem in loco Plini, quippe qui ait Mosem multis annorum milibus posteriorem fuisse Zoroastre; cum subtilissima Chronologis ratione compertum sit, paulò amplius sexcentis annis Mose priorem fuisse Zoroastrem.

Cassiani de origine Magie opinio. AP V D Cassianum Serenus abbas collat. 8 cap. 21. originem Magie & omnium maleficarū artium altius repetit, nimirum etiam ante diluvium, ex eo tempore quo filii DEI, ut scriptura narrat, permisi sunt filiabus hominum, ait enim, scientiam omnium rerum cœlestium & sublunarium quam Adam à DEO acceperat, tradidisse ipsum filio suo Seth, cuius semen eam seruauit incontaminata, & donec diuisum à sacrilega propagine Cain perdurauit, eam doctrinam ad DEI cultum, & ad utilitatem vitæ communis exercuit: cum verò fuissest impiæ generationi permixtum, ad res profanas atque noxias, quæ piè didicerat, instinctu Dæmonis deriuauit; curiosasq; ex ea maleficiorum artes atque præstigias ac magicas superstitiones audacter instituit. Sed quomodo hæc curiosa & malefica doctrina diluvio non perierit, in causa fuit Cham, ut antiquæ ferunt traditiones, qui superstitionibus & sacrilegis artibus fuit infectus, easque artes, cum in arcam, in quam cum Noë patre suo iustissimo, & sanctis fratrib; ingressurus erat, inferre non auderet; diuersorum metallorum laminis, quæ scilicet aquarum non corrumperentur iniuria, & durissimis lapidibus, qui vim ignis non sentirent, insculpsit: quæ diluvio peracto, eadēm qua ille celauerat curiositate perquirens, sacrilegium ac perpetuæ nequitiae seminariū transmisit in posteros. Hac itaq; ratione illa opinio vulgi

qua

qua creditur Angelos vel maleficia, vel diuersas artes hominibus tradidisse, in veritate completa est. Hactenus Abbas Serenus.

SE D mihi verius sentire videntur, qui Diabolum primum Magicarū artium auctorem & parem faciunt, à quo mortales earum cognitionem acceperint, & vsum didicerint. Et sane primum Magiæ vsum & effectum memoria repetentibus, haud improbabiliter videri potest, Magiæ vsum vna cum mundo coepisse, & quidem in Paradiso, salua etiam tunc & integrâ illibataque hominis innocentia. Ibi enim Diabolus formam sibi induens serpentis, vel occultè per verum & naturalem serpentem Euam alloquens, blâdissimis deceptam promissis, ad vetitum pomum maximo sui suæq; otius humanæ sobolis exitio, edendum induxit. Nec mirum videri debet si Diabolum Magiæ auctorem faciamus; cùm ipse, vti apud Ioannem capite octauo Dominus noster dixit: *Homicida sit ab initio, & in veritate non sticerit: quia non est veritas in eo.* Cum loquitur mendacium, ex proprijs loquitur, mendax est & pater mendacij. Rectè igitur Lactantius libro secundo Diuinorum institutionum, omnium maleficarum artium inuentores & magistros fuisse Demones, confirmat his verbis: Eorum inuenta sunt Astrologia & Aruspicina & Auguratio, & quæ duntur Oracula, & Necromantia & ars Magica, & uicquid præterea malorum exercent homines el palâ, vel occultè: quæ omnia per se falsa sunt, ut Sibylla Erythræa testatur. Hæc & alia multa in andem sententiam eo loco Lactantius commen-
tiorat. Sed nemo grauius & elegantius omnes prius sententes sagiæ species omnesque fallacias ex Dæmonsone profectas esse ostendit quam Cyprianus in lib. de
Ido,

Idolorum vanitate: Nequissimi, inquit, spiritus
 sub statuis ac imaginibus consecratis delitescum-
 hi afflātu suo vatum pectora inspirant, extor-
 fibras animant, auiuum volatus gubernant, sorte-
 regunt, oracula efficiunt, falsa veris semper inuoc-
 luunt: nam & falluntur & fallunt, vitam turbant
 somnos inquietant, irrepunt in corpora, mente-
 terrent, membra distorquent, valetudinem fran-
 gunt, morbos laceſſunt, vt ad cultūm ſui cogant,
 vt nidoſe altarium & rogiſ pecorū ſaginati, re-
 missis quæ conſtrinxerant, curaſſe videantur. Hę-
 eſt de illis medela, cum illorum ceſſat iniuria; ne
 aliud illis ſtudium eſt à D E O homines auocare
 & ad ſuperſtitionem ſui, ab intellectu veræ reli-
 gionis auertere: cùm ſint ipſi poenales, quærur
 ſibi ad poenam comites, quos ad crimen ſuum fe-
 cerint errore particeps. Hi tamen adiurati pe-
 D E V M vnum à nobis, ſtatim cedunt & fatentur
 & de obſeffis corporibus exire coguntur. Videat
 illos noſtra voce & operatione, quaſi flagris ca-
 di, igne torri, eiulare, gemere, deprecarī, vno-
 veniant, aut quando diſcedant, ipſis etiam qui ſe
 colant audientibus conſiteri, & vel exiliunt ſta-
 tim, vel euaneſcunt gradatim, prout fides patier-
 tis adiuuat, aut gratia curantis adſpirat, Hinc vu-
 gus in odium noſtri nominis cogunt, vt nos odifi-
 inciant homines antequam noſſe, ne cognito
 aut imitari poſſint, aut damnare non poſſint. Hę-
 Cyprianus.

S E D ne Christianorum hominum duntaxat
 hęc videatur opinatio, excitabo etiam teſtes Ph-
 iſophus Græcorum, & quidē noblissimos. Ar-
 iftoteles in primo de Philosophia libro, vt Laërtius
 initio ſui Operis memorat, Magos AEgypti
 ant-

antiquiores esse prodidit, duoque iuxta illos esse principia, bonum Dæmonem, & malum: alterum ex his Iouem & Onomasdem, alterum Plutonem & Arimanium dici: quod Hermippus quoque in primo de Magis ait, atque Eudoxus & Theopom-
pus, qui & reuicturos homines, iuxta Magorum sententias dicit, immortalesque futuros: & vniuersa illorum mysteria & effectus precationibus quibusdam constare. Ista Eudemus quoque Rhodi-
us tradit. Hæc Laërtius. Verum nihil luculen-
tius testimonio Porphyrij: quod libro 5. De præ-
paratione Euangelica, cap. 7. his verbis refert Eu-
sebius: Magicæ artis dij Gentilium & inuentores
& doctores fuerunt. Vnde namque homines qui-
bus rebus Dæmones colantur & cogantur, quam
ab ipsis Dæmonib⁹ discere potuissent; Neque pu-
es id à nobis tantum dici: Porphyrius testis cite-
tur, qui in libro De responsis sic ait: Non solum *Porphyrius.*
felicem conuersationem suam verum etiam qui-
bus rebus gaudeant & quibus alligentur, Di⁹ ho-
minibus significarunt. Adhuc quibus rebus cogan-
tur, & quæ sibi afferenda sint, & quos dies vitare
porteat, figuræ quoque ipsas simulachrorū qua-
es esse debeant, & in quibus locis ipsi versentur,
& omnino nihil est, quod ab ipsis dijs homines no-
nō lidicerint. Atque hæc Porphyrius ex varijs Pro-
perpinæ responsis demonstrat & confirmat. Quid
Hæc ergo mirum, Magicæ artis & inuentionem & stu-
dium & usum fuisse antiquissimum? Certe nos su-
mora à Mundi usque primordijs, Magiæ originem
repetiuimus, & liber Exodi satis clarè ostendit,
Annam tempore Mosis, hoc est, plusquam trecētis an-
nis ante bellum Troianum, Magiā claram & ce-
lebrem fuisse, Magosque magna apud eam gentē,

& sapientiae & diuinæ cuiusdam virtutis auctoritate & existimatione floruisse, vt pote qui se Mo^m opponere ausi fuerint similiter illi mira quæda operates. Nec Deus per Mosem tā graues penas a uersus Magos constitueret, nec tam seuerè eorum consuetudinem & congressum Iudeis interdixi set, nisi iam tunc eorum ars, sicut hominibus extiosa erat, sic nota & celebris fuisset. Porro cimbelli Troiani tempora claram fuisse Magia fam non obscurè indicat Homerus, præsertim in Vlys sis erroribus, adeò vt totum opus non aliunde constet. Siquidem Protea & Syrenum cantus apud eum, non aliter intelligi volunt; Circe utique inferorum, euocatione hoc solū agi. Deinde pud Thessalas urbes diu Magia, magna celebritas viguit. Orpheus quoque magnam ei fidem & auctoritatē addidit. Sed primus extat, vt inquit Plinius, de eo commentatus Osthanes Xerxem reg Persarum bello quod Græcis intulit, comitatu qui velut semina artis portatos sparsit, obiter infecto quocunque commeauerat mundo; & hic maximè ad rabiem, non auditatem modo scienti eius Græcorum populos egit. Sed ante hunc, clarissimum in ea arte Pythagore nomen fuit. Is autem quem dixit Pythagoras, & post eum Empedocles, Democritus & Plato ad hanc descendam nauigauere, exilijs verius, vt inquit Plinius, quando peregrinationibus susceptis, hanc reuersi præcavere, hanc in arcanis habuerè. Sed maxime omnium Democritus, & aliorum suisque editis de voluminibus, eodem tempore in Græcia, quo medicinam Hippocrates, hoc est, circa Peloponnesatum Græciæ bellum, & annum Romæ conditæ trecentesimum, eam illustravit. Multisq; ost

seculis, Apostolorum temporibus apud Brachmanas Indorum Iarchas, & apud Gymnosophistas AEthiopum, Tresposition Magiae existimatione illustres fuerunt: quo tempore Simonem cognomento Magum, propter hanc artem multum claruisse, omnis loquitur Ecclesiastica historia. Is Apostolorum emulus, non apud Samaritas modo, sed apud Romanorū quoque principes, ad magicas eius præstigias attonitos, honores etiam diuinos obtinuit: ex quo velut parente, multiplex hereticoru soboles prognata, & sub Christiano nomine magicas artes professa, religionem & disciplinā christianam apud ignaros, infamem & odiosam fecit. Verum omnes ante se postquam eius artis fama cebres, longè superauit Apollonius Tyaneus, eius perdiscēdæ studio totum penè orbem peruagatus, & cum ijs congressus quicunque tunc in ea clari habebatur. Is Magiae scientia tantam nominis clatiatem gloriamque sibi comparauit, tantaquæ ui admiratione hominum animos impleuit, ut à multis eius sapientiam operaque estimantibus, & viuis & mortuis quasi Deus haberetur. Taceo sic Plotinum, Porphyriū, Iamblichū, Proclum, Auleium aliosq; Pythagoricæ ac Platonicæ sectæ lurimos, qui Magiæ & coluerunt studiosissimè, pugnascissimè defenderū & tanquam inter omes sapientiæ partes clarissimā, utilissimamque, ammis laudibus prædicauerunt. Sed quæret ali- Unde rama
uis, quomodo Magia artium omniū vanissima & Magia arte
audulentissima, tantum in toto, tetricarum orbe ritas.
et q; seculis valuit? Huic quæstioni respondēt Pli-
lius primò capitetricesimilib. Auctoritatē, inquit,
maximā fuisse nemo miretur: quandoquidē so-
artiū, tres alias imperiosissimas humanę mētis

complexa, in vnam se redigit. Natam primū in Medicina, nemo dubitat, ac specie salutari irrepsisse, velut altiorem sanctioremque quam medicinam: ita blandissimis desideratissimisque promissis, addidisse vires religionis, ad quas maximus etiam nunc caligat humanum genus. Atque ut hoc quoque suggererit, miscuisse artes mathematicas nullo non auido futura de fere sciendi, atque ea cœlo verissime peti credente. Ita possessorum hominum sensibus triplici vinculo, in tantum fastigi adoleuit, ut hodieque etiam in magna parte gentium præualeat, & in Oriente regum regibus imperet. Hæc Plinius.

Religio & disciplina Christi tenebras Magia & rezerum maleficarum artium ē Mundo discessit.

C AETERVM illud hoc loco magno nostro gaudio ingentiique gloria Christianæ religioni considerandum est, cum primū Euangelicæ doctrinæ lux mundo affulsis, omnium magicarum fraudum calliginem fuisse discusam atque dissipatam. Simul enim fides CHRISTI prædicata & recepta mundo fuit, omnis magicarum artium, oraculorum, vaticinationem cæterarumque diabolicalium fraudum vis concidit, defecit, euanuit. Post Euangeliū (inquit Tertullianus in libro de Idolatria) nusquam inuenies aut Sophistas, aut Chādæos, aut Incantatores, aut Coniectores, aut Magos, nisi planè punitos. Vbi sapiēs? vbi literati? vbi conqueritor huius ævi? Nonne infatuavit Dei sapientiam huius sæculi? Sic Tertullianus. Atque hæc ita fore, ut cernimus euenisse, multò anterioriter: C H R I S T U S Dominus discipulos suos docebat: nam apud Ioannem cap. 12. dixit: Nunc iucundus es mundi, nunc princeps huius mundi eijectur fore & ego si exaltatus fuero à terra, omnia traham ad me ipsius. Et apud Lucam capite II. cum fortis armatus custo

*Esa. 29.
1. Cor. 1.
Ibidem.*

trium suum, in pace sunt ea quæ possidet. Si autem fortior eo
 superuenies vicerit eum, vniuersa eius arma auferit in quibus
 confidebat & spolia distribuit. Quantum (inquit Euse-
 bius libri primi De præparatione Euangelica, cap.
 2.) recepta C H R I S T I fide mundus profecerit, ip-
 sis oculis cernimus. Nō enim Persæ qui eū securi
 sunt, matres suas nefandis nuptijs cognoscunt: nō
 humanis vescútur carnis Scytæ, nec carissimos,
 falsa religione impulsi liberos iugulat: non Mas-
 sagetæ ac Derbices propinquos atque affines suos
 senectute confectos immolant, aut eorum carnes
 epulantur: non Tybareni senes suos præcipitare,
 Hyrcani rapaci avium generi, non Caspij canibus
 proijcere solent; quæ quidem antea religiosissi-
 mè faciebant: nunc verò euangelica virtute vndi-
 quæ hæc tetra, fœda & immania flagitia explosa
 sunt. Quis iam doctrinam christianam amplexus,
 Deos putat aut inania & surda simulachra, aut
 maleficos Dæmones in eis habitantes, aut partes
 mundi quæ conspiciuntur, aut mortuorum um-
 bras, aut etiā animaliū vel abiectissima & nocen-
 tissima? quibus tamen rebus vniuersæ penè gen-
 tes ante prædicationem Euangelij diuinos hono-
 res cultusque tribuebant. Non satis existimari po-
 test, inquit Plinius lib. 30. cap. 1. quantū Roma-
 nis debeat, qui sustulere monstra, in quibus ho-
 minem occidere religiosissimum erat, mandi etiā
 saluberrimum. Quis ergo satis æstimet, quantum
 debeant C H R I S T O , cùm aliæ gentes, tūm in
 primis & gens & vrbs Romana, curius fidei ac do-
 ctrinæ beneficio, maximis est malis liberata, sum-
 misq; beneficijs affecta; Roma enim (vt ait B. Leo
 sermone primo De nativitate Apostolorum Petri
 & Pauli) D E V M suum igorās, cùm penè omibus

dominaretur gentibus, omnium gentium seruiebat erroribus: & magnam sibi videbatur assumptissime religionem, quia nullam respuebat falsitatem in qua diligentissima superstitione habebatur collectum; quicquid vsquam fuerat vanis erroribus institutum, vnde quantò est per Diabolum tenacius illigata, tātò fuit per CHRISTVM mirabilius absoluta.

CAPVT XIV.

AN MAGIAE STVDIVM ET VSU
sit licitus.

DIVULICEM supra Magiam fecimus; unam naturalem, alteram non naturalem. Naturali cùm sit doctrinæ Physicæ, Medicæ, ac Mathematicæ pars nobilissima, per se bona & honesta est, hominumq; studio & cognitione dignissima. Fortassis autē eius studium & tractatio publice meritò prohiberi posset in Republica, videlicet, timeretur ne ea in vulgus prodita multi (quaer et humani ingenij ad mala proclivitas) ad pernici exitiumq; aliorū abuterentur. Nam licet medicina quoq; abuti possint medici, & ob eandem causam etiam prohibenda videretur; attamen alia est ratio Medicinæ alia Magia: nam Medicina, & eius usus est per se necessarius mortalibꝫ, & abusus manifestior est, quam ut omnino celari queat; ideoq; punitu ac emendatu facilior. Magia verò, nec usus occultis; latet enim per quas res & qualiter Magia operetur. Quamobrem valde timeri potest, quod est occultior in operando, eo magis fiducia impunitatis, lubrica sit ad nocendum.

Magia verò non naturalis, præsertim quæ commerci

mercio & foedere intio cum Dæmonे nititur, du-
pliciter addisci potest, vel speculatiuē tantū, ve
liam practicē, hoc est, vel noscendi tantū causa,
vel etiam vtendi & exercēdi. Nuda cognitio Ma-
gizæ per se mala non est: omnis enim cognitio-veri
bonū quoddā & perfectio est intellectus; si enim
cognitio malorū bona non esset, Deus eam nō ha-
beret; atqui Deus omniū bonorū pariter atq; ma-
lorum scientiā perfectissimā habet, si per se mala
asset cognitio huius M agizæ, ergo nulli prorsus eā
discere aut nosse licet. Quomodo igitur Ecclesiæ
Doctores & rectores, huius M agizæ vanitates, fal-
acias, maleficia, impiasq; superstitiones detegere
& confutare possent? quomodo probare, mira illa
juxæ faciunt M agi, vel esse meras imposturas vel
opera Dæmonum, vel occultarum virtutū natura-
lium effecta? quomodo demonstrare, nullū opus
M agorū verè posse dici miraculū? quomodo doce-
re, Christi miracula multū differre ac p̄f̄stare M a-
gorū miraculis, & M agos. virtute diuina operari,
nec Christum eiusq; seruos miracula magicis ar-
ibus edidisse? Atque hoc animo & consilio non-
nullis M agie studere concessum est. Nos Christiani
(inquit Tertullianus libro De Anima) fallacem
Magiam non socia conscientia, sed inimica Ici-
nia nouimus, nec in uitatoria operatione sed expu-
gnatoria dominatione tractamus multiformem
ianc lucemantis humanæ, totius erroris artificē,
salutis pariter, animæq; vastatricem. Itaque mihi
quidem videtur recte dixisse Ioan. Picus Mirandu-
anus: Quò quis est M agizæ peritior, eò clarius eū
cernere quantum inter M agorum & Christi atq;
anctorū miracula intersit. Sed studium eius potest
ripliciter non esse bonū; vel si quis illud p̄ferat

studijs vtilioribus, & tantum propter inanem quan-
dam curiositatem illud capessat; vel si ad male a-
gendum id referre velit; vel si propter imbecilli-
tatem mentis periculum sit, ne huius Magiae frau-
dibus & superstitionibus circumueniatur. Merito
igitur id studij publice christianis vetitum est, ne
vlli nisi permisso rectorum Ecclesiae conceditur.

**De vsu Ma-
giæ.**

Vsus autem huius Magiae in totum damnatu-
est & vetitus, non solum lege diuinâ & Ecclesia-
stica, sed etiam ciuili, nec Christianorum tantum
sed etiam Gentilium. Non est autem vsus Magia
licitus: aut enim ibi est peccatum infidelitatis, si
quis Dæmoni credens, tribuat ei diuinum numen
aut est peccatum idolatriæ, si oblationibus & sa-
crificijs cultum Dæmonibus adhibeat: aut saltem
est peccatum inobedientiæ, quia tam Magus quam
qui opera Magi vtitur, facit contra prohibitionem
diuinam & ecclesiasticam. Causa autem huius
prohibitionis triplex est; Primò, quia is peccati
se ipsum, committens se in magnu discrimen, scilicet
deceptum magicis fraudibus iu graues errore
labendi. Deinde iniuriam facit Ecclesiae, cum De-
mone habens commercium & familiaritatem, que
est omnino præcisus ab Ecclesia eiique aduersari-
us. Postremò grauissime DEVM offendit, dum co-
fugit ad Diaboli opem & auxilium; quasi non si
omnipotens & homini abunde prouidens & cor-
sulens DEVS christianorum. Quam grauibus
autem, & minacibus verbis DEVS & usum & stu-
dium huius Magiae prohibeat, ex varijs scripturæ
locis liquido cernitur. In ca. 19. Leuitici sic habe-
tur: *Non augurabitimi, nec obseruabitis somnia. Non declinet
ad Magos, nec ab ariolis aliquid sciscitemini, ut polluamin
per eos & capite sequenti 20. Anima que declinauerit*

**Magia vetita
diuinis legi-
bus.**

ad Magos & ariolos, ponam faciem meam contra eam, & interficiam illam de medio populisui. Et cap. 18. Deutero : Non inueniatur in te qui sciscitur ariolos, & obseruet sonnia & auguria : nec sit maleficus nec incantator, neq; qui Pythones consulat, aut querat à mortuis veritatem. Omnia enim hec abominatur Dominus ; & propter istiusmodi scelera delebitas g̃etes in introitu tuo. Et 4. lib. Reg. cap. . Ochoz̃ regi Israël qui miserat nuncium ad consulendum Beelzebub Deū Accaron de ægritudine sua : Elias hæc renunciari iussit : Nunquid nō est D E V S in Israël, vt eatis ad consulendum Beelzebub Deum Accaron? Quamobrem hæc dicit Dominus ; De lectulo super quem ascendisti, non descendes, sed morte morieris. Et lib. 2. Paralipomenon, cap. 33. inter alia scelera regis Manassis, hæc connumerantur : Obseruabat sonnia, sciscitabatur auguria, maleficiis artibus inseruiebat, habebat secū magos & incātatores; multaq; mala operatus est corā. Domino, vt irritaret eum. Cuius seuerissimi præcepti hanc rationem reddit Philo in libro De specialibus legib⁹: Nō sinit noster legislator procrastinari veneficorum suppliciā, sed absque mora vult exigi : quod dilatio, noxijs opportunitatem peccandi præbeat, cæteris metū afferat, existimantibus, quicquid illorum vitæ accedit, suæ securitati decidere. Idcirco sicut viperas, scorpions, aliasque venenosas bestiolas, priusquam mordeant aut fauient, aut etiam se commoueant, sine mora ad primum aspectum occidimus, præcauendo naturalem eorum malitiām priusquam noceant: eodē modo eiusmodi homines plectendi sunt, qui magicis suis artificijs & maleficiis artibus incautoshomines non solūm errore implicant, sed in graues calamitates intrudunt. Sic Philo. Quām essent autem hæ artes magicæ, & Apostolis & nascentis Ecclesiæ christianis

Egregia Philonis sententia.

abominabiles & exosæ, vel vnuſ locus qui eſt in
19. capite libri De Actis Apostolorum, apertissi-
mè declarat, vbi ſic legimus: *Multi ex hiſ qui fuerant
curioſa ſectati, contulerunt libros, & combuſſerunt coram
omnibus.* Vt autem & multitudinem & pretium li-
brorum intelligerimus; ſubditur, eos quinqua-
ginta denariorum millibus fuiſſe æſtimatos. illos
autem libros de rebus curioſis, Chrysostomus, Au-
gustinus, Beda, Oecumenius alijque de rebus ma-
gicis scriptos fuiſſe interpretantur. Reſtat ut de
Magis Pharaonis, qui ſe oppoſuerunt Moſi, non-
nulla diſputemus.

DE MAGIS PHARAONIS, *Exod 7.*

Exod. 7.

SACRA Scriptura narrat Pharaonem aduersus
Moſen iuſſiſſe accerſiri ſapiētes & maleficos,
qui per incantationes AEgyptiacas & arcana que-
dam ſimilia fecerunt tribus prioribus prodigijs à
Moſe factis: ſapiētes vocat vel Astrologos, vel
Philosophos, præſertim Magiæ naturaliſ peritoſ:
Maleficos autem, qui Magiam illam quam ſupra
nominauimus, non naturalem, tenebant & exer-
cebant. Itaque horum nomine ſignificantur præ-
ſtigiatores, Necromantici, & qui magicis artificijs
abutūtur ad patranda ſcelera, velut adulteria, fur-
ta, homicidia, atque ob id dicuntur malefici: nam
& faciunt mala, & malo modo, nimirūm Dæmo-
num auxilio cum multis item fraudibus, menda-
cijs & hominum deceptionibus. Dicuntur autem,
vt refert Iofephus libro, ſecundo Antiquitatum,
illi Magi fuiſſe ſacerdotes, apud AEgyptios enim
tales erant exiſtimatione omnis ſapienziæ ſacer-
dothes.

dotes, quales apud Indos Brachmanes, apud AEthiopes Gymnosophistæ, apud Græcos Philoſophi, & apud Iudeos Prophetæ. Dicit autem Scriptura, eos operari solitos per incantationes AEgyptiacas, & per quædam arcana: nam operabantur cantando quædam verba modo carminū: sed quia vel verba illa erant secreta, Onkelus vertit, fufurations: vel modus quo operabantur, erat secretus & occultus, ideo vocantur arcana. Dicuntur autem AEgyptiaca, non quod primū in AEgypto inuenta fuerint, sed quia verbis & ritibus AEgyptiacis constabant; vel quia nō idem est genus & modus incantationum apud omnes gentes, sed alius alibi gentium. Septuaginta interpretes vocant Sophistas & Pharmacos, id est veneficos & incontatores, Onkelus Magos, Aquila vertit χρυσιας, id est occultorum cognitores, & patratores.

CAPVT XV.

QVI EVERINT ILLI MAGI QUI
restiterunt Moysi coram Pharaone.

SCRIP.TVR A neminem eorum nominatim appellat: Sed B. Paulus posterioris Epistolæ ad Timotheum cap. 3. ait Ianne & Mambre restitisse Moysi. Chrisostomus illum locum expōnens ait, Paulum illorum duorum nomina comperta habuisse ex antiqua certaque Hebræorū traditione, vel ex SPIRITVS sancti reuelatione. Sic etiam Theodoreus & Theophylactus. Alij dicunt fuisse librum quendam apocryphum, qui inscribebatur liber Iannis & Mambres, ex quo lib. volunt Paulum trāscrisisse illorum Magorū nomina. Quod probare videtur Origenes Tractatu 35.

in Matthæum, vbi exponens verba illa Pauli, aī
 nomina illa Magorum non inueniri in scripturi
 publicis, sed in secreto quodam libro qui inscri-
 bitur. Liber Iannis & Mambres. Quapropter non
 nulli epistolam illam Pauli reijcere ausi sunt, tan-
 quam apocryphis vtentem testimonijs : cūm ta-
 men, inquit Origenes, nemo adhuc ausus fit reij-
 cere priorem epistolā ad Corinthios, in cuius ca-
 pite 15. citatur sententia quædā ex Menandro Poë-
 ta, Hæc tenus ex Origene. à quo non discrepat vul-
 gò putatus Ambrosius eundem illius epistolæ lo-
 cum explanans, exemplum, inquit, hoc de apo-
 cryphis est: Iannes enim & Mambres fratres eran-
 magi vel benefici AEgyptiorum, qui arte Magia
 suę, virtuti D E I quę per Mosem operabatur, æmu-
 latione commentitia resistere se posse putabant
 Sed cum Moyſi virtus in operibüs cresceret, hu-
 miles facti, cum dolore vulnerum fateri coaſt-
 sunt D E V M in Mose operari. Gelasius Papa Di-
 stinct. 15. sancta Romana Ecclesia, hunc librū Ian-
 nes & Mambres inter apocryphos numerans, re-
 probat. Horum etiam Magorum meminit Plinius
 lib. 30. cap. 1. & vocat Iamne & Iotape, falsò di-
 cens eos fuisse Iudæos: sed in eo præterea fallitum
 quod istos multis annorum millibus fuisse dici
 post Zoroastrem, cum ex Iustini libro primo con-
 stet Zoroastrem fuisse tempore Nini primi Assy-
 riorum regis, quo regnante natus est Abraam,
 cuius ortu vsque ad tempus istorum prodigiorū
 non nisi quingētiquinque anni fluxerunt; quin al-
 ipso diluuiō non amplius septingentis nonagin-
 taseptem præterierunt. De his quoque Numenius
 Pythagoricus in 3.lib. De bono ita scribit: Ian-
 nes & Mambres, AEgyptij erant, magicis artibu-
 ade

adeò præpotentes, vt Musæo Iudæorum duci, viro
 DEO cōiunctissimo, soli resistere posse à cunctis
 AEgyptijs iudicati sint: multas enim calamitates
 quas Musæus AEgypto intulit, soluere visi sunt.
 Hæc refert Eusebius libro 9. De præparatione Eu-
 uangelica, cap. 3. Hos autem Magos fratres fuisse,
 & Ambrosius loco supradicto affirmat, & ex nar-
 ratione B. Macharij Palladius commemorat. Sed
 quia in Macharij & Palladij mentionem incidi-
 mus; non alienum fuerit hoc loco quæ narrat Pall-
 adius vitam Macharij scribens de mirabili horū
 Magorū sepulchro ab ipso Machario visa & com-
 perta, & deinde narrata Palladio, hīc adscribere.
 Dicebat Macharius Iannem & Mambrē fuisse fra-
 tres, propter, magicæ artis excellentiam, maximā
 apud Pharaonem & AEgyptios tunc temporis ha-
 bentes auctoritatem atque potestatem: qui dum
 viui essent, intra quandam AEgypti solitudinem,
 in hortis quibusdam sepulchrum sibi construxerunt
 ex lapidibus quatuor pedum magnitudine,
 multumque auri illic condiderunt, & omnis ge-
 neric arbores plantauerunt, & maximū aquæ pu-
 teum foderunt, sperantes fore vt post suum obtiū
 in illō paradiſo delicijs fruerentur. Hic autem
 locūs, vt communi illius regionis fama ferebatur,
 à Dæmonibus tenebatur atque custodiebatur. In-
 cessit Macharium cupido visendi locum, profe-
 stusque; cùm iam propè accessisset, obuiam illi
 occurrerūt ad septuaginta Dæmones varijs formis,
 alij clamantes, alij exilientes, alij magno cum fre-
 mitu in eum stridentes dentibus, alij figura coruo-
 rum in eum inuolantium, quibus euanescentibus
 ingredienti iam in paradiſum, occurrit Diabolus
 cum districta romphæa ei minitans: quem facto

*Memorabilis
historia.*

crucis signo repellens, ingressus est locum; omni-
aque contemplatus, reperit cadum æneum, cate-
na ferrea pendentem ex puteo, iam tempore con-
sumptum, & fructum malorum punicorum, qua-
nihil intus habebant, fuerant enim arefacta sole
& plurima aurea donaria. Hec Palladius de se-
pulchro horum magorum ex Macharij relati-
one.

CAPUT XVI.

AN PRODIGIA QVÆ MAGI ILLI
fecerunt, fuerint vera, an tantum si-
mulata.

MAGNA quæstio est, varijs scriptorū sen-
tentijs in vtramq; partem agitata, an ser-
pentes illi seu dracones, in quos scriptu-
ra narrat virgas à Magis proiectas, fuisse AEgypti-
acis incantationibus atque arcanis conuersas, fue-
rint veri & naturales serpentes, non minus quam
is in quem virga Aaron mutata fuit, an potius fue-
rint simulachra quædam tantum & imagines ser-
pentum qui à Dæmonib; serpentum modo mo-
uebantur. Quod autem de serpentibus magorum
diximus; de aqua mutata in sanguinem, & ranis
productis itidem intelligi volumus.

MVLTI & graues scriptores existimârunt
serpentes illos fuisse naturales: hoc enim docet
Theodoretus in Quæstionib; suis in Exodū quæst.
18. idemque apertius & copiosius B. Augustinus
lib.3.dé Trinitate; cap.7.& 8.in lib.octoginta triū
quæstionū quæst. 79, quem in hoc ferè sécuti sunt
Theologi Scholastici. S. Thomás affirmatissimè
hoc tradit in Commentarijs super 24.caput Euan.
geliij

Exod. 7. & 8.

Prima opinio,
fuisse veros
serpentes.

gelijs secundūm Matthæum, & prima parte quæst.
14. art. 4. in eandem inclinat sententiam B. Bonauentura 2. Sententiarum, Distinct. 7. quæst. 2. Ca-
cietanus adēd clarum id esse inquit in scriptura, ut
in dubium minimè verti possit. hoc etiam senti-
unt Lyrantis, Tostatus & Paulus Burgensis, & cō-
firmari potest argumentis B. Thomæ desumptis ex
prima parte, loco supra citato.

VERVM ex aduerso multo pluris & antiquiores,
nec minus doctrina & antiquitate præstantes,
prodigia illa M agorum non fuisse veros & natu-
rales effectus, sed tātūm simulatos, & apparentes,
& artificio quodam magico ac diabolico spectan-
tium oculis imponentes, & senserunt, & scriptis
fuis prōdiderunt. Nam Iosephus lib. 2. Antiquita-
tum aīt illos serpentes M agorum specie verorum
serpentum reptasse, sed fuisse præstigias, veritatis
specie hominibus non admodum cautis imponē-
tes. Simile quippiam innuit Philo lib. primo Dē
vita M osis hoc factum M agorum enarrans. Iusti-
nus martyr in libro Responsionum ad quæstiones
Orthodoxorum, in response ad quæstionē 26.
Quæ, inquit, à M ose facta sunt miracula, quia de-
iina virtute sunt edita, facta sunt mutatione rei
iropositæ in naturam eius quod efficiebatur: at,
juā à M agis, opera Dæmonis sunt facta, spectan-
tū oculis prestigias offundebant, vt qui serpēs nō
esset, eum viderent quasi serpentem, & non san-
guinem quasi sanguinem & non ranas quasi ranas.
Tertullianus in libro De anima: Possunt, inquit, &
olent Dæmones phantasmata præstare, & corpo-
a fingere, quibus exteriores oculos circūueniant.
Corpora enim videbātur Pharaoni & AEgyptijs
magicarum virgarum dracones: sed M osis veritas,

*altera opinio
non fuisse vero
ros serpentes.*

mendacium eorum deuorauit. Gregorius Nissenus : Qui ex virga Mosis, inquit, factus est serpēs, verè animatus, Magorum virgas reuera ligna, vi-sus autem deceptione serpentes, facilè deuorauit. Græcus interpres, quem citat Catena in Exodum ait, illos serpentes Magorum fuisse meras præsti-gias, nihil verorum serpentum præter speciem & imaginem habentes. hoc etiam super cap. 7. Exo-di affirmant Rupertus, Rabanus & Hugo de S. Vi-tore. Idem quoque satis indicat Ambrosius in-terpretans cap. 3. posterioris epistolæ ad Timothe-um : Iannes, inquit, & Mambres virtute D E I qua-per Mosem operabatur, commentitia æmulatione resistere conati sunt. Eundē Pauli locum explanās B. Hieronymus : Sicut, inquit, illi Magi artis ma-gicæ præstigijs Mosi, sic nonnulli argumentorum fallacijs, christianæ veritati ac simplicitati resiste-re, ac illudere conantur.

Auctoris sen-tentia fuisse veros illos Magorum ser-pentes.

NE V T R A hæc opinio euidenter ex sacris li-teris, aut humanis rationibus, vel probari vel re-probari potest : videtur tamen aliquanto proba-bilior B. Augustini sententia. Scriptura enim Ex-odi 7. ijsdem verbis eodemque modo narrat vir-gam Aaron versam esse in serpentes & item vir-gas Magorum: ergo si ille Aaron fuit verus serpēs pariter etiam serpentes Magorū veri fuisse viden-tur. Ibidem quoque dicitur virgam Aaron deuo-rasse virgas Magorum; hoc est, serpentem ex vir-ga Aaron factum, deuorasse serpentes ex Magori-virgis factos, non diceretur autē deuorasse illos nisi fuissent veri serpentes. Deinde sequenti cap-octauo traditur Magos defecisse in tertio signo nec potuisse producere ciniphes: ex quo satis in-ælligitur, verè & non in speciem tantum eos du-

prior

propria signa fecisse. Moses item detexisset fallaciā, si non fuissent veri serpentes. Quid quod scriptura vocat simpliciter serpentes, & ex nulla circumstantia narrationis colligi potest eos non fuisse veros serpentes: nec repugnat fuisse veros, ergo probabile valdē est veros & naturales serpentes fuisse.

CAPVT XVII.

*Q*UOMODO MAGI FECERINT *IL-*
los serpentes.

QUATVOR vel quinque modis cogitare possumus Mágos fecisse serpentes, sanguinem, & ranas; duobus vel tribus in speciem tantum & simulatè, duobus alijs, verè. Primo enim species & phantasmata virgarum & serpentum, aquæ & sanguinis & ranarum quæ erant in phantasia, & imaginatricè facultate, Dæmones omnouedo & turbando spiritus in quibus erant læ species, potuerunt facere, ut illæ species refluerent ad sensum communem vel etiam ad sensum ifus; verbi gratia, primò species virgæ mox ea sulata, species serpentis: ita ut videretur virga conserva in serpentē. Vide hæc tractata apud S. Thomam primâ parte, quæst. 114. & 111. artic. 3. & 4. Itemque in alijs fieri cernitur. Namqùe in somno motu vaporum ascendentium in cerebrum, atque escendentium, refluentibus speciebus rerum sensibiliū ad primum sensituum, dormientes videntur sibi & videre & audire: & vi morbi idē continet phreneticis. Deinde potuit fieri, vt Dæmō virtute aliqua naturali occulta, spectantium visum a inficeret vel turbaret, ut viderentur esse quæ

non erant, & non esse quæ aderant: quemadmo-
dum ægrotus corrupto palato & gustatu, dulces
cibos iudicat amaros. Tertio modo potuerūt Dæ-
mones virgas illas Magorum subitò conuertere in
serpentes, applicando illis inuisibiliter aliqua a-
gentia naturalia nobis ignota, ad producēdos ser-
pentes potentissima & efficacissima. Quarto mo-
do fieri potuit ut Dæmones non aduertētibus qui
spectabant, virgas à Magis proiectas, subitò è con-
spectu illorum clām auferrent, & pro illis serpē-
tes mole æquales ipsi, vel ante præparatos, vel a-
liunde tunc celerrimè asportatos, intuentium o-
culis subijcerent, ita ut virgæ in serpentes videre-
tur esse conuersæ. Potuit etiam quinto modo il-
lud fieri, ut Dæmones virgas illas in modū & for-
mam serpentam figurarent, vel figuram serpentū
illis affingerent, & in illis motum qualis est vero-
rum serpentum, ipsi efficerent.

Quod negant illos serpentes Magorum, fuisse ve-
ros & naturales, eos necesse est sequi vel duos pri-
ores modos, vel certè quintum modum. Sed con-
tra priores duos modos illud pugnat, quod scri-
ptura ait factos esse serpentes, non igitur solùm e-
rant in imaginatione vel aspectu intuentium, sed
extra quoque erant serpentes: non enim dixisset
scriptura, Magorum virgas versas esse in serpētes.
Contra quintum modum facit quod scriptura di-
cit, serpentem factum ab Aaron, deuorasse serpē-
tes Magorum: quomodo autē deuorasset illos, nisi
fuissent veri serpentes. B. Augustinus, S. Thomas,
Bonauentura, Caietanus & Burgensis sequuntur
tertium modum; qui tamen sicut nec Lyrano, nec
Tostato, ita nec mihi fit probabilis. Certum enim
est, nec Dæmones potuisse immediatè producere

erpetes, sed tantum adhibendo causas naturales
orum productrices. Certum etiam est, nullum a-
gens naturale naturaliter operando posse subitò
producere formam ex materia non ante disposita
& præparata. Certum etiam est, diuersas formas
xigere diuersas materiæ præparationes, & quo
formæ sunt nobiliores, eò plures & operosiores
præparationes depositantur: maior enim præparatio
est materiæ ad formam mixti quam ad formam ele-
menti, & maior ad formam animalis perfecti, quam
ad mixti inanimati vel plantæ. His positis, quæ se-
undum veram Philosophiam negari non possunt,
ueramus an Dæmones produxerint illos serpen-
tes immediatè ex virgis: at materia virgæ est ad-
iudicium remota & aliena recipiendæ forme serpē-
tis. Si dicant non immediatè ex virga productos
se serpentes, sed varijs transmutationibus præ-
missis; at tot & tam variæ transmutationes subitò
eri non potuerunt, statim enim atque Magi pro-
cerunt virgas, apparuerunt serpentes. Quid quod
im naturaliter producitur serpens, non statim
producitur magnus, sed primò parvus, deinde pau-
tim acquirit iustum magnitudinem: at illi ser-
pentes statim producti sunt magni, nimirū æqua-
les virgis Magorum, non enim visum fuisset vir-
gis mutatas esse in serpentes, nisi serpentes fuis-
sent æquales virgis.

C A I E T A N V S vt vim harum rationum ab-
so, vt arbitror, præuisam effugeret, duo reperit
fugia; alterum, est eo temporè quod effluxit, dū
harao vocauit Mágos, & ipsi ad eum adierūt, Dæ-
mones vltimam dispositionem pro forma serpentis
iduxisse in illas virgas, atq; ita cum projectæ fu-
issent, statim potuisse produci serpentes: alterum

*Caietanus
refellitur.*

H a est,

est, licet agens naturale per se non possit ex virga & subito producere serpentem, tamen ut est instrumentum Dæmonis, illud posse; sicut motus & lumen coeli multa producunt quæ sunt ipso nobiliora, quatenus sunt instrumenta intelligentiarum mouentis. Sed contra primum effugium facit illud, quod sic non fuissent illæ virgæ, non enim potest manere forma virgæ cum ultima & proxima dispositione materiarum & formæ serpentis, præterea dubium est an illi serpentes seu ut alij vertunt dracones potuerint aliter generari quam ex semine. Secundum effugium nihil valet: nam licet agens naturale ut est instrumentum vel hominis vel Angelorum, possit vel citius vel melius aliquid facere, tamen non ob id potest ex qualibet & in qualibet materia effectum suum producere, nec potest posteriorem formam inducere non inductis prioribus. Posterior enim & nobilior forma, præsupponit necessariò priores; & sicut inter formas, ita inter earum dispositiones, est ordo naturaliter immutabilis, ut non possit esse posterior in materia nisi antea fuerit prior. Præterea verus sanguiniss naturaliter non potest produci nisi in animalia, & per calorē animalis, & per certa instrumenta quæ in solo sunt animali.

Auctoris sententia quomodo facta sit à Magis illa virginum in serpentes mutatione.

RES T A T igitur quartus modus supra expōitus, qui & Lyrano & Tostato mihi que fit verisimilior: nam secundum eum modū defendimus fuisse veros serpentes, atque ita euadimus difficultates obiectas contrā primum, secundum & quintum modum: nec tamen dicimus eos productos fuisse ex virgis, ne vrgemur illis rationibus quibus tertius modus premitur. Vnus tantum scrupulus hæret, quomodo si non fuerunt serpentes producti

ducti ex virgis, dicantur virgæ conuersæ in serpentes? sed respondendum est, scripturam id dixisse non quod ita fuerit secundum veritatem, sed quia ita videbatur & aestimabatur spectantium iudicio. Nam & hoc quoque dicere oportet eos qui negat illos fuisse veros serpentes; & Caietanum qui vult illas virgas habuisse ultimam dispositionem pro forma serpentis: sic enim non poterant esse veræ virgæ, vt ostendimus, sed secundū speciem tātūm; quare secundum eum, nec Magi proiecerūt veras, virgas, nec verae virgæ sunt conuersæ in serpentes.

SE D dicet aliquis, cur permisit DEVS vt Magi qui contradicebant Mōsi, prodigia facerēt, cum ea res & diuinam virtutē quæ per Mōsem operabatur, obscurare videātur, & Pharaonis animū magis in perfidia & inobedientia obfirmatum & obstinatum redderet? Ad hoc Chrysost. homil. 46. in Acta Apostolorū, ita respondet. Permisit DEVS Magis aliquod aduersus Mōsem, ne Magus putaretur esse Moses: Permisit illos docere omnes quantum Magia imponat sensibus: ultra autē non deceperunt, sed ipsi se victos confessi sunt: & non potest, inquit, sine certamine clara esse victoria, & quod potentior est hostis, eo illustriorem reddit eius gloriam à quo se victum esse ipse confitetur: sicut Magi victos se à Mōse confessi clariorem eius gloriam effecerunt. Theod. in quæst. suis in Exod. quæst. 18. Ne quis, inquit, suspicaretur Mōsem arte magica mira illa fecisse; permisit DEVS Magos similia aliqua facere, vt quantum inter diuinam virtutem & magicas operationes iuteresset, tum cūdientia rerum, tum etiam Magorum confessione, clarissimè innotesceret. Mutat Aaron virgam in serpentem, mutant etiam Magi virgas suas in

*Cur Deus sit
passus illa
prodigia fid
à Magis.*

113 DE MAGIA LIBER PRIMVS.

Exod. 7.

serpentes: sed serpens Aaron præualens, Magorum serpentes deuorauit. Mutant Magi aquam insanguinem: sed non rursus possunt sanguinem mutare in aquam, sicut fecit Moses: producunt ranas, sed eas auferre sicut Moses nō possunt: & qui maiora animalia fecerunt, minora, id est, ciniphes, facere non potuerunt. Denique nec vlcera ipsi cauere, nec vlcerum dolorem quo vehementer afflictabantur mitigare, nedum auferre potuerunt. Quamobrem Mosem longè superiorem quam ipsi essent, & diuinam virtutem quæ operabatur, artibus suis magicis præstantiorem confessi: dixerunt: *Digitus D E i est hic.*

VERVM nos, quia hunc de Magia librum, ut perspicuitate orationis, & varietate atque ordine disputationum, delectuque probabiliorum sententiarum, firmiorumq; rationum; sic breuitate (qua magna est legēdi discendiq; illecebra) cōmendatū lectori & probatum esse cupimus, expositus iam quæ ad propositi à nobis argumēti tractationem & explicationē pertinebant, hīc ei finem imponamus.

(**)



BENE

BENEDICTI PERERII LIBER SECUNDVS,

qui est

DE OBSERVATIONE SOM-
NIORVM.

NON vnum est genus nec vna somniorum ratio ; quo circa nec pars est omnium causa, ut æquè omnia vel approbari vel improbari debeant. Multa quidem somnia derident sacræ literæ alia, etiam damnant : quædā vero commendant ac venerantur. Sunt enim pleraque inania : nee pauca sunt naturalia, ex certis naturæ causis profecta. Sunt item alia Dæmonis calliditate ac malitia mortalibus iniecta : denique non nulla diuinitus hominibus data sunt. Diligens porrò somniorum tractatio , pulcherrimā per se ac iucundissimam parit cognitionem, & ad obscuros diuinæ scripturæ complures locos illustrados valet plurimum : regendæ verò ac moderandæ hominum vitæ utilissima esse potest. Sed in primis ad redarguendam quorundam hominum inscitiam (sed verius dixerim , stoliditatem & recordiam) qui nimis curiosè & anxiè ac superstitione obseruant somnia , per ma-

gno est adiumento. His ergo rebus adductus, de somniorum natura, varietate ac veritate nonnullas quæstiones scitu maximè dignas atque utiles hoc libro explicandas suscepit.

**INDEX QVAESTIONVM LIBRI
SECUNDI QUI DE
Somnijs.**

P R I M A

- Q**uestio : An somnijs habenda sit fides.
II. De causis verorum somniorum.
III. Quibus signis dignosci queant somnia diuina à non diuinis.
IV. Cur Deus in somno arcana homines doceat.
V. Cur à DEO somnia dentur indoctis hominibus sepius quam sapientibus.
VI. Cur diuina somnia nonnunquam sint obscura & perplexa.
VII. An licet um sit homini christiano obseruare somnia.
VIII. Cuius hominis sit ritè interpretari somnia.
IX. An in somno usus & voluntatis liber esse queat.
X. De somnio Salomonis, in quo donum sapientiae à Deo promissum ei & tributum est.



QVAE

QVAESTIO PRIMA,

AN VLLA SOMNIIS HABENDA
sit fides.

N diuersa, vulgi ac sapientum super hac re distrahuntur sententiae: quamquam vno verbo ea quæstio posset ex pedire facta somniorum distinctione: non nullis enim somnijs iudeo dubitatione fides habenda est: plerisque tamen penitus deroganda. Nimirum, aut omnibus, aut nullis credere somnijs, par est recordia, & videtur extremæ vtrumque vel stoliditatis, vel contumaciæ. Sed profectò, & scitum, & verum est illud Ciceronis dictum: nihil tam absurdè dici posse, vt non ab aliquo Philosophorū dicatur. Quid enim esse potest magis $\delta\lambda\omega\gamma\sigma\tau\alpha$ & $\delta\lambda\omega\gamma\tau\alpha$, quam omnia somnia vera & credenda esse arbitrari? Ecce tibi Prothagoras, vnu sanè ex illo priscorum philosophorum senatu, omnibus somnijs fidem arrogat, magna auctoritate decernens, veritatem *pinio*. & falsitatem non ipsa natura rerum, sed sola existimatione hominū constare: hominem esse mensuram omniū & tale vnumquodq; esse, quale videatur homini, siue sobrio, siue vinolēto, siue sano, siue insano, siue vigilāti, siue dormiēti. Affines huic errori fuere quidam Stoici, nimio plus superstitionis, ac penè fanatici philosophi: qui nulla rejiciunt somnia, in omnibus esse rati vim significandi, ac denotandi aliquid. Existimari tamen aiunt, quædam somnia inania & falsa, quod sint admodum tenuiter expressa, ob idque obscura, & ad intelligendū difficilia: & quia proper ambiguitatē,

Cic. in 2. de
Divinatione.
Omnia somnia esse vera,
Prothagoræ et

Stoicorum e-

varias ad res videntur posse applicari, propterea nihil certum ex eorum obseruatione nobis constare: præsertim verò quod ad eorum somniorum dispiciendam, par hominum solertia & sagacitas non facilè inueniatur. Ex aduerso, his contraria sentientes Xenophanes Colophonias, vel ipsa vetustate memorabilis philosophus (nascens enim in Græcia philosophiæ propemodùm a qualis fuit) mollis item ac delicata Epicureæ discipline sectatores, omnium somniorum fidem & auctoritatē sustulerunt. Non esse autem ullis credendum somnijs, sic illi argumentabantur. Unius est eademq; natura omnium somniorum: per igitur credendi aut omnibus, aut nullis ratio est debet. sed plerisq; somnijs non esse credendum confessio est omniū: nihil ergo causæ est cur plerique reiectis, aliquibus præcipue credere debeamus. Adiace, quod si quædam somnia vera & certa sunt, aliquas esse certas ipsorum effectrices causas necesse est. At quas? naturam, inquiunt, & Deum. Sed natura quidem amica est ordinis & constantiæ; in somnijs nullus ordo inest, sed plena temeritatis inconstantia. Dei autem maiestate alien & indignum videtur, obire Deum lectos dormientium, concursare grabatos, & stertentibus iniungere somnia, quæ illi expurgiscentes, vel non recordantur, vel si curanda sibi putent, stulta impleti superstitione, dies noctesq; animi pendeant, aut innani impendentium malorum metu perterriti, a fallaci futurorū expectatione bonorum elati. At quantò & ratione conuenientius, & Dei præstati dignius, atque utilitati hominū consultiū fuisse visa dare non sordidis & indoctis hominibus, se

*Xenophanis
& Epicureo-
rum opinio
omnia somnia
esse rana.*

optimis & sapientibus viris, non dormientibus, sed vigilantibus, nempe magis ad intelligendum idoneis: nec per circuitonem, & anfractus, atque enigmata, sed propriè, apertè, explicatè significare Deum, quod ab homine vellet intelligi.

H A E C isti de somnijs balbutiunt, in totum, Vera sententia de somnijs.
 & vel approbantes, vel damnantes; videlicet per extrema, veritati deuia, inerrantes. Sed vera sententia, quasi media insistens via varia facit somniorum genera: quorum plurima tanquam inania, ab omni ratione vacua, nec vlla fide digna, planè abiudicat & reijcit. Hoc, cùm luce Solis clarius sit, superuacaneum est argumentari. Id enim quotidiana docet experientia, totas quotidie noctes somniamus, quotum igitur quodq; de tot somnijs, verum euadit? Euadit quidem aliquod nonnunquam verum, sed quia id rarissimè, ac sine ratione vlla contingit, nihil afferri potest, cur non casu & temerè accidisse credatur. Idem quoque ratio ipsa fateri cogit. Nam quæ alia est istiusmodi somnia- causa somniiorum.
 um causa nisi quia spiritus, sentienti animæ, præ-
 tertim autem phantasie, cuius est fingere somnia, lesertientes, in quibus insident atq; inhærent, rem in vigilia perceptarum reliquæ, ac vestigia, quas in scholis appellamus species, eiusmodi in-
 quam spiritus, in somno vaporibus cibi potusque caput subeuntibus agitati, & huc illuc iactati, via reddunt visa & somnia, sed propter inordinatam spiritum iactationem, valde incomposita, & pè etiam turbulentia & distorta, denique talia, ut nullam vim significandi aliquid habere queat. Sic profectò sunt somnia, ut quæ in nubibus variè figurantur, vel animantium, vel aliarū rerum similitudines & imagines, quas cernimus breuissimo- tem-

tempore in alias, atque alias commutari, & modis dissolui omnes, ac penitus euaneſcere. Has imagines, qui certam vllijs rei ſignificationem faceret, obtutus & excors haberetur, at non minoris videtur incitiae, certas ſignificandarum rerum notas, & signa ejusmodi ſomnijs attribuere. Si ebriorum, phreneticorum, & insanorum viuere negligimus, & pro nihilo ducimus, eque profecti ridenda, & contēnenda ſunt ſomnia, quin eò magis, quod plerumque magis ipsa ſunt inordinata, confusa, & monſtroſa. Facetè quidam, ſed ver tamen, dixit, ſi natura ſic eſſet comparatum, ut et dormientes agerent, quæ ſomniant, fore omnino necessarium, ut alligarentur, omnes, qui cubitum irent, quippe magis ridicula & absurdā, magisq; incredibilia, quam illi faciant insani, facturos eſe ſomniantes. Hanc quoque ſententiam confimat diuina ſcriptura, deridens leuitatem & vanitatem eorum, qui ſomnijs, hoc eſt, rebus futileſmis ac mendacissimis credendo, dignos ſe præbēti, qui omnium irriſione ludantur. Itaque in libri Eccleſiaſtæ capite quinto ſic eſt : *Vbi multa ſunt ſomnia, plurima ſunt vanitates. & innumeris sermones.* In lib. item Eccleſiaſtici cap. 34. ita legitur : *Somnia extollunt imprudentes, quaſi qui apprehendit umbram, & perſequitur ventum, ſic qui attendit ad insomnia, multos errare fecerunt ſomnia, & excederunt ſperantes in illis.* Denique cum ſcriptura vult ſignificare aliquid vanum, instabile, fugax & fallax, ſomniorum comparatione, ac ſimilitudine perſpecte declarat.

*Testimonia
diuina ſcri
pture de va
nitate ſomni
orum.*

*Multa ſomnia
ſe vera.*

C A E T E R V M, ut plurimus ſomnijs abſeſſe veritatem, fidemque non eſt negandum, ita qua
da

am esse vera, & certa somnia, fatendum est. Nam nullis insomnis, quidquam veri & certi esset, incertus profecto, ac superstitione clarissimi medicorum, somnia, quæ frequenter ægris continent ad eorum morbos dijudicandos curandosq; am subtiliter & curiosè obseruarent. Stulto item labore physiologi se fatigarent, somniorum causas, vires, ac significaciones tanto studio, & diligentia venando ac speculando. Mendaces præterea essent tot superiorum temporum historiæ, classimis testatæ consignataq; monumentis, referenteque exemplis verorum somniorum, quæ ad verum cum rerū euentis mirificè conuenerūt. Quid sacris literis quot memorantur somnia, nō vera certa modò, sed etiam diuinorum mysteriorū enissima, Repetat memoria lector somnia A-
az, Abimelech, Iacob, Laban, Ioseph, Pharao-
s, Salomonis, regis Nabuchodonosor, Danielis,
ardochæi, Iude Machabæi: in nouo autem Te- Math. 1. 27

amento, somnia beati Ioseph, Magorum, vxoris lati, denique somnium D. Pauli, quod à Luca in Act. 16.
de Actis Apostolorum narratur. Hanc som-
orum distinctionem, etiam Homerus Poëtico
ore, fabularum integumentis velatam, signifi- Homeri com-
uit, dum duas finxit portas, unam corneam per mentum ad
iam emitterentur ad homines vera somnia: alte- significandum
m eburneum, per quam ederentur falsa. Home- verorum aq;
m imitatus, ut ferè solet, Virgilius libro 6. AE- falsorum so-
midos, eandem sententiam expressit his versibus: mniorum di-
stinctionem. stinctionem.

Sunt gemina somni porta, quarum altera fertur
Cornea, qua veris facilis datur exitus umbræ, Odys. 7.
Altera carenti perfecta nitens elephanto,
Sed falsa ad cœlum mittunt insomnia manes.

*Mac. libret. 1.
Cap. 3.*

Cur autem poëta, veris somnijs corneam portam, falsis eburneam assignauerit, causam exponit Macrobius in eo commentario, quo somnium Scipionis explanauit.

QV AESTIO III. DE CAVSIS VERORVM SOM- NIORVM.

DICTVM est, alia esse somnia falsa, & alia vera: reiectis igitur falsis, vera contempleremur. Verum, quia quae sint vera somnia, & quo insigni atq; nota internoscatur à falsis, planè intelligi non potest, nisi veroru somniorum causas omnes rimemur, & aperiāmus, propterea quid ab alijs de huiusmodi causis creditum & proditum sit, hoc loco docere conuenit. Hippocrates in lib. de Insomnijs, duo statuit somniorū verorum genera; alterum nominat diuinum, alterum naturale. Diuina somnia, inquit à Deo mitti, & semper memorabiles aliquos casus, insignesque vel ad lætitiam & tristitiam, vel ad felicitatē & miseriam, siue priuatam, siue publicā, euentus portendere, horum autem somniorū interpretationem, ex vatibus, rerumq; diuinarum interpretibus petendam esse. Tale fuisse dicitur somnium Cyri maioris, qui monarchiam Persarum condidit, ad cuius pedes dormientis, sol visus est, terq; ab illo appetitus manibus, ter se conuoluens, elapsus est. Quo somnio magi Persarum sapientes, significari responderunt, eum triginta annos, & ita sanè contigit, imperio potiturum. Naturalia somnia, ex causis ferè intra corpus dormientis latentibus, existere putat Hippocrates, atque hisce somnijs affectiones ipsius corporis aut bonas, aut malas

*Variae de som-
niiorum cau-
sis, auctorum
sententiae
Hippocrates.*

*Somnium Cy-
ri.*

alias, indicari, hoc est vel plenitudinem ac redundantiam vel contra inopiam atq; inanitatem, et aliquem eorum, qui sunt in corpore humorū, ut corruptum, aut suo loco motū, aut inordinate immoderatè agitatum. Horum verò somniorū bferuationem & coniectationē spectare ad me-
icum, eamq; ad dirigendas ordinandas q; curatio-

es permagni referre arbitratur. Plato in Conui-

Plate.

io, somnia vera & prænuntia fututorū, à dæmo-

ib⁹ proficiisci existimat: dæmones enim esse me-

los inter Dēum, qui est immortalis & incorpo- *Dæmonum*
reus, atque homines corporatos & mortales: qui- *natura & mu-*

de cùm sint ipsi & corporei, quales nos sumus, *nus secundum*

immortales, qualis est Dēus. Dēū nāmq; censet

latō non immiscere se rebus humanis, nec pro-

mē cum hominibus societatem aliquam & con-

studinem habere, sed commercia & colloquia

ter Dēum, hominesq; siue vigilantibus ipsis, siue

ormientibus, per dæmones agitari & confici. Ni-

irū, dæmonū munus & officium esse inquit, pre-

s & vota hominū referre ad Deum, & Dei mu-

era & auxilia deferre ad homines: per hos, vati-

nia, incantationes, magia, omnisq; diuinandi r̄a-

, & prodigiorū effectio, ad homines peruenit. I-

q; dæmones esse Dei nuncios, intrepentes, & ad-

ministros: hominū verò esse quasi patronos, adiū-

tos, magistros, & vt ficitio Apulei verbo dicā fa-

tigerulos. Atq; h̄ec non solius Platonis, sed ante-

atōne etiā Empedoclis & Phythagorę fuit sente-

nt de qua & cōtra quā, in lib. 8. de ciuitate Dei. ca.

. & 21. & in lib. 9. acutē docte q; disputat Aug. Ari-

oteles in libello quē inscripsit de Diuinatione ex

mnijs ducta, negat vlla dari hominib⁹ à Deo sō-

2. Vera autē somnia, inquit, vel esse naturalia

Aristoteles.

quā-

quædam signa, & ex naturalibus causis profecta
 quæ scilicet periti Philosophi & medici vtilite
 obseruant: vel esse quodammodo principia quæ
 dameo: um, quæ posteā vigilantes acturi sumus
 nonnunquam enim in quiete quædam occurrunt
 quæ videntur ad aliquid agendum posse con-
 ducere, quibus pōst, somno excitati ad benē agen-
 dum accommodatè utimur, & iuuamur. Stoic
 tres causas verorum somniorum constituunt. Pri-
 mam D E V M, qui cum sit rerum omnium scien-
 tissimus & prouidentissimus, hominique bene-
 uolus ac beneficus, quo sit homo cautior, dat ei
 somnia quæ sint ipsi futuorum indicia, & eoru, quæ
 agenda ipsi cœiendaque sunt, documenta. Alteran
 causam ponunt fatum, quo cuncta sunt velut ater-
 na quadam serie, nexusque colligata: siquidem re-
 rum omnium futurarum, putant Stoici, & antece-
 dentes causas, & præcurrentia signa, tum alijs in
 rebus, tum etiam in ipsis somnijs præmitti. Tertiā
 causam faciunt naturam animi nostri, quæ dicitur
 est: animus, enim hominis, exteriorib⁹ sensib⁹ pe-
 quiete cōfopitis, & ab omni actione vacatibus, ip-
 seq; negotijs curisq; omnib⁹ solutus ac liber, vege-
 tor fit & habilior ad intelligendū, tunc enim clari-
 rius præterita meminit, præsentia sentit, futuri
 prouidet. Porphyrius, veritatem somniorum re-
 fert, partim ad innatas animis hominū notiones
 & velut insignitas rerum omnium notas, quas ei
 altera vita detulit animus, ad hoc corpus veniens
 sed eo vehementer obrutus, atque oppressus, non
 potest eas vigilantibus sensibus cernere: in quiete
 verò, clarius ei apparent, atque innotescunt.
 Partim refert somnia ad dæmones: ad bonos qui-
 dem bona, & veracia: ad malos autem, praua, feda-
 & fal-

Scalēt.

Porphyrius
quid de veri-
tate somnio-
rum senferit.

& fallacia. Synesius multa disputat de Spiritu phā-
 stico, quod est vehiculum animæ, eo namq; me-
 dio, ceu quodam vinculo, cum terrestri hoc cor-
 pore colligatur & copulatur: in quo item solutus *Synesius mira
sed falsa tra-
dit de spiritu
phantastico.*
 corpore animus, ex vno loco in alium mouetur,
 atque in eo maleficiorum poenas persoluit apud
 inferos, nec sine eo dum est in corpore, quicquam
 potest intelligere. In hunc porrò spiritum, omni-
 um quæ sunt, fuerunt eruntq; simulachra impri-
 nuntur, & in eo lucent tanquā in speculo, præsen-
 tium quidem rerum, clariora, præteritarum autē,
 uo sunt vetustiores minus perspicua, minima ve-
 futuram, quæ scilicet nec sunt, nec fuerunt
 inquam. Sed quia futuri effectus, in potestate cau-
 arum cohibentur, quasdam habent prægressio-
 es, & præcursiones signorum, quæ hoc in minus
 manifesta sunt, quo illa longius absunt, atque in
 hoc genere, ponenda censet somnia. Quapropter
 re obscuris imaginibus & similitudinibus, res
 er somnia, significantur, non æqualiter tamen,
 id prout varia est illius phantastici spiritus tem-
 éries & ratio, similiter vt in speculis, pro varie-
 te eorum materiæ aut figuræ, variæ ac dissimiles
 edduntur imagines. Monet præterea Synesius nō
 arum conferre ad quieta & veracia in somno vi-
 percipienda, benè præparare hunc spiritū phā-
 sticum, moderato nempe victu, honestis studijs,
 actionibus, sedandisque animi perturbationi-
 us. Pythagoras certè iturus cubitum, cantu &
 ono lyræ somnum captabat, atque hac ratione ad *Mos Pythago-*
 ona lœtaque somnia accipienda, se ipse compa-
 bat: ob eandemque causam, esu fabæ suis inter-
 icebat: quod haberet is cibus inflationem ma-
 ham, tranquillitati mentis vera quærentis con-

teriam. Verum hęc de spiritu phantastico à Syno-
sio prodita, nugae sunt, & Pythagoræorum ac Pla-
tonicorum figmenta, vel ipsis poëtarum fabuli
inaniora veritatis, atque incredibilia.

SE D., vt aliquid etiā ex auctoribus Ecclesiasti-
cis delibemus, beatus Gregorius in quarto libi
Dialogorum cap. 48. sex causas colligit somniori-

D Gregor. sex causas somni-
orū tradit.
Aut enim, inquit, ex pl. n. tūdine, vel manitiae cer-
posis somnia exstant, aut ex antecedentibus diurnis
cogitationibus & curis: aut ex illusione demonis, au-
ex cogitatione hominis simul & illusione demonis, au-
ex reuelatione Dei, aut denique ex cogitatione bi-
minis simul & reuelatione Dei. Easdem sex ca-
sus somniorum, cum idem Gregorius cōme-
morasset in lib 8. Moralium, cap. 13. mox et
aptis diuinæ scripturæ sententijs & exempli
illūstrat atque confirmat. Duo, inquit, primi
quæ diximus somniorum genera, omnes ex experimen-
t cognoscimus: quatuor autem reliqua in sacris literis
inuenimus. Nisi enim somnia plerumque ab oculis
hoste per illusionem fierent, nequaquam scriptura d-
ixer, Ecclesiast 34. Multos errare fecerunt somnia
& illusionis varia, vel certe in Leuit cap. 19. non effi-
scriptum, Nō augurabitini, nec obseruabitis somnum
Quibus verbis, cuius sint detestationis, ostenditur, quod
augurijs coniunguntur. Rursus nisi aliquando ex co-
gitatione simul & illusione procederent, Salomon m-
nū dixisse Ecclesiast quinto capite, multas curi-
sequuntur somnia. Et si aliquando somnia ex mysti-
cia reuelationis orientur, sese b. Genesios 31. pref-
rendum est fratribus, per somnum non videret, in
Matteo sponsum, vi ultro pueri in Agyptum fugere

per somnium angelus admoneret. Rursum, nisi aliquā do somnia ex cogitatione simul & reuelatione procererent, nequaquam Daniel visionem Nabuchodonosor edisserens, à radice cogitationis inchoasset, dicēs: Turex cogitare cœpisti in stratu tuo quid esset futurum post hæc. Hæc ibi Gregorius. De causis igitur somniorum, sic ab alijs proditum est.

E G O causas somniorum, quæ ad significandum illiquid valent, & dignæ sunt obseruatione, diligenter scrutatus, eas ad quatuor præcipuas reuocari posse animaduerti.

P R I M A causa continet aliquam corporis affectionem, quæ in ipso corpore præpollet, ac præialet, vt si flaua, vel atra bilis, pituitosusue humor, aut sanguis redundet, aliudue aliquid vitiatum & corruptum immoderate iactetur in corpore. Genus in libro de Præfigijs, quæ ducuntur ex somnijs, narrat quandam somniasse alterum crus factum esse sibi lapideum, mox autem cœpisse illum a parte corporis fieri paralyticum. Præterea instantे crisi sudaturi sunt, sèpè somniant se sudare, aut in balneo calidis aspergi aquis, aut in flumine lacuue natare. Illud quoque nonnunquam suu venit, vt quod dormientes agimus; aut patinur, etiā somniemus, vt qui in somno sudant, aut febri corripiuntur, itidem se affici somnient. Prolitum est à Plinio in libro septimo, capite quinquagesimo, P. Cornelium Ruffinum dormientem misisse visum, idque cum sibi accideret, etiam ipsum somniasse.

A L T E R A causa somniorum spectat ad aliquem vehementem concitatumque animi affectum & perturbationem, amorem dico, spem, perurbatio.

*Quatuor cas-
se verorum
somniorum.*

*Prima causa
aliqua corpo-
ris affectio.*

metumque & odium. Nam qui ardenter amant frequenter amores suos somniant: qui timent, minacibus & terrificis in somno visis sàpè turbatū Huc etiam pertinet vetus consuetudo, & vitæ, quæ agimus, exercitatio. Piscator enim ferè somni maria, lacus, flumina, retia, pisces: venator, nema ra, saltus, montes, ferasque: miles tubarum son tus, fragores armorum, vulnera, sanguinem, ca des. Lepidè quidam apud Theocritum piscato *omnis.* inquit, *cantu panes somnat, & ego pisces.* Continet eadem hæc causa antecedentes vigilatium curas & solicitudines, & quæcumque no vehementer preminunt, & angunt: quarum rerum, sàpissimè in somno, similia visa contingunt. Quamobrem in libro Ecclesiastæ, cappit scriptum est. *Multas curas sequuntur somnia.* I hoc genere somniorum, equidem reponerè son nium illud Annibal, & proditum, & creditum à multis. Ardebat Annibal insatiabili odio Rom ni nominis, omniq[ue] cupiditate perdendi fund tūs imperium Romanum flagrabat: quò autem facilius id perficeret, bellum ex Hispania transfe ri in Italiam cupiebat, arcem imperij Romam, pet turus. Cùm igitur varijs super eare cogitationib ac deliberationib' æstuaret, visum habuit in somno, mirè proposito suo, votoque respondens. Vi sus ipsi est iuuēnis, specie supra humānam, qui diceret à Ioue missum ducem ei ad inuadendam Italianam, iussitq[ue] ne respiceret, quid retrò & à ter go fieret. Paulus primò Annibal, non est ausu oculos ab illo quoquam deflectere. Sed, prout e humanum ingenium ad veritatem pronum, diu tem perare oculis non quiuit, respiciensque vidit, horrendum non visu mōdo, sed etiam dictu ostētum bellū

*Somnium An
nibalis Italiae
vastitatem
portendens.*

belluam vastam & immanem, multis circumpli-
catam serpentibus, quacunque incedebat, omnia
proterentem, atque peruertentem: ccelum item
nigerrimis undequaque occæcatum nubibus, den-
sosque ac fulguribus mixtos precipitare nimbos.
Attonito Annibali, percontantiq; ex illo suo du-
ce, quid illud monstri & portenti esset, respondit
ille, vastitatem esse Italiam, pergeret ipse porrò ire,
quod parabat, nec præterea quicquam inquireret,
ineretque in occulto esse fata. Atque hoc quidem
omnium ex antegressis in vigilia Annibalis co-
gitationibus & curis extitit: sed eius tamen som-
niij veritatem, iei euentus satis superque compro-
bavit: plus enim mali Annibal Italiae attulit, quam
illo fuerat viso præmonstratum.

TER T I A M causam somniorum, ego potestati
& calliditati dæmonis adiudico. Is enim multa
loquientibus inspirat, & fuggerit somnia, sem-
per insidiosè ac malitiosè, quo videlicet quacun-
que possit ratione incommodet, ac noceat homi-
ni. Esse autem quorundam somniorum dæmonem Quædam som-
architectum, atque effectorem, eò liquet quod ex nia mitti à de-
acris literis pluè intelligitur, obseruationem mone.
omniorum adeo exosam esse Deo, vt ea magorū,
ugurū, & incantatorum maleficijs aggregata, ex-
remis damnetur supplicijs Nimirū non aliam ob-
causam, vt interpretatur beatus Gregorius in lib.
4. Dialogorum, cap. 48. nisi quia dæmon plerun-
que se somnijs immiscet, implens noxia superstitione
hominum animos, eosq; non tantum vanè
le ludens, sed etiam perniciosè decipiens. Hoc ge-
nere somniorum solitum esse olim dæmonē gen-
ibus impietate cæcis multifariam illudere, con-
stat argumento AEsculapij, Serapidis, & Amphi-

Tertia demo-
num callid-
tas.

zaii: nam ut apud Philostratum, Pausaniā, & Strabonem scriptum est, templa eorum adeuntibus qui varijs morborum generibus afflictabantur, fama erat tres illos vulgo existimatos, quasi Deos singulorum morborū curationes per somnia præscribere consueuisse. Ex hoc genere fuisse reo nobile illud somnijum Alexandri Magni, scriptorum, qui res eius prodiderunt, auctoritate, apud multos fidem promeritum. Cùm enim in quodam prælio Ptolemæus, qui primus post Alexandrum AEGypti rex fuit, venenato telo iactus, summo cur dolore ex eo vulnera moreretur: assidens ei Alexander, somnoque sopitus, vidi in quiete draconem radiculam ore ferentem, simulque commorstrantē, quō illa loci nasceretur, quæ scilicet pra sentissimam vim haberet Ptolemæum multosq; milites eodem teli genere vulneratos, protinus sanandi. Quæ sita est herba, inuenta, adhibita mox consecuto, qui promissus fuerat effectu. Sun autem duo somniorum dæmonis præcipua genera, alterum pertinens ad occultarum rerum demonstrationem & significationem. Potest enim dæmon naturales effectus ex certis causis aliquando necessariò prouenturos, potest quæcunque ipsum postea facturus est, potest tam præsentia quam præterita, quæ hominibus occulta sunt, cognoscere, & hominibus per somnium indicare. Alterum somnij genus vim habet concitandi perturbationes animi, agitatis turbatisque, qui sunt in corpore humoribus & spiritibus, quod nimis in flammantur homines, vel ad libidinem, vel a odio & vindictam, vel alios prauos animi affectus.

D V P L I C I T E R porro, & quidem satis probab

*uo genera
minorum
demonis,*

babiliter, cōie stari potest, quā somnia missa sint à dæmone: primò quidem, si frequenter accidentant somnia significantia res futuras, aut occultas, quarum cognitio non ad utilitatem vel ipsius, vel aliorum, sed ad innam curiositatem ostentationem, vel etiam ad aliqui mali faciendum cōferat: eorum somniorum auctorem esse dæmonē, non temerè crederur: quippe qui ea ratione tentet animos hominum vena imbuere superstitione, quin etiam criminis impietatis obstringere. Deinde, si sobrijs, castis, & re igiofis viris, tetra, obscena, plenaq; crudelitatis, & impietatis somnia sæpenumerò contingent, ea proficisci à dæmone, nō immerito existimabitur. Dæmō enim conatur impuris somnijs polluere ac fœdere dormientū corpora, vt eius foeditatis, etiam animos expurgescētiū, quodammodo participes faciat. Quod si ne hoc quidem assequi potest, illud saltrem curat, vt piros homines talibus visis contristando, perturbando, & affligendo, ad orationem, ad charitatis officia, ad diuinorum sacramentorum perceptiōnē, segniores, frigidiorescet; reddat. Cuius diabolice calliditatis & malitiae, luculentissimū in vi- gesima secunda Collatione cap. 6. Cassianus nar- rat exemplum Verum hac de re Iustinus Martyr, in responsione ad questionem vigesimam primā Orthodoxorum, disertè docteō; sententiam suam exposuit. Nam cūm hæc sibi ab illis posita esset, quæstio, ad eam ipse quæstionem ita respondet, vt nos hæc diximus. Restat quarta & ultima somni- orum causa, quam diuinam ritè nominare possu- mus: cuius potissimum gratia omnis hæc nostra in- stituta est disputatio, huic enim, vel declarādē, vel illustrādē, adhuc prædicta deseruiunt. Somniorū

*Quonodo in-
ternosci pos-
sint somnia
dæmonum ab
alijs somnijs.*

*quarta causa
somniorum
diuina.*

autem, quæ à Deo missa sunt, exempla, passim it
diuinis libris sunt obvia: nos suprà ex sacris libris
multa protulimus, plura'c; possent afferri, si quis
omnia vellet colligere. Cæterum ut vis & natura
diuinorum somniorum plenius planiusq; cognos-
catur, quæstiones aliquot more scholastico, di-
stinctè quidem, sed carptim, breuiterque perstrin-
gam, multa etiam, breuitati seruiens, lectoris co-
gitationibus integra illibataque referuabo.

QVAESTIO III.

*QVIBVS SIGNIS COGNOSCI
queat, sit aliquid somnium à Deo mis-
sum, necnē.*

Duplex ratio
cognoscendi
diuina som-
nia.

DVPLICITER, prout nunc mihi
succurrit, deprehendi potest quod nam
Deo sit missum somnium. Primo quidem
ex præstantia rerum, quæ per somnium significā-
tur: nimirum, si ea per somnium innotescant ho-
mini, quorum certa cognitio, solius Dei concessu-
ac munere potest homini contingere, huiusmodi
sunt, quæ vocantur in scolis Theologorum, futu-
ra contingentia, arcana item cordium, quæque in-
timis animorum inclusa recessibus, ab omni pe-
nitus mortalium intelligentia oblitescunt, deni-
que præcipua fidei nostræ mysteria, nulli, nisi Deo
docente manifesta. Somnium igitur quod eius-
modi rerum cognitionem & demonstrationem
continebit, diuinum esse existimari poterit. De-
inde, hoc ipsum maximè declaratur interiori qua-
dam animorum illuminatione atque com-
motione, qua D E V S sic mentem illustrat

sic voluntatem afficit, sic hominem de fide & auctoritate eius somnij certiorem facit, vt Deum esse insius auctorem, ita perspicue agoscet, & liquidò iudicet, vt id sine dubitatione vlla credere, & velit, & debeat. Huc spectat memorabilis illa, in lib. 4. Dialogorum, cap. 48. B. Gregor. sententia: *Sandi viri*, ait Gregorius, *inter illusiones, atque relationes, ipsas visionum voces & imagines, quondam intimo sapore discernunt, ut sciant quid à bono spiritu percipient, & quid ab illusore patientur. Nam si erga hæc mens hominis cauta non esset, per deceptorem spiritum, multis se vanitatibus immergeret, qui nonnunquam solet multa vera prædicere, ut ad extremum valeat animam ex una aliqua falsitate laqueare.* Haec tenus Gregorius: apud quem hanc ipsam sententiam, sed plenius ac luculentius tractatam, in libro 8. Moralium, cap. 13. lector inueniet. Quemadmodum igitur naturale mentis nostræ lumen facit nos euidenter cernere veritatem primorum principiorum, eamque statim citra ullam argumentationem, assensu nostro complecti: sic enim somnis à Deo datis, lumen diuinum animis nostris affulgens, perficit, vt ea somni, & vera & diuina esse intelligamus, certoque credamus. Reclè igitur illud traditur in libro Ecclesiast. c. 34. *Nisi à Domino missa fuerit visitatio, ne des in somniis cor tuum.* ex quo significatur, nonnulla somnia dari hominibus à Deo, animos eorum mirabiliter visitante.

H A E C autem Dei per somnia visitatio, sicut ex diuinis literis colligitur, multis & diuersis modis fieri solebat. Nonnunquam enim Deus per somnia turbabat, & terrebat hominem, sicut de varijs modis Deus afficit homines per somnia.

Abime'ech, & Laban narratur in libro Genesios Terrebus me, inquit Iob 47. per somnia, & per visiones, horrore conuictus me. Aliquando in somno hortatur & incitat hominem Deus ad magnum quidpiam & ardium subeundum, certam spē prosperi exitus præsignificando: velut in Gedeonis & Iude Machabei somnijs euenit. Sæpè monet & docet, quid hominem agere, aut fugere oporteat: talia fuere beati Joseph & Magorum somnia: huc spectant illa verba, quæ sunt in cap. 33. libri Iob. *Quando homines dormiunt in lecto, tunc aperit aures virorum, & erudiens eos, instruit disciplina.* Quin etiā solebat olim Deus spiritū propheticū nonnullis in somno largiri: nam in lib. Numerorum, cap. 12. ait Deus: *si quis fuerit inter vos propheta Domini, apparebo illi in visione, aut per somnium loquar ad illum.* Et apud Ioëlem in cap. 2. inter alia Spiritus sancti dona, numerantur somnia. Legimus etiam in 3. Reg. Salomonis fuisse à DEO promissū in somno prudentiæ, & sapientiæ donum. Interduum quoque futura alicuius viri excellentia, dignitatis & glorie, præmonstrata est per somniū, id quod adolescebat Joseph, & Mardochæo accidisse legimus in sacris literis. Quibusdam præterea in somno patefacta sunt diuina mysteria, cuiusmodi fuit somnium Jacob de illa mystica scala, & Danielis de regno Christi. Denique præsignificauit aliquando Deus, & prædocuit futuros rerum humana- rū euentus: cuius generis fuere somnia Abram, Genes. 15. Pharaonis, Genes. 41. & Nabuchodonosor, Danielis 2. & 4.

is modis

contin-

V A R I I s item modis diuina somnia homi-
nia. nibus contigerunt, interdum cum magna corpo-
ris &

& animi commotione & horrore, sicut accidit
 Abrae, & Nabuchodonosor. Nonnunquam datum
 est alicui somniū, sed non eius somnij intellectus,
 sicut in somnijs Pharaonis & Nabuchodonosor a- Genes. 15.
 nimaduertere licet. Danieli tamen, ceterisq; pro-
 phetis, simul cum somnijs, intelligentia eorum
 diuinitus suggerebatur. Quamquam duorum so-
 mniorum, quibus Ioseph supra fratres ipsius futu-
 ra dignitas & potestas præsignabatur, nulli tunc
 datus est intellectus: sed postea ipso euentu, suc-
 cessuq; rerum, veritas eorum somniorum cognita
 est, atque comprobata. Illa quoque in somnijs di-
 uinis varietas cernitur: alia enim clara sunt, & a-
 perta, euidenter res ipsas significantia, vt fuere so-
 mnia beati Ioseph, trium Magorum, & D. Pauli: Matthei 1. &
 alia vero sunt inuoluta & obscura, per varias si-
 militudines recte aliiquid insinuantia, huiusmodi
 fuere somnia Pharaonis de septē spicis, & bobus,
 & Nabuchodonosor de statua & arbore, nec nō &
 pincernæ, atque pistoris ipsius Pharaonis. Adhuc,
 interdū videtur in somno loqui cum homine, vel
 Deus ipse, vt in somnio Iacob, & Salomonis, vel
 angelus, vt in somnijs beati Ioseph, vel homo ali-
 quis, vt in somnio D. Pauli. Præterea sæpè DE v s
 ultro mittit somnia, nonnūquam etiam rogatus,
 quemadmodum interpretationem somnij, quod
 acciderat Nabuchodonosor, Deus in quiete tradi-
 dit Danieli, qui eam ab ipso vigilans intentissima
 precatione postulauerat. Quin fuisse quandam a-
 pud Hebreos admirabilem quandam rationem &
 consuetudinem in rebus maximè dubijs atq; grauis-
 simis, consulendi Deum, vt quod verum esset, aut
 quod factò esset opus, per somnia indicaret, ex
 cap. 28. primi libri Regum, intelligitur. Postremo
Daniel. 2.
Genes. 41.
Genes. 37.
2
Actor. 16.
Genes. 41.
Daniel. 2.
Genes. 40.
Genes. 21.
3. Reg. 3.
Matth. 1. & 2.
Actor. 16.
Daniel. 2.
quæ-

quædam somnia diuinitus data respondent antecedentibus in vigilia hominum cogitationibus & curis, ad hoc genus referri debet primum somnum Nabuchodonosor, à Daniele 2. capite narratum, itemque primum beati Ioseph, quod, in capite primo narrat D. Matthæus, atque illud Annibalis supra memoratum, illud quoque Scipionis AEmiliani, à Cicerone, vel acutè confictum, vel disertissimè narratum.

QVÆSTIO IV.

**CVR DEVS IN SOMNO ARCANA
sue hominibus reserret.**

CV M. animus hominis in somno, minime docilis, minimeq; habilis ad percipiendas res diuinæ esse videatur, dignum sanè videtur inquisitione, cur Deus per somnia & arcanæ suæ prouidentiæ, & mysteria rerum cœlestiū, non raro docere homines voluerit. At enim verò, multas eius rei, variasq; causas afferre possumus. Primam causam tangit Hippocrates in principio libri de insomnijs, animum hominibus in vigilia varijs distinguere occupationibus, grauibus disteneri negotijs, curisq; distrahi: per sensus item exteriores euocari ad ea, quæ extra ipsum sunt, & per varia eorum sensuum spectacula diuagari, multipliciisque rerum humanarum strepitum interpellari, & à sui, rerumq; cœlestium consideratione auocari, incertis præterea fluctari deliberationibus, varijsq; studijs & affectibus æstuare, qui non sinunt eum, quod verum & rectū est, id aut liquidò cernere, aut incorruptè iudicare. Contrà verò in quiete & somno, ab eiusmodi omnibus

*quinque cau-
ſæ cur dormi-
entibus multa
diuinitus re-
uelentur.*

nibus interpellationibus & impedimentis vacu-
us & liber animus, sibi totus præsens & præsto est, Habilior ani-
mus noster in
sibique attendit, in se suas omnes vires, atque fa- somnis ad per-
cilitates collectas & coniunctas habet, expeditus
& acer ad intelligendum, atque omnium, quæ illi- cipiendas di-
extrinsecus obiecta sint, amplissimè ac facillimè unas reuelas-
capax. Alteram eiusdem rei causam hanc ponere
licet, quæ vigilantes, accipimus ea solemus subtiliter ratione discutere & examinare, reuocare ad calculos, atque humanæ rationis trutina
diligentur expendere: ad rationis enim normam
exigimus omnia: cui si congruant, quæ nobis ob-
lata sunt, à nobis approbantur, si discrepent, ab-
iudicantur atque rejiciuntur. In somno autem res
sibi obiectas animus hominis citra examen accipit,
paratior promptiorq; ad visis diuinitus datis credē-
dū, atq; obsequendum. Constat autem inter omnes
qui de rebus diuinis scripserunt, ad eas res non tā-
tum intellectu, sed etiam affectu, & quodam ani-
mi quasi sensu, gustuque percipiendas, satius esse
agi & regi hominem extrinsecus, quam ipsum a-
gere se, & auditorem esse potius, quam arbitrum,
& estimatorem, dénique simpliciter credere po-
tiūs, quā causas credendi disquirere & ex pendere.
Tertia causa ex Aristotelis libello, qui inscribitur
de Diuinatione, quæ fit ex somnijs, desumpta est: Aristoteles.

ait ille, *Quemcumque motum, quo animus dormien-
tis extrinsecus pulsatur & cietur, quamvis leuem &
exiguum, magnam tamen habere vim commouendi
animum, vehementerq; in ipsum imprimi, atque altè
in eo inhærere: id autem fieri propter noctis silentium,
& sensuum exteriorum vacationem & quietem, atq;
omnium, quæ animi intentionem remittere solitum
valuit*

vacuitatem, tunc enim sensibus somno consopitis lān-
 guenteque corpore, qua extra sunt, nequaquam senti-
 tur. Quapropter opportunissimè Deus eō
 tempore docet hominem sine vlla eius perturba-
 tione, sine aliorum hominū obseruatione, deni-
 que sine vlliis rei interpellatione: præsertim autem,
 quia quò magis animus nō ster à sensuum cō-
 sociatione, & corporis contagione abstrahitur, tā-
 tò videtur effici vegetior, & acrior ad res diuinā
 intelligēdas. In somno autem, qui est imago quæ-
 dam & repræsentatiō mortis, videtur animus quo-
 dam modo seiugari à consortio corporis, eiusque
 vinculis, si non omnino, certè aliquatenus relaxa-
 ri. Quartam causam esse arbitror, vt ea re ostenda-
 tur, quantò sit Deus potentior, & efficacior ad ho-
 minem docendum & erudiendum, quam sit aliud
 qui uis homo: quippè homo hominem docere, nisi
 vigilantem, audientem & attendētem non potest.
 Deus autem, etiam altissimè dormientem, atque
 somniantem. Quo satis declarat se in omnes hū-
 mani animi vires ac facultatēs summum imperiū,
 & efficacitatem habere. Quintam causam quidem
 posuerim, ne videlicet quispiam existimaret, mōr-
 tem auferre homini omnem scientiam: aut non
 esse aliam viam rationēmque comparandi sciēn-
 tiā, quam per sensum, discursumque rationis, &
 ex antecedenti aliarum rerum cognitione. Auer-
 rors quidem super libello Aristotelis de Diuina-
 tione per somnia, in commentario suo, non audet
 inficiari prophetiam posse homini accidere, vel
 in somno, vel per revelationem, negat tamen ea
 ratione vel artes, vel scientias speculatiuas posse
 ulli contingere. Vna inquit, est natura hominis:

rnu igitur duntaxat erit intelligendi. & descendimus, scilicet inter natus sensibus, variis item praecipis experimentis, diligenterque ratione. Nam si preter communem, & usitatum descendit modum, esse etiam alter per somnia; vel reuelationem, cum uero multo sit facilior, atque præstantior, ille alter quod difficultior & laboriosior est, et magis fuisse superuacaneus, non igitur datum esset homini. Deus namque & natura nec frustra quicquam faciunt, & deus, quæ possunt fieri, quod melius & præstabilius est, nunquam non faciunt. Sic ille. Quæ sane argumentatio, non esset planè infirma, si quisquam diceret, nemo tamen nostrum id dicit, modum illum descendit per somnia, vel per reuelationem, aut esse homini naturalem, aut esse frequentem, & usitatum. Verum hæc Auerrois commenta, ut alia eiusdem, de scientia, potentia, & prouidentia Dei, & humani animi natura, ex inscitiae diuinarum rerum, & inpietatis fonte redundantia, quam sint ineruditæ, obtusa, falsaque, satis liquet vel solis exemplis, quæ memorantur in sacris literis, Adami, Salomonis, Danielis, multorumque Prophetarum, quibz multarum rerum scientia subito data est à Deo: quin etiam Beseleel, & Oliab, quos in libro Exodus proditum est, subito diuinitus edocitos, Molai cum tabernaculum, simul cum omnibus eius instrumentis atque ornamentis, summa arte perfecisse.

(**)

QV AESTIO V.

CVR A D E O S O M N I A D E N T ^V
*obscuris & indoctis hominibus, non autem
 sapientibus.*

Error Aristoteles & Cicero.

Cur demones somnia olim darent solitifuerint non doctis & prudentibus, sed imperitis, & contemptissimis hominibus.

VE L hac vna ratione Aristoteles & Cicero omnium somniorum, quæ diuina creduntur, fidem & auctoritatem eleuari, & elud posse putauerūt. Nam, si qua somnia, inquiunt, darentur hominibus à D E O , ea non obscuris & indoctis hominibus, sed viris sapientia prudentiaq[ue] præstantibus dari, par erat. In quo fefellit eos quod distinctionem diuinorum somniorum, eorū dico quæ verè diuina sunt, ab ijs, quæ nō sunt, esse tamen falso putantur, planè ignorauerunt. Enim verò Dij Gentilium, quos fuisse dæmones nobis Christianis nequaquam dubium est, quemadmodum futuros rerum humanatum casus & euentus certò prouidere, ac scire non poterant, id enim solius Dei est, ita nec eos certis aut verbis, aut signis prædicere, ac præmonstrare poterant. Quapropter somnia, quibus præsignificabantur futura, nō dabant viris doctis & prudentibus, videlicet ne ille eorum somniorum, vanitatem, ac falsitatem deprehendentes, auctoritatem ipsorum Deorum apud alios contererent, eorumque oracula tanquam diuinitatis vacua, & iniuria veritatis, in publicum etiam vulgi ludibrio, & contumeliam exponerent: dabant igitur ea somnia indoctis, & veri falsique discernendi imperitis, maximè vero superstitionis, ob idque ad credendum quiduis, satis per se paratis atque propensis. At vero somnia, quæ a vero Deo missa sunt, ea legimus plerumque data

data viris sanctitate, ac sapiētia eximijs, vt Abrae, Jacob, Salomoni, & Danieli. Data sunt tamen etiā nonnulla viris non admodum doctis, sed pietatis tamen, ac innocentiae præstantia clarissimis: excellens autem virtus & pietas, dociliorem reddit hominis animum, aptioremque ad rerum diuinorum perceptionem, quam humana vel prudentia, vel sapientia. Qui enim mundana excellunt potentia, vel sapientia, hi ferè sunt aut impij, aut superbi, aut turpissimis inquinati flagitijs: quæ res cœlestibus doctrinis, diuinisque illustrationibus, aditum ad animos hominum, penitus occludunt.

Nec me fugit, etiam quibusdam sceleratis atque *cur quedam* impijs hominibus, vt Pharaoni, & Nabuchodonosor, quædam diuinitus somnia contigisse, sed *somnia etiam impijs hominibus à Deo sint data.* hæc illis, nec ipsorum præcipiè causa, neque cum intelligentia eorum somniorum data sunt: quo scilicet illi, eorum interpretationem, cùm apud suos sapientes inuenire non possent, à veri Dei cultoribus eam petere cogerentur, atque ea ratione verum Deum agnoscerent, ac venerarentur, iusque seruos in admiratione & honore habent: id quod somnia Pharaonis & Nabuchodonosor à Iosepho & Daniele interpretata, manifeste declarant.

Q V A E S T I O VI.

CVR DIVINA SOMNIA NON NVN- quam sint obscura & perplexa.

SED cur diuina somnia non semper sint clara, & aperta, sed obscura, & perplexa, & aliarum rerum imaginibus, ac similitudinibus inumbrata, & offuscata, nec alijs tantum occulta, sed

etiam ijs, quibus dantur, minimè conspicua, casas rimemur & aperiamus. Dij Gentilium, hoc e dæmones, quia certam futurorum euentuum scientiam habere non poterant, ad significanda futura dabant illi quidem non raro somnia, sed obscur tamen, & ambigua, quæque ad diuersos, etiam contrarios euentus facile detorqueri & applicari possent: ut ad quodcunq; cecidisset, somniū quadraveretur. Quod si somnia euentis minimè responderent, id non falsitati somniorū, sed interpretū scitię, qui sumnia propter obscuritatē & ambiguatē non ritè essent interpretati, adscriberetur. A verò somnia, quorū auctore fuisse Deum ex sacris literis cognouimus, s̄pēnumero distincte & explicitè tradita sunt, qualia legimus fuisse Abimelech, Laban, Iudæ Machabæi, Salomonis, beati Ioseph, & trium Magorum. Non est tamen negand quædam somnia esse data testē & obscurè, sed hominibus gentilibus: ad eum nempe finem, ut intelligentiam eorum somniorū , cum non ab alijs quam à viris sanctis accipere possent, & ipsos De seruos honorarent, & summa Deum reuerentia, ad veneratione prosequerentur. Si quæ verò somnia etiā seruis Dei obscura data sunt, propterea id factum est, ut eorū sensum atque intellectum, sumit illi studio, assiduis precibus, multisq; lachrymis Deo flagitantes, tandem impetrarent, & propter difficultatem impetrandi, pluris facerent, & cariore haberent. Denotatur præterea obscuritate somniorum, earum rerum, quæ significantur somnijs, obscuritas. Adde quod per imagines, & similitudines, breuissimè plura & sublimiora mysteria significantur, quam si apertis & proprijs fuissent expressa vocabulis. Nam quam multa, quam vari

Affilia dæmonum in dandis somnijs futura significantibus.

Quatuor causæ cur interdum diuina somnia sint valde obscura

s. & triū Magorum. Non est tamen negand quædam somnia esse data testē & obscurè, sed hominibus gentilibus: ad eum nempe finem, ut intelligentiam eorum somniorū , cum non ab alijs quam à viris sanctis accipere possent, & ipsos De seruos honorarent, & summa Deum reuerentia, ad veneratione prosequerentur. Si quæ verò somnia etiā seruis Dei obscura data sunt, propterea id factum est, ut eorū sensum atque intellectum, sumit illi studio, assiduis precibus, multisq; lachrymis Deo flagitantes, tandem impetrarent, & propter difficultatem impetrandi, pluris facerent, & cariore haberent. Denotatur præterea obscuritate somniorum, earum rerum, quæ significantur somnijs, obscuritas. Adde quod per imagines, & similitudines, breuissimè plura & sublimiora mysteria significantur, quam si apertis & proprijs fuissent expressa vocabulis. Nam quam multa, quam vari

quam

quām profunda mysteria, vna illa statua Nabucodōnosor in quiete visa, adumbravit, quæ si fuissent proprijs verbis efferenda, vix longissima oratione declarari potuissent. Denique Deus nonnunquam, somnia esse ad aliquod tempus occultā & incognitā, quò ad nimirū, ipso cūntu, rerumque successu, eorum veritas agnoscatur & cōprobetur: quod in duobus illis Iosephi somnijs, promotionem eius ad summam potentiam & dignitatem præsignantibus, liquidō cernitur.

QV AESTIO VII.

A N LICITVM SIT CHRISTIANO
homini, obseruare somnia?

DVA ē tanguntur his vērbis difficultates, & prior quidem est, an sit fas Christianis, curiosè somnia obseruare: ad quam facilis est, & in promptu responsio. Etenim quædam somnia licitum est obseruare, quædā verò minimè. Principiò, somnia quæ bonam, vel malam corporis affectionem aliquam, morbosque tam animi, quā corporis significant, vtiliter à medicis tam animi, quām corporis obseruantur & expēduntur. Tum, somnia, quæ nos crebrò infestant, territant, conturbant, & vexant, animaduertere quibus ex causis accidunt, vt vel noti effectus ignotas nobis causas scrutemur, ac teneamus: vel vt rationem aliquam ineamus eam à nobis molestiam depellendi, licitum est, & à sanctis viris sāpē usurpatum. Legimus enim apud Cassianum in collatione veteres illos monachorū magistros & rectores, in perquirendis, & excutiēdis quorundā somniorū causis, diligēter esse versatos. Postea obseruare

Quāsque genēa somniorum, fine virtutio possunt obseruari, & curari.

somnia, quatenus in illis pernotescit homini veritas aliqua pertinens ad scientias speculatiuas, vel ad res gerendas conferens, nec ut superstitionem, nec ut vanum damnari debet. Denique somnia quæ nos sæpè commouent, & incitant ad flagitia, considerare num à dæmoniæ nobis subijciantur, sicut contrà, quibus ad bona prouocamur & instigamur, veluti ad cælibatum, largitionem eleemosynarum, & ingressum in religionem, ea penderari num à Deo nobis missa sint, non est superstiosi animi, sed religiosi, prudentis, ac salutis suæ fatagentis, atque solliciti.

A T VERO, cuiuscunque somnijs, quoquod modo nobis contingat, etiam si raro, si temerè, si fortuito eueniat, putare habendam esse rationem, curamque suscipiendam, stolidi hominis est, ne dicam stulti. Supra enim ostensum est, maximam partem somniorum nihil veri, & certi habere, sed vanitatis, ac temeritatis esse plenissimam. Præterea obseruare somnia, quasi esset in ipsis aliquid diuinum, scilicet quale Gentiles existimabant esse in garritu, volatu, cibatuque avium, & in extis animantium, atque ex illis prænolle, ac diuinare velle futura, non modò non est licitum, sed est in scriptura grauissimè reprehensum, datum, & interdictum, non minus sanè quam magorum, & incantatorum maleficia, quod ex cap. 19. Leuit. ex 18. Deuter. ex 33. posterioris libri Paralipomenon, alijsque sacrorum voluminum locis perspicue intelligitur. Et vero, scire velle futura, quæ DEVS in sua solius potestate posuit, arrogans & impia est curiositas. Putare autem certa futurorum signa contineri in somnijs, quæ nullam cum rebus futuris connexionem & conuenientiam habent,

fatuum

fatuum est: parum dixi, planè impium, & stultum
 est: hoc enim arguit eiusmodi somniorum obser-
 uatores, stultis, impijs, & absurdis opinionibus
 esse infectos, atque depravatos. Nam, vel isti pu-
 tant res omnes futuras, et naturalibus causis pen-
 dere, & hoc falsum est: vel eas res quibuslibet sō-
 nijs significari posse, quod planè stultum est: vel
 futura omnia certò prouideri, & sciri à dæmone,
 quod est perquām impium: vel deniq; à Deo pro-
 miscuè, atque indiscretè per quælibet somnia, &
 quibuslibet hominibus, præmōstrari futura, quod
 esse absurdum, nemo non videt. Ad extreum,
 tanti facere somnia, & usque adeò pendere ex il-
 lis, ut ad eorum quasi normam dirigat quis om-
 nem vitæ suæ rationem, & respectu habito ad so-
 mnia, actiones, & negotia, vel suscipiat, vel o-
 mittat, non modo præstantia hominis indignum
 est, sed olet etiam fatalē illam Stoicorū, toties in
 Ecclesia damnatam, & à melioribus philosophis
 explosam reiectamque necessitatem. Quod si me-
 ritò vituperantur, & à sapientibus redarguūt astrologi, qui res humanas ex astris, quasi suspen-
 sas & religatas omnino pendere arbitrantur: eò
 magis profecto, reprehendendi sunt superstitiones
 somniorum obseruatores, quo magis astra digni-
 tate naturæ, & equabilitate motus, constantia
 ordinis, amplitudine potestatis, &
 præstantia efficacitatis, so-
 mnijs antecellunt.

(**)

*Maior vani-
 tas est obser-
 uantium som-
 nia, quam a-
 stra.*

QV AESTIO VIII.

CVIVS HOMINIS SIT RITE IN-
terpretari somnia.

Ad posteriorem questionem, qua queritur, cuius hominis sit bene interpretari somnia, hunc in modum respondemus. Somniorum quæ vim habent ad aliquid significandū, & obseruatione, atq; interpretatione digna sunt, ea non cuiusvis hominis est interpretari. Tria enim huiusmodi somniorum genera distingui possunt, nām multā sunt naturalia, quādam humana, nōnulla etiam diuina. Naturalium somniorum interpretatio, non est dubium, quin soleitum & doctorum physicorum, ac medicorum sit propria eorum maximē, qui horunt similitudines in somniis ostensas comparare inter se, & quarum rerum similitudines esse, & ex quibus causis proficiunt. Ieāt, discernerē: similiter, vt qui figurās aliquas & imagines dilaceratas sumens in manus, earumque partes dissipatas, benē componens innicem, apte quē conformans, cuius rei fuerint similitudines homines siē, an equi, an aliarū rerum, acutē dispiicit, verequē iudicat. Humanorū autē somniorū ita erit quisque sagacissimus coniector, & idoneus, ac veridicus interpres, vt fuerit rerum humarum peritissimus, & callidissimus, ingeniore item, studiorum, morum, propensionum quæ in varijs hominibus magnam quoque varietatem habent, exquisitam, multisquē confirmatam experientis notitiā sit adeptus, quasi venas omnes rerū ciuiliū & humanarū tenens. Cuius autē sit expōnere diuina somnia, in promptu est intelligere pate-

batet enim, neminem interpretari ea posse, nisi diuinitus afflatum & eruditum. *Nemo enim nouit,* inquit Paulus primæ ad Corinth. secundo, *qua Dei sunt nisi spiritus Dei.* Præsertim vero cùm diuinorū somniorum significationes, ex solius Dei consilio & voluntate sint institutæ, ob idque solius Dei revelatione, notæ hominibus esse possint. Quocirca regem Nabuchodonosor somnij sui, quo maximè tereitus fuerat, sollicitum & anxium, quod eius somnij rationem ex nullo suorum sapientum cognoscere potuisset, sic affatus, est Daniel, *Myste-*
rium, quod rex interrogat, magi, arioli, ariaspices, & sapientes nequeant indicare regi: sed est Deus in celis, reuelas mysteria.

Daniel. 28

I A M B L I C U S existimat diuina somnia fere non cōtingere hominibus, nisi aut primo, aut extremo somni tempore: videlicet, quia tunc animus hominis, aut nondum est cibi potusq; vaporebus occupatus, & oppressus: aut iam evanescens somno, vaporumque discussa caligine, ex illis tur-
sordib⁹ emersus animus, purior & acrior est ad diuinas illustrationes accipieandas. Quapropter vates, ac somniorum interpretes, in more habebant, ex deferentibus ad ipsos somnia sciscitari, quo ea tempore ipsis contigissent: nam si profundo somno accidissent, ea planè abiiciebant, ratiōne esse cōsentaneum, animo tunc obruto & demerso, dari cælitus somnia: si autem somnia illis accidissent, exeunte somno, & animo ad suas functiones prop̄e iam expurgante, tunc ea somnia diuinitus missa Deoque auctore digna iudicantes, ponderanda sibi & interpretanda suscipiebant. Legendum etiam est Philostratus in cap. 14. libræ secundæ vita Apollonij. Veruntamen Iamblici docu-
menta ex superstitionis AEgyptiorum sacerdotum

Iamblici opinio, de tempore quo diuina somnia contingent hominibus refuta-

obseruationibus, vel ut dicam verius, figmentis, quorum fuit ille studiofissimus, exprompta sunt. Deus nempe, istiusmodi temporum legibus non est alligatus nec opportunitate temporum eget ad operandum, ubiunque enim vult, quandocumque, & quibuscumque vult, sua inspirat somnia: potest enim quis tempore, imo etiam sine tempore, sedare subito agitationem humorum, tranquillare spirituum animalium iactationem, purgare phantasiam, mentem illustrare, animumque ad percipienda diuina somnia idonee comparare.

Q V A E S T I O . I X .

A N I N S O M N O , L I B E R V S U S R A-
tionis, & voluntatis esse queat.

SAEPE NVMERO in somnijs, præser-
tim quæ doctis, prudentibus, & sanctis viris
contingunt, animus hominis, quod pertinet
ad usum rationis, & agitationem mentis, solutus,
expeditus, ac liber est. Etenim nonnunquam ra-
tio dormientis planè cognoscit res simplices, eas-
que vel componit inuicem, vel disiungit, ratioci-
natur, iudicat, miratur, noua quædā inuenit: quin
etiam ad se ipse animus conuertitur, & ad suas aeti-
ones considerandas, & diiudicandas aciem suam,
vimeque reflectit, cunctatur, hæret, dubitat, secum
ipse disceptat, an tunc homo dormiat, nec ne. Hæc

Nunquam in autem liberum esse tunc rationis usum, manifestè
somno est per- demonstrant. Non propterea tamen existimat-
fectus liberi dum est, quia in somno interdum soluta est vis ra-
bitrij usus. tionis, esse itidem perfectum liberi arbitrij usum.
Nam ad plenum & perfectum liberi arbitrii usum
opus

opus est perfecta hominis libertate, hoc est, solutiōne omnium sensuum, & potentiarū, ita ut sit ipse homo, qui tunc agat, nec aliudē agatur, sed; dominus, sui atque suarum omnium actionum, & in potestate eius sit tunc hoc, vel illo modo age-re, aut etiam nihil agere: id quod in somno ne-quaquam euenit.

Q V A E S T I O X.

DE SOMNIO SALOMONIS, IN QVO
donum sapientia à Deo promissum ei, &
tributum est.

CAETERVM non nihil habet difficulta-tis, quod legitur in 3. libro Regum, cap. 3. Deum in somno visum esse Salomoni, ius-sisseque, ut peteretur ab ipso quocunque omni-um maximè optaret; ipsum autem petijisse sapiē-tiam, & prudentiam benē regendi populum, cui praeerat, posthabitum omnibus alijs bonis, quæ ta-men, principibus huius mudi, super omnia, con-cupiscenda, & expetenda videntur: eam porrò pe-titionem usque adeo placuisse Deo, vt sumimam ei se daturum sapientiam, & præterea quæ nō po-stulasset bona, cumulatissimè largiturum pollic-e-retur. Ex qua narratione ipsius scripturæ, fatis in-telligi videtur, Salomonem in illo somnio solutē ac liberē, non tantum ratione, sed etiam volunta-te esse vīlum: neque enim illa eius petitio facta in somno, tantopere Deo placere, tantumque sapi-entiae munus promereri potuisset, nisi esset ex li-bera voluntate profecta. Hæc difficultas tribus *Solutio tri-* modis posset discuti, ac dissolvi. Nam primò quā-*flex.* dem respōderi posset, illam Salomonis in somno

petitionem, placuisse Deo, non per se, sed propter antegressam eiusdem in vigilia similem quandam petitionem, ex qua scilicet illa in somno extitit. Salomon enim ardenter expetierat, & à Deo postulauerat donum sapientiæ, ac prudentiæ: hanc eius petitionem, Deus illo somnio declarauit fuisse sibi gratissimam, & optatum habituram effectum. Sed hæc fortasse cuiquam videbitur non nihil dura, & contorta responsio. Quocirca subiecta alterum responsum: posset enim dici, à principio fuisse illud quidem somnum, sed postea Deo mirabiliter operante, conuersum esse in ecstasim seu raptum qualis nempè diuo Paulo, & Prophetis saepè contigit: in quo animus Salomonis, licet à corporis, & rerum externarum sensu abstractus, & similis dormientium esset, per Dei tamen potentiam factum est, ut solutus, & liber tunc fuerit ad exercendas actiones tum rationis, tum liberi arbitrij, ita ut liberè psteret à Deo Salomon quod vellet, & petendo, quæ grata erant Deo, ea quoque meretur ab ipso consequi. Sed non placet hoc responsum. Mitto nunc examinare, an in raptu & ecstasi perfectus liberi arbitrij usus esse queat: tantum dico, huic responso minimè suffragari diuinam scripturam, quippe, suprà dicto loco narratura visionem illam Salomonis, præfatur, Deum apparuisse Salomoni per somniū, & narrata iam visione, subiungit. *Igitur euigilauit Salomo. & intellexit, quod esset somnum.* quo perspicuè significatur, illam visionem nullatenus fuisse raptum, vel ecstasim, sed totam fuisse somnum, diuinum tamen somnum, scilicet à Deo ad erudiendum docendumque Salomonem datum. Atque duas hasce solutiones propœtitæ quæstiones tradit Diuuis Thomas in I. 2.

questione 113. art. 3. ad 2.

Erit igitur nisi fallor, similis & proprius vero tertium responsum, quod etiam Tostudo super 3. cap. lib. 3. Regum, in quest. 12. maximè probatum est. Dicimus, cum Salomon tunc verissimè dormierit, & illa eius visio fuerit somnium, quæ madidus scriptura testatur, hinc necessariò effici, quicquid ibi factum esse dicitur, non reuera, sed per imaginariam tantum dormientis visionem esse factum. Videbatur igitur tunc sibi Salomon peterè *cur somnum* sapientiam à Deo, videbatur etiam ei Deus petitio *illud datum* onem ipsius approbare, cum reuera tamen nulla fuerit *Salomonis* fuerit tunc petitio, nullum meritum Salomonis, *moni* nullum item responsum, nullumque Dei promissum. Cur igitur, inquires, somnium illud à Deo datum est Salomoni? Videlicet, nisi mea errat conjectura, tres ob causas. Primo, ut intelligeretur omnium bonorum auctorem, & largitorem esse Deum, & ab eo esse omnia bona expetenda & postulanda. Deinde, ut manifestum fieret, quæ bonorum electio, & petitio, grata esset, & accepta Deo: ea nimis, qua spiritualia bona corporalibus, cœlestiæ terrenis, denique ad communem aliorū utilitatem & salutem pertinentia, inanibns & infraestuosis præoptantur, atque præferuntur. Ad extremum, ut exemplo Salomonis appareret & extaret, quanta sit Dei benignitas & munificentia erga seruos suos, quorum optata & postulata non solum impleat, sed etiam longè supereret, & abundantiter excedat. Ecce Salomon solam à Deo sapientiam postulauerat, præ hac cæteris bonis, quæ hominibus pretiosissimæ, & carissimæ sunt, contemptis: eui tamen Deus, & sapientiæ supra ipsius votū, & reliqua bona, præter votū ipsius, largissimè dona-

donauit. Verùm hæc nostra de somnijs disputatio, hunc habeat terminū: vereor enim ne si longius producta sit, molesta & odiosa lectori esset incipiat. Quemadmodum enim somnus, quoac quietus & placidus est, membra dulcissimè refouet ac recreat, viresque resicit, ac redintegrat, tamen in eo nimis longa nimisque seria, & graui contingant somnia, corpus pariter atque animum languefacit, & debilitat: sic omnino cauendum nos fuit, ne nostra hæc de somnijs disputatio præter modum longa, gratiam perderet legentium, & quam ex ipsa forrasse voluptatem ceperant, in fastidium odiumque conuerteret.

(* *)



BENE-

BENEDICTI PERERII LIBER

TERTIVS,

qui est

DIVINATIONE ASTRO-
LOGICA.

ANTA est Astrologorum (qui vulgo Iudiciarij appellantur) vel impudentia, vel amentia, ut etiam sibi diuinam scripturam suffragari, suæque Astromantiaæ fidem & auctoritatem firmare iactent. Etenim verba illa quæ dixit DEVS creans luminaria reli; Et sunt insignia & tempora, &c. ad suam rerunt diuinationem astrologicam, per quam ipsi sofitentur ex obseruatione siderum futura rerū ienta posse prædicti. Quocirca B. Basilius & Amosius alijque permulti Patres in explanatione orum verborum, benè longam & accuratam infellendis istiusmodi Astrologorum prædictiōbus orationem posuerunt. Quorum nos Patrū templis prouocati, & grauissimis DEI sententiis contra Astrologos multifariam in diuina scriura proditis permoti, quin etiam iustissimo adversus Astrologos odio, propter fraudulentia &erniciosa eorum figmenta, incensi, librum hunc

ad

ad confutandas eorum prædictiones à nobis scriptum, gratum multis atque utilem fore existimauimus. Scripsit aduersus Astrologos copiosè quidem & eruditè Ioan. Picus Mirandulanus; sed multos ab eius lectione deterret prolixitas operis. Nos, licet in prædiuiti atque uberi versemur argumento; èò tamè breues erimus, quod non omni quæ disputari possent, sed aptiora duntaxat causas firmioraque tractabimus. Quinque autem erunt huius libri & disputationis aduersus Astrologos capita: Primo enim docebimus, sacræ & Ecclesiæ doctrinæ diuinationem Astrologicam esse contrariam: Tum ostendemus, Astrologos esse rerum cœlestium imperitos: Deinde, diuinatricer istam artem recte rationi ac philosophiae aduersari demonstrabimus: Adhac, probabimus, astron non solum non esse causas efficientes rerum futurorum, verum nec esse certa signa quæ res futurae prænotent ac præmonstent: Ad extremum, cum nonnulla Astrologorum prædicta sint vera, causas exponemus.

INDEX DISPUTATIONVM QUAE SINGVLIS IN PRAEDICTIS capitibus explicantur.

CAPUT PRIMVM.

1. **S**ententijs diuinæ scripture; antiquis item Ecclesiæ institutis & exemplis; rationibus etiam theologi cœrefelluntur Astrologi.
2. De vanitate oraculorum Apollinis.
3. Cur Dæmones prædicendo futura sepe fallant.
4. Non posse veritatem Christianæ religionis cohærere cum veritate Astrologie iudicaria.

5. Quām seuerē olim Ecclesia in istiusmodi Astrologos an-
maduerterit.
6. De Multis perspicue falso & impiois Astrologorum scri-
tentis.

CAPVT. II.

7. Astrologos iudicariis esse rerum cœlestium imperitos.
8. Aduersus fictitiam antiquitatem observationum quam
iactant Astrologi.
9. De noua stella quæ superioribus annis visa est.
10. Quām sit difficile aspectum siderum in ortu cuiusque be-
minis exacte annotare.

CAPVT. III.

11. Probatur octo rationibus, non posse Astrologos ex arte &
scientia sua præsse ac prædicere futura contingentia.
12. Præter causas cœlestes, necessariam esse notitiam cau-
sarum particularium ad prænoscendos eorum effe-
ctus.
13. De simili ortu & dissimilibus eventis Geminorum.
14. Pulcherrima disputatio Bardesanis aduersus Astrologos.
15. Vtrum sit facilius, diuinare quid fakturus sit vir bonus,
an vir improbus.
16. Quām sit vana ac futile prædictio Astrologorum de alio
quo, quod sit futurus summus Pontifex.
17. Nullam posse esse scientiam vel artem istius Astrologie.
18. Vanitas & falsitas multarum prædictionum astrologi-
carum
19. Errores Astrologorum in Chronologia.
20. Astrologiam iudicariam omni tempore à prudelibus &
sapientibus viris esse contemptam & damnatam.
21. Cui generi hominum erideat prædictiones Astrologice,
quas S. Ambrosius comparat celis aranearum.
22. Disputatur contra tria fundamenta Astrologie iudici-
arie.
23. Vtrum astra natalitia cuiusque, possint esse certæ causa
omnium que ei eveniuntur sunt.

24. *Vtrum sit plus momenti in conceptu, an in ortu hominis ad diuinandum.*
25. *De vanitate Astrologorum diuinationem suam exteriorum etiam ad ciuitates, non solum ad homines.*
26. *Cur Astrologi non, ut de hominibus, sic etiam de spiritibus & alijs animantibus ex observatione astrorum varicinentur.*
27. *De antiquitate istius Astrologie apud Aegyptios & Chaldeos.*

CAPVT IV.

28. *Vtrum astra, si non sunt causae, saltē sint certa signa omnium futurorum.*
29. *Vtrum secundūm Augustinum astra sint signa omnium rerum humanarum.*
30. *De natura & varietate signorum.*
31. *An cometæ signa fini humanarum rerum.*
32. *An qui astra faciunt signa rerum futurarum, simul eti necessariò inducant & astruant Fatum.*

CAPVT V.

33. *De quatuor causis propter quas evenit ut nonnunquam Astrologi vera prædicant.*
34. *Instinctu Dæmonum agi nonnunquam homines ad diuinandum.*
35. *Quot modis Dæmon futura prænoscat, & hominibus præmonstrare soleat.*
36. *Quot modis & quam grauiter peccent. qui Dæmonum vel istorum Astrologorum opera utuntur ad diuinandum.*
37. *Istiusmodi Astrologos ferè improbos & flagitosi esse.*
38. *De usu sortium apud Antiquos ad diuinandum futura.*
39. *Permissu DEI, nimis cupidos sciendi futura, laquer Dæmonum irretiri, & variis ac permicioſis erroribus implicari.*

40. Multo

40. Multos diuinare futura; magis ex prudētia & usū re-
rum humanarum, quām ex arte astrologica.
41. Nūniā credulitatem ac levitatem consulentium Astrologos, interdum conducere ut eorum p̄dicta
vera eadant.



DIVINATIONEM ASTROLOGICAM
diuina Scriptura, discipline Ecclesiastice, ac
doctrina Theologica esse contra-
riam.

CAPVT PRIMVM.

- §. I. Sententijs diuina Scriptura; antiquis item Ec-
clesiae institutis & exemplis; rationibus etiā The-
ologicis refelluntur Astrologi.



L A M A T multis in locis diui-
na Scriptura certam futurarum re-
rum pr̄scientiam & pr̄dictionē,
non esse hominum sed ne dæmo-
num quidem, verūm vnius D E I
proprium. Quapropter apud Isaiam cap. 41. itz
scriptum est. Annuntiate quæ ventura sunt in futu-
rum, & sciemus quia dīj estis vos: & cap. 44. Ego
sum Dominus irrita faciens signa diuinorum, & ha-
riolos in furorem vertens, conuertens sapientes re-
torum, & scientiam eorum stultam faciens: cap.
autem 47. deridens Deus Babylonios & Chaldæ-
os syderalibus suis obseruationibus pr̄fidentes.
Sta, inquit, cum incantatoribus tuis, & cum multi-

tudine maleficiorum tuorum, in quibus laborasti ab
adolescentia tua, si forte quid profit tibi, aut si possum
fieri fortior. Defecisti multitudine consiliorum tuo-
rum: stent & saluent te Augures cœli, qui contempla-
bantur sydera, & suppeditabant menses, ut ex eis an-
nuntiarent ventura tibi. Et paulò ante dixerat:
Sapientia tua & scientia tua, hæc decopit te. Hiero-
mias quoque. 10. monet Iudeos ut Astrologicas
obseruationes pro nihilo ducant, nihil enim sibi
à stellis vel sperandum vel timendum esse. sic au-
tem ait: *Iuxta vias gentium nolite discere; & à signis*
cœli nolite metuere quæ timent gentes: quia leges po-
pulorum vanæ sunt. Salomon autem Ecclesiast. cap.
10. scientiam futurarum rerum denegat homini,
Ignorat homo, ait ipse, quid ante se fuerit: & quid
post se futurum sit qui poterit iudicare? idem cap. 8.
eiusdem lib. *Homo, inquit, ignorat præterita, &*
futura nullo scire potest nuncio. Liquet igitur diui-
nationem astrologicam in sacris literis contem-
ni, derideri, ac reprobari.

*Decreta Ec-
clesiae contra
Astrologos
Judicarios.*

Cum doctrina sacrarum literarum, etiam iudi-
cium Ecclesiæ, ut par erat, mirè congruit. Semper
enim Ecclesia inde vsq; à primordijs suis, Iudicia-
rios Astrologos odit, fugit, damnauit. Extant ad-
uersus ipsos plurima & seuerissima decreta Eccle-
siæ, quæ legere licet in secunda parte Decretorum
cap. 26. per primas quinq; quæstiones, & in Con-
cilio Bracarense I. cap. 9. & 10. & in Toletano I. in
assertione Fidei contra Priscillianistas. Fertur A-
lexander Papa huius nominis III. quendam presbÿ-
terum qui semel duntaxat consuluerat Astrologum
de quodam furto in Ecclesia sua facto, in unum an-
num priuasse altaris ministerio. Crebras itē re pe-
rimus

*Alexander
Papa.*

rimus in scriptis sanctorum Patrū aduersus Astrologos, quos illi nunc Chaldeos vel Genethliacos, alias Mathematicos aut Planetarios appellat, disputationes, ex quibus apparet quā fuerit maiorib⁹ nostris genus hoc hominū exosum & abominatū.

Multa contra illos disputat Basilius hom. 6. in Genesim, Chrysostomus & Gregor⁹ Magnus in cap. 2. Matth. sed præter cæteros August. lib. 2. super Genesim ad literam cap. 17. lib. etiā 2. de doctrina Christiana cap. 21. & aliquot proximè sequentib⁹ capitib⁹; subtiliter tamē & copiosè primis aliquot capitibus lib. 5. de ciuitate Dei. Eodē pertinet quæ cōtra Mathematicos in lib. 14. cap. 4. & in lib. 6. ca. 9. de Præparatione Euan. argumentatur Eusebius.

*Basiliss
Chrysost. Gre-
gor. homil. 10.
Super Euang.
Augustin.
Euseb. Cæs.*

Ridiculus fuit, vel potius amens Iulianus Apo-stata, qui in libris quos aduersus Christianos effu-siuit, probare voluit, ex his quæ scripta sūt in cap. 15 Genes. Abraamū & Astrologiam & aruspiceinam coluisse. Astrologiā quidem eius, significari putat illis verbis: *Eduxit Deus Abraam foras, & ait illi, Suspice cælum & numera stellas si potes: Sic erit semēnum.* Aruspicinæ verò scientiam eius, illis etiam erbis denotari ait, *Sume mihi vaccam trienniē, & apram trimam, & arietem annorum trium, turtulam quoque & columbam. Qui tollens vniuersa hec, luisit ea per medium, & vtrasque partes contra se ltrinsecus posuit: aues autē nō diuisit. Descēderuntq; olucres super cadavera, & abigebat eas Abraam.*

*Iuliani Apo-
stata calum-
nia.*

Deinde, subiicitur prædictio peregrinationis & eruitutis posterorum eius per quadringentos annos. Sed hunc Iuliani errorem vel potius furorem, egregiè cōfutat Cyrillus extremo lib. 10. eius peris quod aduersus Iulianū edidit. Alij fidē huic

*Iuliani Apo-
stata calum-
nia à Cirillo
repulsa.*

Matth. 2.

Chrys. hom. 6.

in Matth.

Greg. hom.

10. in Euang.

vanissimæ, astrologiæ asserere & astruere conantur ex illa stella quæ nato Christo aparuit, cuius aspectu excitati tres illi Magi, ductuque ad adorandum Christum venerant. Sed istos manifestis argumentis Chrysostomus & Gregorius in homilijs super illud Euangelium scriptis, redargunt & conuinacunt.

Argumentis
ex sacra The-
ologia ductis,
astrologica
dinatio re-
felliuntur.

Cæterùm, errorem Astrologorum etiam rationibus ex doctrina Theologica contextis refutare possumus. Principiò, *Nemo* vt ait Paulus i. Corinth. 2. *nouit quæ sunt hominis, nisi spiritus hominis;* sed homo nescit quid ipsem̄ post multos annos aut etiam dies acturus sit: nam vt inquit Scriptura, Proverb. cap. 27. *Ne glorieris in crastinum, i-*
gnorans quid superuentura pariat dies: &, Non eſ-
via hominis in manu eius: homo enim proponit, Deus
autem disponit Est namque non modò quorumlibet hominum, sed etiam Regum cor in manu Dei, & flectit illud quocumque vult. Si igitur ipse met homo nescit quid futuro tempore facturus sit, quanto minus id scire potest Astrologus? Deinde, ne ipse quidem diabolus certò potest nosse res futuras: si enim futura omnia dæmon sciret, nunquam profectò impulisset Iudeos ad crucifigendū & occidendum Christum Dominum quippe præuidisset per crucem & mortem Christi, imperiū quod tamdiu habuerat in homines, fore labefactandum & funditus euertendum. nec sanè dæmon tentaret & infestaret seruos Dei à quibus in tentatione vincitur, ne videlicet propter victoriam tentationi crescente Sanctorum gloria, magis ipse, quæ eius est superbia & inuidia, torqueretur.

§. 2. De vanitate oraculorum Apollinis.

HO C etiam patet argumento oraculorum, quæ olim reddebat dæmones, cuiusmodi erant responsa & oracula Apollinis delphici quondam apud Græcos noblissima & clarissima; quæ ad diuinationem astrologicam pertinuisse, locuples auctor & testis est Porphyrius in libro de Oraculis (^{Porphyrius} refert autem hoc Eusebius libro 6. de Præparatione Euangelica, cap. 1.) vbi tradit, quæcunque dicitur fatis definita prædicunt, ea ipsos stellarum motu ita esse futura significare; id quod maximè Apollo multis responsis aperuit. In hisce autem oraculis & diuinationibus sæpè mentitum esse Apollinem, idem auctor est Porphyrius; exquisitam enim futurorum cognitionem ait non hominibus modo, sed multis etiam deorum comprehendibilem esse. Vnde interrogati mentiuntur nonnunquam, sed non sponte: solent enim præmonire, se tunc vera respondere non posse, homines tamen ex amentia perseverant vrgere & cogere eos ut respondeant. Apollo igitur delphicus, cum eiusmodi esset cœli & continentis affectio ut verum præuidere non posset, retine, dicebat per Vatē, vim istam, & potentia verba hæc ne proferas; falsa enim dicam, si cogenes. Et in alio responso, Nihil hodie, inquit Apollo, stellarum mihi via dicendum præstat. Deinde, concludens Porphyrius ait, Manifestum iam fecimus vnde falsitas ad deorū oracula subrepat. Hæc ex libro Porphyrij de Oraculis, in lib. sexto de Præparatione Euangelica, cap. 4. Eusebius cōmemorat. Fuit etiam olim quidam Oenomaus, vir apud Græcos tam philosophia quam eloquentia nobilis, qui responsis delphici Apollinis sæpè delusus atque deceptus, diligenter & curiosè collegit <sup>Oenomaus ve
hemens & di-
sertus orac-
culorum Apol-
linis confi-
tator.</sup>

quamplurima eius oracula, eaque ut vana, futilia & falsa confutauit, vt refert Eusebius libro 5. de Præparatione Euangelica, cap. 10.

§. 3. Cur dæmones prædicendo futura sæpè sublant.

Q V A T V O R porrò ob causas vsu venit in prænuntiando futurā falli dæmonem. Primò, quia nimis asseueranter affirmat quæ pendent ex liberto arbitrio hominis, quod cum sit admodum mutabile & ad omnia flexibile & planè liberum, non nunquam extraordinaria quadam ratione operatur. Deinde, quod nos sæpè diuinitus incitati & adiuti Dei gratia, contra facimus quām antea facere cogitabamus, & quām nostro ingenio nostroque arbitratu facturi eramus. Fit etiam interdum, vt quod dæmon agere constituerat & prædixerat, prohibente impedienteque Deo, non possit exequi. Denique, multa D E V S solet aliquando præter communem ordinem naturæ, præterque generalem suam & ordinariam prouidentiam agere. Atque his rebus crebrò dæmon in errorem inducitur. Quis ergo credet, Astrologos prædicendis futuris rebus veraces esse, cum in eo vel dæmones falli sæpè contingat? Secundò, quid ego de dæmonibus loquor? Theologi docēt ne ipsos quidem spiritus cælestes ac beatas mentes quæ liquido cernunt & clarissimè vident Deum tenentque perfectissimam cognitionem celorum cunctarumq; rerum naturalium, certò scire futurū quæ nimirū pendent ex libro arbitrio; nisi earum rerum D E V S singularem ipsis notitiā imperiat. Cuius autem amentiæ est, Astrologis tribuerit quod nec Angelis nec beatis mētibus concessū est.

§. 4. *Non posse veritatem Christianæ religi-
onis coherere cum veritate astrologie Iudicia-
ria.*

SE D illa in primis fortis est argumentatio. Si Christiana religio & disciplina vera est, ut est profectò verissima, non potest esse vera, nec Christianis probari potest illa opinio. Astrologorum, ut quam illa vanitatis, falsitatis & impietatis persæpè damnauit: si autem falsa est doctrina Christiana, cum ipsa totum ferè orbem complexa sit, omnesque propemodum gentes suo imperio subiecerit, & plus mille quingentos annos vigeat & regnet in mundo, si omnia quæ apud homines fiunt ex cœlo proueniunt ac pendent, necesse est tantam hominum ad fidem Christi accipiendam tuendamq; propensionem tantumq; studium, ex insigni aliqua & præpoteti cōstellatione prouenire: quare cœlum inclinaret & induceret homines ad malum. Si enim fides Christi esset falsa, magis profectò esset falsa & detestabilis quam alia quælibet secta: ea namque docet de Deo & rebus diuinis, quæ si falsa sunt, nefariam sanè superstitionem & execrandam impietatem contineant necesse est. At verò, cum vita quæ ad normam fidei Christianæ agitur, sit optima & inculpata, nec laude tantum sed summa etiā admiratione dignissima, hinc necessariò efficeretur, ab eadem constellatione profici bonum & malum: malum quidem, propter falsitatem doctrinæ Christianæ; bonum autē propter vitæ quæ ad eius doctrinæ regulam informatur & dirigitur, probitatem atque præstantiam.

Ad hæc, maxima probatio & confirmatio fidei nostræ & clarissimum diuinæ prouidentiæ argu-

*Egregia ratio
aduersus A-
stromantiam.*

mentum illud est, quæcumque circa Christū Dominum & eius Ecclesiam euenerunt, ea multis antē sacerdolis fuisse per Prophetas, ad vnu omnia propriè, distinctè, explicateque prædicta: si autem eiusmodi prædictio per Astrologiam fieri posset, rueret funditus & ad nihilum recideret firmissimum nostræ religionis fundamentum. Ne multa, iusmodi Astrologorum doctrina veram Philosophiam moralem, nedium sacram Scripturā & Theologiam, quantum in ipsa est, planè peruertit. qui enim certum habet omnia pendere è coelo, ob idque cuncta hominum opera facta, casus & euentia ex coeli obseruatione præsentiri & prædicti posse, huic quoque necessariò persuasum esse debet, materialē & mortale esse animū nostrū, nullumq; esse liberum arbitrium, nec talē esse prouidentiā Dei, qualem Fides nostra prædicat; mysteria itē Christianæ religionis pendere è coelo, cunctaque miracula tam in veteri quam in nouo Testamento edita, licet dicantur, vt re vera sunt, supernatura lia, ad cœlestes nihilominus causas & virtutes reuocari. Huic quoque opinationi consequens est, neglectio & prætermissio bonorum operum, licentia omnium cupiditatum, quorumlibet flagitorum excusatio, denique inutilitas atque crudelitas humanarum pariter atque diuinarum legum.

Cajetani brevis sententia. Cajetanus in Summula vbi agit de astrorū obseruatis sed vera memoria & memorie aduersus predictiones astrologorum sententia. Cajetanus in Summula vbi agit de astrorū obseruatione, simillima docens eorū quæ diximus verē & memorie magis & doctē quam eleganter & ornatē ita scribit, Astrorum obseruatio circa nativitates hominum & occurrentia humana, tripliciter peccato subijci potest. Primo, si ea quæ fidei Christianæ mysteria sunt, tanquam subsint cœlestibus causis, habeantur: secundo, si futura contingentia quæ-

rantur vel habeantur ut certa ex calestibns causis: tertio, si electiones suas quis subijciat coelestibus causis tanquam legi illarum, ita ut vitam & actiones suas regulet secundum cœlos. Et quodlibet horum trium est ex suo genere peccatum mortale: quia primum est contra spiritualitatem Christianæ religionis, quæ super cœlos est, immutare potens etiam ipsos cœlorum cursus iuxta id quod scriptum est in Psal. 148. Confessio eius super cœlum & terram: & hoc experientia testata est. Secundum verò, est contrà veritatem doctrinæ Christianæ & liberi arbitrij, quo domini sumus nostrorum operum. Tertium est contra dignitatē gratiæ, legis diuinæ, ac humanæ mentis qua super omnia corporalia sumus constituti. Et sicut erreremus subijciendo nos passionibus iræ, odij, spei, timoris; ita quod haberemus impetus passionum pro lege: ita vilificamus nos, si inclinationes cœlorum pro lege habeamus: corpora enim sunt, & per modum passionum inclinant nos. Hæc Caietanus.

In Actis autem Apostolorum cap. 19. refert Lucas, multos de his qui Ephesi concionibus & sermonibus B. Pauli. conuersi erant ad Christum, & curiosa prius fuerant sectati, attulisse libros suos, & coram omnibus combussisse: fuisse autem eos libros de rebus ad iudicariam Astrologiam pertinentibus, grauis auctor in Commentarijs super Psalmos dixit Augustinus; qui etiam Mathematicum quandam, hoc est, istam Astrologiam profsum, postea poenitentem professionis suæ, cupientemque reconciliari Ecclesiæ, nisi publica & solenni poenitentia præmissa, non recepit. verum sententia Augustini, quod ea maximè attingit id

quod nunc agitur, totidem verbis hic ascribam.
Post enarrationem igitur 61. Psalmi, cum Mathematicus ille veniam publicè petens coram sistetur, hæc dixit Augustinus: Iste ex Christiano & fi-

*Notabilis ora-
tio quam ha-
buit Augsti-
nus in recon-
ciliatione cu-
iisdam Ma-
themati-
cum Ecclesia.*

deli poenitens redit, & territus potestate Domini conuertitur ad misericordiam Domini: seductus enim ab inimico cum esset fidelis diu Mathematicus fuit, seductus seducens, deceptus decipiens, illexit, fecellit, multa mendacia locutus est contra Deum qui dedit hominibus potestatem faciendi quod bonum est, & non faciendi quod malum est. Iste dicebat quod adulterium non faciebat voluntas propria, sed Venus; & homicidium non faciebat voluntas propria, sed Mars: & iustum non faciebat Deus, sed Iupiter: & alia multa sacrilegia non parua. Quàm multis eum putatis Christianis nummos abstulisse? Quàm multi ab illo emerunt mendacium? quibus dicebamus, Filij hominū usquequo graui corde, ut quid diligitis vanitatem & quæritis mendacium? Modo sicut de illo credendum est, horruit mendacium & multorum hominum interitum: se aliquādo à diabolo sensit ille.

Etum, conuertitur ad Deum poenitens. Nostis in Actibus Apostolorum esse scriptum, cap. 19. quia multi perdit, id est, talium artiū homines & doctrinarum nefariarum sectatores, omnes codices suos ad Apostolos attulerunt, & incensi sunt libri tam multi, ut pertineret ad scriptorēm aestimationem eorum facere, & summam pretij conscribere.

Hoc vtique propter gloriā Dei, ne tales etiam perdit desparentur ab illo qui noui: quærere quod perierat. Perierat ergo iste, nunc quæsusitus, inuentus, adductus est: portat secum codices incendendos, per quos fuerat incendendus, ut illis in ignem

ignem missis, ipse in refrigerium transiret. Ante Pascha enim cœpit petere de Ecclesia Christi medicinam, sed quia talis est ars in qua exercitatus erat, quæ suspecta esset de mendacio atque fallacia, dilarus est ne tentaret, & aliquando tamen admissus est ne periculosius tentaretur. Hactenus Augustinus.

§. 5. Quām seuerē olim Ecclesia in istiusmodi Astrologos animaduerterit.

CETERE in primitiua Ecclesia istiusmodi astrologica non secus quām ars magica, reprobata, vetita & damnata erat. Narrat Epiphanius in libro *B. Epiphaniae* mensuris & ponderibus, Aquilam Ponticum *nus.* Scripturæ interpretē ob eam maximè causam fuisse à Patribus ex Ecclesia pulsum, quod nativitatē obseruationibus ceterisq; diuinationibus astrologicis studiose vacaret. Non est pro derelicto habendum, cum sit admodum memorabile, quod Originem in Commentarijs super Genesim de ista astrologia prodidisse, libro 6. de Præparatione E*uangelica*, cap. 9. tradit Eusebius. sic enim scripsisse illum ait: Non solum Gentiles stellarum cōiunctione atque aspectu quæ in terris sunt, necessariò accidere credunt, quam vim Fatum appellant, verum etiam multi ex fidelibus conturbātur, impossibile aliter fieri credentes quām stellarum cursus effecerit. vnde sequitur nullā in nobis esse libertatem, nullam operationem nostram laudari, aut vituperari iure posse; ita prædictum à Scripturis Dei iudicium quo alij ad æterna supplicia, alij ad æternam beatitudinem prædestinantur, falso fore prædicaretur. Quid plura? ipsa quoque fides & Saluatoris nostri aduētus, & omnis Prophetarū

*Origenes egr
gia contra A
strologos dig
putatio.*

labor, ac Apostolorum in constituendis Ecclesijs prædicatio, in ania erunt: nisi forte Christum quoque quis audeat dicere, cœlestium corporum vi coactum fecisse quæ fecit, passumq; fuisse quæ passus est, nec eius deitatis potentia sed stellarum virtute cuncta euenisce: his impijs verbis etiam illud conficitur, vt fideles Fato ducti in Christum credant: denique, vt vel nullum sit boni & mali discriben, vel etiam malorum auctor sit Deus: muliusque hominū propter bene vel male facta præmio aut poena dignus censeri debeat, nec orationibus, votis, & Dei obsecrationibus locus aliquis relinquatur. Sic Origenes.

*Ani meduer-
fie in Petrum
de Aliaco.*

Eat igitur nunc Petrus de Aliaco, & istam Astrologiam amplexetur, exosculetur, præfracte- que defendat, atque obnixè conetur eam cum philosophia, quin etiam (si Deo placet) cum Theologia consociare atque coniugare; scilicet falsitatē cum veritate, tenebras cum luce, dæmonem cum Deo. qui nec veritus est scripto prodere, diluuiū Noëticum, & ortum Christi Domini, aliaq; summa prodigia & miracula, etiam syderalis scientiae peritia ex astrorum obseruatione prenoscere ac predici potuisse.

§. 6. De multis perspicue falsis & impijs Astrologorum sententijis.

SE D quo manifestius appareat quām sit impia & execranda istorum doctrina, ponam hic paucas quasdam eorum sententias & decreta, ē quibus iudicium fiet de illius artis impietate. Quidam istorum, ex Marte in nona cœli regione feliciter constituto, tantum præstari nobis contendunt, vt ab obfessis corporibus sola præsentia dæmones expellat.

pellamus. Alij iactant se hac arte, de eius qui na-
 scitur conscientiæ arcanis & secretis sine errore
 iudicaturos. Vulgatum quoque apud illos est, du-
 os esse planetas auctores felicitatis humanæ, Ve-
 nerem quidem præsentis, Iouem autem post hanc *Mæcanus*,
 vitā futurę. Maternus porrò eiusm odi figmentorū
 & mendaciorum studiosissimus & curiosissimus,
 cum multa memoret quæ à Saturno constituto in
 Leone accidunt hominibus, subdit, eiusmodi ho-
 mines longeños fore, & post mortem animas eorum
 in cœlū dijs applicatas euolaturas. Saturnus
 enim, inquit, in Leone positus, animas eorum qui
 sic se habuerint in terra inumeris angustijs libera-
 tas, ad cœlum & originis suæ primordia reducet. *Albumazar.*
 Denique Albumazar scribit, qui Luna Ioui coniu-
 ncta in capite Draconis, Deo supplicauerit, cum
 quicquid petierit à Deo, certissimè impetraturum
 id quod Petrus Apponensis expertum se esse con-
 firmat. nā cum vigente illa coniunctione, scientiā
 rerū à Deo postulasset, ait se post eam diem, mag-
 nam sibi factā esse scientiæ accessionem, sensisse.
 Hæc autem & alia eorum similia, quām sunt nefar-
 ia, detestanda, & Christianæ religioni exitialia?
 quantumq; valeant ad eleuandam, vel potius de-
 lendam fidem eorum quæ diuina Scriptura docet
 immediatè, supernaturaliter, ac miraculoſe fieri à
 Deo, nemo est tam hebes ingenio & tardus intel-
 ligentia, vt non clarissimè intelligat. Si quis autē
 hæc plenius atque subtilius scire auet, legat quæ
 in hanc sententiā cum alibi, tum lib. 2 cap. 5
 & lib. 5. cap. 11. & inde usque ad
 finem eius libri, Picus Miran-
 dulanus diligenter & co-
 piouse tractat.

*Petrus. Appo-
nensis.*

Astrologiam Iudiciariam A-
Philosophia redargui & conuinci, primò quidem
earatione, quod istiusmodi Astrologi cœ-
lestium rerum sint imperi-
tissimi.

CAP V T. II.

*Multiplex &
 prævalida cō-
 tra Astrolo-
 gos ex Philo-
 losophia argu-
 mentatio.*

DI V I N A T I O N E M Astrologicam futu-
 leni esse nulloq; nixam fundamento, Phi-
 losophus quidem ad hunc modum argu-
 mentabitur, Astrologi nec cerrò sciunt omnes a-
 strorum vires, defluxus, & effectus; nec si eas res
 scirent, satis id foret ad certam rerum futurarum
 præsensionem; ergo prædictiones astrologicas i-
 nanes & fallaces esse necesse est. Duo in hac argu-
 mentatione sunt posita, explicatius à nobis tra-
 ctanda & confirmanda; alterum est, imperitos esse
 Astrologos rerum cœlestium; alterum verò est,
 ut essent illi peritissimi earum rerum, non pro-
 pterea tamen posse eos futura omnia prænosse. de
 priori autem dicamus prius.

**§. 7. Astrologos Iudicarios esse rerum cœlestium
 imperitos.**

ESSE igitur Iudicarios Astrologos syderalis
 doctrinæ ignaros, patet ex his quæ subijciā. Prin-
 cipiò, valde arduum & operosum est, etiam quæ
 de cœlo videntur minus difficilia magisq; nobis
 obvia, perfectè cognoscere: veluti quæ sit cœli na-
 tura, magnitudo, numerus orbium, & inter eos or-
 do & differentia dignitatis, varietas motuum, de-
 nique astrorum numerus, eorumque inter se in
 magnitudine, luce, potestate & effectu compara-
 tio.

tio. atque huius difficultatis facit clarissimum
indictum tanta opinionum varietas, quantam esse
his de rebus inter maximos Philosophos cerni-
mus. Aristoteles certè Philosophorum omnium
facilè princeps, ingenuè fatetur se multarū rerum
coëstium non exquisitam scientiam, sed opina-
bilem & coniecturalem tantùm notitiam tenere:
Et quia manifestis certisque rationibus destitua-
tur, cogi se non raro probabilibus duntaxat argu-
mentis & coniecturis vti. Videre hæc lieet apud
ipsum Aristotelem in secundo lib. de Cœlo textu
17. 34. 60. & 61. hoc si est: quis crebet, Astrologis,
quos solis luce clarius est nulla re comparandos
esse maximis illis philosophis, quod est in cœlo
abstrusissimum, & iudicio summorum Philosopho-
rum mortalibus incomprehensibile, veritatem di-
co rerum omnium futurarum, esse liquidò cogni-
tam explorateque perceptam? Deinde, rogemus
istos Astrologos ut faciliores quædam quæstio-
nes de cœlo nobis enodent: percunctemur ex ip-
sis, an cœlum sit natura quædam simplex, an com-
posita ex materia & forma; vtrum talis sit mate-
ria cœli qualis est rerum omnium sublunarium,
in omnino diuersa; sitnè cœlum animatum an ina-
nimatum; num sua vi & à se moueatur an extrinse-
cus ab Angelo; vnde potissimum in cœlis æsti-
nari & iudicari debeat dignitatis eorum præstan-
ia; quid causæ sit cur non omnes orbes uno motu
ircumagantur, sed alij uno tantum, alij pluribus,
lij verò paucioribus: aperiant nobis quam habe-
nt propriam vim & potentiam singulæ stellæ in-
lementa, metalla, stirpes, atque animantes, hæc,
quam, & alia horum similia sciscitemur ex istis
Astrologis, profectò reperiemus ipsos doctrinæ

harum

Aristoteles;

harum rerum planè rudes & prorsus expertes.
Quî sit igitur credibile , planiora hæc & apertiora
ignorantibus, mortalium intelligentiæ remotissi-
ma & occultissima , esse comperta & explorata?
Postea, doceant nos isti defluxus & effectus qui
nunc ex varijs astris dimanant ad diuersas & dis-
fitas mundi regiones , sic enim fortasse credemus
illis futuros syderū effectus prænuntiantibus. quis
enim nescit procliuius & propensiū esse præsen-
tia noſſe quām futura, præsertim mutabilia & quo
variè possunt contingere , ob idq[ue] incertū? Ex-
ponant item nobis occultas proprietates & vires
quas habent res sublunares, quas mirantur magi
quām intelligimus in multis Iapidibus, herbis &
animalibus; hæc enim cum proxima fit atque no-
bis coniuncta & cunctis penè sensibus nostris su-
biecta, & quæ quotidianis experimentis peruesti-
gari & explorari possunt; planiorem intelligenti-
am & faciliorem habent explicatum : cognitiō
verò rerum caelestium maximi laboris & difficul-
tatis est, cum tam longè distet à nobis cœlum, nec
alio quām vnico oculorum sensu mortalibus pa-
teat: quem tamen ſep̄e falli contingit propter tam
tam interualli longinquitatem, vel summam ver-
tiginis coeli velocitatem, vel prauam affectionem
medij aut visus, vel propter vitium astrolabij, ta-
bularum & instrumentorum astronomicorum.
Atque hoc etiam apud sacras literas in cap. 9. lib.
Sapientiæ testatum legimus : **Corpus** inquit, **quo**
corrumpitur ag grauat animam, & terrena inhabi-
tatio deprimit sensum multa cogitantem. Et difficil
estimamus quæ in terra sunt, & quæ in prospectu sun-
tum emimus cum labore. quæ autē in cœlis sunt quis in-
uesti

uestibabit? Sensum autem tuum quis sciet, nisi tu deris sapientiam, & miseris Spiritum sanctum tuum de altissimis? Extremum autem huius sententiae, omnino redarguit Astrologos, qui humana omniauenta quorum multa ex secretissimo DEI consilio & voluntate pendent; diuinare se posse profertur:

S. 8. Aduersus fictitiam antiquitatem obseruationum quam iactant Astrologi.

PRÆTEREA, iactant Astrologi, habere se innumerabilium annorum obseruationes rerum euentis comprobatas, è quibus ars ipsorum collecta & confecta sit: nam cum in omni præteriti temporis spatio, penè innumerabiles res eodem modo euenirent, ijsdem signis antegressis; ars est effecta eadē sūpē animaduertendo atque notando; quare Chaldaeos ferunt quadringenta septuaginta millia annorum, mōnumentis huiusmodi obseruationum astrologicarum comprehensa habuisse. Verūm, hoc quām sit commentitium & improbabile, vel ex eo liquet quod Astrologi non potuerunt eiusmodi obseruationes & experientias, non dico millies ut ipsi iactitant, sed ne ter quidem bisūe colligere & comparare potuerunt. nam cœli facies, & omnium signorum cœlestium positura quæ semel fuit, eadem omnino vel nunquam, vel non nisi post immensa annorum spatia redire potest: quippe octauus orbis in quo sunt inerrantes stellæ, non ante sex & triginta annorum millia circuitum suum absoluit. quin doctissimi quidam Mathematici, optimis rationibus probarunt, motus cœli esse inter se incommensurabiles, ob idq; pandem cœli faciem, eundemque stellarum pesi-

tum s̄epius ēnenire non posse.

*Phauorinus
contra Astrologos.* Hanc rationem Phauorinus philosophus apud Gellium lib. 14. cap. 1. paulò enucleatus, certe luculētius & elegātius tractat his verbis, Si Chaldaeorum isto modo cœpta fieri obseruatio est, vā animaduerteretur quo habitū, qua forma, quaquā positura stellarum aliquis nasceretur: tum deinceps ab ineunte vita, fortuna eius & mores & ingenium & circumstantia rerum negotiorumque & ad postremum finis etiam vitæ spectaretur; ea quæ omnia, ut v̄su venerant, literis mandarentur ac postea longis temporibus, cum ipsæ illæ eodem in loco eodemque habitu forent, eadem cæteri quoque cœntura existimarentur qui eodem ille tempore nati fuissent: Si isto, inquit, modo obseruari cœptum est, ex eaquā obseruatione composita quædam disciplina est, nullō id pacto potest procedere. dicant enim quot tandem annis vel potius quōd saeculis orbis hic obseruationi perfici quiuerit. Constatre quippe inter Astrologos dicebāt, stellas istas quas erraticas dicerent, quæ esse omnium rerum fatales dicerentur, infinite propè & innumerabili numerō annorum ad eundem locum, cum eodem habitu simul omnes vnde profectæ sunt, regredi; vt neque ullus obseruationis tenor, neque memoria vlla, neque effigie literarum tanto æuo potuerint edurare. sic Phauorinus. Adhæc, licet Astrologi cognoscere possent singulares vires & defluxus cuiuslibet astri separatim tamen, quam vim habeant sydera, cum defluxus diuersorum astrorum vna coēunt & permiscētur, vel in celo vel in aëre vel in terra vetetiam cum causis sublunariis earumque actionib; ab ipsis nequaquam sciri potest. Audiat le-

ctor Origenem, cuius ex Commentarijs super Ge- *Origenes.*
 nesim. hanc Eusebius extremo lib. 6. de Præpara-
 ratione Euangelica citat sententiam: Quæ autem,
 inquit, commissione, compositione, ac temperie
 diuersorum aspectu fieri afferunt, profecto con-
 cedent nullo modo sciri posse. Quomodo enim
 quantum diminuatur de læsione maligni aspectus
 propter aspectum benigni syderis percipies? & v-
 trum auferat malignus quod à benigno concedi-
 tur, quoniam locum eius aspicerit; aut mutet, aut
 imminuat, aut mistura quædam inde fiat, quis per-
 cipiet? quæ omnia si quis altius inspiciat, facile
 eredat nō posse ista humano ingenio penitus per-
 cipi. Vnde si quis harum rerum periculum fece-
 rit, videbit in pluribus errare, quām veritatē con-
 sequi Genethliacos. Quamobrem Esaias etiam
 quasi hæc omnibus impossibilia sint ad filiam
 Chaldæorū, qui maxime istud profitentur ait, *Ad. Esaias 47.*
sint & Ialuam te faciant Astrologi, cœli Augures annuncient
tibi quid euenturum sit. His enim verbis docemur,
 vel diligentissimos in hac re Chaldæos, non posse
 prædicere quæ velit vnicuique genti D E V S at-
 tribuere. Hactenus Origenes.

H I s accedit, multas esse stellas quæ vel non
 clarè cernuntur, vel etiam nullatenus cernuntur:
 earum verò quæ cernuntur, paucas sibi esse cogni-
 tas, permultas verò necdum exploratas fatentur
 Astrologi. qua ratione igitur ex paucis astris quo-
 rum vires norunt tam confidenter prænunciant
 futura, cum per aliorum syderum quæ nesciunt
 influxus, notorum sibi syderum effectus, aut im-
 pediri aut variari possint? nisi fortè astrorum quæ
 latent ipsos nullas esse vires nullosq; defluxus, im-
 pudenter & absurdè mentiantur. Certè cōstat inter

Astrologos numerari in octauo cœlo mille præterq; viginti duas stellas. quarum cum quælibet maior sit terra, necesse est ingentē esse earum vim & potentiam. huiusmodi stellarum, vel nullam vel perexiguam notitiam habent Astrologi, quippe cum ars eorum iudicaria ferè constet ex planetarum obseruationibus, in quibus tota prope modum versatur & consumitur. Vedit hoc, quæ erat perspicacia ingenij Seneca, & in libro 2. Natural. quæstionum, cap. 32. eleganter exposuit. Quid est aliud, inquit, quod errorem incutiat per ritis natalium, quam quod paucis nos syderibus assignant; cum omnia quæ supra nos sunt, partem fibi nostri vendicent? Submissiora forsitan in nos proprius vim suam dirigunt, & ea quæ frequentius mota, aliter nos, aliter cætera animalia prospiciunt. cæterū, & illa quæ aut immota sunt, aut propter velocitatem vniuerso mundo parem, immotis similia, non extra ius dominiumq; nostri sunt. Hæc Seneca.

9. De noua stella, qua superioribus annis visa est.

SUPERIORIBVS annis vidimus stellam nouam ante illud tempus nunquam in cœlo visam, & iudicio Astrologorum in eodem loco, ubi stellæ fixæ lucet, positam: hæc cum ad aliquod tempus conspicua fuisset, repente tota ex aspectu nostro discelsit & prorsus euanuit. hanc stellam necesse est vel in cœlo esse generatam & postea corruptam, idemque in alijs sèpius euenire longis tamen temporū interuallis verisimile est: vel esse supra septem planetas alia sydera errâria quæ proprios quidem meatus, sed nobis tamen ignotos

tos habeant: vel denique quas nos in octauo orbe stellas inerrantes & infixas putamus, eas quoque proprios circuitus & motus agere. de quo addubitasse olim Hipparchum nobilissimum in astrologia virum, locuples auctor & testis est Plinius in cap. 26. libro 2. Hipparchus, inquit, nunquam satis laudatus nouam stellam & aliam in suo genitam deprehendit: eiusque motu qua die fulsis, ad dubitationem est adductus,anne hoc saepius fieret, mouerenturque & ex quas putamus affixas. Quid quod permagni ad artem suam referre censem Astrolagi, conuenientiam & discrepantiam quae est inter duos Zodiacos, alterum octaui alterum noni coeli, exploratam habere? quae tamen acutus apud A- ipsis nota esse non potest: quippe cum nonum coe- Duplex Zodi- luum omni stella luceque careat, nec aliud de ipso quae motus, isque ex motu octaui coeli deprehendi possit. Latet etiam Astrologos quemadmodum isti duo Zodiaci se habuerint in exordio mundi, quod tempus ab origine mundi ad hanc diem exactum, certo teneri nequeat: nam ut annorum eius temporis ratio aliqua iniri & numerus colligi possit, dierum tamen & horarum non potest: quorum tamen subtilis & certa computatio, isti doctrinæ Astrologicæ opus est.

10. Quæ difficile sit, aspectum syderum qui in cuiusque hominum ortu viget annotare.

I AM verò vix potest sine errore ullo notari & cognosci positus astrorum qui est in eo momento quo quisque nascitur. Etenim difficillimum est vel punctum temporis in quo quispiam oritur, vel in eo ipso punto aspectum syderum omnium qui tunc viget, obseruare: saepè namque coeli & stel-

larum aspectum, nubila & crassorum vaporum interpositus, vel adimunt nobis, vel interturbant & infuscant; & quod caput est, rapidissima cœli vertigo facit ut constellatio prius transuolat, quam à nobis propriè annotetur: quippe per singula ferè momenta, alia & alia cœli facies, & identidem diversa astrorum positura existit. Profitentur isti Astrologi se cuiusvis hominis euenta omnia prænunciare posse, dummodo sibi ortus eius certum tempus pernotescat: at eiulmodi tempus subtiliter & propriè, ita nimirum ut opus esset Astrologo, ferè nescitur. Nam ut dicatur, exempli causa, Petrum esse natum vigesimo ab hinc anno, die Septembris ultimo, hora noctis decima, vel ineunte vel media vel iam exeunte; at momentum illud, vel potius minimum illud tempus quo Petrus a uno matris fusus & in lucem editus est, nec obstertrix, nec parentes seu cognati, subtilissime annotatum & perspectum habent: qua tamen temporis illius subtilissima obseruatione & cognitione ad diuinandum eget Astrologus.

B. Basiliij argumentatio
contra Astrologos.

C. Corinth. 15.

Non possum facere, ut adscribere hoc loco pretermittam verba Basiliij quibus ipsa hæc ratio quā nos strictim attigimus, latius ab eo explicatur & acrius vrgetur. Sic enim ille homil. 6. super Genesim scriptū reliquit, Genethliacē artis inuētore cum in temporis amplio spatio cōplures figuræ suæ ipsorum scientiā fugere perceperissent, in angustum admodum temporis contraxere mensuras, ut minutissimo quoque & subitaneo articulo, qual est quod Apostolus dicit: *In momento temporis in ictu oculi*, plurimum differentiæ sit inter natuitatem & natuitatem. Ut is quidem qui hoc in momento genitus est, futurus sit Rex ciuitatum, pa-

pulorumque princeps, locupletissimus, præpotens: Is autem qui natus est tēporis sequentis momento, pauper quidam sit futurus, aut mendicus circulator, vel præstigiator, ex ostijs ostia permutans quotidiani consequendi causa victus. quā obrem eo orbe qui signifer appellatur duodecim in partes diuisio, cum in triginta dierū spatio partem Sol eius globi transeat duodecimam quem innerrantem appellant, triginta in portiones singulas illas duodecim partes secuerunt. tum singulis portionibus illis in sexaginta minuta diuisis, minuta hæc singula rursum in alia sexaginta modo simili diuisere. Posito igitur enixu eorum qui in lucē eduntur, videamus, obsecro, si hanc exactissimam temporis diuisionem Auctores hi sibi valeant conseruare. Nam simul atque editus pusio est, mas an femella sit, obstetrix explorat: tum vaginum expectat infantis, nimirum indicū vitæ eius qui natus recens est. Quot hoc tempore vis sexagesima præterisse minuta? Dicit obstetrix deinde Chaldæo partum qui editus est: quot minutissima momenta vis interea dum obstetrix loquitur prætercurrisse? præsertim si fortè fortuna fuerit non in conclavi mulierum Chaldæus ille præsens, sed in ædium atrio, aut vestibulo, tempus horamque reponens. Et cum eum qui definiturus est diligenter tempus ac horam, exploratoria nimirum horarum percipere oporteat instrumenta, siue diurna siue nocturna: quot minitorum hoc quoque tempore, quæso, præteruolat præteritque examen? Compertam enim eam esse stellam qua tempus horaque sit exploranda, non solum quā in parte sit duodecima, sed etiā quām iuxta duodecimæ portionem partis, in quoque mihiuto 60.

eorum, in quæ subdivisa sunt singula sexagesima illa prima, necesse est. Atque hanc tamen adeo tenuem subtilemque temporis inventionem, quamquam attingere nequeunt, singulis in stellis erratibus faciendam esse necessariò dicunt, ut qualem ad cœlo adfixas stellas ipsæ dispositionem habitudinemque haberent, qualisque ipsarum esset inter se se figura, cum in lucem ederetur foetus, compertum sit tandem ac exploratum. Quæ cum ita sint, si fieri non potest ut tempus illud exactissime quisquam attingat, variationeque vel breuissimi temporis fit ut tota via penitus aberretur; deridendi profectò non mediocriter esse videtur, tam iij, qui studio huius indulserūt artis, quam in ratione rerū nusquam esse constat, quam illi qui hiantes ab illorum ore pendent intenti: perinde quasi omnia illi scire possint quæ ipsis sunt euentura. Hactenus sunt quæ Basilius eo loco aduersus Astrologos disputat.

E T I A M S I A S T R O L O G I S V U M M A M
*rerum cœlestium cognitionem tenerent, non
 posse tamen esse futura diuinare, probatur oculo rationibus.*

CAPUT III.

SE N concedamus Astrologis quod ipsi falsè & impudenter sibi arrogant, perfectam vide- licet astrorum & cœli scientiam: hanc ipsam nunc contendeo non posse certam futurarum rerum prænotionem & diuinationem efficere; idq; multis & validis rationibus confirmo.

II. Octo rationes, quibus probatur ex cognitione astrorum etiam perfecta, non posse diuinari omnia quæ futura sunt.

PRIMA RATIO. Vera est & trita est in scholis illa Philosophorum sententia, Sicut res se habet ad esse, ita quoque se habet ad cognitionem; hoc est, propter quas causas quæque res fit & est, per eas cognosci debet, si quidem perfectam eius rei scientiam adipisci volumus. ad generationem autem futurorum effectuum particularium, non modo concurrit cœlum sed etiam causa particularis: est enim cœlum causa vniuersalis, quo sit ut eius vis & efficientia sit etiam vniuersalis & indeterminata ad producendum quoslibet effectus particulares: determinatur autem vis cœli per causas particulares. quamobrem verissimum est illud quod dixit Aristoteles, Sol & homo generant hominem. quin effectus particularis, licet quod attinet ad eorum effectuationem & conseruationem, maximè perindeant ex causis vniuersalibus; tamen quod pertinet ad propriam cuiusque eorum naturā & ad naturales proprietates, tam specificas quam individuales, magis particularem causam emulantur atque imitantur.

II. Preter causas cœlestes, necessariam esse notitiam causarum particularium ad prænoscendos earum effectus.

Cv M igitur præter causas cœlestes, ad producendos effectus futuros opus sit etiam causa particulari efficiente, & materia idonee præparata, quorum si desit alterutrum, prorsus nullus futurus est effectus, ex his necessariò concluditur, ad

Sicut ad generationem futurorum effectuum non tantum concurrit cœlum

prænotionem futurorum effectuum, cœlestium
causarum notitiam non esse satis. Atque hoc eti-
am quotidianis & manifestis experimentis con-
stat. cernimus enim agricolas eodem tempore &
sub eodem syderum aspectu varia seminum gene-
ra in terram iacere, ex quibus tamen diuersa na-
scuntur: quæ sanè diuersitas nō ad causas coelestes,
sed ad diuersas tantum species & vires seminum
referri potest. Ad hanc eandem sententiam, in li-
bro secundo de Genesi ad literam, cap. 17. ita scri-
bit Augustinus: Cum multa corpora diuersorum
generum, vel animantium, vel herbarum & arbu-
storum, vno simul puncto temporis seminentur,
vnoque puncto temporis innumerabiliter multa
nascantur, non tantum diuersis sed etiam ijsdem
terrarum locis, tantæ sunt varietates in progres-
sibus, in actibus, & passionibus eorum, ut ver-
isti (sicut dicitur) perdant sidera, si ista considererēt.
Quid autem insulsius & hebetius, quam cum istis
rebus conuincuntur, dicere ad solos homines sibi
subjiciendos fatalem stellarum pertinere ratio-
nem? sic Augustinus: cuius extreum dictū pau-
lò vberius tractat apud Gellium libro 14 capite 1.
Phauornius: Si vitæ, inquit, mortisque hominum
rerumq; humanarū omniū tēpus & ratio, & causa
in cœlo & apud stellas foret; quid de muscis aut
vermiculis aut echinis, multisq; alijs minutissi-
mis terræ marisque animantibus dicerent? an ista
quoque ijsdem quibus homines legibus nasceren-
tur, ijsdemque itidem extinguerentur? vt autra-
nunculis quoque & culicibus nascēdi Fata sint de
cœlestium syderum motibus attributa; aut si id
non putarent, nulla ratio videretur cur ea syde-
rū vis in hominibus valeret, si deficeret in ceteris.

13. De simili ortu & dissimilibus euentiis Geminorum.

SECVNDA RATIO. Si vera esset istiusmodi Astrologorum doctrina, necesse esset Geminos qui vno tempore cōeentii & nati sunt, simillimos omnino fore: quod falsum esse, satis perspicuum est. nam vt ceteram eorum dissimilitudinem taceam, euenit nonnunquam vt alter sit mas, alter verò femina. Cicero quidem in altero libro de Diuinatione; Proclum & Euristhenem reges Lacedæmoniorum fratresque geminos commemorat, quorum tamen & exitus vita dissimilis, & gloria rerum gestarum dispar fuit. Verū, in sacris literis luculentissimum eius rei habemus exemplum: Iacob enim & Esau eodem concubitu, vt inquit Paulus Rom. 9. sati eodemque tempore nati, dissimilimis tamen ingenij, studijs, moribus, & euentis fuerunt. Nec verò firmum est illud præsidium in quod refugiunt Astrologi, eam hoc arguento urguntur; videlicet breuissimam illā momoram quae inter Geminorum ortus intercedit, licet ea nobis per exigua videatur, in cœlo tamen, ob eius vastitatem & rapidissimam conuersionem, esse admodum insignē magnamq; facere variationem. Hoc Nigidius Figulus declarabat exēplo rotæ, quā incitatissimè contortā, cum bis eodē loco signare atramēto vel percutere summa celeritate conatus li. esset, cessante ipsius rotæ circumactione, reperta sūt duo illa loca ab ipso percussa vel signata, haud paruo inter se interuallo disiuncta. Hoc, inquā, præfidiū & refugiū infirmū est, parūq; tutū Astrologis. Etenim, licet in ortu Geminorū aliqua fuerit mora, in eorū tamē conceptu prorsus nulla fuit. Deinde, si tam breui variatur ratio cōstellationis sub qua quisq; nascitur, erit profecto propriū tempus ortus

ortus cuiuslibet, Astrologis in comprehensibile.
Deniq; valebit hoc loco aduersus Astrologos ar-
B. Gregorius gumentatio illa beati Gregorij : Si propterea Ia-
cob & Esau non censemur nati sub eadem cōstel-
homil. 10 su- latione, quod non simul nati sunt, sed vnuſ post
per Evangel. alterum; ob eandem profecto causam iudicandū
erit, nullum hominum sub eadem constellatione
totum nasci. non enim totus simul ex utero pro-
cedit, sed particulatim & mēbratim : primò enim
effert caput, tum collum, deinde pectus, postremò
pedes. Iacob enim proximè natus est post Esau
manu plantam pedis eius tenens, perinde quasi, si-
cūt inquit Augustinus libro secundo de Genesi ad
literam, capite. 17. vnuſ infans instar duorum vel
duplo longior nascetur.

Augustinus.

Phauorinus

apud Aulum Gell. lib. 14. cap. 1. uorinus aduersus Chaldaeos disputans, exequutus

est. Atque id velim etiam, inquit, vt respondeat,
si tam paruum atque rapidum est momentū tem-
poris in quo homo nascens Fatum accipit, vt in e-
odem illo puncto sub illo circulo cœli, plures si-
mul ad eandem competentiam nasci non queant :
& si idcirco Gemini quoque non eadem vitæ for-
te sunt, quoniam non eodem temporis puncto e-
diti sunt : peto, inquit, respōdeant, cursum illum
temporis transuolantis qui vix cogitatione animi
comprehendi potest, quoniam pacto aut consulto
assequi queant, aut ipsi perspicere & deprehende-
re; cum in tam præcipiti dierum noctiumque ver-
tigine, minima momenta ingentes facere dicant
mutationes ? Sic Phauorinus. Ipsum hoc argumē-
tum de Geminis diligenter & subtiliter pertractat
Augustinus. Augustinus libro 5. de Ciuit. Dei primis aliquot
capitibus, atque in 2. libro de Doctrina christiana,

cap. 22. & verò, maximum facessit negotium Astrologis: si enim tam breui temporis momento mutantur omnia, vt non diuersa modo, sed etiam aduersa plerunque eueniant, quis de nato puerō possit quicquam certi prædicere, cum illud temporis punctum quo vel cōceptus vel natus est, ita uti est, nemini possit esse cognitū? Itaque, vt magna in homines vi & potestate pollerent astra, quid ea tamen in singulorum hominum generatione & ortu efficerent, incompertum esset nobis: quippe cum aspectus cœli & positus astrorum qui est tempore quo quisq; nascitur certo deprehendi nequeat: incitatissimus enim cœli & astrorū motus, tarditatē nostræ considerationis & obseruationis præteruolat & anteuertit.

TERTIA RATIO. Missos nunc facio Ge- Tertia ratio.
minos, quorum interruptus partus aliquam præ-
buit latebram Astrologis. consideremus in præ-
sentia quamplurimos prorsus eodem tempore, &
in eadem regione, eodemque syderum aspectu &
positura, ex diuersis tamen parentibus progene-
ratos: de ipsis non potest Astrologus ex obserua-
tione syderum, non eadem cuncta prænunciare;
cum simul concepti & nati fuerint, & sub eadem
constellatione. At longè secus esse, quotidiana de-
monstrat experientia. quam multi enim toto or-
be simul & generantur in vtero, & in lucem edū-
tur, quorum deinde maxima est ingeniorum, stu-
diorum, morum, religionis, casuum, denique vi-
tæ ac mortis euentorum dissimilitudo? Omnium
Romauorum qui Cannēsi pugna quāplurimi cæsi
sunt ab Annibale, idem fuit vitæ exitus & interi-
tus: quis autem existimet, eodē illos omnes stel-
larum aspectu, posituque fuisse natos? Idem dico
de

de tot millibus Turcarū qui nauali pugna ab hinc
sesto & decem annos, memorabili ad immortalis-
tatem victoria, à Christiana classe profligati, &
internecione deleti sunt: quorum omnium ean-
dem fuisse rationem ortus, eandemque in genera-
tione eorum viguisse cœli constellationem, stul-
tum est dicere. An quo tempore natus est Home-
rus, Hippocrates, Aristoteles, & Alexander Ma-
gnus, non eodem quoque alios complures natos
esse putabimus? at quis, illorum similis adhuc ex-
Phauorinus a-
pud Aulum
Gellium lib.
14. cap. I.

titit? Phauorinus sic argumentationem hanc con-
texebat, Quām multi homines vtriusque sexus, o-
mnium ætatum diuersis stellarum motibus in vi-
tamediti, regionibus sub quibus geniti sunt lon-
gè distantibus, omnes tamen isti, aut hiantibus
terris, aut labentibus tectis, aut oppidorum expu-
gnationibus, aut eadem in naui fluctu obruti, eo-
demque genere mortis, eodemque ictu temporis
intereunt? Quod scilicet nunquā eueniret, si mo-
menta nascendi singulis attributa, suas vñquod-
que leges haberent. Quod si quædam in hominū
morte atque vita etiam diuersis temporibus edito-
rum, per stellarum pares quosdam postea conuē-
tus, paria nonnulla & consimilia posse dicuntur
obtingere; cur non aliquando possint omnia quo-
que paria vñ venire, vt existant per huiuscmodi
stellarum concursiones & similitudines, Socrates
simul & Antisthenes, & Platones multi, genere,
forma, ingenio, moribus, vita omni & morte pa-
ri? quod nequaquam, inquit, prorsus fieri potest.
Non igitur hac causa Chaldæi probè vti queunt
aduersus hominum impares ortus, interitus pa-
res. Hæc Phauorinus.

34. *Pulcherrima disputatione Bardesania aduersus Astrologos.*

QVARTA RATIO. Bardesanes Syrus in doctrina rerum cœlestium excellenter veritatus, in eo dialogo, quem rogatu amicorum de Fato & aduersus Chaldeos conscripsit, futilissimas esse Astrologorum obseruationes, & raro non ementientes eorum prædictiones, ad hunc ferè modum (ut memorat Eusebius lib. 6. de Præparatione Euangeliæ, cap. 8.) demonstrabat: Apud Seras lex est prohibens occidere, fornicari, & adorare simulachra: vnde in illa regione nullum templum cōspicitur, nulla mulier meretrix, nulla adultera, nemo fur, nemo homicida: nec voluntatem alicuius illorum ardentissima stella Martis in medio cœli constituta ad cædem hominis coëgit; nec Venus Marti coniuncta vt alienam quispiam solicitaret uxorem potuit efficere. Atqui, singulis etiam apud eos diebus in medium cœli Martem peruenire necesse est, & in tanta regione singulis horis nasci homines non est negandum. Apud Indos autem & Bactros, multa millia hominum sunt qui Brachmanes appellantur: hi tam traditione Patrū quam legibus nec simulachra colunt, nec animatum aliquid comedunt, vinum aut ceruifiam nunquam bibunt, ab omni demum malignitate absunt, solidi deo attendentes. At vero, cæteri omnes Indi in eadem ipsa regione adulterijs, cæde, temulentia, simulachrorum cultu inuoluuntur; inueniunturque ibi nonnulli, immo vero gens quædam Indorum est in eodē climate habitans, qui homines venantes atq; sacrificantes deuorant: nec ulli planetarum quos felices ac bonos appellant, à cæde ac sceleris

sceleribus istis eos prohibet: nec maligini, Brachmanas pellere ad malefaciendum potuerunt. Apud Persas lex erat, filias, sorores, matres quoque ipsas in matrimonium ducere; nec in Perside soli, verum etiam quicunque Persarum ad alia climata orbis est patria exiuerunt, nefanda haec diligenter matrimonia celebrarunt: quos, alienae gentes hoc scelus abominantur, Magusseos appellant. Suntque usque ad hodiernum diem in media Aegypto, Phrygia, Galatiaque plurimi Magussei successione patrum, eisdem sceleribus contaminati. Nec dicere possumus in terminis & domo Saturni, cum Saturnio ipso in natiuitatibus omnium; Marte aspiciente Venerem fuisse. Amazones viros non habent sed temppre veris fines suos egrediates cum vicinis conueniunt. Vnde omnes naturali legem eodem tempore pariunt, masculisque imperfectis solas feminas alunt, bellicosque omnes similes sunt, magnam exercitationis bellicae curam gerentes. Stulti autem est opinari, omnes istiusmodi foeminas prouersus iisdem natalitijs astris esse genitas. Fit hoc confirmatius argumento exemploque Iudeorum, qui ubicumque terrarum & gentium sint nati aut versentur, in uiolabili observatione & infantes suos octauo die circumcidunt, & omnem diem sabbathi feriatum festumque religiosissime agunt. Non sunt autem Iudei omnes sub eadem constellatione procreati, nec eos a patribus legibus & institutis ullavis & potentia coelestium corporum abstrahere potest. Sed quid dicemus de Christianis? qui innumerabiles toto orbe sparsi, idem vita genus atque doctrinæ custodiunt, nec a disciplina quam ipsis Christus Dominus tradidit, vel promissis ullis, vel minis aut supplicijs

plicijs vel latum vnguem amoueri possunt, an dicti sunt, Christianos omnes eodem astro esse natos? Sed illud maximum est argumentum, qui ante susceptam Christi disciplinam patrias leges & instituta studiosissime acerrimeque tenebant, eos postea factos Christianos, illis desertis abieciisque, longè diuersam vitam agere, diuersos re, & diuersissimam religionem & doctrinam colere. Itaque nec multas Parthi Christiani ducunt vxores, nec Medi canibus mortuos obijciunt, nec Indi mortuos suos cremant, nec Persæ cum sororibus aut cum filiabus nefario matrimonio miscentur, nec AEgyptij Apin, aut canem aut hircum, aut felem colunt; sed ubicumque sunt, eisdem legibus, moribus & institutionis viuunt. Quid plura? singulis horis apud omnes gentes homines nascuntur: ubique autem leges atque mores propter liberam hominis potestatem præualere videmus. Nec natalitia sydera nolentes Seras ad homicidium compellunt, aut Brachmanas ad esum carnium; nec Persas à sceleratis nuptijs remouent; nec Medos prohibent vita defunctos canibus exponere; nec Parthos multas ducere uxores. Singulæ namque gentes, ut volunt & quando volunt, libertate sua vtuntur, legibus, moribusque obedientes. Hactenus sunt quæ ex disputatione Bardesanis aduersus Astrologos cōmemoranda hoc loco censuimus.

Q V I N T A R A T I O Stante libero arbitrio *Quinta ratio.* hominis & immortalitate animi nostri, ars ista nullo modo stare potest: Si autem ea stet, illa funditus corruere necesse est. quo intelligere licet qualis istiusmodi ars existimanda sit, quæ nisi perfundata & obtrita, sublataque nostrorum animo-

rum libertate atque immortalitate, nihil progre-
di, nec ullo modo consistere queat. Quod autem,
si animus noster immortalis & in agendo libe-
rit diuinatio astrologica nulla esse possit, his ar-
gumentis concluditur. Primò, Astrologi profitē-
tur se futuras hominum actiones euentāq; ex sua
artis obseruationibus præsentire & prænuntiare
posse. hoc autem falsum est; futura enim quæ ex
libera homini's voluntate proficisci debent, nulli
modo possunt esse nota Astrologis. nā vel cognoscēt
futura in se ipsis, quod fieri nō potest, quippe,
quæ futura sunt, nōdum per se actu sunt; quo
autem non est, prout nō est, non intelligitur, sec
prout aliquo modo est, nimirum potestate in suis
causis. Nec prænoscī queunt futura in ipsorum
causis quæ tres sunt, D E v s, coelum, voluntas
humana, quæ autem ex D E I proposito, confilio
& absoluta voluntate euētura sunt, ea nulli mor-
talium vel ex cœlo, vel alia quacunque ratione
nisi cui Deus ea voluerit aperire, cognita esse pos-
sunt. *Quis enim*, inquit Scriptura, *cognovit sensum*
1. 40. *Domini? aut quis consiliarius eius fuit?* & vt scriptū
est in 9. capite libri Sapientiæ: *Quæ in prospectu*
sunt, inuenimus cum labore: quæ autem in cœlis sunt,
quis inuestigabit sensum autem tuum quis sciet, nisi
tu dederis sapientiam, & miseris spiritum sanctum
tuum de altissimis? Ex cœlo autem, futura qua-
pendent ex voluntate hominis non possunt co-
gnosci; tum quia cœlum est causa vniuersali,
quare futuri effectus particulares non nisi vni-
uersaliter & indeterminatè in cœlo contineri &
cognosci possunt: tum etiā quia cœlum est causa
corporalis & materialis, quare animus noster qui
per

per se incorporeus & expers materiæ est liberque
in agendo, cœli efficientiæ ac operationi directe &
necessariò minimè subiacebit. Voluntas porro hu-
mana quæ ex proxima causa humanarum actionū,
respectu futurorum quæ ex ipsa proficiisci debent,
per se indifferens & indeterminata est : multa e-
nim asturi sumus, de quibus nihil dum cogitau-
mus, nedum deliberauimus: quomodo igitur cau-
sa indeterminata & indifferens potest definitam
certamq; futuri effectus cognitionē parere? Con-
firmatur hoc: exteriore actiones hominis pendet
ex interioribus, ex deliberatione dico & electio-
ne: non potest igitur futura hominis actio exterio-
r prænosciri, nisi cognita sit futuræ voluntatis elec-
tio vnde illa proficiisci debet: at futura hominis
electio non potest alteri homini esse cognita; si e-
nim propositum animi & deliberationem quam
quis in præsens habet mente conceptam, nemo alius
scire potest, quanto minus scire poterit consilium,
propositum, & voluntatem alterius homini-
nis, quæ multos post annos futura est?

*15. Vtrum sit facilius, diuinare quid facturus sit vir
bonus, an vir improbus.*

DE INDE aut consideratur homo ut viuit &
operatur secundum rationem, aut secundum sen-
sum & appetitum: si secundum rationem, sic ho-
mo non pendet è cœlo, est enim mens & ratio-ex-
pers materiæ & incorporea nullum autem corpus
per se agere potest in id quod est incorporeum. ra-
tio item libera est, suarumque actionum domina, per se ac ne-
& suo arbitratu ac voluntate potest ad hoc vel illud agendum se ipsa applicare . nam quamuis
vel à cœlo, vel ex naturali cōstitutione & tempe-

*Hominem, ut
operator se-
cundum rati-
onem non è
cœlo, nec alia
ex causa vlla
præter Deum,*
*cessario pen-
dere.*

ratione sui corporis, vel à diabolo, vel aliunde instigetur ad malè agendū; potest ea tamen reniti, & vi sua omnes instinctus, impulsus, & irritamenta extrinsecus ei obiecta, comprimere & irritare facere; quinetiam contra quām incitatur agere. Hoc manifestum sit vel vnius Socratis exemplo, qui ex naturali corporis affectione & comparatione, & bardus & mulierosus erat; sed eiusmodi vitiosas naturæ propensiones, adeo animi robore & diligentia magnitudine emēdauit, ut omnium sui temporis prudentissimus & continentissimus sit habitus. Homo autem viiens secundum sensum & appetitum carnalem, tam variabilem & incertam vitam agit, vt qualis futurus sit, nullo modo prædicti queat. Quamobrem Salomon (quod est in 30. capite libri Proverbiorum) dixit: Alia quædam sibi esse cognitu difficultaria; illud autem esse prorsus ignotum qualis sit via adolescentis in adolescencia sua. Est enim ea ætas adeò lubrica ad quodlibet vitium, adeò mollis & flexibilis in omnes partes, adeò vagans & errans per omnia & nulla in re diu perseverans; vt nulla certa ratione modoque regi & duci, sed quocumque impellit cupiditas, illuc inconsultè & temerè rapi videatur.

**Quām fit instabilis vita & actiones hominis viuē-
te non secun- dum rationē, quām quid sit acturus qui rationis & virtutum sed secundum regula & lege posthabita, suas duntaxat cupiditates sectatur. Sic etiam facilius est diuinare quid facturus sit Rex qui secundum rectam rationē iustasque leges imperat, quām quid facturus sit Tyrannus, qui omnia pro suo commodo & libidine administrat. Qua ratione igitur Astrologi certa scientia consequi possent ea quæ nihil ratum, fir-**

mum, fixumque & certum habent?

Adhuc, aut istud Fatum cœleste & potentia sy- *Pulchrum di-*
derum potest ab homine impediti ita ut effectus e. lemma aduer-
ius non eueniat, aut nullo modo impediti potest: si astrologos
Si potest impediti & non euenire, ergo sicut effe-
ctus est incertus, ita prædictio eius certa esse non
poteſt. Si non potest impediti, ergo nullum eſt
liberum arbitriū; & ex eo conficitur animum
nō trum eſſe materialem atque mortalem, ut potest
syderum potestati necessariò subiectum. Nec ve-
rò si ita res ſe haberet, quicquam prodeſſent ho-
minibus prædictiones Astrologorum: quid enim
iunaret noſſe tanto ante futura, ſi ea nullo modo *pofecto in-*
declinari & caueri poſſent? quin, ut ego ceneſo, *iles & odio-*
plus mali quām boni afferrent nobis, quos neceſſie ſe eſſent ho-
*effet non ſolum præſentibus malis torqueri, ſed e- *minibus.**
tiam tam longinquā & ineuitabili eorum expe-
ctione acerbissimè cruciari. Probè hoc intelle-
xit Seneca, licet non minorem quām Astrologi sy-
deribus in homines vim & potentiam tribueret:
in libro enim decimotertio epistolarum, octoge-
sima nona epiftola ita ſcripsit: Verio nunc ad il-
lum qui cæleſtium notitia gloriatur.

Frigida Saturni quo ſeſteſtlla receptet,
Quis ignis cæli Cyllenius eret in arbes.

Hoc ſcire, quid proderit? ut ſollicitus ſim, cum
 Saturnus & Mars ex contrario ſlabunt, aut cum
 Mercurius vespertinum faciet occaſum vidēte Sa-
 turno. Potius hoc dicam, ubicumque ſunt iſta,
 propitia eſſe nec poſſe mutari. Agit illa continuus
 ordo Fatorum, & ineuitabilis cursus. Per ſtaras
 vices remeant, effectus rerum omnium aut mouēt
 sydera, aut notant: ſed ſiue quicquid euenit faciūt,

quid immutabilis rei notitia proficiet? siue significant, quid refert prouidere, quod effugere non possis? scias ista, nescias, sient. Hæc Seneca. Sed vide quā argutè ac philosophicè hanc ipsam sententiam breuissimis conclusit Phauorinus: Aut aduersa, inquit, euentura dicunt, aut prospera. Si dicunt prospera & fallunt, miser fies frustra expectando. Si aduersa dicunt & mentiuntur, miser fies frustra timendo. Si vera respondent, eaque sunt non prospera, iam inde ex animo miser fies antequam è Fato fias. Si felicia promittunt, eaque euentura sunt, tum planè duo erunt incommoda; & expectatio te spē suspensum fatigabit, & futurum gaudij fructum spes tibi iam defloquerit. Nullo igitur pacto vtendum est istiusmodi hominibus res futuras præfagientibus. Sic Phauorinus.

16. Quām sit vana ac futile p̄dicitio Astrologorum de aliquo, quod sit futurus summus Pontifex.

VERVM, illud maximè arguit p̄dictionum astrologicarum vanitatem: etenim audent etiam Astrologi p̄dicere & promittere, aliquem futurum verbi gratia summum Pontificem; atqui prouectio alicuius ad summum Pontificatum, non ex ipsius vel alterius vnius hominis voluntate aut potestate pendet, sed ex voluntate atque suffragijs plurimorum Cardinalium, quorum munus est creare summum Pontificem. Quapropter ut certò prænunciari possit, Petrum, verbi causa, fore Papam, non satis est nosse compositionem astrorum quæ in cœlo fuit nascēte Petro, sed simul etiam opus esset, Astrologo perspectos & cogni-

tos esse omnes syderum positus & cōstellationes, sub quibus nati sunt quorumque voluntatum & suffragiorum concursus ad creandum illum Papā futurus est necessarius. Quare, si verum est quod *Inanis prædi-*
narrat in Augusto Suetonius, Nigidium Figulum etio Nigidij
in eiusmodi astrologia nobilissimum apud Ro-
manos, accepta hora partus Augusti, obseruatisq; *Figuli de fu-*
natalitijs eius astris, exclamasse, Dominum orbis *turo Augusti*
esse natum; profectò existimandum est id eum nec
scienter, nec certa aliqua ratione, sed temerè ac
fortuitò dixisse, & casu factum esse vt ita contige-
rit sicut ille prædixerat. Promotio namque Au-
gusti per multos honorum gradus ad summum vi-
que principatum & Monarchiam, ex multorum
hominum studio, gratia, & opera pendebat vt ad
tantum Augusti dominatum & imperium certò
prænoscendum atque prænunciandum, solius Au-
gusti generationis & ortus consideratio satis esse
nequaquam potuerit. neque enim natalitia Au-
gusti sydera vim ullam habere potuerunt in eos
qui fuere Augusti suffragatores adiutoresque ad
consequendum principatum; scilicet multi eorū
compluribus annis, vel ante vel post Augustum,
nati fuerant.

17. Nullam posse esse scientiam vel artem istius Astrologia.

'**SEXTA RATIO.** Omnis scientia, & ars *Sexta ratio.*
 versatur in ijs rebus quæ aut semper, aut certè fre-
 quenter ita contingunt vt ab ea docentur: quæ au-
 tem extra hæc sunt & rarissimè accidunt, ea quia *Ars & sciētia*
in his versan-
tur; quæ sem-
per aut pluri-
mum eueniūt,
qualis non e s
Astromania

perquam raro veridicæ fint, satis liquet eas non ex arte aliqua & certis obseruationibus profici ci, sed inscienter & inconsultè ac temerè ab illis effutiri. Quamobrem Phauorinus identidem commonebat, vt eauerent homines ne quæ ipfis Chaldæi ad faciendam fidem irreperet, quod viderentur quædam interdum vera effutire aut spargere. Non enim comprehensa, aiebat, neque definita, neque percepta dicunt, sed lubrica atque ambagiosa conjectatione nitentes, inter falsa atque vera pedetētim quasi per tenebras ingredientes eunt: & aut multa tentando incidunt repente imprudentes in veritatem, aut ipsorum qui eos consulunt, multa credulitate ducente perueniunt callidè ad ea quæ vera sunt: & idcirco videntur in præteritis rebus quæm futuris, veritatem facilius imitari. Ista tamen omnia quæ aut temerè aut astutè vera dicunt, præ cæteris, inquit, quæ mentiuntur, pars ea non sit millesima. Hæc Phauorinus apud Gellium. Sed audi quid in eandem sententiam libro secundo de Diuinatione scriptum sit apud Ciceronem. Quid plura, inquit? quotidie refelluntur Chaldei, quæm multa ego Pompeio, quæm multa Crasso, quæm multa huic iphi Cæsari à Chaldæis dicta memini, neminem eorum nisi senectute, nisi domi, nisi cum claritate esse moriturū: vt mihi permirum videatur, quenquam extare qui etiam nunc credat ijs quorum prædicta quotidie videat re & euentis refelli. Seneca in eo libello cuius inscriptio est: Ludus in mortem Claudij Cæsaris, initio introducit Mercurium apud Parcas morte; Claudij procurantem; & vt obiter Chaldæorum illudat vanitati, inter alias rationes quibus conatur Mercurius Parcas inducere ad necem Claudij, hæc affert,

Phauorinus
apud Aulum
Gellium lib.
14. cap. 1.

M. Tullius.

Seneca.

affert, ne toties videlicet miseri Chaldaei mentiatur: Patere, inquit, Mathematicos aliquando verum dicere, qui illum postquam princeps factus est, omnibus annis. omnibus mensibus efferunt. Predecebant enim illi Mathematici Claudium singulis annis & mensibus moriturum: quod etiam nostri temporis Astrologis contingit, à quibus mortes summorum Pontificum in singulos annos atque adeò menses prænuntiari audimus, & ridemus, Beatus Ambrosius libro 4. in Hexameron, cap. 7. Cum, inquit, ante dies paucos esset sermo de pluia, quæ fore vtilis diceretur, ait quidam, Ecce Neomenia dabit eam. & quamuis cupidi essemus imbrum, tamen eiusmodi assertiones veras esse nollebam. Denique, delectatus sum quod nullus imber effusus est, donec precibus Ecclesiæ datus manifestaret non de initijs Lunæ sperandum esse, sed de prouidentia & misericordia Creatoris; quo exemplo & vanitas istius astrologiæ confutata est, & efficacia Christianæ pietatis visque religiosarum precum re ipsa comprobata.

18. Vanitas & falsitas multarum predictionum Astrologicarum.

ALBVM AZAR princeps huiusc superstitio-
nis astrologicæ, ex obseruatione & præceptis hu-
ijs artis, prædixit Christianam legem duraturam
non plus annos mille quadringentos sexaginta.
sed bene habet, quod post id temporis, exacti iam
anni centum vigintio sto falsam esse illius prædi-
ctionem aperte demonstrant. Abraam Iudæus præ-
nunciauit ex obseruationibus astrologicis, expe-
ctatum à Iudæis Messiam venturum anno post Do-
mini nostri ortum millesimo quadringentesimo

B. Ambrof.

Albumazar.

Abraam Iudæus

Petrus de Aliaco. sexagesimo quarto; quod nimurum tum futura es-
set eadem astrorum compositio, quæ fuerat olim
cum Moses ex AEgypto populum Hebreum edu-
xit: cuius prædictiones vanitatem dies ipsa redar-
guit: Petrus de Aliaco scriptum reliquit, quo an-
no generale Concilium celebratum est Constan-
tia ad tollendum schismà quod multos annos af-
fixerat Ecclesiam, prædixisse Astrologos eius tem-
poris nullam fore in Ecclesia pacem & concordi-
am sed habitu cœli & cōformatione astrorū præ-
significari maximas fore dissensiones ingenti cū
religionis Christianæ detrimento & exitio. At-
qui, per illud Concilium Constantiense, diutur-
num illud & perniciosum schisma eo anno extin-
ctum est, pace ac tranquillitate Ecclesiæ redditæ.
qui euntus planè contrarius prædictionibus A-
strologorum, sanè multum mouere debuerat Pe-
trum Aliacensem, ut is nullam deinceps isti Astro-
logiæ fidem haberet: præsertim verò, cum ipsem et
vel suis deceptus obseruationibus, vel alienis oc-
cupatus & circumuentus opinionibus, veritus fu-
erit ne illud tam graue & odiosum schisma breui
Antichristum mundo pareret.

19. *Errores Astrologorum in Chronologia.*

Albamayor.

ALBVMAZAR istorum Astrologorum co-
ryphæus, nescio quas Saturni reuolutiones dilau-
dat: affirmat enim, quoties Saturnus denas sui or-
bis conuersiones perfecerit, hoc est, expletis annis
trecentis, semper magnas quasdam res & admodū i-
nsignes evenire. Post Alexandrum enim, inquit,
annis trecentis apparuit Areiasor filius Bel qui Per-
fas contriuit: & proximè post trāfactis alijs trecē-
tis

tis annis apparuit Iesus magister & dux Christianorum. O turpem & visceralem, O incredibilem temporum inscitiam. nam nec tunc fuit iste filius Bel qui Persas fregerit & affixerit; & Christus Dominus noster non sexcentis annis post Alexandrum ut iste mentitur, sed trecentis duntaxat & viginti annis post Alexandri mortem natus est. Quamquam quis miretur in hoc lapsum Albumazarem, cum tam insigniter errauerit in Ptolemæo Mathematico, quem facit vnum de Ptolemæis AEgypti regibus qui post Alexandrum Magnum AEgyptijs imperarunt? cum in confessio sit, nec Ptolemæū Mathematicum fuisse regem, & cum Hadriano Imperatore floruisse, nouissimo Ptolemæorum AEgypti regum plus centum & sexaginta annis posteriorem. Iactant item Astrologi, nullam fuisse apud homines vlo tempore mutationem legum, nullius Prophetæ nobilis aduentum, nullam nouæ religionis introductionem, nullam magnorū regnorum conuersionem, denique nullum insignem & memorabilem casum aut euēntum, quin magna aliqua coniunctio syderum, precipue verò Saturni & Iouis præcesserit. Hæc, inquit, constellatio nascentem orbem initiauit: illa præparauit diluvium: alia Abraam vel Mosem geriuit: illa Iesu aduentum prænuntiauit: alia Mahumeti legem antecessit. quæ quām sint futilia, commentitia & erroris plena, vel vno hoc argumento constare potest.

Petrus Aliacensis istiusmodi fragmentis stultissimè credens ac vanissimè gaudens, in lib. suo de Concordia historiæ & astrologiæ, ad id quod ex sensu Astrologorum proximè docuimus probandum, hoc quasi fundamentum supponit: Ab initio mundi

*Aliquot errata circa Chronologiam Al-
bumazaris.*

*Quā multa pœ-
cauerit cū a
veram Chro-
nographiam
Petrus Ali-*

*censis in suis
rationibus A.
prologis.*

mundi usque ad diluvium fluxisse annos bis mille ducentos quadraginta duos : à diluvio autem ad CHRISTI DOMINI aduentum & ortum, ter mille centum & duos annos hoc posito, probare nititur quicquid in orbe terrarum valde memorandum & insigne quocunque tempore acciderit, eodem tempore magnam aliquam constellationem in cœlo apparuisse . At enim uero, cum perspicue falsa sit computatio annorum qua velut fundamento illorum ratio & doctrina fulcitur, nonne consequens est quæ ducuntur & pendent ex illa computatione esse falsa ? Etenim ab Adamo ad diluvium, non plus mille sexcentos quinquaginta sex annos præterisse constat ex sacris literis; pauciores nempe quam illi numerant, annis propè sexcentis : quo sit ut constellationē, quem aiunt isti fuisse in exordio mundi, sexcentis annis mundum præcessisse necesse sit. Deinde tēpus quod inter diluvium interfuit & Christi Domini aduentum, ne numerū quidem bis mille quadringtonitorum annorum impleuit. Ex quo efficiatur ut coniunctio astrorum quam aiunt ducentis annis antegressam diluvium, non nisi sexcentis octoginta quatuor annis post diluvium potuerit existere. Præterea, dicunt quartam coniunctionem maximam fuisse annis nongentis quadraginta duobus post diluvium, sexdecim nimirū annis ante natum Abraam : quem tamē liquet ex sacra Chronologia, ducentis nonagintaduobus annis natum esse post diluvium, quare necesse est, quartam illam coniunctionem sexcentis triginta annis post Abram ortum contigisse. Adhæc, notarunt illi sextam coniunctionem magnā ducentos vigintiquaque annos fuisse ante Christum; nimirum falso :

nitum

nituntur enim supradieta computatione annorum à diluuio ad Christi aduentū, quam nos mēdosam esse ostendimus. quin, si veram sequamur Chronologiam, necesse esset sextam illam coniunctionem sexcentis fermè annis post Christi Domini ortum contigisse. Postremò, quām fuerit Petrus Aliacensis veræ Christianæ Chronographiæ rudis & prorsus expers, vel hoc vno indicio manifestū esse potest: affirmat anno ab ortu Christi septingentesimo, ad quod tempus septimam coniunctionem magnam refert, natam esse in Ecclesia pestē Hæreticorum, maxime verò eam quæ fuit Arrianorum, quorum tamen hæresis circa annum Domini trecentesimum exorta, ante sexcentesimum extincta est. Quis igitur tam multas istorum prædictiones nixas mēdacissimis Chronologijs, inanis & mendaces esse dubitet?

Sed quid ego falsarum prædictionum exempla colligo, quorū plena est & historia omnium temporum, & referta vita communis? Evidem reor, quām difficile est prædictiones aliquas Astrologorum de futuris rerum humanarū euentis, etiā casu ac fortuito, veras inuenire; tam facile repeiri posse innumera eorū prædicta perspicuè falsa, & rebus ipsis euentisque confutata. Scitè dixit Cato mirari se quod non rideret Aruspex, Aruspīcem cum vidisset: quōd enim quæque res euenit prædicta ab his? aut si euenit quippiā, quid afferri potest cur non casu id euenerit? Quod de Aruspīcibus Cato dixit, id profeció per quā belle quadrat in Astrologos: ut nimirum videri debeat, cum mendaci homini ne verum quidem dicenti crede-re soleamus, quo modo illis, si vel vnum eorum bellè compre-
prædictum verum euasit, simpliciter credamus; & tens.

Lepidum Cato
tonis dictum
referit Cic.
lib 2. de Di-
uinatione in
Astrologos

non ex multis potius falsis vni fidem derogemus, quām ex uno quod casu verum euenit velimus innumerabilia falsa confirmare. Verū dicet aliquis, Astrologos nonnunquam esse veridicos, & ea prædicere quæ rei confirmet euentus. prædicūt sanè; sed inconsultè, inscienter, temerè. quis enim est qui totam diem iaculans, non aliquando collimet? Verissimè dici potest de Astrologis, quod olim dixit quidam de oraculis Apollinis; quæ vera fuissent memoria teneri & prædicari; quæ autem falsa, neminem recordari, aut taceri ab omnibus. nam qui veritatem illorum oraculorum defendebant, pauca quædam vera crebro sermone usurpabant, pleraque falsa silentio premebant. qui autem omnia contemnebant, nec vera nec falsa curabant. Sed causas cur prædicta Chaldæorum sèpè vera esse videantur, extrema hac disputatio ne aperiemus.

20. Astromantiam omni tempore à viris sapientibus, & prudentibus esse contemptam & damnatam.

Septimaria

SEPTIMARATIO Si hæc diuinatrix astrologia vera esset & certa, sine dubitatione vlla pars esset philosophiæ omniū nobilissima & hominibus optatissima atque honoratissima: tum propter materiæ quam tractat, cœlum dico & sydera, dignitatem atque præstantiam: tum propter futurarum rerum, potissimè autem vitæ hominum & mortis casuum & euentorum prænotionem, quas res noscendi audiissimi sunt & curiosissimi mortales. at cum ea doctrina omni tempore à præstantissimis quibusque Philosophis, quinetiam Astrologis, contempta, derisa & damnata fuerit;

maxi-

maximum profectò argumentum est, eam futilem & inanem, & ab omni ratione, fide ac probabilitate vacuam ab illis esse iudicatam . Xenophon in libro de dictis Socratis, quod etiam refert Eusebius libro 14. de Preparatione Euangelica, capite 4. tradit Socratem dicere solitum , cognitionem futurarum rerū quæ in potestate Dei sunt non esse hominibus eas res cognoscere, nec Deo gratū esse si quæ ille occultauit, ea mortales velint nimis studiosè curioseque rimari. Pythagoras, Democritus & Plato longissimis peregrinationibus susceptis, Persarum magos, sapientes Chaldæorum, AEgyptiorumq; sacerdotes adierunt, à quibus occultiora quædam vel ad disciplinas mathematicas , vel ad religionem cultumque deorum pertinentia cognoverunt; diuinatricem autem astrologiam, vel discere ab illis neglexerunt, vel si eam quoque didicérunt, certè nunquam ea vsos esse ipsos, ex eorum scriptis manifestè perspicitur.

Aristoteles, qui vir & quantus? quam solers, quam subtilis & copiosus in doctrina rerum cœlestium? quam cum aliquot libris diligenter explicuerit, nusquam tamen de istiusmodi Astrologia verbum ullum fecit. Cum autem in libris Meteororum, & de Partibus atque Generatione animalium, præsertim autem in libro Problematum, multarum rerum obscurarum & admirabilium causas perquirat; ad nullius quæstionis enodationem vel admirandi cuiusquam effectus explicationem, istius astrologiæ opera & præsidio est vifus. Quin, multa sunt eius scriptis quæ istam Astrologorum doctrinā omnio conuellant; veluti est illud, Futurū contingentium non esse certa

Xenophon.
Socrates.

Pythagoras.

Democritus.
Plato.

Sententiae A-
ristotelis, que
Astromanti-
am è medio
collunt.

&

& definitam veritatem: Quæ per accidens quæque rarò vel ad vtrūlibet contingunt, non posse scien-
tia comprehendendi: Versari in rebus humanis casum
& fortunam quæ fugiant certam hominis intelli-
gentiam : Particularium & corruptibilium effe-
ctuum causas proximas & proprias esse particula-
res atque corruptibles, ob idque ad perfectam e-
orum cognitionem non satis esse cœlestes & uni-
uersales causas contemplari : Cœlum non aliter
agere in ea quæ sunt infra lunam, nisi per motum
& lumen. Nec vsquam ferè indicauit Aristoteles
præter solem & lunam, vim & efficientiam alio-
rum syderum, illud quoque docuit decretis Astro-
logorum valde contrarium, cœlestia signa etiam
corporis orum & sensibilium effectuum, per alias
causas auerti & impediri posse.

*Eudoxus, Pa-
natius . Au-
cenna.*

Cicero libro 2, de Diuinatione, laudat Eudoxū
estate Platonis & Aristotelis principem Astrolo-
gorum : item Panatium Stoicum, Archelaum etiā
& Cassandrum, ac Scylacem Halicarnasseum, A-
strologorum sui temporis nobilissimos, qui totā
hanc rationem Astrologiæ repudiarunt. Auicen-
na qui post Hippocratem & Galenum principatū
medicinae obtinet, libro vltimo primæ Philoso-
phiæ negat Astrologis esse credendum in diuinati-
one futurorum, quia ipsi nec puncta cœlestia te-
neant, neque naturas rerum inferiorum planè ne-
cessarias ad faciendum iudicium de rebus futuris,
perspectas habeant; neque nitantur demonstrati-
onibus sed probationib⁹ oratorijs & poëticis Pto-
lemaeus, quem isti huius artis principem & ducem
sequi se dicunt, in libro primo de Iudicijs, cap. 2.
Non est, inquit putandum, omnia à supernis cau-
sis directo deriuari necessitate quadā inuiolabili,

vt nulla alia vis quin ita operentur, obſiſtere valeat. Idem tractatu ſuo quem vulgò appellat Centiloquium, hoc eſt, Centum ſententiarum, prima eius ſententia ſic habet. Soli numine diuino afflati prædicunt futura particularia. Quinta verò ſententia huiusmodi eſt, Potest is qui ſciens eſt, multos ſteſſarum effectus auertere quando naturam e- arum nouerit, ac ſe iſipsum ante illorum euentum ritè præparauerit. vnde manauit illa multorum sermonibus trita ſententia, Sapiens dominabitur astris. Porphyrius in libro de Oraculis confeſſus eſt, exquisitam rerum futurarum ſcientiam ex in- ſpectione fyderum, non mortalibus modò, ſed multis etiam deorum eſſe incomprehendibilem. Idem in vita Plotini ſcribit, eum cum in iſta astro- logia ſatis multū temporis, ſtudij & operæ poſu- iſſet, deprehendiffe tandem, Astrologorum iudi- cijs & diuinationi futurarum rerum non eſſe cre- dendum; eamque diuinationem tum sermonibus tum scriptis confutauiffe. quod manifestum eſt cuius legenti eius libros de Fato & de Prouiden- tia, maximè verò eum, qui inſcriptus eſt, An ſtellæ aliquid agant.

21. Cui generi hominum predictiones Astrologorum arrideant & probentur, quas S. Ambroſius com- parat telis aranearum.

SI hæc porrò Astrologia vera eſſet & certa, plu- rimū ſanè adiumenti afferret, prouifione fu- rorum, ad bene regendam & adminiftrandam ré- publicam, ob eamque cauſam magno in honore torum Principi- & gloria fuiffent Astrologi apud Reges & rerum publicarum Principes: at contra prorsus euenit; nam ſeueriſſimis multorum Principum decretis Professores diuinandi futu- ra ex astris, publicis mul-

& edictis explosam & damnatam & grauissimis supplicijs adictam eam artem inuenimus. Quoties Astrologi seu Chaldæi Roma electi sunt princeps Tiberio, Vitellio, Deocletiano, Constantino, Theodosio, Valentiniano, præsertim autem Iustiniano; quibus huius artis studium & exercitatio non solum ut inanis & veritatis expers iudicata est, sed etiam ut ciuitatibus & societati hominum noxia & pestilens, semper visa est detestabilis? Sed quid attinet in re manifesta, quæ turbam testium non desiderat, longiorem orationem poneret? Audeo dicere, post hominum memoriam vix fuisse quenquam ullo tempore vel magnitudine ingenij, vel præstantia doctrinæ, vel prudentiæ ciuilis excellentia, vel eximia morum integritate, vel denique insigni aliquo nobilem ac memorabilem virum, qui natalitia Chaldaeorum prædicta non quasi meras nugas & quisquilias flocci fecerit, penitusque contemperit. Vulgus modo stolidum, ad intelligendum hebes, infirmum ad iudicandum, facilè credulum, & noua miraque audiendi & noscendi curiosum, istis nugatoribus & aures & fidem libenter adhibet. Gaudent etiam hisce commentis leuissima quædam ingenia lucrificare, magis quam veritatis cupida, in republica literarum turbulentia ac seditiosa, & sapientiæ optimæ tibus semper infensa, rerumque utilium & alieniarum fastidiosa, nouarum autem & ignotarum atque adeo etiam in comprehensibilium audiissima: denique quibus non tam cordi & curæ est vera nosse quam videri vulgo ea ipsa scire quam summi philosophiæ antistites nescire se confitentur.

Hanc rationem egregio S. Ambroſij dicto concludam. Ita scribit Ambroſius libro 4. in Hexa-

meron,

Cui generi hominum prædictiones Astrologorum arrideant & probentur.

B Ambrofius
prædictiones
Astrologorū
comparat re-
la aranea.

meros, cap. 4. Sapientia Chaldæorum telæ araneę comparatur, in quam si culex aut musca inciderit, exuere se non potest: si vero validiorum animantium ullum genus incurrisse visum est, pertransiuit, & casses rupit, infirmos atque inanes laqueos dissipauit. Talia sunt retia Chaldæorum, ut in his infirmi hæreant, validiores sensu, offensionē habere non possint. Itaque vos qui validiores estis, cum videritis Mathematicos, dicite: Telam araneę texunt quæ nec usum aliquem potest habere, nec vincula, si tu non quasi culex aut musca lapsu tuæ infirmitatis incurras, sed quasi passer aut columba casses inualidos præpetis volatus celeritate dissoluas.

12. Disputatur contraria fundamenta Astrologie Iudicariae.

OCTAVA RATIO. Fundamenta & firmamenta huius artis, aut nulla sunt aut certè infirmissima & fragilissima: hæc igitur ars nulla ratione firma & stabili vtitur ad diuinandum; quamobrem nullam quoque apud homines auctoritatem, fidem, & probabilitatem habere debet. Primum fundamentum istius doctrinæ est, astra habere qualitates omnes elementorum; partim enim esse frigida, partim humida & sicca, si non formaliter saltem virtualiter, hoc est, si non actu saltem effectu, non in se habendo eas qualitates, certè habent facultates earum qualitatum effectrices: Saturum aiunt esse frigidum, Martem siccum, Lunam umidam. Verum hoc, & ratio confutat & experientia. Ratio quidem, quoniam sicut astra omnia sunt lucida & ex se lucem fundunt, ita quoque calida esse omnia & calefacere necesse est: lux enim,

non sicut omnis per se calefacit, ita frigefacere autem per se humectare vel exsiccare potest. Stemus decretis Astrologorum aientium, ut Lunam, itidem cætera sydera luce à sole mutuata fulgere. Si igitur omnium astrorum vna est eademque lucis origo & ratio; qui potest esse tam multiplex, dissimilis atque discrepans ratio & potestas agentia. Experientia item hoc ipsum redarguit: in plenilunio enim, cum est lumen Lunæ plenissimum, no-

Aristoteles.

Non esse ponendas in cœlo influentias.

Etets quoque, Aristotele & experientia teste, calidores existunt. Sed Astrologi præter lucem, alias in cœlo & syderibus vires atque facultates, & luce & inter se multum diuersas, mirandorumque operum causas, quas influentias appellant, commenti sunt. Nocutum sancte inuentum; nulli veterum vel Philosophorum vel Astrologorum vnumquam probatum: ac si licet ex eorum scriptis conjecturam facere, ne notum quidem illis. Postquam verò à recentioribus Astrologis in fluentiæ inuentæ & palam probatae, ab alijs quoque doceri & defendi coepitæ sunt, quis ex Lycæo paulò grauior & probatior Philosophus non eas repudiauit atque damnauit? Festiuè quidam Asylum ignorantiae esse appellavit: ad influentias enim quasi ad vnicū per fugiū sese recipiūt, & hanc se in latebrâ coniiciūt quicunq; mirabiliū effectuū proprias & naturales causas, vulgaribus ingenijs nec in Philosophia exercitatis occultas, solerter inuestigare ac reperi non possunt. Et verò si admittuntur influentiae vix dici potest quantoperè debilitetur robur Philosophiæ, deteratur eius dignitas, auctoritas eleuetur, minuatur existimatio, denique studium eius apud homines cultusque languescat. Quid enim attinet in occultis rerum causis per quirendi

& er-

& eruendis preclara ingenia Philosophorum tanto studio & conatu laborare, cum in procliui sit, cuiuslibet effectus ex coelestibus influentijs rationem petere & afferre? quis enim effectus est, cuius naturalis & vera causa paulo obscurior & abstrusior est, quem non per istiusmodi influentias nullo negotio liceat explicare? Cur magnes ferrum ad se rapit? confessim respondebitur, quia propria eius influentia coelestis eam illi virtutem indidit. Vnde Remora tantulus piscis vim habet sistendi incitatissimum nauigium? in promptu est responso, nimis à cœlesti quadam influentia, que tanta pisciculū illum vi ac potestate roborauit. Quid moror? nullum erit problema, nihil in natura rerum adeò reconditum & ab intelligētia nostra remotum, denique nihil de his quorum peruestigatio summorum Philosophorum ingenia fatigauit & torsit, quod non quiuis è circulo Astrologorum & indoctorum hominum uno verbo, scilicet per istas influentias expedire queat.

Verūm labore quidem longius: reuertar igitur ad propositum. Si Saturnus quia lucidus est, per *tis contra* *lucem* calefacit. quomodo idem per influentiam *fluentias*. frigefacit? nonne absurdum est in eodem astro duas esse facultates, vnam calefaciendi, alteram frigefaciendi, non diuersas modò sed etiam aduersas & contrarias? cernimus ita esse natura comparatum, vt omnibus in rebus in quibus duæ insunt differentiæ vel proprietates (vt more philosophico loquar) vna generalis & quæ vni rei communis est cum alijs multis, altera specialis & propria eius rei (cuiusmodi sunt in homine sentientem esse & rationalem) vt semper differentia & proprietas specialis, nobilior & perfectior sit gene-

rali, ut quæ illam contrahit & determinat, nouæ
 perfectionis gradum & rationem ipsi adiungens:
 sicut patet in prædicto exemplo hominis, in quo
 rationale nobilis est quam sentiens. At contra
 omnino se habet res in hac mirabili Astrologorū
 doctrina. Etenim docent ipsi, in Saturno, exem-
 pli causa, duas esse proprietates seu facultates agē-
 di, vnam generalem & communem ei cum omni-
 bus astris quæ est vis illuminandi & per illumina-
 tionem calefaciendi: alteram specialem & pro-
 priā Saturni, qua ratione differt ab alijs astris, quæ
 est facultas frigefaciendi, vel aliqua alia vis alicu-
 ius influentiaz. Certum autem est, lucem cœlestem
 multo nobiliorem esse quamcumque alia qualitates
 cœlesti, & facultatem calefaciendi præstantiorem
 esse facultate refrigerandi. Præterea, duas esse im-
 re quapiam facultates & proprietates ei rei natu-
 rales, quarum altera, ut diximus, sit generalis, al-
 tera particularis, inter se contrarias, quales sunt
 in Saturno secundum istos potestas calefaciendi
 per lucem & refrigerandi per influentiam; nec fert
 natura rerum, & id fieri nō posse ratio ipsa decer-
 nit. Nam ut in corpore multiformi & quod Græ-
 ci vocant Heterogeneum, secundum diuersas par-
 tes inesse queant contrariae qualitates & facultates,
 quemadmodum contingit corpori humano in ce-
 rebro & in corde; id tamen conuenire non potest
 in astrum Saturni quod est secundum omnes par-
 tes unius formæ ac naturæ: neque enim una par-
 tis habet lucem, altera verò influentiam, sed ut
 totum est prædictum luce, ita conuenit in eo toto
 esse influentiam. Ne multa (non enim consentia-
 neum est alieno loco de Influentijs aduersus A-
 strologos subtiliter disputare) satis argumenti es-

ad tollendas influentias omnium quæ in natura rerum efficiuntur, tametsi noua, singularia, & mirabilia videantur; veras, naturales & proprias causas, atque rationes ex duobus principiis cœlestibus quæ omnibus sunt conspicua & experientis quotidianis explorata, motu dico & lucem, plenè cumulatèque ac probabilissimè peti & duci posse; Figuras porro & effigies stellarum quas designant Astrologi in Zodiaco, similitudinem, reddentes quorundam animalium vel hominum, magnam vim habere in ortu cuiusque censem. Astrologi cùm tamen per se ac natura sua non sint tales, sed solae eorum imaginatione constent, ab ipsis eo modo confictæ & figuratae: possent enim fingi etiam ad similitudinem aliorum animalium, domuum, turrium, mensarum, aliarumque rerum: quare valde friuolum & ridiculum est, in eiusmodi figuris quicquam momenti ad diuinandum esse positum existimare.

23. Vtrum astra natalitia cuiusquam possint esse certæ & causa omnium quæ ei euentura sunt.

SECUNDVM fundamentum Astrologorum est; natalitia cuiusque astra esse obseruanda: ex his enim omnes vitæ casus & euentus prouideri & prænotari posse. Sed quis non videt fundamentum hoc esse infirmissimum? cur enim Astrologi non potius obseruent tempus, & cœli atque syderum statum quo quisque in utero cōceptus, formatus & animatus est? cū in eo plus momenti esse videatur ad diuinandum: quippe tunc primum existit homo, & tunc primum vis cœlestis in homine recipitur & imprimitur: Etenim, ante ortum per nouem menses quisque fuit in utero,

Alterum. Stromantie fundamentum.
Quam irane sit. natalitia cuiusque hominis astra obseruare ad diuinandum.

potestati & actioni cœlorum subiectus. Cur item non considerant Astrologi alias constellationes & defluxus cœlestes qui contingunt homini sæpius post ortum? Cum plerumque vñu veniat, vt illæ virtutes cœlestes insigniores sint effectu, & valentiores ad immutandum hominem, quām quæ tempore ortus eius fuerunt: effectum enim illum & defluxum astrorum nascenti homini impressum, necesse est variari commutata sèpius humani corporis temperatione, vel ob alias potentes constellations, vel ob educationem, vel ob variam viuendi consuetudinem & rationem, vel ob leges patrias ad quarum normam cogitur quisque vitâ, mores, studia, & actiones conformare. Quid quod fortasse nihil illius materiæ primigeniæ quā quisque in ortu habuit, reliquum sit in extrema ætate? hoc enim visum est & multis & magnis Philosophis: nec S. Thomas in I. par. quæst. vlt. art. i. abnuere videtur. Quo concessio, vis illius primi defluxus & effectus cœlestis in ortu hominis ei indita & impressa, necessariò tandem euaneat tota. nisi fingat quispiam ciuimodi virtutem cœlestem migrare ex subiecto in subiectum, tanquam ex domo in domum mutando domicilia: aut cum præsentit interitum suum, aliam pro se sui similem & quasi vicariam virtutem substituere.

**24. Vtrum fit plus momenti in conceptu hominis,
quām in eius ortu, ad diuinandum.**

P L V S autem esse pónderis, aut certè non minus, in conceptu hominis quām in ortu, magister istorum Ptolemæus locuples testis est. Is enim in tertio Apotelesmatum ita scribit: Cum principiū tēporale hominis aliquod statuatur; quidē natura & per

An aliquid
primigeniæ
materiæ ho-
minis mane-
at per totam
vitam.

S. Thomas.

Ptolemæus.

& per se illud erit principium, cū semen vtero genitali admittitur; potentia verò & secundum accidens cum hora partus infans egreditur. Qui igitur horam admissi seminis vel casu vel obseruatione deprehendit, illam sequi potius debet in proprietatibus corporis & animi dignoscendis, considerando quæ sint eo tempore stellarum configurationes. cum enim semel à principio semen ex ambientis aëris affectione, certa qualitate disponitur, licet per consequentis conformatio[n]is tēpora varietur, quoniam tamen propriam cognatique materiam naturaliter sibi asciscit, magis etiam primæ suæ qualitatis dispositioni assimilabitur. Hæc inibi Ptolemæus. Quibus verbis non obscurè docet, primum & naturale atque efficacissimum hominis principium, esse seminis admissionem hominisque conceptum; atque huic principio potissimè insistendum & inhærendum esse ad prænoscendas hominum affectiones & euētus, tam qui ad corpus quam qui ad animam pertinēt. Sed quia benè nouerat Ptolemæus, punctum illud temporis vel admissi seminis, vel conceptus, vix cognosci posse ab Astrologis; ne illorum iudicia & diuinationes quas ipsi ducunt ex ortu hominis infirmare videretur, mox subiecit, Qui autem horam ignorant principij seminalis, eos necesse est sequi principium natuitatis. Haly nobilis Astrologus in eo libro quem scripsit de Electionibus, ingenuè fatetur, efficaciam decernendi Fatum hominis esse in hora conceptionis: sed quia hæc nec situr ab Astrologis propterea eos ad horam natuitatis confugisse. Quin cum Astrologi premuntur argumento Geminorum, quorum cum idem sit ortus, dispar tamen euentus & exitus est; re-

spondere solent diuersitatem euentuum qui sunt in Geminis, ex diuersitate conceptus eorum esse profectam.

25. De vanitate Astrologorum diuinationem suam extendentium etiam ad ciuitates, non solum ad homines.

S E D vide quo usque progressa sit istorum audacia & impudentia: etiam vrbium, non hominū modò, facta profitentur hac arte posse prænoscī & prænunciari: obseruata enim astrorum compositione quæ fuit cum vrbes conderentur, posse eorum casus euentusque omnes prospici ac prænotari. Fecit hoc in vrbe Roma rogatu Varronis,

Tarutius Ma- *dam Tarutius Mathematicus ut in Romulo tradit
thematicus.* Plutarchus: quam historiam libro 2. de Diuina-
omnia que vr
tione his verbis Cicero enarrat, Quidam L. Ta-
bi ROME con.
tigerunt ad
vim astrorum
sub que ea
vrbis à Romu-
lo condita est
referebat.

Tarutius Firmanus familiaris noster, in primis Chal-
dæis rationibus eruditus, vrbis etiam nostræ nata-
lem diem repetebat ab ijs Parilibus, quibus eam à
Romulo conditam accepimus; Romanique, cum
esset in iugo Luna natam esse dicebat, nec eius fa-
ta canere dubitabat. O vim maximam erroris. e-
tiamne Vrbis natalis dies ad vim stellarum & lu-
nae pertinebat? fac in puerō referre, ex qua affe-
ctione cœli primum spiritum duxerit: num hoc
in latere aut in cémento ex quibus Vrbs effecta est,
potuit valere? Ita Cicero.

26. Cur obseruatio astrologica non valeat aequè
in stirpibus & animalibus, quam in homini-
bus.

V E R V M, quærerem equidem ex istis Astro-
manticis, num velint eorum diuinationem etiam
in

in animantibus & stirpibus valere ut in homine? Si negent, procent scilicet suam inscitiam; & suæ artis infirmitatē inanitatē atq; fallaciā. Cur enim nō æqualiter valeat in stirpibus atque in homine? immò cur non p'us valeat? stirpes namq; multo magis quàm homo, à cœlestium corporū potestate & efficientia naturali necessitate pendent. Et cum minus multa & varia atque incerta stirpibus quàm homini soleant accidere, facilior profectò esse deberet eorum diuinatio, quæ stirpibus quàm quæ homini sunt euentura. Sin verò annuunt, similiter in stirpibus vt in hominibus valere astrologicam diuinationem; amicè rogarem ipsos vt diligentissimè obseruarent statum cœli & astrorum, eo videlicet tēpore, quo vel prunus, vel cerasus, vel pyrus sereretur; aut cum sementis tritici fieret, & ex illa cœli obseruatione promerent etiam prognostica de illis arboribus, scilicet vt diuinarent quantam illæ arbores prunorum, cerasorum, & pyrorum copiam essent laturæ: quantus item ex illa tritici semente spicarum, & in singulis spicis quantus granorum numerus esset prouenturus. hæc si negent à se posse prænosci, fateantur etiam necesse est, non posse ab ipsis futuros hominum casus eventusque profideri.

27. De antiquitate istius Astrologiae apud Aegyptios & Chaldaeos.

TER T I V M fundamentum eorundum Astrologorum est, artem hanc suam certissimis innumerabilium sæculorum experimentis, & constans tissimis obseruationibus esse comprobata. aiunt enim, hanc disciplinam profectam esse ab AEgyptijs & Babylonijis seu Chaldais, mortalium omnium antiquissimis, tradit enim Aristoteles in libro

Tertium fun-
damentum
Astromantia.

Libro. 2. de Coelo, textu 60. & extremo lib. 1. Meteororum, AEgyptios omnium hominū vetustissimos haberi: & in principio operis Metaphysicorum affirmat, AEgyptios omnium hominum vetustissimos mathematica studia tractare & colere cœpisse. Iactabant etiam olim Astrologi, Chaldaeos quadringenta & septuaginta annorum millia in periclitandis experiendisque pueris quicunque nascerentur, posuisse. Verū adeo in aperto & in promptu sunt omnibus istorum mendacia, ut à nobis ea vel confutari vel etiam indicari non sit opus. Etenim ab exordio mundi ad hanc diem, nec dum sex millia annorum effluxerunt. Ab origine verò gentis Chaldaæ, hoc est, post euersionē turris Babel, facta nempe linguarum diuisione, nō sunt adhuc quatuor millia annorum completa.

Picus Mirandulanus. Picus Mirandulanus in cap. 2. libro 12. aduersus Astrologos, testes ad redarguendam Astrologorū mentitam vetustatem adhibet Hipparchū & Ptolemæum, principes sanè astronomiæ; qui vbi pro dogmate aliquo constituendo veterum obseruationes afferunt, nullas profectò afferunt vetustiores ijs quæ sub Nabuchodonosoro Chaldaeorum rege apud AEgyptios & Babylonios fuere: ab initio autem impeij regis Nabuchodonosori ad præsentem annum qui ab ortu Domini nostri agitur millesimus quingentesimus octogesimus octauus, non plus bis mille ducetos & triginta duos annos præteriisse constat. Porrò commentitiam AEgyptiarum obseruationum antiquitatem, perbellè ridet & redarguit August. in cap. 40. libro. 18. de Ciuitate Dei: ita enim scribit: Frustrà vanissima præsumptione garriunt quidam dicentes, ex quo rationem syderum comprehēdit AEgyptius, amplius quam

quām centum annorum millia numerari. In quibus enim libris istum numerum collegerunt, qui nō multum ante annorum duo millia literas magistra Iside didicerunt? non enim parvus auctor est in historia Varro qui hoc prodidit. sic Augustinus. Sed huic disputationi in qua octo rationibus probare voluimus diuinationem astrologiam esse contrariam veræ philosophiæ, finem hoc loco statuemus.

M. Varro.

**N O N M O D O A S T R A N O N E S S E
causas, sed necesse signa rerum suu-
raturum.**

CAPVT IV.

BEATVS Augustinus lib. 5. de Ciuitate Dei, cap. 1. tradit fuisse opinionem quorundam non mediocriter doctorum hominum, quibus visum est non esse quidem astra causas humnorum euentuum, sed esse tamen eorum vera & certa signa.

**28. Vtrum astra, si non sunt cause, saltem sint certa
signa omnium futurorum.**

ORIGENES quidem certè in tomis suis super Genesim, (sic enim memorat Eusebius libro 6. de Præparatione Euangelica, cap. 9.) cum explanaret verba illa quæ sunt in primo capite lib. Geneseos. *Et erunt in signa,* è quibus videlicet verbis huius nostræ disputationis argumentum pertexuimus, prodidit astra esse à DEO posita in cœlo, ut per varios aspecus & coniunctiones præsignificarent quæ consequentibus temporibus tum

vniuersè, tum sigillatim euentura essent, non tam
men ea efficerent. Itaque cœlum esse dixit velut
quendam librum in quo Deus depinxit atque de-
scripsit quæcumque in toto mundani æui decursu,
suo quæque tempore futura sunt. Ad hoc proban-
dum, citat Origenes librum quendam cui titulus
erat, Narratio Ioseph, olim apud multos in auto-
ritatem & fidem receptum: in quo Iacob Patriar-
cha inducit filios suos alloquens hunc in mo-
dum, Legi, inquit, in tabulis cœli quæcunque cō-
tingent vobis & filijs vestris. Plotinus autem cō-
discipulus Origenes idem sensit, idque docet in
libro qui inscriptus est, Vtrum stellæ aliquid a-
gant in libro autem de Fato capit. 6. hunc præ-
terea stellarum usum esse tradit, ut qui illas suspi-
ciant & quasi literas considerent, qui nimirū hu-
iusmodi literaturam nouerunt, futura legant; ex
ipsis figuris comparatione quadam analogica, eo-
rum significationem & intellectum solerter inda-
gantes. Quin, Porphyrius affirmat, cum ipse de se
interficiendo vehementer cogitaret, Plotinū hoc
cælitus prouidisse, & tanto facinore eum prohi-
buisse.

Hanc sententiam Iulius Sirens libro 9. de Fa-
to, cap. 35. minimè damnandam censet: & quo
probabilem esse ostendat, aliquot ex diuina Scri-
ptura productis sententijs, eam ornat atque cōfir-
mat. Hoc enim, inquit, non obscurè indicat Esa-
ias cum ait in capite 34. *Complicabuntur sicut liber cœli:*
qua oratione significatur, cœlos post diem iudicij
conuoluendos esse atq; complicandos; quasi nunc
cœli instar cuiusdā lib. sint explicati & aperti no-
bis, haud dubie ad legendum. Eodem pertinet il-
lad quod est in Psalmo. 21: *Annunciabunt cœli iusti-
tiam*

Liber qui in-
scribatur

Narratio Io-
seph, ab Ori-
gene citatus.

Plotinus.

Porphyrius.

Iulius Sire-
nus.

tiam eius, & in Psalmo. 18. cœli enarrant gloriam DEI,
 & quod est in primo cap. lib. Geneseos de stellis,
Vt sit in singna, & in Psal. 88. Confitebuntur cœli mirabilia tua Domine. Nec verò, inquit Origenes, hæc opinatio tollit liberū hominis arbitriū, non magis profecto quā p̄dicta futurarū rerū à sanctis Prophetis edita, vel p̄sciētia omnium rerum quæ est in Deo. Plotinus scientiam astrorum ea ratione ut astra signa sunt humanorum euentuum, contingere homini aiebat vel singulari quodam Dei munere, vel propter eximiam astrologiæ peritiam; ad eam enim comparandam, opus esse acerrima indagatione, summaq; solertia.

Origenes.

Plotinus.

Iulius autem Sirens ne Augustinum quidem ab hac opinione abhoruisse putat: quippe in 2. libro contra Manichæos, cap. 21. cum is ageret de hominibus, quorum dum sunt in corpore mortali occulta sunt corda, ita scribit: Neque enim in illis corporibus cœlestibus sic latere posse cogitationes credendum est, quemadmodū in his corporibus latent, sed sicut nonnulli motus animorum apparent in vultu, & maximè in oculis; sic in illa perspicuitate ac simplicitate cœlestium corporum omnes omnino motus animi latere non arbitror. Hæc ibi Augustinus.

29 Vtrum secundum Augustinum astra fint signa omnium rerum humanarum.

VERVM, si quis locum hunc non prorsus in-
 consideratè legat, planè comperiet Augustinum *Ex cuius le-
 gis Augustini,* per cœlestia corpora non intelligere orbes cœle-
 stes, sed corpora beatorum hominum, post resur-
 rectionē cœlesti gloria & immortalitate donata; &
 pono-

ponere eum discriminem inter homines in hisce ca-
ducis corporibus viuentes, & eosdem post resur-
rectionem in glorificatis corporibus immortale
& beatam vitam agentes: quod illi arcana cordi-
um multiplici simulatione callidè tegat & occul-
tent, ideoque sàpè alios fallant: in his verò ma-
nifesta erunt omnium corda omnibus, omnisque
prorsus aberit simulatio, fictio atque deceptio. At-
que hunc esse verborum Augustini germanum in-
tellectum, ex proximè consequentibus eius ver-
bis palam est: haec enim subtexuit. Itaq; illi mere-
bütur habitationē illā, & cōmutationē in angelicā
formā, qui etiā in hac vita cum possint sub tuniciss
pelliccis occultare mēdacia, oderūt tamē ea, & ca-
uent flagrantissimo amore veritatis; & hoc solū te-
gunt quod ij qui audiunt ferre non possunt, sed
nulla mentiuntur. Veniet enim tempus, vt nihil
etiam contegatur, nihil est enim occultum quod
non manifestabitur. sic Augustinus. Quare cum
Augustinus satis explicatè & apertè loquatur de
corporibus hominum glorificatis, non autem de
cœlis vel astris; demiror sanè Iulium Sirenū tam
incogitanter & oscitanter legisse hunc locum, vt
propter eum maximè Augustino affinxerit huius-
modi sententiam, cuius nec ullum eo loci vestigi-
um appetet, & extat apud eundem in lib. de Ciui-
tate DEI copiosa & grauis confutatio.

30. De natura & varietate signorum.

Astronon es- se ter- ria signa C A E T E R V M , astra esse signa rerum futurarū,
verum futu- rorum. censeo equidem non solūm esse alienum à vera
philosophia, sed etiam sacris literis contrarium.
Ac licet complures earum rationum quas superi-
ori capite tractauimus, etiam valeant ad hoc pro-
ban-

bandū; nouis tamen aliquot argumentis quæ propriè eiusmodi sententiam refellant, hoc loco v-tendum est. Principio, quod est naturale signum alicuius rei, id vel eius rei causam vel effectum esse, vel utrumque ab eadem superiori & communī causa proficiēti necesse est. nam quod, præter hēc quartum membrum fingi posset, videlicet, ut illud signum necessariò sit coniunctum cum causa rei ab illo significatæ, id nō est diuersum à tertio mēbro: talis enim cōnexio & cōiunctio non aliter esse potest, quā vt causa illa prius ex se pariat id quod est signū: deinde id quod est signatū; aut vt idem quod causam excitat vel admouet ad agendū, simul etiam adhibeat & applicet id quod est signū ad præsignificandum: utrumque autem horum ad communem causam refertur. Hinc igitur argumentari licet ad hunc modum: Si cœli & sydera sunt signa omnium rerum sublunarium, vel sunt earum rerum causa, sed hoc negat ista opinio: vel sunt effectus, quod nec illi dicent, nec ullus hominum sanæ mentis audebit dicere: aut, quod tantummodo reliquum est, tam cœlestia quām sublunaria ab eadem superiori & cōmuni causa proueniunt: quemadmodum Iris signum est serenitatis, non quia sit eius causa vel effectus, sed quia eadem est communis vtriusq; causa. At causam cōmumne cœlestiū corporum & sublunariū, necesse est esse vel corporeā vel incorporeā: corpoream quidem nullam, opinor, ponent isti, nullū enim corpus superius cœlis: relinquitur igitur vt omnia referant ad causam incorpoream, hoc est, vel Deum vel Angelos qui mouent cœlos: ita vñ, dum Angeli cœlos mouent, in ipsorum cœlorum statu habituque, & in syderū positu & conformatione.

quasi quibusdam suis nutibus, & tanquam notissimis atque signis inibi descriptis euenta rerum humana-
narum prænotent atque præmonstrent. At enim uero id multis de causis non est credibile. Etenim qui sic opinantur, fateri eos oportet induci homines ab Angelis ad maxima scelera & execranda flagitia.

A d hoc, Philosophia docet, nec non Theologia idem tradit; Angelorum nullam esse actionem quam vocant transeuntem, & quæ proximè ab ipsis prouenit, aliam quam motum locale; nec Angelos posse quicquam proximè agere, præterquam mouere motu locali. Angelos verò qui circumvolant orbes cœlestes, non aliter circa res sublunares operari centent Philosophi & Theologi, quam per motum & lumen cœli; nam influentiæ à lumine omnino diuersas paulò superius sustulimus. Per motum autem & lumen cœli, omnes futuros effectus rerum sublunarum, clare distin-
ctè certoque præmonstrari, nemo dicet qui verisimilia & credibilia loqui velit. Deinde, cum eiusdem causæ duo effectus se inuicem necessariò indicant, ut ab eadem causa sic eodem quoque modo ab illa prouenire debent: alioquin fieri non potest ut se inuicem certò indicent: à Deo autem & Angelis quæ in corporibus cœlestibus fiunt, ea necessariò & inuariabiliter se habent: quæ autem in his quæ sunt infra lunam, valde mutabiliter, & ut ita loquar, defectibiliter contingunt.

Hinc alia quoque subtexuntur argumenta. Etenim, quomodo astra quæ sunt certo numero comprehensa, & temper vniuersitati & necessariò accimutabiliter ita i.e. habent, signa esse possunt omnium rerum futurarū, quæ propemodum infinitæ sunt

cæ sunt mulitudine ac varietate, & inter se plurimum differentes atque discrepantes? quomodo eadem syderum positura & conformatio, sub qua vel Gemini, vel alij quamplurimi eodem puncto temporis nascuntur, potest esse certum signū propriæ & distinctè præsignificans tot tamque varios ac dissimiles casus & euentus qui in illis cernuntur? quare, si astra sunt signa rerum futurarum, earundem quoque causas esse fatendum est: quod si causas esse negamus, etiam signa esse negandū est.

31. An Cometæ signa sint humanarum rerum.

D I C E S, cometas qui in sublimi aëre generantur, signa, esse quæ insignes admodum casus futuros portendant, quorum tamen cometæ nec causæ sint nec effectus: quare idem quoque astris accidere respectu rerum sublunarium, non esse incredibile. At ego, cometas certa signa humanorum causum & euentuum nunquam concedam, licet hoc tam vulgo persuasum sit, quām est à Sapientibus improbatum. Quod si hoc, cum vulgo consensitens opinaret, dicerem cometas à stellis rerum futurarum effectricibus excitari, vt eas res antegressi præmonstrent. De stellis autem secus est, his enim nulla est corporea causa superior.

32. An qui astra faciunt signa rerum futurarum, simul etiam necessariò inducant & astruant Fatum.

S E D quid multis moror? coguntur istius opinionis Auctores, quanquam id minimè velint, Fati necessitatē inducere: & sanè, magis etiam quām qui stellas faciunt causas rerū sublunarium.

Etenim, ut stellæ causæ sint eorum quæ sunt infra Lunā, non ideo tamen Fati necessitas existet; quod enim illarum afflatu defluxuque in terris esset efficiendum, id posset vel contrarijs materiæ affectionibus, vel obstantibus causis particularibus impediti. At si astra naturaliter futurorum rerum signa sunt, omnino eueniare necessarium est quod ab illis significatur: alioquin essent signa inania & fallacia. Et cum Deus ea instituisset ad significandum, & in cœlo tanquam in quodam volume ea descripsisset veluti notas futurorum rerum indices; si euentus rerum cum illarum significacionibus non congruerent, vel Deus earum auctor & institutor ignorans esset futurorum euentuum, vel fallax. Denique, si astra præsignificant quæ futura sunt; aut præmonstrant quæ facienda sunt à causis particularibus, non quidem omnibus sed aliquibus tantū: sed hoc improbatum est ac significati simile; cur enim stellæ prænotent futuros effectus aliquarū particulariū causarū potius quam illarum, vel cur non similiter præmonstrent omnes, cum omnium similis ratio sit? aut stellæ præsignificant omnes futuros effectus causarum omnium particularium: hoc si est, nullæ profecto reliquæ fiēt causæ per quas quo minus eueniat quod à stellis præsignificatur, impediri & prohiberi queat. Ex quo sit necessariò, ut omnia quæ infra Lunā sunt, immutabili necessitate Fati nexa vinclaque teneantur: quod nec istius sententia defensores sentiunt, & id sentire impium est.

Testimonium autem illud Elaiæ productum ex 34. capite, Cœli sicut libri complicabuntur: quod inter cœtera Scripturæ testimonia paulò superius commemorata, solum habere aliquid difficultatis,

tis, & non nihil negotij facessere videtur; variè interpretatum reperio: ita tamen, ut nulla interpretatio quæ modo vel probati sit Auctoris, vel sit ipsa probabilis, quicquam illi sententiæ suffragetur.

Iustinus martyr respondens ad questionem nona-
gestimam quam Orthodoxorum, qua quæreba-
tur quemadmodum intelligendum esset quod di-

citur ab Esaiæ, fore ut cœlum aliquando velut li-
ber complicaretur, sic ait; Quemadmodum cœli
creationem diuinæ literæ per similitudinem con-
ferunt aliquando cum pellis extensione, dicentes:

Psal. 103.

Qui extendit cœlum sicut pellem, aliquando cum
firmato fumo, *Cœlum, inquit, ceu fumus firmatū est*
aliquando cum rotunditate cameræ, *Qui extendit,*
inquit, *cœlum velut cameram :* Sic è diuerso,
cœli dissolutionem per comparationem conferunt

*Esaia 51.**iuxta 70.**Interpres.*

cum alijs rebus, ut apud Esaiam cum volumine ir-
uoluendo & implicando, sicut apud Dauidem Psal. iuxta 70.
101. cum vestimento veterascente & commutan-
te. Sic Iustinus. Hieronymus verò super illis *Beatus Hie-*
verbis hæc scribit, Considerandum, quod non di-
ronimus. *Interpres.*
cat interire cœlos, sed replicari siue complicari
quasi librum; ut postquam omnia peccata aperta
fuerint & relecta, complicentur qui prius aperti
fuerant, ut nequaquam ultra scribantur in eis de-
licta multorum. In Scriptura enim dicuntur cœli
annunciare iustitiam D E 1, reuelare iram eius,
& probare ac testificari hominum scelera.

Sanctus Thomas & Nicolaus de Lyra aliter ex-
ponunt: Complicabuntur, inquiunt, cœli tanquā *B. Thomas.*
Lyranus.
liber, hoc est, non exercebunt ultra Ethnici astro-
mantiam suam; nec posthac ex astris diuinare au-
debunt eu: nta hominum, quasi legerent in syde-

ribus descriptos casus & eventus futuros. Alij sic interpretantur: Non patebit amplius introitus in regnum cœlorum, sed ianua cœlestis clausa erit. Sunt etiam qui explanant hoc modo, Ministerium & usus cœlorum atque syderum exhibitus homini ante diem iudicij, postea esse desinet: nam licet non prorsus interibunt cœli, alio tamen statu erunt, & quibus nunc funguntur ministerijs & obsequijs hominum causa, ab illis post diem iudicij quoquo modo vacabunt: quæ vacatio pulchre declaratur ab Isaia similitudine libri, quem posteaquam eo usi sumus, nec amplius nobis usui futurus est, complicare & claudere soleamus.

Nec displaceat mihi interpretatio eorum qui a iunt, illa similitudine declarari; tantam fore diuinæ iræ & vindictæ demonstrationem aduersus gentes de quibus illic Esaias loquitur; tantam rerum omnium perturbationem & confusione; tantam denique hominum tristitiam dolorem & conflictationem; ut præ magnitudine moeroris atque doloris, & præ animi perturbatione & opres sione, videantur hominibus cœlestia lumina restinguiri, stellæ de cœlo cadere, motusque earum conturbari, denique cœlum complicari & recedere. nam quod hic dicitur complicari, in Apocalypsi dicitur, recedere vel abire. sic enim habes in cap. sexto, *Et cœlum recessit sicut liber inuolutus.*

Antiquus mos Hebreo rum scribendi etiam non valde doctis similitudo libri qua usus est Esaias, sciendum est, apud Hebreos antiquitus libros facros diuersa forma scribi & compingi solitos esse, quam nunc scribuntur libri apud nos. Habant enim unum duntaxat solium siue membranam oblongā, quæ circa cylindrum siue axem ligneum

lignem circumPLICabatur, instar lineæ telæ radio textorio circumuolutæ. Videbantur autem huiusmodi libri aliquam referre cœlorum similitudinem & imaginem; quia sicut axem illum ligneū qui in medio voluminis est, complures ipsius membranæ cœi spiræ, altera super alteram ambiunt & circumdant: ita hanc terram quæ medium totius vniuersi axem tenet, cœlestes orbes alter super alterum, collocati in orbem circumplectuntur. Verum de testimonio Esaiæ satis dictum sit; cuius cù tam multæ ac variae sint expositiones, nulla earum tamen mirificos istos astrorum Lectores, Interpretes, ac Vates adiuuat.

QVARATIONE NON NVLLI ASTROLOGI multa vera prædixerint.

CAPVT V.

RESTAT, quò tandem ad exitum hæc disputatio finemq; perducatur, vt causas aperiamus, cur permultæ quorundam Astrologorum prædictiones veræ fuerunt, & cum rebus ipsis euentisque mirabiliter cōgruentes. hanc enim questionem, cum eius mentio supra incidisset quo melius, commodiori scilicet loco tractari posset, in extremam hanc disputationem reiecimus.

Licet igitur prædictiones Astrologorum plerūque falsas esse verissimum sit, & à nobis supra sat is explicatum; quoniam tamen & olim proditum est à multis, hodieq; admodum vulgare est, quinetiam à grauibus viris, quibus non credere difficile est, pro certo traditur, fuisse quosdam Astrologos quorum pleræque omnes prædictiones veræ fuerunt, vsu ipso euentuq; comprobatae, & vix

vnum aut alterum de plurimis eorum prædictis
secus euenit quām illi prænunciauerant: age, nos
etiam hoc credere in animum inducamus, ne per-
uulgatae hominum opinioni quasi publica fide &
auctoritate confirmatae, aduersari videamur. Con-
cessa autem veritate huiusmodi prædictionū, cau-
sus eius disquiramus, videlicet qua ratione certò
potuerint ab Astrologis futūra prænunciari, quæ
quod incerta sunt, vim & notionem humanæ in-
telligentiæ fugiunt. Non longum faciam: equi-
dem assueranter affirmo, si quæ prædictiones A-
strologorum veræ fuerunt, earum veritatem non
ex veritate firmitateque artis astromanticæ quam
nullam esse satis superque ostensum est, sed alijs
ex causis proficiisci: quæ autē sint huiusmodi cau-
sæ, breuibus explicabo.

*33. Quatuor cause, propter quas nonnumquam præ-
dicta Astrologorum vera canunt.*

*34. Instinctu dæmonum agi nonnunquam homines
ad diuinandum.*

PRIMA CAVSA. Veritas istarum prædi-
ctionum nonnunquam prouenit ex pacto & soci-
etate quam iniuit Astrologi cum dæmonē; vell
ex occulto eius afflatus & instinctu, quo etiam ne-
scientes homines ad diuinandum instigātur. Hoc
tradit Augustinus extremo cap. 7. libro 5. de Ciui-
tate Dei: Non immerito, inquit, creditur, cum A-
strologi mirabiliter multa vera respōdent, occul-
to instinctu fieri spirituum non bonorum, quoru-
cura est has falsas & noxias opiniones de Astrali-
bus fatis, inferere humanis mentibus atque firma-
re, non horoscopi notati inspecti aliqua arte, qua-
nulla

nulla est. Sic Augustinus.

35. *Quot modis Dæmon futura, aut ipse praesentire,
aut homini præmonstrare soleat.*

DÆMON autem suggestit homini quod ab eo
dileinetur, vel palam se oculis eius aspectabilem
& conspicuum offerens, eumque futura humanis
verbis prædocens: vel formatis in aere vocibus
præsignificantibus futura, citra ullam corporis spe-
ciem & figuram: vel immissa scriptura aliqua qua
futurarum rerum prædictiones cōtineat: vel dor-
mienti per somnia aut vigilanti afficiendo & cō-
mouendo phantasiam, fingendoque phantasmata
idonea ad repræsentandum id quod diuinandum
est, atque incitando hominem ad prædicendum id
quod i representant phantasmata. Scire autem po-
test dæmon futura quae prædocet hominem, reue-
latione Dei per bonos Angelos ei facta: nonnun-
quam enim Deus ad agendum aliquid vtitur dæ-
monum ministerio. Solet etiam dæmon prænun-
ciare homini futura quae ipsomet postea facturus
est: solet ob incomparabilem sui motus celerita-
tem quae in longinquis locis remotisque mundi
regionibus geruntur, ea ad homines qui longissi-
mè absunt deferre. Potest item dæmon ex clande-
stini consilijs, verbis, scriptis, ex signis quae in
corpore tam exterius quam interius apparent, oc-
cultas hominum cogitationes & deliberationes
tam præsentes quam futuras solertissime conie-
ctando, cognitas habere. Idemque coniicit ex pre-
paratione causarum aliarumque rerum quae ad ge-
rendum aliquid debent concurrere. Denique, ob
incredibilem subtilitatem & soleritatem mentis, ob
tantam tot millium annorum experientiam, pro-

pter per fectam rerum omnium naturalium abso-
lutamque scientiam, callidissimus atque sagaci-
simus est ad praesentiendum & praeoscendum fu-
tura.

Augustinus. Hoc ipsum quod hic docuimus, quia enucleate
aperteque tradit Augustinus in libro 2. de Genesi
ad literam, capite 17. libet verba eius adscribere,
De fatis, inquit, syderum qualelibet eorum argu-
tias, & quasi de mathesi documentorum experi-
menta, quæ illi Apotelesmata vocant, omnino à
nostræ fidei sanitate respuamus. Talibus enim dis-
putationibus etiam orandi causas nobis auferre
conantur, & impia peruersitate malis factis quæ
rectissimè reprehenduntur, ingerunt, accusandum
potius Deum auctorem syderum, quam hominum
scelera. Ideoque fatendum est, quando ab istis ve-
ra dicuntur, instinctu quodam occultissimo dici,
quem nescientes humanæ mentes patiuntur. Quod
cum ad decipiendos homines fit, spirituum sedi-
ctorum operatio est: quibus quedam vera de tem-
poralib⁹ rebus nosse permittitur, partim quia sub-
tilioris sensus acumine, partim quia corporibus
subtilioribus vigent, partim experientia callidio-
re propter magnam longitudinem vitæ partim à
sanctis Angelis, quod ipsi ab omnipotente Deo di-
scunt etiam iussu eius sibi reuelantibus, qui meri-
ta humana occultissimæ iustitiae sinceritate distri-
buit. Aliquando autem ijdem nefandi spiritus e-
tiam quæ ipsi facturi sunt, velut diuinando prædi-
cunt. Quapropter bono Christiano, siue Mathe-
matici, siue quilibet impiè diuinantium, maximè
dicentes vera cauendi sunt, ne consortio dæmoni-
orum animam deceptam, pacto quodam societa-
tis irretiant. Haec tenus sunt Augustini verba.

36. *Quot modis & quām grauiter peccent, qui Dæmonum vel istorum Astrologorum opera utuntur ad diuinandum.*

CETERVM, grauissimo se obstringunt scele-re, quicumque cupidi futura noscendi consulunt dæmones, vel Astrologos dæmonum opera vten-tes ad diuinandum. Multis autem modis in eo ipso peccari potest: primò si quis consulat dæmo-nem de futuris, vel dæmonis discipulum Astrolo-gum, ratus esse dæmoni futura omnia exploratè percepta. hoc enim cum vnius DEI proprium sit nosse futura, si quis eandem cognitionem etiā dæ-monij tribueret, iur pietatis & idolatriæ crimen ef-set. Deinde, si criminis vertitur cum excommuni-cato ab Ecclesia communionem & societatem ha-bere, quantum crimen erit cum diabolo acerrimo Dei & Ecclesiæ inimico & implacabili hominum ho-ste, pacto & societate cōiunctum esse? & queā Deus ab omni societate fidelium ablegauit ad in-feras & tartareas sedes, æternisque supplicijs má-cipauit, eo & amico, & magistro atq; doctore vti-velle? Postea, qui dæmonis familiaritate vtitur in magnum certumque periculum animam suam o-bijcit, vtpote quam dæmon eiusmodi prædictionū illecebris circumuenire ac perdere vehementer cupit. Peccat etiam grauissimè, quisquis Astrolo-gos consulit, quo per illos aliorum hominum oc-culata peccata cognoscat. His accedit, immane fla-gitium esse, propterea dæmonem vel Astro-logum consulere, vt eorum cōsilio
vel auxilio magnum aliquod
scelus perpetrari queat.

37. *Istius-*

37. *Istiusmodi Astrologos ferè improbos & flagitos eff.*

Istos autem veridicos, ut ferunt, Astrologos demonum esse familiares & discipulos, multa nec obscura sunt indicia: Primò, improbitas morum vitæque impuritas & fôrdes: Tum, contemptus omnium quæ ad Christianæ disciplinæ ac pietatis cultum exercitatiōnemque pertinēt: Postea, ostendisse lucem, fugitare conspectum congressumque hominum, raro versari in publico, ferè in obscuro & abdito, prôculque arbitris viuere: Ad hoc, de ipsorum fide ac religione, mala, nec sanè immerito ac temerè, hominum existimatio: Deniq; multi de istis capti à censoribus fidei nostræ, quos Inquisitores vocant, vel vltro vel coacti, habita scilicet quæstione admotisque cruciatibus, suam cum dæmone societatem & familiritatem cōfessi sunt verùm de prima causa satis.

Augustinus. SECUND A CAVSA. Astrologos diuinare futura, nonnunquam accidit ex occulta diuinæ prudentiæ dispositione quæ, vt in 4. & 7. lib. Confessionum inquit Augustinus, cæcas & improbas mentes consultorum aliquoties ignoto quodam instinctu sic agitat, vt neſcientes proferant, quæ consulentes vel ex eorū meritis vel ex abyſſo iusti iudicij Dei oporteat audire.

38. *De vſu ſortium apud Antiquos ad praenſcenda futura.*

HVC refere etiam conuenit ſortes antiquis vſitatas, quando videlicet verſibus aliquius poëtæ ſortitò acceptis, quid eis futurum portenderetur, inquirebant: quo modo nonnunquam contingebant illis carmina vel praesentibus, vel futuris negotijs

negotijs mirè congruentia: velut Alexandro Seuero etiamnum adolescenti, nec imperium speranti, dum Virgilianas sortes scrutatur, versus ex libro AEneidos 6. exiēre, qui futurum illi imperium præsignificabant his verbis.

*Tu regere imperio populos Romane memento:
Hab tibi erunt artes, pacisq; imponere morem;
Parcere subiectis, & debellare superbos..*

N E C mirum ita euenire, D E O volente ideoque mentem mouente, linguam moderante, & sortes aptè ad id quod præsignificari vult miscente ac temperante: qui non solùm ex ore Balaam arioli & falsi vatis, sed etiam ex ore asinæ qua ille ariolus vehebatur, verissima futurorum edidit oracula.

Num. 24.
C. 24.

39. *Permissu DEI, nimis cupidos sciendi futura, laqueis dæmonum irretiri, & varijs ac perniciosis erroribus implicari.*

N O N est hoc loco in præteritis reliquendurn, quod valde sapienter & salutariter monet Augustinus in libro 2. de doctrina Christiana, cap. 22. & 23. ait enim permisso Dei nonnunquam usu venire, ut dæmones vel per ipsos etiā homines multa vera prædicant, quod nonnulli eiusmodi diuinationum, etiam cum superstitione atque impietate nimium studiosi atque curiosi, noxia periuasione seducti, in maiora & magis execranda flagitia, ita se derelinqui à Deo promeriti præcedentibus suis peccatis, prolabantur. Sed præstat hic Augustini verba subscribere. Hinc fit, inquit, ut occulto quodam iudicio diuino cupidi malarum rerum

rerum homines tradantur illudendi & decipiendi, pro meritis voluptatum suarum illudentibus eos atque decipientibus præuaricatoribus Angelis; quibus ista pars mundi infima secundum pulcherrimum ordinem rerum, diuinæ prouidentiæ lege subiecta est. Quibus illusionibus & deceptionibus euenit, ut istis superstitionis & pernitiosis diuinationum generibus, multa præterita & futura dicantur, nec aliter accident quām dicunt: multaque obseruantibus secundū obseruationes suas eueniant. quibus implicati curiosiores fiant & se se magis magisque inferant multiplicibus laqueis perniciosissimi erroris. Hoc genus fornicationis animæ salubriter diuina Scriptura non tacuit, neque ab ea sic deterruit animam, vt propterea talia negaret esse sectanda, quia falsa dicuntur à professoribus eorum, *Sed etiam si dixerint vobis, inquit, & ita euenierit, ne credatis eis.* Non enim quia imago Samuelis mortui Sauli regi vera prænunciauit, propterea talia sacrilegia quibus imago illa præsentata est minus execranda sunt: aut quia in Actibus Apostolorum ventriloqua foemina verum testimoniū perhibuit Apostolis Domini; ideo Paulus Apostolus pepercit illi spiritui, ac non potius illius dæmonij correptione atq; exclusione mundauit. Omnes igitur artes huiusmodi vel nugatoria vel noxiæ superstitionis, ex quadam pestifera societate hominum & dæmonum, quasi pacta infidelis & dolosæ amicitiæ constituta, penitus sunt repudianda & fugienda Christiano. Sic Augustinus. His causas adiiciunt quidam alias duas, minus fortasse probabiles, non minus tamen frequentes usque compertas.

40. *Multos diuinare futura, magis ex prudentia & r̄sū rerum humanarum, quam ex arte astrologica.*

TERTIA CAVSA. Non pauci diuinant nō tam peritia artis astromanticæ quæ nulla est, quā singulari quadam sagacis ingenij solertia, & multiplici humanarum rerum peritia v̄fusque, & exquisita eorum hominī quibus diuinatio sit, negotiorum, morum, studiorum, & ingeniorum obseruatione atque notitia. Etenim quidam sunt qui perspectis quorundam hominum temperamentis & affectionibus corporum, studijs item, exercitationibus, institutis, familiaritatibus, denique virtutibus aut vitijs, multa euentura eis prouident, ipſisque magna affeueratione & auctoritate prænunciant ac plerumque diuinant. Ad hoc genus diuinationum pertinet, si quis principem tyranicē tractantem ciues, & crudeli dominatiū prementem, à suis eum occisū iri prædixerit hominemque frequentissimum in furtis & rapinis, ſuspendio periturum; religionis contemptorem, falſaque doctrinę proſeminatorem contra veritatem fidei & Ecclesiæ Catholicæ auctoritatem, ignis suppicio mulctatum iri. Hoc genere diuinationis vſus est Annibal qui perspecta imperitia atque temeritate Terentij Varronis & C. Flamminij Romanorum Coss. & Imperatorum, Afris victoriā, Romanis insignem cladem valde fidenter & affeueranter prædictit; eamque prædictionem mox certaminis exitus, plurimis Romanorum millibus interfectis, comprobauit.

*Diuinatio
Annibalis.*


41. *Nihilam credulitatem ac levitatem consulētum
Astrologos, interduin conducere ut eorum p̄adi-
cta vera cadant.*

Q T A R T A C A V S A. Non raro Astrologo-
rum opinatio vera existit ob stultam consulēti-
um credulitatem : multi namque facillime cre-
dunt quæ dicuntur ipsis de rebus quas vel maximè
optant, vel timent vehementer atque perhorres-
cent. Solet enim eiusmodi credulitas instillare
animis cōsulentium magnam spem rei bonæ à di-
uinis promissæ, vel ingentem metum inijcere tri-
stium & acerborum casuum calamitatisque ab il-
lis prænunciatae. Hi autē duo affectus animi, cū
potentissimi sint ad afficiendū & cōmouendū ho-
minē, crebrò efficiūt, ac certè multū proficiunt, vt
humana negotia ad p̄dictos fines perducantur.
Etenim vehemens quedam spes ardensque deside-
rium excitant atque incitant homines vt ad bona
ipsis promissa sedulo se cōparent, & omnibus
suis opibus viribusque contendant : quo fit, vt ob
eam rei plerumque quò intendunt, optatorum
suorum & alienorum promissorum compotes fa-
cti, perueniant. Ex aduerso autem metus, pāuor,
horrorque p̄dictorum malorum atque calami-
tatum, s̄pē faciunt homines cunctanter ac dubi-
tanter aggredi négotia, timide ac neglienter per-
sequi, & quocumque obiecto impedimento turpi-
ter & infeliciter deserere, eaq; ratione in prænun-
ciata ipsis mala delabi. Luculenta eius rei exem-
pla reperimus in Romano exercitu, cui (vt scri-
bit Liuius) cum auguriā & auspicio secreto inspe-
cta infaustum belli exitum minarentur auspices
& duces ne militem in arma euntē funesto nuncio-

consternarent, versis in contrariam partem auspicijs omnia fausta & triumphalia portēdi & à Dijs promitti mentiti sunt. quo mendacio vtiliter decepti milites, alacriter prælium inierunt, fortiter pugnarunt, & hostes quos auguria viñores fore præmonstrabant, foeliciter vicerunt. Contra vero cum Nicias dux classis Atheniensium, incognita sibi lunæ defectione portendi ratus classis naufragium, si ea nocte portum egrederetur, cum stulto metu occupatus oppressusque discessum differt; à Siracusaniis cum tota classe captus est. *Nicæ ducis Atheniensium exitialis in scitia.*

rūm ne disceptatio hæc longius quam initio promisimus, & quam fert instituti nostri ratio producatur, hic finem disputandi de diuinatione astrologica faciemus.

E I N I S.



Q

IN-

INDEX RERVM
PRAECIPVARVM IN TRA-
ctatu de Magia contentarum.

A.

- A**rchimedus sphaera. fol. 127
Archimedus scientia potentia. 159
Actio Daemonum est duplex. 31
Apollonij fabula leonis, 34
Astronomica Magia quid sit. 50
Aurum chimicum non potest vendi pro vero. 72
Argentum viuum non est materia omnium metallo-
rum sicut nec sulphur. 74
Authoris sententia de auro alchimistico. 81
Animalia generari possunt solo calore ignis. 83
Auripigmentum est species veri auri. 83
Alchimiae ars cur non videatur esse vera. 84
Alchimiae usus non est permittendus in republica. 85
An aliquid primigeniae materiae hominis maneat per
totam vitam. 212
Annibalis somnium de vastatione Italiae. 127
Alexandri Magni somnium. 129
Animus noster cur sit habilior in somno ad percipien-
das reuelationes diuinias. 136
Argumenta S. Scripturæ quibus astrologica diuinatio
refellitur. 159
D. Augustini notabilis oratio in reconciliatione cum
Eccles.

INDEX.

<i>Ecclesia cuiusdam Mathematici.</i>	165
<i>Animaduersio in Petrum de Aliaco.</i>	167
<i>Argumentatio valida contra Astrologos.</i>	169
<i>Astrologorum prædictiones si essent vere, essent odiose hominibus.</i>	192
<i>Astrologorum prædictiones cui generi hominum arrideant.</i>	313
<i>Astrologorum fundamenta.</i>	214
<i>Aristotelis sentētia tollunt ē medio Astromantiā.</i>	202
<i>B. Ambrosius comparat prædictiones astrologorum tela aranea.</i>	220
<i>Astra non esse certa signa rerum futurarum.</i>	221
<i>Annibalis diuinatio.</i>	240
<i>Auctoris sententia quomodo facta sit à Magis Pharaonis virgarum in serpentes mutatio.</i>	III.107
<i>Amnes retrofluentes.</i>	35

B.

<i>Boëtij opera mira.</i>	19
<i>D. Basilij argumentatio contra Astrologos.</i>	177

C.

<i>Columba lignea volans.</i>	19
<i>Caput aneum loquens.</i>	19
<i>Calor cœlestis & elementaris non differunt specie.</i>	82
<i>Cham fuit idem qui Zoroastres.</i>	87
<i>Caßiani opinio de origine Magie.</i>	89
<i>Causæ quinq^u cur dormientibus multa diuinitus reuelentur.</i>	135
<i>Causæ quatuor cur diuina somnia sint aliquando obscura.</i>	141
<i>Caietani sētētia aduersus p̄dictiones astrologorū.</i>	163

INDEX.

Catonis dictum in Astrologos.

200

D.

- Dæmones cur simulent animas demortuorum. 65
 Deus cur sit passus prodigia fieri à Magis. 112
 Dæmonum natura & munus secundum Platonē. 122
 Dæmones cur olim non doctis sed imperitis semnia de-
 derint. 139
 Dæmonum astutia in dandis somnijs. 141
 Deus varijs modis afficit homines per somnia. 143. 174
 Decreta contra Astrologos iudiciarios. 157
 Dilemma aliquod contra Astrologos. 192

E.

Epicureorum opinio de somnijs.

117

G.

- D. Gregorius sex somniorum causas tradit. 125
 Eiusdem memorabilis sententia de somnijs. 132

H.

- Historia Iannis & Mambris Magorū Pharaonis. 104
 Homeri commentum pro distinctione verorum som-
 niorum. 120
 Hebraorum antiquus mos scribendi. 228

L.

Luniarum ingenium & libido.

111

Liberi arbitrij usus nunquā est perfectus in somno. 147

M.

- Magorum figura. 83
 Magorum opera varia. 55
 Magi Persarum quales. 18

Magia.

INDEX.

<i>Magia naturalis.</i>	13-
<i>Magia naturalis triplex.</i>	14
<i>Magi quomodo daemonibus imperent.</i>	26
<i>Magia varie species.</i>	48.66
<i>Magia vsus.</i>	99
<i>Magia vetita diuinis legibus.</i>	<i>ibid.</i>
<i>Magie vnde tanta authoritas.</i>	94
<i>Magie origo prima à Damone.</i>	90
<i>Miraculum quid sit.</i>	44
<i>Miraculorum verorum tres gradus.</i>	45
<i>Miraculorum verorum quinq^u, differentiae à falsis Cr. simulatis.</i>	45
<i>Moriuos nulla vi magica posse reuiuiscere.</i>	12

N.

<i>Necromantia vsus antiquus.</i>	60
<i>Necromantia confutatio.</i>	62
<i>Nicia ducis Atheniensium infititia exitialis.</i>	232

O.

<i>Opera quæ possunt demones facere.</i>	32
<i>Opiniones tres deserpentibus Magorum Pharaonis.</i>	105. 106 107.
<i>Oenomaus confutator oraculorum Apollinis.</i>	160
<i>Origenes disputatio contra Astrologos.</i>	166

P.

<i>Porphyrii dubitationes nouem, quomodo Magi demones inuocent.</i>	27
<i>Philonis sententia de origene Magie.</i>	86
<i>Porphyrius quid senserit de veritate somniorum.</i>	123
<i>Pythagoras & consuetudo.</i>	124

INDEX.

Petrus Aliacus plurimum peccauit contra chronographiam.	198
Professores diuinandi futura, aliquando fuisse eieclos e ciuitatibus.	210

R.

Remora pisces.	21
Refellitur ars Cabalistica tanquam inanis.	53
Rationes quinq ^u , pro Alchymistis.	78
Religio & disciplina Christi tenebras Magicarum ar- tium ē mundo discussit.	95
Ratio cognoscendi somnia duplex.	131
Ratio quadam contra Astromantiam.	162

S.

Salomonis Magia naturalis.	20
Statua per se incidentes.	33
Statua loquentes more humano.	33
Samuel an fuerint verus qui per Phytonissam repræ- sentatus est Sauli.	56
Smerdes Magus inuasit regnum Persarum.	69
Sulphur non est materia metallorum omnium.	74
Somnia omnia esse vera Stoicorum & Phythagoræ opinio.	116
Sententia quadam vera de somnijs.	118
Somniorum causa.	118. 128. 130.
Sententiae variae de causis somniorum.	121
Somnium Cyri.	ibid.
Synesius mira sed falsa de spiritu phantastico tradit. 124	
Somniorum demonis duo genera.	129
Somnia quadam imp̄ijs hominibus data sunt à Deo. 140	
Somni-	

*os niorum quatuor genera sine vitio possunt obser-
uari.* 142

Somnium Salomonis cur illi fuerit datum, 150

T.

. Thomae sententia de operibus Magorum. 11

B. Thomae argumentum contra Necromantiam. 62

To stimonia scripturae de somnijs. 119

B. Tertulliani sententia de Necromantia. 64

V.

*Voces quomodo possint esse causa efficientes rerum ali-
quarum.* 24

Vtilitates artis Chimicae. 76

*Vanitas maior eorum qui obseruant somnia quam a-
stra.* 145

Vsus rationis sape est liber in somno. 147

*Vita hominis est instabilis, qui non secundum ratio-
nem sed sensum viuit.* 192

X.

Xenophanis & Epicuraorum opinio de somnijs. 117

Z.

Zoroastres Magiae parens. 86

Zodiacus apud Astrologos duplex. 176

